

# බුද්දකනිකායෙ වුළුනිද්දෙස-අට්ඨකථා



ධම්මවිවය

## පටුන

<b>පාරායනවග්ගනිද්දෙසො .....</b>	<b>1</b>
1. අජිතමාණවසුත්තනිද්දෙසවණ්ණනා .....	1
2. තිස්සමෙත්තෙය්‍යමාණවසුත්තනිද්දෙසවණ්ණනා .....	7
3. පුණ්ණකමාණවසුත්තනිද්දෙසවණ්ණනා .....	9
4. මෙත්තගුමාණවසුත්තනිද්දෙසවණ්ණනා .....	15
5. ධොතකමාණවසුත්තනිද්දෙසවණ්ණනා .....	22
6. උපසිවමාණවසුත්තනිද්දෙසවණ්ණනා .....	23
7. නන්දමාණවසුත්තනිද්දෙසවණ්ණනා .....	26
8. හෙමකමාණවසුත්තනිද්දෙසවණ්ණනා .....	27
9. තොදෙය්‍යමාණවසුත්තනිද්දෙසවණ්ණනා .....	28
10. කප්පමාණවසුත්තනිද්දෙසවණ්ණනා .....	28
11. ජතුකණ්ණිමාණවසුත්තනිද්දෙසවණ්ණනා .....	30
12. භද්‍රාවුධමාණවසුත්තනිද්දෙසවණ්ණනා .....	36
13. උදයමාණවසුත්තනිද්දෙසවණ්ණනා .....	37
14. පොසාලමාණවසුත්තනිද්දෙසවණ්ණනා .....	40
15. මොසරාජමාණවසුත්තනිද්දෙසවණ්ණනා .....	56
16. පිඬිගියමාණවසුත්තනිද්දෙසවණ්ණනා .....	64
17. පාරායනත්ථුතිගාථානිද්දෙසවණ්ණනා .....	66
18. පාරායනානුගීතිගාථානිද්දෙසවණ්ණනා .....	67
<b>බග්ගවිසාණසුත්තනිද්දෙසො .....</b>	<b>76</b>
බග්ගවිසාණසුත්තනිද්දෙසවණ්ණනා .....	76
1. පඨමවග්ගවණ්ණනා .....	76
2. දුතියවග්ගවණ්ණනා .....	102
3. තතියවග්ගවණ්ණනා .....	108
4. චතුත්ථවග්ගවණ්ණනා .....	114
නිගමනකථා .....	120

“ධම්මා සුභා ධාතා චචසා පරිචිතා මනසානුපෙක්ඛිතා දිට්ඨියා සුප්පට්ඨිද්ධා.”

(මහා සුඤ්ඤත සූත්තං; මජ්ඣිම නිකායො, උපරිපණ්ණාසකො, සුඤ්ඤත වග්ගො.)

පටුන සංස්කරණය - හික්මු ධම්මවිහාරී

(පට්ඨ සංභායනා ත්‍රිපිටක වැඩසටහනින් උපුටා සකසන ලදී)

නමො තස්ස භගවතො අරහතො සම්මාසම්බුද්ධස්ස

## බුද්දකනිකායෙ

### චූළනිද්දෙස-අට්ඨකථා

#### පාරායනවග්ගනිද්දෙසො

##### 1. අජිතමාණවස්සන්තනිද්දෙසවණ්ණනා

පාරායනවග්ගස්ස පටිමෙ අජිතස්සන්තනිද්දෙසෙ -

1. “කෙනස්සු නිවුතො ලොකො, (ඉච්චායස්මා අජිතො),  
කෙනස්සු නප්පකාසති;  
කිස්සාහිලෙපනං බුසි, කිංසු තස්ස මහබ්බය”න්ති. -

අජිතමාණවස්ස පුච්ඡිතෙ පටිමපඤ්ඤෙ ව උපරුපරිපඤ්ඤෙ ව නිද්දෙසෙසු ව  
වුත්තඤ්ඤෙ උත්තානඤ්ඤෙ වජ්ජෙත්වා විසෙසමෙව චක්ඛාම. තත්ථ නිවුතොති  
පටිච්ඡාදිතො. කිස්සාහිලෙපනං බුසිති කිං අස්ස ලොකස්ස අහිලෙපනං  
වදෙසි?

ආවුතොති ආවරිතො. නිවුතොති පටිච්ඡාදිතො. ඔවුතොති හෙට්ඨා  
පටිච්ඡාදිතො. පිහිතොති උපරිභාගෙන ඡාදිතො. පටිච්ඡන්තොති අවිච්චො.  
පටිකුජ්ජිතොති අධොමුඛං ඡාදිතො.

නප්පකාසතිති නප්පකාසො හොති. නප්පභාසතිති ඤාණප්පභාසං න  
කරොති. න තපතිති ඤාණතපං න කරොති. න විරොචතිති ඤාණවිරොචනං  
න කරොති. න ඤායතිති න ඡානීයති. න පඤ්ඤායතිති නප්පඤ්ඤායතෙ.

කෙන ලිත්තොති කෙන ලිම්පිතො. සංලිත්තො උපලිත්තොති  
උපසග්ගෙන පදං වඩ්ඪිතං. ආචික්ඛසි නිද්දෙසවසෙන. දෙසෙසි  
පටිනිද්දෙසවසෙන. පඤ්ඤපෙසි තෙන තෙන පකාරෙන. අත්ථං  
බොධෙන්තො පටිඨපෙසි. තස්සත්ථස්ස කාරණං දස්සෙන්තො විවරසි.  
බ්‍යඤ්ජනභාවං දස්සෙන්තො විහජසි. නිකුජ්ජිතභාවං ගම්භීරභාවඤ්ඤෙ  
හරිත්වා යොතුනං ඤාණස්ස පතිට්ඨං ජනයන්තො උත්තානීකරොසි.  
සබ්බෙහිපි ඉමෙහි ආකාරෙහි යොතුනං අඤ්ඤාණන්ධකාරං විධිමෙන්තො  
පකාසෙසිති එවං අත්ථො දට්ඨබ්බො.

2. වෙච්චිජා පමාදා නප්පකාසතිති මච්ඡරියහෙතු ව පමාදහෙතු ව  
නප්පකාසති. මච්ඡරියං හිස්ස දානාදීහි ගුණෙහි පකාසිතුං න දෙනි, පමාදො  
සීලාදීහි. ජප්පාහිලෙපනන්ති තණ්හා අස්ස ලොකස්ස මක්කට්ඨෙපො විය  
මක්කට්ඨස්ස අහිලෙපනං. දුක්ඛන්ති ජාතිආදිකං දුක්ඛං.

යෙසං ධම්මානන්ති යෙසං රූපාදිධම්මානං. ආදිතො සමුදාගමනං පඤ්ඤායතීති පටිමනො උප්පාදො පඤ්ඤායති. අත්ථභිගමනො නිරොධො පඤ්ඤායතීති භඪගතො නිරුප්ඤ්ඤායති. කම්මසන්තිස්සිතො විපාකොති කුසලාකුසලවිපාකො කම්මං අමුඤ්චිත්වා පචත්තනතො කම්මසන්තිස්සිතො විපාකොති වුවිචති. විපාකසන්තිස්සිතං කම්මන්ති කුසලාකුසලං කම්මං විපාකස්ස ඔකාසං කත්වා ධීතත්තා විපාකසන්තිස්සිතං කම්මන්ති වුවිචති. නාමසන්තිස්සිතං රූපන්ති පඤ්චවොකාරො රූපං නාමං අමුඤ්චිත්වා පචත්තනතො නාමසන්තිස්සිතං රූපන්ති වුවිචති. රූපසන්තිස්සිතං නාමන්ති පඤ්චවොකාරො නාමං රූපං අමුඤ්චිත්වා පචත්තනතො රූපසන්තිස්සිතං නාමන්ති වුවිචති.

3. සචන්ති සබ්බධි සොතාති සබ්බෙසු රූපාදිආයතනෙසු තණ්හාදිකා සොතා සන්දන්ති. කිං නිවාරණන්ති තෙසං කිං ආවරණං කා රක්ඛා. සංවරං බුච්ඡිති තං තෙසං නිවාරණසම්බාතං සංවරං බුච්ඡි. එතෙන සාවසෙසප්පභානං පුච්ඡති. කෙන සොතා පිට්ඨයරොති කෙන ධම්මෙන එතෙ සොතා පිට්ඨයන්ති පච්ඡිජ්ජන්ති. එතෙන අනවසෙසප්පභානං පුච්ඡති.

සචන්තීති උප්පජ්ජන්ති. ආසචන්තීති අධොගාමීතො හුත්වා සචන්ති. සන්දන්තීති නිරන්තරගාමීතො හුත්වා සන්දමානා පචත්තන්ති. පචත්තන්තීති පුනස්පුනං චත්තන්ති.

4. සති තෙසං නිවාරණන්ති විපස්සනායුත්තා කුසලාකුසලධම්මානං ගතියො සමන්වෙසමානා සති තෙසං සොතානං නිවාරණං. සොතානං සංවරං බුච්ඡිති තමෙවාහං සතිං සොතානං සංවරං බුච්ඡිති අධිප්පායො. පඤ්ඤායෙතෙ පිට්ඨයරොති රූපාදිසු පන අනිච්චතාදිපට්ඨෙධසාධිකාය මග්ගපඤ්ඤාය එතෙ සොතා සබ්බෙසො පිට්ඨයන්ති.

පච්ඡිජ්ජන්තීති උච්ඡිජ්ජන්ති. සමුදයඤ්චාති පච්චයඤ්ච. අත්ථභිගමඤ්චාති උප්පන්නානං අභාවගමනඤ්ච, අනුප්පන්නානං අනුප්පාදං වා. අස්සාදඤ්චාති ආනිසංසඤ්ච. ආදීනවඤ්චාති දොසඤ්ච. නිස්සරණඤ්චාති නික්ඛමනඤ්ච.

5. පඤ්ඤා වෙවාති පඤ්ඤාගාලාය යා වායං තයා වුත්තා පඤ්ඤා, යා ච සති, යඤ්ච තදවසෙසං නාමරූපං, එතං සබ්බමිපි කත්ථ නිරුප්ඤ්ඤා. එතං මෙ පඤ්ඤං පුට්ඨො පබුච්ඡිති එවං සබ්බෙපත්ථො වෙදිතබ්බො.

කත්ථෙතං උපරුප්ඤ්ඤාති එතං නාමරූපං කත්ථ න භවති. වුපසම්මතීති නිබ්බාති. අත්ථං ගච්ඡති අභාවං ගච්ඡති. පටිප්පස්සම්භතීති සන්තිසීදති.

6. විස්සජ්ජනගාලාය පනස්ස යස්මා පඤ්ඤාසතියො නාමෙනෙව සඪගහං ගච්ඡන්ති, තස්මා තා විසුං න වුත්තා. අයමෙත්ථ සබ්බෙපත්ථො —

යං මං ත්වං, අජිත, එතං පඤ්භං අප්පච්ඡි - “කත්ථෙතං උපරුජ්ඣති” ති,  
තදෙනං යත්ථ නාමඤ්ච රුපඤ්ච අසෙසං උපරුජ්ඣති, තං තෙ වදාමි. තස්ස  
තස්ස හි විඤ්ඤාණස්ස නිරොධෙන සහෙව අප්පබ්බං අවර්මං එත්ථෙතං  
උපරුජ්ඣති, එත්ථෙව විඤ්ඤාණනිරොධෙන නිරුජ්ඣති එතං,  
විඤ්ඤාණනිරොධා තස්ස තස්ස නිරොධො හොති, තං නාතිවත්තති චුත්තං  
හොති.

සොතාපත්තිමග්ගඤ්ඤාණෙන අභිසම්බාරවිඤ්ඤාණස්ස නිරොධෙනාති  
සොතාපත්තිමග්ගසම්පයුත්තපඤ්ඤාය  
කුසලාකුසලචෙතනාසම්පයුත්තචිත්තස්ස අභබ්බුජ්ජත්තිකවසෙන  
නිරුජ්ඣතෙන. තත්ථ දුට්ඨො නිරොධො අනුපාදින්නකනිරොධො  
උපාදින්නකනිරොධොති. සොතාපත්තිමග්ගෙන හි චත්තාරි  
දිට්ඨිසම්පයුත්තාති විචිකිච්ඡාසහගතන්ති පඤ්ච චිත්තාති නිරුජ්ඣන්ති,  
තාති රූපං සමුට්ඨාපෙත්ති. තං අනුපාදින්නකරූපක්ඛන්ධො, තාති චිත්තාති  
විඤ්ඤාණක්ඛන්ධො, තංසම්පයුත්තා වෙදනා සඤ්ඤා සම්බාරා තයො  
අරූපක්ඛන්ධා. තත්ථ සචෙ සොතාපන්නස්ස සොතාපත්තිමග්ගො  
අභාවිතො අභවිස්සා, තාති පඤ්ච චිත්තාති ඡසු ආරම්මණෙසු පරියුට්ඨානං  
පාපුණෙය්‍යං. සොතාපත්තිමග්ගො පන තෙසං පරියුට්ඨානුජ්ජත්තිං  
වාරයමානො සෙතුසමුග්ගානං අභබ්බුජ්ජත්තිකභාවං කුරුමානො  
අනුපාදින්නකං නිරොධෙති නාම. සකදාගාමිමග්ගෙන චත්තාරි  
දිට්ඨිවිජ්ජයුත්තාති ද්වෙ දොමනස්සසහගතාතිති  
ඔළාරිකකාමරාගඛ්‍යාපාදවසෙන ඡ චිත්තාති නිරුජ්ඣන්ති.  
අනාගාමිමග්ගෙන අණුසහගතකාමරාගඛ්‍යාපාදවසෙන තාති එව ඡ චිත්තාති  
නිරුජ්ඣන්ති. අරහත්තමග්ගෙන චත්තාරි දිට්ඨිවිජ්ජයුත්තාති  
උද්ධච්චසහගතඤ්චාති පඤ්ච අකුසලචිත්තාති නිරුජ්ඣන්ති. තත්ථ සචෙ  
තෙසං අරියානං තෙ මග්ගා අභාවිතා අස්සු, තාති චිත්තාති ඡසු ආරම්මණෙසු  
පරියුට්ඨානං පාපුණෙය්‍යං. තෙ පන තෙසං මග්ගා පරියුට්ඨානුජ්ජත්තිං  
වාරයමානා සෙතුසමුග්ගානං අභබ්බුජ්ජත්තිකභාවං කුරුමානා  
අනුපාදින්නකං නිරොධෙති නාම. එවං අනුපාදින්නකනිරොධො  
වෙදිතබ්බො.

සචෙ පන සොතාපන්නස්ස සොතාපත්තිමග්ගො අභාවිතො අභවිස්සා,  
යපෙත්වා සත්ත භවෙ අනමතග්ගෙ සංසාරවට්ටෙ  
උපාදින්නකක්ඛන්ධජ්ජවත්තං පවත්තෙය්‍ය. කස්මා? තස්ස පවත්තියා  
හෙතුනං අත්ථිතාය. තිණි සංයොජනාති දිට්ඨානුසයො විචිකිච්ඡානුසයොති  
ඉමෙ පන පඤ්ච කිලෙසෙ සො මග්ගො උජ්ජජ්ජමානොව සමුග්ගාතෙති.  
ඉදාති කුතො සොතාපන්නස්ස සත්ත භවෙ යපෙත්වා අනමතග්ගෙ  
සංසාරවට්ටෙ උපාදින්නකජ්ජවත්තං පවත්තිස්සති. එවං  
සොතාපත්තිමග්ගො උපාදින්නකජ්ජවත්තං අජ්ජවත්තං කුරුමානො  
උපාදින්නකං නිරොධෙති නාම.



සථෙ සකදාගාමීස්ස සකදාගාමීමග්ගො අභාවිතො අභවිස්සා, යපෙත්වා ද්වෙ භවෙ පඤ්චස්ස භවෙස්ස උපාදින්නකප්පවත්තං පවත්තෙය්‍ය. කස්මා? තස්ස පවත්තියා හෙතුනං අත්ථිතාය. ඔළාරිකානි කාමරාගපටිසසංයොජනානි ඔළාරිකො කාමරාගානුසයො පටිසානුසයොති ඉමෙ පන වත්තාරො කිලෙසෙ සො මග්ගො උප්පජ්ජමානොව සමුග්ගාතෙති. ඉදානි කුතො සකදාගාමීස්ස ද්වෙ භවෙ යපෙත්වා පඤ්චස්ස භවෙස්ස උපාදින්නකප්පවත්තං පවත්තිස්සති. එවං සකදාගාමීමග්ගො උපාදින්නකප්පවත්තං අප්පවත්තං කුරුමානො උපාදින්නකං නිරොධෙති නාම.

සථෙ අනාගාමීස්ස අනාගාමීමග්ගො අභාවිතො අභවිස්සා, යපෙත්වා එකං භවං දුතියභවෙ උපාදින්නකප්පවත්තං පවත්තෙය්‍ය. කස්මා? තස්ස පවත්තියා හෙතුනං අත්ථිතාය. අණුසහගතානි කාමරාගපටිසසඤ්ඤාජනානි අණුසහගතො කාමරාගානුසයො පටිසානුසයොති ඉමෙ පන වත්තාරො කිලෙසෙ සො මග්ගො උප්පජ්ජමානොව සමුග්ගාතෙති. ඉදානි කුතො අනාගාමීස්ස එකං භවං යපෙත්වා දුතියභවෙ උපාදින්නකප්පවත්තං පවත්තිස්සති. එවං අනාගාමීමග්ගො උපාදින්නකප්පවත්තං අප්පවත්තං කුරුමානො උපාදින්නකං නිරොධෙති නාම.

සථෙ අරහතො අරහත්තමග්ගො අභාවිතො අභවිස්සා, රූපාරූපභවෙස්ස උපාදින්නකප්පවත්තං පවත්තෙය්‍ය. කස්මා? තස්ස පවත්තියා හෙතුනං අත්ථිතාය. රූපරාගො අරූපරාගො මානො උද්ධච්චං අවිජ්ජා මානානුසයො භවරාගානුසයො අවිජ්ජානුසයොති ඉමෙ පන අට්ඨ කිලෙසෙ සො මග්ගො උප්පජ්ජමානොව සමුග්ගාතෙති. ඉදානි කුතො ඛිණ්ණාසවස්ස පුනඛ්භවෙ උපාදින්නකප්පවත්තං පවත්තිස්සති? එවං අරහත්තමග්ගො උපාදින්නකප්පවත්තං අප්පවත්තං කුරුමානො උපාදින්නකං නිරොධෙති නාම.

සොතාපත්තිමග්ගො චෙත්ථ අපායභවං නිරොධෙති. සකදාගාමීමග්ගො සුගතිකාමභවෙකදෙසං. අනාගාමීමග්ගො කාමභවං. අරහත්තමග්ගො රූපාරූපභවං, සබ්බභවෙපි නිරොධෙති එවානි වදන්ති. එවං උපාදින්නකනිරොධො වෙදිතබ්බො.

තත්ථ “අභිසඬ්ඛාරවිඤ්ඤාණස්ස නිරොධෙනා”ති එතෙන අනුපාදින්නකනිරොධං දස්සෙති. “යෙ උප්පජ්ජෙය්‍යුං නාමඤ්ච රූපඤ්ච, එත්ථෙතෙ නිරුජ්ඣන්ති”ති ඉමිනා පන උපාදින්නකනිරොධං දස්සෙති.

තත්ථ සත්ත භවෙ යපෙත්වාති කාමභවතො කාමභවං සංසරන්තස්ස සත්ත භවෙ වජ්ජෙත්වා. අනම්මග්ගෙ සංසාරෙති —

“ඛන්ධානඤ්ච පටිපාටි, ධාතුආයතනාන ව;  
අබ්බොවජ්ජන්තං වත්තමානා, ‘සංසාරො’ති පවුච්චති”ති. (විසුද්ධි.  
2.619; ධ. ස. අට්ඨ. නිදානකථා; අ. නි. අට්ඨ. 2.4.199; පටි. ම.  
අට්ඨ. 2.1.117; ඉතිවු. අට්ඨ. 14, 58; උදා. අට්ඨ. 39) –

එවං වණ්ණිතෙ සංසාරවට්ටෙ. යෙ උප්පජ්ජෙය්‍යං නාමඤ්ච රූපඤ්චාති  
නමනලක්ඛණං චතුක්ඛන්ධසඬ්ඛාතං නාමඤ්ච රූපෙනලක්ඛණං  
භූතොපාදායසඬ්ඛාතං රූපඤ්ච එතෙ ධම්මා උප්පජ්ජෙය්‍යං. එත්ථෙතෙ  
නිරුප්ඤ්ඤාති එතස්මිං සොනාපත්තිමග්ගෙ එතෙ නාමරූපධම්මා  
අභබ්බුප්පත්තිකවසෙන නිරොධං ගච්ඡන්ති. සකදාගාමීමග්ගඤ්ඤාණෙනාති  
එත්ථ පටිසන්ධිවසෙන සකිංයෙව ඉමං ලොකං ආගච්ඡන්ති සකදාගාමී, තස්ස  
මග්ගො සකදාගාමීමග්ගො. තෙන මග්ගෙන සම්පයුත්තඤ්ඤාණෙන. ද්වෙ  
භවෙ යපෙත්වාති කාමධාතුයායෙව පටිසන්ධිවසෙන ද්වෙ භවෙ චජ්ජෙත්වා.  
පඤ්චස්ස භවෙස්සති තදවසිට්ඨෙස්ස පඤ්චස්ස භවෙස්ස. එත්ථෙතෙ නිරුප්ඤ්ඤාති  
එත්ථ සකදාගාමීමග්ගෙ එතෙ ධම්මා චුත්තනයෙන නිරුප්ඤ්ඤාති. එකං භවං  
යපෙත්වාති උක්කට්ඨවසෙන රූපධාතුයා වා අරූපධාතුයා වා එකං භවං  
චජ්ජෙත්වා. රූපධාතුයා වා අරූපධාතුයා වාති දුතියකභවෙ රූපධාතුයා වෙව  
අරූපධාතුයා ව. නාමඤ්ච රූපඤ්චාති එත්ථ රූපභවෙ නාමරූපං, අරූපභවෙ  
නාමමෙව. එත්ථෙතෙ නිරුප්ඤ්ඤාති එත්ථ අනාගාමීමග්ගෙ එතෙ  
නාමරූපධම්මා චුත්තනයෙන නිරුප්ඤ්ඤාති.

අරහතොති කිලෙසෙහි ආරකත්තා “අරහා”ති ලද්ධනාමස්ස  
බ්‍රිණාසවස්ස. අනුපාදිසෙසාය නිබ්බානධාතුයාති දුට්ඨා හි නිබ්බානධාතු  
සඋපාදිසෙසා ව අනුපාදිසෙසා ව. තත්ථ උපාදියති “අභං මමා”ති භුසං  
ගණ්ඨියතීති උපාදි, ඛන්ධපඤ්චකස්සෙනං අධිවචනං. උපාදියෙව සෙසො  
අවසිට්ඨො උපාදිසෙසො, සහ උපාදිසෙසෙන වත්තතීති සඋපාදිසෙසා.  
තත්ථෙත්ථ උපාදිසෙසොති අනුපාදිසෙසා. තාය අනුපාදිසෙසාය  
නිබ්බානධාතුයා. පරිනිබ්බායන්තස්සාති නිරින්ධනස්ස විය ජාතවෙදස්ස  
නිබ්බායන්තස්ස අප්පවත්තං පවිසන්තස්ස. වරිමවිඤ්ඤාණස්ස  
නිරොධෙනාති එත්ථ අස්සාසපස්සාසානං නිරොධවසෙන. තයො වරිමා  
භවවරිමො ඤානවරිමො චුතිවරිමොති. භවෙස්ස හි කාමභවෙ  
අස්සාසපස්සාසා පවත්තන්ති, රූපාරූපභවෙස්ස නප්පවත්තන්ති. තස්මා සො  
භවවරිමො. ඤානෙස්ස පුරිමඤ්ඤාත්තයෙව පවත්තන්ති, චතුත්ථෙ  
නප්පවත්තන්ති. තස්මා සො ඤානවරිමො. යෙ පන චුතිචිත්තස්ස පුරතො  
සොළසමෙන චිත්තෙන සහුප්පන්තා, තෙ චුතිචිත්තෙන සහ නිරුප්ඤ්ඤාති.  
සො චුතිවරිමො නාම. අයං ඉධ වරිමොති අධිජ්ජෙතො. යෙ හි කෙච්චි බුද්ධා  
වා පච්චෙකබුද්ධා වා අරියසාවකා වා අන්තමසො කුන්ථකිපිල්ලිකං උපාදාය  
සබ්බෙ භවඬ්ගචිත්තෙනෙව අබ්‍යාකතෙන දුක්ඛසච්චෙන කාලං කරොන්ති.



තස්මා වරිමවිඤ්ඤාණස්ස නිරොධෙනාති චුතිචිත්තස්ස නිරොධෙනාති අත්ථො.

පඤ්ඤා ව සති ව නාමඤ්ඤාති එතෙහි චතුත්තං අරූපක්ඛන්ධානං ගහණං පච්චෙතබ්බං. රූපඤ්ඤාති එතෙන චතුත්තං මහාභූතානං චතුච්ඡතිඋපාදාරූපානඤ්ඤාති ගහණං පච්චෙතබ්බං. ඉදානි තස්ස නිරුප්පිකුපායං දස්සෙන්නො “විඤ්ඤාණස්ස නිරොධෙන, එත්ථෙතං උපරුප්පිකුති”ති ආහ. තත්ථ විඤ්ඤාණන්ති වරිමවිඤ්ඤාණමපි අභිසංඛාරවිඤ්ඤාණමපි. අභිසංඛාරවිඤ්ඤාණස්ස පභිනනිරොධෙන එත්ථෙතං උපරුප්පිකුති නිරුප්පිකුති දීපසිංචා විය අපණ්ණන්තිකභාවං යාති, වරිමවිඤ්ඤාණස්ස අනුප්පාදපච්චයත්තා අනුප්පාදනිරොධෙන අනුප්පාදවසෙනෙව උපරුප්පිකුතීති (දී. නි. අට්ඨ. 1.499).

7. එත්තාවතා ව “දුක්ඛමස්ස මහබ්භය”න්ති ඉමිනා පකාසිතං දුක්ඛසච්චං, “යාති සොතානී”ති ඉමිනා සමුදයසච්චං, “පඤ්ඤායෙන පිටියරෙ”ති ඉමිනා මග්ගසච්චං, “අසෙසං උපරුප්පිකුති”ති ඉමිනා නිරොධසච්චන්ති එවං චත්තාරි සච්චානි සුත්වාපි අරියභූමිං අනධිගතො පුන සෙක්ඛාසෙක්ඛපටිපදං පුච්ඡන්තො “යෙ ව සංඛාතධම්මාසෙ”ති ගාථමාහ. තත්ථ සංඛාතධම්මානි අනිච්චාදිවසෙන පරිච්චිතධම්මා, අරහත්තානාමෙනං අධිවචනං. සෙක්ඛාති සීලාදීනි සික්ඛමානා අවසෙසා අරියපුග්ගලා. පුටුති බහු සත්තජනා. තෙසං මෙ නිපකො ඉරියං පුට්ඨො පබ්බතී තෙසං මෙ සෙක්ඛාසෙක්ඛානං නිපකො පණ්ඩිතො ත්වං පුට්ඨො පටිපත්තිං බුහිති.

තෙසං බන්ධා සංඛාතානි තෙසං පඤ්චක්ඛන්ධා අප්පට්ඨන්තිකං කත්වා දෙසිතා, සංඛ්ඛෙපං කත්වා යපිතා වා. ධාතුආදීසුපි එසෙව නයො. ඉරියන්ති පයොගං. වරියන්ති කිරියං. චුත්තින්ති පචත්තිං. ආචරන්ති චරණං. ගොචරන්ති පච්චයං. විහාරන්ති ඉරියාපට්ඨවත්තනං. පටිපදන්ති විපස්සනං.

8. අට්ඨස්ස භගවා යස්මා සෙක්ඛෙන කාමච්ඡන්දනීවරණං ආදිං කත්වා සබ්බකිලෙසා පහාතබ්බා එව, තස්මා “කාමෙසුති උපඨිඨගාථාය සෙක්ඛපටිපදං දස්සෙති. තස්සත්ථො – චත්ථුකාමෙසු කිලෙසකාමෙන නාභිගීජ්ඣෙය්‍ය, කායදුච්චරිතාදයො ව මනසො ආවිලභාවකරෙ ධම්මෙ පජහන්තො මනසානාවිලො සියාති. යස්මා පන අසෙක්ඛො අනිච්චාදිවසෙන සබ්බසංඛාරාදීනං පරිතුලිතත්තා කුසලො සබ්බධම්මෙසු කායානුපස්සනාසතිආදීහි ව සතො සක්කායදිට්ඨිආදීනං භින්නත්තා භික්ඛුභාවං පත්තො හුත්වා සබ්බඉරියාපට්ඨෙසු පරිබ්බජති, තස්මා “කුසලො”ති උපඨිඨගාථාය අසෙක්ඛපටිපදං දස්සෙති.

නාහිගිජ්ඣෙය්‍යාති ගෙධං නාපජ්ජෙය්‍ය. න පලිගිජ්ඣෙය්‍යාති ලොහං නාපජ්ජෙය්‍ය. න පලිබුන්ධෙය්‍යාති ලොහවසෙන න අල්ලියෙය්‍ය.

ආවිලකරෙ කිලෙසෙ ජහෙය්‍යාති චිත්තාලුලකරෙ උපතාපසඬ්ඛාතෙ කිලෙසෙ ජහෙය්‍ය.

සබ්බෙ ධම්මා අනත්තාති නිබ්බානං අත්තොකරිත්වා වුත්තං. යං කිඤ්චි සමුදයධම්මන්ති යං කිඤ්චි සප්පච්චයසභාවං.

සහ ගාථාපරියොසානාති ගාථාවසානෙනෙව සද්ධිං. යෙනෙ බ්‍රාහ්මණෙන සද්ධිං එකච්ඡන්දාති යෙ එතෙ අජිතමාණුවෙන කල්‍යාණජන්දෙන එකජ්ඣාසයා. එකජ්ජයොගාති කායච්චිමනොපයොගෙහි එකජ්ජයොගා. එකාධිජ්ජායාති එකො අධිජ්ජායො රුචි එතෙසන්ති එකාධිජ්ජායා, එකරුචිකාති අත්ථො. එකවාසනවාසිතාති අතීතබුද්ධසාසනෙ තෙන සද්ධිං භාවිතභාවනා. අනෙකපාණසහස්සානන්ති අනෙකෙසං දෙවමනුස්සසඬ්ඛාතානං පාණසහස්සානං. විරජං චිතමලන්ති රාගාදිරජවිරහිතං රාගාදිමලවිරහිතඤ්ච.

ධම්මවක්ඛුන්ති ඉධ සොතාපත්තිමග්ගො අධිජ්ජෙතො. අඤ්ඤත්ථ හෙට්ඨාමග්ගත්තයං. තස්ස උප්පත්තිකාරණදස්සනත්ථං. “යං කිඤ්චි සමුදයධම්මං, සබ්බං තං නිරොධධම්ම”න්ති ආහ. තඤ්චි නිරොධං ආරම්මණං කත්වා කිච්චවසෙන එවං සබ්බසඬ්ඛනං පටිවිජ්ඣන්තං උප්පජ්ජති. තස්ස බ්‍රාහ්මණස්ස අනුපාදාය ආසවෙහි චිත්තං විමුච්චිති තස්ස ච අජිතබ්‍රාහ්මණස්ස අත්තෙවාසිකසහස්සානඤ්ච තණ්හාදීහි අග්ගහෙත්වා කාමාසවාදීහි මග්ගක්ඛණෙ චිත්තං විමුච්චිමානං එලක්ඛණෙ විමුච්චි. සහ අරහත්තප්පත්තාති අරහත්තප්පත්තියා ච සහෙව ආයස්මතො අජිතස්ස ච අත්තෙවාසිකසහස්සස්ස ච අජිතජට්ඨාකචීරතිදණ්ඩකමණ්ඩලආදයො අත්තරධායිංසු. සබ්බෙව ඉද්ධිමයපත්තචීවරධරා ද්වඩගුලකෙසා එහිහික්ඛු හුත්වා භගවත්තං නමස්සමානා පඤ්ජලිකා නිසීදිංසු. පාළියං පන අජිතත්ථෙරොව පඤ්ඤායති. තත්ථ අත්ථත්ථපටිපත්තියාති සයං පච්චාසිසිතලද්ධපටිපත්තියා, නිබ්බානලද්ධභාවෙනාති අත්ථො. සෙසං සබ්බත්ථ පාකට්ඨෙව. එවං භගවා අරහත්තනිකුටෙන දෙසනං නිට්ඨාපෙසීති.

සද්ධම්මජ්ජෙය්‍යාතිකාය වුළුනිද්දෙස-අට්ඨකථාය

අජිතමාණවසුත්තනිද්දෙසවණ්ණනා නිට්ඨිතා.

## 2. තිස්සමෙත්තෙය්‍යමාණවසුත්තනිද්දෙසවණ්ණනා

9. දුතියෙ තිස්සමෙත්තෙය්‍යසුත්තනිද්දෙසෙ – කොඨ සන්තුසිතොති නිට්ඨිතෙ පන අජිතසුත්තෙ “කථං ලොකං අවෙක්ඛන්තං, මච්චුරාජා න පස්සති”ති (සු. නි. 1124; වුළුනි. මොසරාජමාණවපුච්ඡා 143) එවං

මොසරාජා පුච්ඡිතුං ආරභි. “න තාවස්ස ඉන්ද්‍රියානි පරිපාකං ගතානි”ති ඤාතවා හගවා “තිට්ඨ ත්වං, මොසරාජ, අඤ්ඤො පුච්ඡතු”ති පටික්ඛිපි. තතො තිස්සමෙත්තෙයොසා අත්තනො සංසයං පුච්ඡන්තො “කොධානි ගාථමාහ. තත්ථ කොධ සන්තුසිතොති කො ඉධ සත්තො තුට්ඨො. ඉඤ්ඡිතාති තණ්හාදිට්ඨිවිජ්ජන්දිතාති. උභන්තමභිඤ්ඤායාති උභො අන්තෙ අභිජානිත්වා. මත්තා න ලිජ්ජති පඤ්ඤාය න ලිජ්ජති.

පරිපුණ්ණසංකප්පොති නෙක්ඛම්මාදිවිතක්කෙහි පරිපුණ්ණසංකප්පත්තා පරිපුණ්ණමනොරථො.

තණ්හිඤ්ඡිතන්ති තණ්හාය වලිතං. දිට්ඨිඤ්ඡිතාදිසුපි එසෙව නයො. කාමිඤ්ඡිතන්ති කිලෙසකාමෙහි ඉඤ්ඡිතං එන්දිතං. “කම්මිඤ්ඡිත”න්තිපි පාඨො, තං න සුන්දරං.

මහන්තො පුරිසොති මහාපුරිසො. උත්තමො පුරිසොති අග්ගපුරිසො. පධානො පුරිසොති සෙට්ඨපුරිසො. අලාමකො පුරිසොති විසිට්ඨපුරිසො. ඡෙට්ඨකො පුරිසොති පාමොක්ඛපුරිසො. න හෙට්ඨිමකො පුරිසොති උත්තමපුරිසො. පුරිසානං කොට්ඨ්ථත්තො පුරිසොති පධානපුරිසො. සබ්බෙසං ඉච්ඡිතො පුරිසොති පවරපුරිසො.

සිබ්බිනිමච්චගාති තණ්හං අතිඅගා, අතික්කමිත්වා යීතො. උපච්චගාති භුසං අතිඅගා.

10. තස්සෙතමත්ථං හගවා ඛ්‍යාකරොන්තො “කාමෙසු”ති ගාථාද්වයමාහ. තත්ථ කාමෙසු බ්‍රහ්මවරියවාති කාමනිමිත්තං බ්‍රහ්මවරියවා, කාමෙසු ආදීනවං දිස්වා මග්ගබ්‍රහ්මවරියෙන සමන්තාගතොති වුත්තං හොති. එත්තාවතා සන්තුසිතතං දස්සෙති. “චිතතණ්හො”තිආදීහි අනිඤ්ඡිතතං. තත්ථ සඬබ්බාය නිබ්බුතොති අනිච්චාදිවසෙන ධම්මෙ විමංසිත්වා රාගාදිනිබ්බානෙන නිබ්බුතො.

අසද්ධම්මසමාපත්තියාති නිවඨම්මසමායොගතො. ආරතීති ආරකා රමනං. චිරතීති තාය විනා රමනං. පටිචිරතීති පටිනිවත්තිත්වා තාය විනා රමනං. වෙරමණීති වෙරවිනාසනං. අකිරියාති කිරියාපච්ඡින්නං. අකරණන්ති කරණපරිච්ඡින්නං. අනප්ඤ්ඤාපත්තීති අනාපජ්ජනතා. වෙලාඅනතික්කමොති සිමාඅනතික්කමො. සෙසං තත්ථ තත්ථ වුත්තනයත්තා පාකට්ඨෙව.

එවං හගවා ඉදම්පි සුත්තං අරහත්තනිකුටෙනෙව දෙසෙසි. දෙසනාපරියොසානෙ අයම්පි බ්‍රාහ්මණො අරහත්තෙ පතිට්ඨාසි සද්ධිං අන්තෙවාසිකසහස්සෙන, අඤ්ඤෙසඤ්ච අනෙකසහස්සානං ධම්මචක්ඛුං උදපාදි. සෙසං පුබ්බසදිසමෙව.

## සද්ධම්මප්පජ්ජෙනිකාය වුළුනිද්දෙස-අට්ඨකථාය

තිස්සමෙත්තෙයාමාණවසුත්තනිද්දෙසවණ්ණනා නිට්ඨිතා.

### 3. පුණ්ණකමාණවසුත්තනිද්දෙසවණ්ණනා

12. තතියෙ පුණ්ණකසුත්තනිද්දෙසෙ – අනෙජන්ති ඉදම්පි පුරිමනායෙනෙව මොසරාජානං පටික්ඛිපිත්වා වුත්තං. තත්ථ මූලදස්සාවිත්ති අකුසලමූලාදිදස්සාවිං. ඉසයොති ඉසිනාමකා ජට්ඨා. යඤ්ඤන්ති දෙයාධම්මං. අකප්පයිංසුති පරියෙසිංසු.

හෙතුදස්සාවිතිආදීනි සබ්බානි කාරණාවෙවචනානෙව. කාරණඤ්ඤි යස්මා අත්තනො ඵලත්ථාය හිනොති පවත්තති, තස්මා හෙතුනි වුවචති. යස්මා තං ඵලං නිදෙනි ‘හන්ද, ගණ්හථ න’න්ති අප්පෙති විය, තස්මා නිදානන්ති වුවචති. සම්භවදස්සාවිතිආදීනි පඤ්ච පදානි හෙට්ඨා දස්සිතනායානි ඵව. යස්මා තං පටිච්ච ඵති පවත්තති, තඤ්ච ඵලං තනො සමුදෙනි උප්පජ්ජති, තස්මා පච්චයොති ච සමුදයොති ච වුවචති.

යා වා පනඤ්ඤාපි කාචි සුගතියොති චතුඅපායවිනිමුත්තකා උත්තරමාතාදයො අප්පෙසක්ඛා කපණමනුස්සා ච දුල්ලභසාසච්ඡාදනා දුක්ඛපිළිතා වෙදිතබ්බා. යා වා පනඤ්ඤාපි කාචි දුග්ගතියොති යමරාජනාගසුපණ්ණපෙතමහිද්ධිකාදයො පච්චෙතබ්බා. අත්තභාවාහිනිබ්බත්තියාති තීසු යානෙසු පටිසන්ධිවසෙන අත්තභාවපට්ඨාහත්ථාය. ජානාතීති සබ්බඤ්ඤාතඤ්ඤාණෙන ජානාති. පස්සතීති සමන්තවක්ඛුතා පස්සති.

අකුසලාති අකොසල්ලසම්භූතා. අකුසලං හජන්තීති අකුසලභාගියා. අකුසලපක්ඛෙ හවාති අකුසලපක්ඛිකා. සබ්බෙ තෙ අවිජ්ජා මූලං කාරණං ඵතෙසන්ති අවිජ්ජාමූලකා. අවිජ්ජාය සමොසරන්ති සම්මා ඔසරන්ති ගච්ජන්තීති අවිජ්ජාසමොසරණා. අවිජ්ජාසමුග්ගානාති අරහත්තමග්ගෙන අවිජ්ජාය හතාය. සබ්බෙ තෙ සමුග්ගානං ගච්ජන්තීති වුත්තප්පකාරා අකුසලධම්මා, තෙ සබ්බෙ හතභාවං පාපුණන්ති.

අප්පමාදමූලකාති සතිඅවිජ්ජවාසො අප්පමාදො මූලං කාරණං ඵතෙසන්ති අප්පමාදමූලකා. අප්පමාදෙසු සම්මා ඔසරන්ති ගච්ජන්තීති අප්පමාදසමොසරණා. අප්පමාදො තෙසං ධම්මානං අග්ගමක්ඛායතීති සයං කාමාවචරොපි සමානො චතුභුමකධම්මානං පතිට්ඨාභාවෙන අග්ගො නාම ජාතො.



අලමත්තොති සමත්ථවිත්තො. මයා පුච්ඡිතන්ති මයා පුට්ඨං. වහස්සෙතං භාරන්ති එතං ආහතභාරං වහස්සු. යෙ කෙච්ඡි ඉසිපබ්බජ්ජං පබ්බජිතා. “ඉසිපබ්බජ්ජා පබ්බජිතා” තිපි පාඨො.

ආජීවකසාවකානං ආජීවකා දෙවතාති යෙ ආජීවකවචනං සුඤ්ඤාන්ති සුස්සුසන්ති, තෙ ආජීවකසාවකා, තෙසං ආජීවකසාවකානං. ආජීවකා ච තෙසං දෙය්‍යධම්මං පටිග්ගණ්හන්ති, තෙ එව ආජීවකා දෙවතා. එවං සබ්බත්ථං. යෙ යෙසං දක්ඛිණෙය්‍යාති යෙ ආජීවකාදෙයො දිසාපරියොසානා යෙසං බත්තියාදීනං දෙය්‍යධම්මානුච්ඡවිකා. තෙ තෙසං දෙවතාති තෙ ආජීවකාදෙයො තෙසං බත්තියාදීනං දෙවතා.

යෙපි යඤ්ඤං එසන්තිති දෙය්‍යධම්මං ඉච්ඡන්ති. ගවෙසන්තිති ඔලොකෙන්ති. පරියෙසන්තිති උප්පාදෙන්ති. යඤ්ඤා වා එතෙ පුට්ඨති යඤ්ඤා එව වා එතෙ පුට්ඨකා. යඤ්ඤායාජකා වා එතෙ පුට්ඨති දෙය්‍යධම්මස්ස යාජනකා එව වා එතෙ පුට්ඨකා. දක්ඛිණෙය්‍යා වා එතෙ පුට්ඨති දෙය්‍යධම්මානුච්ඡවිකා එව වා එතෙ පුට්ඨකා. තෙ විත්ථාරතො දස්සෙතුං “කථං යඤ්ඤා වා එතෙ පුට්ඨ” තිආදිනා නයෙන විත්ථාරෙන දස්සෙති.

**13.** ආසීසමානාති රූපාදීනි පත්ථයමානා. ඉත්ථත්තන්ති ඉත්ථභාවඤ්ච පත්ථයමානා, මනුස්සාදිභාවං ඉච්ඡන්තාති චුත්තං හොති. ජරං සිතාති ජරං නිස්සිතා. ජරාමුඛෙන චෙත්ථ සබ්බං වට්ඨෙක්ඛං චුත්තං. තෙන වට්ඨෙක්ඛනිස්සිතා තතො අපරිමුච්චමානායෙව කප්පයිංසුති දීපෙති.

රූපපටිලාභං ආසීසමානාති වණ්ණායතනසම්පත්තිලාභං පත්ථයමානා. සද්දාදීසුපි එසෙව නයො. බත්තියමහාසාලකුලෙ අත්තභාවපටිලාභන්ති සාරජ්ජත්තෙ බත්තියානං මහාසාලකුලෙ අත්තභාවලාභං පටිසන්ධිං පත්ථයමානා. බ්‍රාහ්මණමහාසාලකුලාදීසුපි එසෙව නයො. බ්‍රහ්මකායිකෙසු දෙවෙසුති එත්ථ පුබ්බභවං සන්ධාය චුත්තං. එත්ථාති බත්තියකුලාදීසු.

ජරානිස්සිතාති ජරං අස්සිතා. බ්‍යාධිනිස්සිතාතිආදීසුපි එසෙව නයො. එතෙහි සබ්බං වට්ඨෙක්ඛං පරියාදියිත්වා දස්සිතං හොති.

**14.** කච්චිසු තෙ භගවා යඤ්ඤපටෙ අප්පමත්තා, අතාරු ජාතිඤ්ච ජරඤ්ච මාරිසාති එත්ථ යඤ්ඤො එව යඤ්ඤපටො. ඉදං චුත්තං හොති – කච්චි තෙ යඤ්ඤෙ අප්පමත්තා හුත්වා යඤ්ඤං කප්පයන්තා වට්ඨෙක්ඛමුත්තරිංසුති.

යෙපි යඤ්ඤං දෙන්ති යජන්තිති දෙය්‍යධම්මදානවසෙන යජන්ති. පරිච්චජන්තිති විස්සජ්ජෙන්ති.



15. ආසීසන්තීති රූපපටිලාභාදයො පත්ථෙන්නි. ථොමයන්තීති “සුචිං දින්න”න්තිආදිනා නයෙන යඤ්ඤාදීනි පසංසන්ති. අභිජජ්ජන්තීති රූපාදිපටිලාභාය වාවං ගිරන්ති. ජුහන්තීති දෙන්නි. කාමාභිජජ්ජන්ති පටිච්ච ලාභන්ති රූපාදිලාභං පටිච්ච පුනජ්ජුනං කාමෙ එව අභිජජ්ජන්ති, “අහො වත අම්භාකම්පි සිය්‍යු”න්ති වදන්ති, තණ්හඤ්ච තත්ථ වඩ්ඨෙන්නීති චුත්තං හොති. යාජයොගාති යාගාධිමුත්තා. භවරාගරත්තාති එවම්මෙහි ආසීසනාදීහි භවරාගෙනෙව රත්තා, භවරාගරත්තා වා හුත්වා එතාති ආසීසනාදීනි කරොන්තා නාතරිංසු ජාතිආදිවට්ටදුක්ඛං න උත්තරිංසු.

යඤ්ඤං වා ථොමෙන්නීති දානං වා වණ්ණෙන්නි. එලං වාති රූපාදිපටිලාභං. දක්ඛිණෙය්‍යො වාති ජාතිසම්පන්නාදීසු. සුචිං දින්නන්ති සුචිං කත්වා දින්නං. මනාපන්ති මනවඩ්ඨනකං. පණ්ණිතන්ති ඔජවන්නං. කාලෙනාති තත්ථ තත්ථ සම්පත්තකාලෙ. කජ්ජියන්ති අකජ්ජියං වජ්ජෙත්වා දින්නං. අනවජ්ජන්ති නිද්දොසං. අභිණ්ණන්ති පුනජ්ජුනං. දදං චිත්තං පසාදිතන්ති දදතො මුඤ්චනචිත්තං පසාදිතන්ති. ථොමෙන්නි කිත්තෙන්නීති ගුණං පාකටං කරොන්ති. වණ්ණෙන්නීති වණ්ණං භණන්ති. පසංසන්තීති පසාදං පාපෙන්නි.

ඉතො නිදානන්ති ඉතො මනුස්සලොකතො දින්නකාරණා. අජ්ඣායකාති මන්තෙ පරිවත්තෙන්නා. මන්තධරාති මන්තෙ ධාරෙන්නා. තිණ්ණං වෙදානන්ති ඉරුවෙදයජුචෙදසාමවෙදානං. ඔට්ඨපහටකරණවසෙන පාරං ගතාති පාරගු. සහ නිසණ්ඩුනා ව කෙටුහෙන ව සනිසණ්ඩුකෙටුහානං. නිසණ්ඩුති නිසණ්ඩුරුක්ඛාදීනං වෙච්චනජ්ජකාසකං සත්ථං. කෙටුහන්ති කිරියාකජ්ජපිකජ්ජො කචීනං උපකාරාවහං සත්ථං. සහ අක්ඛරජ්ජහෙදෙන සාක්ඛරජ්ජහෙදානං. අක්ඛරජ්ජහෙදොති සික්ඛා ව නිරුත්ති ව. ඉතිහාසපඤ්චමානන්ති ආට්ඨකිණ්ණවෙදං චතුත්ථං කත්වා “ඉතිහ ආස, ඉතිහ ආසා”ති ඊදිසවචනපටිසංයුත්තපුරාණකථාසඬ්ඛාතො ඉතිහාසො පඤ්චමො එතෙසන්ති ඉතිහාසපඤ්චමා, තෙසං ඉතිහාසපඤ්චමානං වෙදානං.

පදං තදවසෙසඤ්ච බ්‍යාකරණං අධියන්ති, වෙදෙන්නි වාති පදකා වෙය්‍යාකරණා. ලොකායතං චූචිචති විතණ්ඩවාදසත්ථං. මහාපුරිසලක්ඛණන්ති මහාපුරිසානං බුද්ධාදීනං ලක්ඛණදීපකං ද්වාදසසහස්සගන්ථජ්ජමාණං සත්ථං. යත්ථ සොළසසහස්සගාථාපදපරිමාණා බුද්ධමත්තා නාම අහෙසුං. යෙසං වසෙන “ඉමිනා ලක්ඛණෙන සමන්තාගතා බුද්ධා නාම හොන්ති, ඉමිනා පච්චෙකබුද්ධා, අග්ගසාවකා, අසීතිමහාසාවකා (ථෙරගා. අට්ඨ. 2.1288), බුද්ධමානා, බුද්ධපිතා, අග්ගපට්ඨාකො, අග්ගපට්ඨාසිකා, රාජා චක්කවත්ති”ති අයං විසෙසො ඤායති. අනවයාති ඉමෙසු ලොකායතමහාපුරිසලක්ඛණෙසු අනුනා පරිපූරකාරිනො, අවයා න හොන්තීති චුත්තං හොති. අවයා නාම යෙ තාති අත්ථතො ව ගන්ථතො ව

සන්ධාරෙතුං න සක්කොන්ති. චිත්තරාගාති පභිත්තරාගා. එතෙන අරහත්තඵලට්ඨා වුත්තා. රාගචිත්තයාය වා පටිපන්නාති එතෙන අරහත්තමග්ගට්ඨා. චිත්තදොසාති අනාගාමිඵලට්ඨා. දොසචිත්තයාය වා පටිපන්නාති එතෙන අනාගාමිමග්ගට්ඨා. චිත්තමොහාති අරහත්තඵලට්ඨා. මොහචිත්තයාය වා පටිපන්නාති අරහත්තමග්ගට්ඨා. සීලසමාධිපඤ්ඤාවිමුත්තිසම්පන්නාති එතෙහි චතුහි ලොකියලොකුත්තරමිස්සකෙහි සීලාදීහි සම්පන්නා. විමුත්තිඤ්ඤාණදස්සනසම්පන්නාති එතෙන පච්චවෙක්ඛණඤ්ඤාණසම්පන්නා වුත්තාති ඤාතබ්බං, තඤ්ච බො ලොකියමෙව. අභිජජ්ජන්තිති පත්ථෙන්නි. ජජ්ජන්තිති පච්චාසිසන්ති. පජ්ජන්තිති අතිව පච්චාසිසන්ති. යාජයොගෙසු යුත්තාති අනුයොගෙ දෙයායධම්මෙ දියාමානෙ අභියොගවසෙන යුත්තා.

16. අථ කො වරහිති අථ ඉදානි කො අඤ්ඤො අතාරි.

17. සඬබායාති ඤාණෙන විමංසිත්වා. පරොපරානීති පරානි ව ඔපරානි ව, පරත්තභාවසකත්තභාවාදීනි පරානි ව ඔපරානි වාති වුත්තං හොති. විදුමොති කායදුච්චරිතාදිධුමචිරහිතො. අනීසොති රාගාදිරිසවිරහිතො. අතාරි සොති සො ඵවරුපො අරහා ජාතිජරං අතාරි.

සකරුපාති අත්තනො රුපා. පරරුපාති පරෙසං රුපා. කායදුච්චරිතං විදුමිත්තන්ති තිවිධකායදුච්චරිතං විදුමං කතං. විධමිත්තන්ති නාසිතං.

මානො හි තෙ, බ්‍රාහ්මණ, බාරිහාරොති යථා බාරිහාරො බන්ධෙන වස්භමානො උපරිට්ඨිතොපි අක්කන්තක්කන්තට්ඨානං පට්ඨියා සද්ධිං එස්සෙති විය, එවං ජාතිගොත්තකුලාදීනි මානවත්ථුනි නිස්සාය උස්සාපිතො මානො, තත්ථ තත්ථ ඉස්සං උජ්ජාදෙන්තො චතුසු අපායෙසු සංසිදාපෙති. තෙනාහ - “මානො හි තෙ, බ්‍රාහ්මණ, බාරිහාරො”ති. කොධො දුමොති තව ඤාණග්ගිස්ස උපක්කිලෙසට්ඨෙන කොධො දුමො. තෙන හි තෙ උපක්කිලිට්ඨො ඤාණග්ගි න විරොවති. හස්මනි මොසවජ්ජන්ති නිරොජට්ඨෙන මුසාවාදො ඡාරිකා නාම. යථා හි ඡාරිකාය පටිච්ඡන්තො අග්ගි න ජොතති, එවං තෙ මුසාවාදෙන පටිච්ඡන්තං ඤාණන්ති දස්සෙති. ජීවිහා සුජාති යථා තුය්හං සුවණ්ණරජතලොහකට්ඨමත්තිකාසු අඤ්ඤතරමයා යාගයජනත්ථාය සුජා හොති, එවං මය්හං ධම්මයාගයජනත්ථාය පහුතජීවිහා සුජාති වදති. යථා තුය්හං නදීතීරෙ යජනට්ඨානං, එවං ධම්මයාගයජනට්ඨානට්ඨෙන හදයං ජොතිට්ඨානං. අත්තාති විත්තං.

ජාතීති ජායනකවසෙන ජාති. ඉදමෙත්ථ සභාවපච්චත්තං. සඤ්ජායනවසෙන සඤ්ජාති, උපසග්ගෙන පදං වඩ්ඪිතං. ඔක්කමනවසෙන ඔක්කන්ති. ජායනට්ඨෙන වා ජාති. සා අපරිපුණ්ණායතනවසෙන යුත්තා.

සඤ්ජායනට්ඨෙත සඤ්ජාති. සා පරිපුණ්ණායතනවසෙන යුත්තා. ඔක්කමනට්ඨෙත ඔක්කන්ති. සා අණ්ඩජ්ජලාබුජවසෙන යුත්තා. තෙ හි අණ්ඩකොසඤ්ච වත්ථිකොසඤ්ච ඔක්කමන්ති පවිසන්ති ඔක්කමන්තා පවිසන්තා විය පටිසන්ධිං ගණ්හන්ති. අභිනිබ්බත්තනට්ඨෙත අභිනිබ්බන්ති. සා සංසෙදපඔපපාතිකවසෙන යුත්තා. තෙ හි පාකටා එව හුත්වා නිබ්බත්තන්ති. අයං තාව සම්මුතිකථා.

ඉදානි පරමත්ථකථා හොති. බන්ධා එව හි පරමත්ථතො පාතුහවන්ති, න සත්තා. තත්ථ ව බන්ධානන්ති එකචොකාරහවෙ එකස්ස, චතුචොකාරහවෙ චතුන්තං, පඤ්චචොකාරහවෙ පඤ්චන්තමපි ගහණං වෙදිතබ්බං. පාතුහාවොති උප්පත්ති. ආයතනානන්ති එත්ථ තත්ත තත්ත උපපජ්ජමානායතනානං සඬගහො වෙදිතබ්බො. පටිලාහොති සන්තතියා පාතුහාවොයෙව. පාතුහවන්තානෙව හි තානි පටිලද්ධානි නාම හොන්ති. සා පනෙසා තත්ථ තත්ථ හවෙ පට්ඨාහිනිබ්බන්තිලක්ඛණා ජාති, නියානනරසා, අතීතහවතො ඉධ උම්මුජ්ජනපච්චුපට්ඨානා, එලවසෙන දුක්ඛවිචිත්තතාපච්චුපට්ඨානා වා.

ජරාති සභාවපච්චන්තං. ජීරණතාති ආකාරභාවනිද්දෙසො. බණ්ඩිච්චන්තිආදයො තයො කාලාතික්කමෙ කිච්චනිද්දෙසා, පච්ඡිමා ද්වෙ පකතිනිද්දෙසා. අයඤ්චි ජරාති ඉමිනා පදෙන සභාවතො දීපිතා. තෙනස්සා ඉදං සභාවපච්චන්තං. ජීරණතාති ඉමිනා ආකාරතො, තෙනස්සායං ආකාරනිද්දෙසො. බණ්ඩිච්චන්ති ඉමිනා කාලාතික්කමෙ දන්තනබානං බණ්ඩිතභාවකරණකිච්චතො. පාලිච්චන්ති ඉමිනා කෙසලොමානං පලිතභාවකරණකිච්චතො. චලිත්තවතාති ඉමිනා මංසං මිලාපෙත්වා තවෙ චලිතභාවකරණකිච්චතො. තෙනස්සා ඉමෙ බණ්ඩිච්චන්තිආදයො තයො කාලාතික්කමෙ කිච්චනිද්දෙසා. තෙහි ඉමෙසං විකාරානං දස්සනවසෙන පාකට්ඨුතා පාකට්ඨරා දස්සිතා. යටෙව හි උදකස්ස වා වාතස්ස වා අග්ගිතො වා තිණරුක්ඛාදීනං සංභග්ගපලිභග්ගතාය වා ක්කාමතාය වා ගතමග්ගො පාකටො හොති, න ව සො ගතමග්ගො තානෙව උදකාදීනි, එවමෙව ජරාය දන්තාදීනං බණ්ඩිච්චවාදිවසෙන ගතමග්ගො පාකටො, වක්ඛුං උම්මිලෙන්වාපි ගය්හති, න ව බණ්ඩිච්චවාදීනෙව ජරා. න හි ජරා වක්ඛුච්ඤ්ඤායා හොති.

ආයුතො සංභානි ඉන්ද්‍රියානං පරිපාකොති ඉමෙහි පන පදෙහි කාලාතික්කමෙයෙව අභිබ්බත්තාය ආයුක්ඛයවක්ඛාදිඉන්ද්‍රියපරිපාකසඬබාතාය පකතියා දීපිතා, තෙනස්සිමෙ පච්ඡිමා ද්වෙ පකතිනිද්දෙසානි වෙදිතබ්බා. තත්ථ යස්මා ජරං පත්තස්ස ආයු භායති, තස්මා ජරා ‘ආයුතො සංභානි’ති එලූපවාරෙන වුත්තා. යස්මා ව දහරකාලෙ සුප්පසන්තානි සුබ්බමමපි අත්තතො විසයං සුබ්බෙනෙව ගණ්හනසමත්ථානි වක්ඛාදීනි ඉන්ද්‍රියානි ජරං පත්තස්ස පරිපක්කානි

ආලුළිතානි අවිසදානි, ඔළාරිකමපි අත්තනො විසයං ගහෙතුං අසමත්ථානි හොන්ති. තස්මා “ඉන්ද්‍රියානං පරිපාකො”ති ඵලූපවාරෙතෙව චුත්තා.

සා පනෙසා ඵලං නිද්දිට්ඨා සබ්බාපි ජරා පාකටා පටිච්ඡන්තානි දුට්ඨා හොති. තත්ථ දන්තාදීසු බණ්ඩාදිභාවදස්සනතො රූපධම්මෙසු ජරා පාකටජරා නාම. අරූපධම්මෙසු පන ජරා තාදිසස්ස විකාරස්ස අදස්සනතො පටිච්ඡන්තජරා නාම. තත්ථ ය්වායං බණ්ඩාදිභාවො දිස්සති, යො තාදිසානං දන්තාදීනං සුචිඤ්ඤෙය්‍යත්තා වණ්ණොයෙව. තඤ්ච වක්ඛුනා දිස්වා මනොද්ථාරෙත විත්තෙත්වා “ඉමෙ දන්තා ජරාය පහටා”ති ජරං ඡානාති. උදකට්ඨානෙ බද්ධානි ගොසිඬිගාදීනි ඔලොකෙත්වා හෙට්ඨා උදකස්ස අත්ථිභාවජානනං විය.

පුන අවිච්ඡි සච්චිති ඵලමපි අයං ජරා දුට්ඨා හොති. තත්ථ මණ්ඩකකරජතපවාලවන්දසුරියාදීනං මන්දදසකාදීසු පාණීනං විය ව පුජ්ඵලපල්ලවාදීසු අපාණීනං විය ව අන්තරන්තරා වණ්ණවිසෙසාදීනං දුබ්බිඤ්ඤෙය්‍යත්තා ජරා අවිච්ඡරා නාම, නිරන්තරජරාති අත්ථො. තතො අඤ්ඤෙසු පන යථාචුත්තෙසු අන්තරන්තරා වණ්ණවිසෙසාදීනං සුචිඤ්ඤෙය්‍යත්තා ජරා සච්චිජරා නාම.

තත්ථ සච්චිජරා උපාදින්නකඅනුපාදින්නකවසෙන ඵලං දීපෙනබ්බා – දහරකුමාරකානඤ්ඤි පයමමෙව ධීරදන්තා නාම උට්ඨහන්ති, න තෙ ථීරා. තෙසු පන පතිතෙසු පුන දන්තා උට්ඨහන්ති, තෙ පයමමෙව සෙතා හොන්ති, ජරාවාතෙන පන පහටකාලෙ කාලකා හොන්ති. කෙසා පන පයමමෙව තම්බාපි හොන්ති කාලකාපි සෙතකාපි. ඡවි පන සලොහිතකා හොති. වඩ්ඪන්තානං වඩ්ඪන්තානං ඔදානානං ඔදානභාවො, කාලකානං කාලකභාවො පඤ්ඤායති. ජරාවාතෙන පහටකාලෙ ව වලිං ගණ්භාති. සබ්බමපි සස්සං වපිතකාලෙ සෙතං හොති, පච්ඡා නීලං. ජරාවාතෙන පන පහටකාලෙ පණ්ඩරං හොති. අම්බඩ්ඤ්ඤරොනාපි දීපෙතුං වට්ටති ඵලං. සා පනෙසා බන්ධපරිපාකලක්ඛණා ජරා, මරණුපනයනරසා, යොබ්බනවිනාසපච්චුපට්ඨානා. සෙසං සබ්බත්ථ පාකටමෙව. ඵලං භගවා ඉදම්පි සුත්තං අරහත්තනිකුටෙතෙව දෙසෙසි, දෙසනාපරියොසානෙ අයම්පි බ්‍රාහ්මණො අරහත්තෙ පතිට්ඨාසි සද්ධිං අත්තෙවාසිකසහස්සෙන. අඤ්ඤෙසඤ්ච අනෙකසහස්සානං ධම්මවක්ඛුං උදපාදි. සෙසං චුත්තසදිසමෙව.

සද්ධම්මජ්ජපජ්ජොතිකාය චූළනිද්දෙස-අට්ඨකථාය

පුණ්ණකමාණවසුත්තනිද්දෙසවණ්ණනා නිට්ඨිතා.



#### 4. මෙත්තගුමාණවසුත්තනිද්දෙසවණ්ණනා

**18.** චතුත්ථෙ මෙත්තගුසුත්තෙ – මඤ්ඤාමි තං වෙදගු භාවිතත්තන්ති “අයං වෙදගු”ති ච “භාවිතත්තො”ති ච එවං තං මඤ්ඤාමි.

අපරිත්තොති න අප්පො. මහත්තොති න බුද්දකො. ගම්භිරොති න උත්තානො. අප්පමෙයොයාති මිනිතුං න සක්කුණෙයොයා. දුප්පරියොගාල්ලොති අවගාහිතුං ඔතරිතුං දුක්ඛො. බහුරතනො සාගරූපමොති බහුතං ධම්මරතනානං ආකරත්තා අනෙකවිධරතනසම්පන්නො මහාසමුද්දො විය බහුරතනො සාගරසදිසො.

න මඬකු හොතිති න විකුණිතමුඛො හොති. අප්පතිට්ඨිතවිත්තොති දොසවසෙන න සනිභූතවිත්තො. අලීනමනසොති න සඬකුචිතවිත්තො. අඛ්‍යාපන්නවෙතසොති න පුතිවිත්තො.

දිට්ඨෙය් දිට්ඨමත්තොති චක්ඛුවිසයෙ රූපාරම්මණෙ දිට්ඨමත්තොයෙව තං ආරම්මණං හවිස්සති, කත්තා වා කාරෙතා වා නත්ථි. යං චක්ඛුනා දිට්ඨං වණ්ණායතනමෙව. සුතාදීසුපි එසෙව නයො. අපි ච දිට්ඨෙති දස්සනායොගෙන වණ්ණායතනං, සවනායොගෙන සද්දායතනං, මුතයොගෙන සානජිවිහාකායායතනාති දස්සෙති. සානස්ස ගන්ධායතනං, ජිවිහාය රසායතනං, කායස්ස පථවී තෙජො වායුති ථොට්ඨබ්බායතනං, විඤ්ඤාතයොගෙන ධම්මායතනං දස්සෙති. දිට්ඨෙය් අනුපයොති චක්ඛුවිඤ්ඤාණෙන දිට්ඨෙය් රාගූපයවිරහිතො. අනපායොති කොධවිරහිතො අප්පට්ඨො. අනිස්සිතොති තණ්හාය අනල්ලිතො. අප්පට්ඨෙධොති මානෙන න බද්ධො. විප්පමුත්තොති සබ්බාරම්මණතො මුත්තො. විසඤ්ඤුත්තොති කිලෙසෙහි වියුත්තො හුත්වා යීතො.

සංවිජ්ජති භගවතො චක්ඛුති බුද්ධස්ස භගවතො පකතිමංසචක්ඛු උපලබ්භති. පස්සතිති දක්ඛති ඔලොකෙති. චක්ඛුනා රූපන්ති චක්ඛුවිඤ්ඤාණෙන රූපාරම්මණං. ඡන්දරාගොති තණ්හාඡන්දො.

දන්තං නයන්ති සමිතින්ති උය්‍යානකීළාමණ්ඩලාදීසු හි මහාජනමජ්ඣං ගච්ඡන්තා දන්තමෙව ගොණං වා දන්තං අස්සාජානීයං වා යානෙ යොජෙත්වා නයන්ති. රාජාති තථාරූපානෙව යානාති ගච්ඡන්තො රාජාපි දන්තමෙව අභිරුහති. මනුස්සෙසුති මනුස්සෙසුපි චතුහි අරියමග්ගෙහි දන්තො නිබ්බිසෙවනොව සෙට්ඨො. යොතිවාකාන්ති එවරූපං අතික්කම්මෙවනං පුනප්පුනං වුවිචමානමපි තිතික්ඛති නප්පතිජ්ජරති න විහඤ්ඤති, එවරූපො දන්තො සෙට්ඨොති අත්ථො.

අස්සතරාති වළවාය ගදුහෙන ජාතා. ආජානීයාති යං අස්සදම්මසාරථි කාරණං කාරෙති, තස්ස බිජ්ජං ජානනසමත්ථා. සින්ධවාති සින්ධවරට්ඨෙය්



ජාතා අස්සා. මහානාගාති කුඤ්ජරසඬ්ඛාතා මහාහත්ථිනො. අත්තදන්තොති එතෙ අස්සතරා වා සින්ධවා වා කුඤ්ජරා වා දන්තාව, න අදන්තා. යො පන චතුර්මග්ගසඬ්ඛාතෙන අත්තනො දන්තතාය අත්තදන්තො නිබ්බිසෙවනො, අයං තතොපි වරං, සබ්බෙහිපි එතෙහි උත්තරිතරොති අත්ථො.

න හි එතෙහි යානෙහිති යාති එතාති හත්ථියානාදීති උත්තමයානාති, එතෙහි යානෙහි කොච්ඡුග්ගලො සුපිනන්තෙනපි අගතපුබ්බත්තා “අගත”න්ති සඬ්ඛාතං නිබ්බානදිසං තථා න ගච්ඡෙය්‍යා. යථා පුබ්බභාගෙ ඉන්ද්‍රියදමෙන දන්තෙන, අපරභාගෙ අරියමග්ගභාවනාය සුදන්තෙන දන්තො නිබ්බිසෙවනො සප්පඤ්ඤො පුග්ගලො තං අගතපුබ්බං දිසං ගච්ඡති, දන්තභූමිං පාපුණාති, තස්මා අත්තදමනමෙව වරතරන්ති අත්ථො (ධ. ප. අට්ඨ. 2.322; මහානි. අට්ඨ. 90).

විධාසු න විකම්පන්තීති නවවිධමානකොට්ඨාසෙසු න වලන්ති න වෙධෙත්ති. විජ්ජමුත්තා පුනබ්භවාති කම්මකිලෙසතො සමුච්ඡෙදවිමුත්තියා සුට්ඨු මුත්තා. දන්තභූමිං අනුජ්ජත්තාති අරහත්තඵලං පාපුණිත්වා යීතා. තෙ ලොකෙ විජිතාවිනොති තෙ චුත්තජ්ජකාරා බිණ්ණසවා සත්තලොකෙ විජිතවිජයා නාම (සං. නි. අට්ඨ. 2.3.76; මහානි. අට්ඨ. 90).

යස්සින්ද්‍රියාති භාවිතානීති යස්ස බිණ්ණසවස්ස සද්ධාදිපඤ්චින්ද්‍රියාති අරහත්තඵලං පාපෙත්වා වඩ්ඪිතාති. අජ්ඣත්තඤ්ච බහිද්ධා වාති චක්ඛාදිඅජ්ඣත්තායතනාති ච රූපාදිබහිද්ධායතනාති ච නිබ්බිසෙවනාති කතාති. සබ්බලොකෙති සකලතෙධාතුකෙ ලොකෙ ව. නිබ්බිජ්ඣ ඉමං පරඤ්ච ලොකන්ති ඉමඤ්ච අත්තභාවං පරලොකෙ ව අත්තභාවං අතික්කම්ත්වා යීතො බිණ්ණසවො. කාලං කඬ්ඛති භාවිතො ස දන්තොති සො බිණ්ණසවො චක්ඛාදිතො දන්තො වඩ්ඪිතවිත්තො මරණකාලං පත්ථෙති (සු. නි. අට්ඨ. 2.522; මහානි. අට්ඨ. 90).

යෙසං ධම්මානං ආදිතො සමුදාගමනං පඤ්ඤායතීති යෙසං බන්ධාදිධම්මානං උප්පත්ති පඤ්ඤායති. අත්ථඬ්ඛගමනො නිරොධොති අත්ථඬ්ඛගමනවසෙන තෙසංයෙව අභාවො පඤ්ඤායති. කම්මසන්තිස්සිතො විපාකොති කුසලාකුසලකම්මනිස්සිතො විපාකො කම්මං අමුඤ්චිත්වා පවත්තනතො විපාකොපි කම්මසන්තිස්සිතොව නාම. නාමසන්තිස්සිතං රූපන්ති සබ්බරූපං නාමං ගහෙත්වා පවත්තනතො නාමසන්තිස්සිතං නාම ජාතං. ජාතියා අනුගතන්ති සබ්බං කම්මාදිකං ජාතියා අනුපවිට්ඨං. ජරාය අනුසටන්ති ජරාය පත්ථං. ඛ්‍යාධිතා අභිභූතන්ති ඛ්‍යාධිදුක්ඛෙන අභිමද්දිතං. මරණෙන අබ්භාහතන්ති මච්චුනා අභිභට්ඨං පහට්ඨං. අතාණන්ති පුත්තාදීහිපි තායනස්ස අභාවතො අතායනං අනාරක්ඛං අලබ්භණෙය්‍යං බෙමං වා. අලෙණන්ති අල්ලීයිතුං නිස්සයිතුං අනරහං, අල්ලීනානම්පි න ලෙණකිව්චකරණං. අසරණන්ති නිස්සිතානං න භයභාරකං, න

භයවිනාසකං. අසරණභූතන්ති පුරෙ උප්පත්තියා අත්තනො අභාවෙනෙව අසරණං, උප්පත්තිසමකාලමෙව අසරණභූතන්ති අත්ථො.

**19.** අප්‍රච්ඡිති එත්ථ අ-ඉති පදපුරණමත්තෙ නිපාතො, ප්‍රච්ඡිතිත්වෙව අත්ථො. පචක්ඛාමී යථා පජානන්ති යථා පජානන්තො ආචික්ඛති, එවං ආචික්ඛිස්සාමි. උපධිනිදානා පභවන්ති දුක්ඛාති තණ්හාදිඋපධිනිදානා ජාතිආදිදුක්ඛවිසෙසා පභවන්ති.

තණ්හූපධිති තණ්හා එව තණ්හූපධි. සස්සතුවිෂෙදදිට්ඨි එව දිට්ඨූපධි. රාගාදිකිලෙසා එව කිලෙසූපධි. පුඤ්ඤාදිකම්මානි එව කම්මූපධි. තිව්ධදුච්චරිතානියෙව දුච්චරිතූපධි. කබලීකාරාදයො ආභාරා එව ආභාරූපධි. දොසපට්ඨෙසා එව පට්ඨූපධි. කම්මසමුට්ඨානා කම්මෙනෙව ගහිතා පට්ඨාදයො චතස්සො ධාතුයොව චතස්සො උපාදිත්තධාතූයො උපධි. චක්ඛාදිජඅජ්ඣත්තිකානි ආයතනානි එව ජ අජ්ඣත්තිකානි ආයතනානි උපධි. චක්ඛුවිඤ්ඤාණාදිජවිඤ්ඤාණකායාව ජ විඤ්ඤාණකායා උපධි. සබ්බමිපි දුක්ඛං දුක්ඛමනට්ඨෙතාති සබ්බතෙභූමකං දුක්ඛං දුස්සහනට්ඨෙත උපධි.

**20.** එවං උපධිනිදානතො පභවන්තෙසු දුක්ඛෙසු – යො වෙ අවිද්චාති ගාථා. තත්ථ පජානන්ති සඬ්ඛාරෙ අනිච්චාදිවසෙන ජානන්තො. දුක්ඛස්ස ජාතිජපභවානුපස්සිති වට්ටදුක්ඛස්ස ජාතිකාරණං. “උපධි”ති අනුපස්සන්තො. ඉමිස්සා ගාථාය නිද්දෙසෙ වත්තබ්බං නත්ථි.

**21.** සොකපරිද්දවඤ්චාති සොකඤ්ච පරිදෙවඤ්ච. තථා හි තෙ විදිතො එස ධම්මොති යථා යථා සත්තා ජානන්ති, තථා තථා ඤාපනවසෙන විදිතො එස තයා ධම්මොති.

තත්ථ තරන්තීති පයමග්ගෙන දිට්ඨොසං තරන්ති. උත්තරන්තීති දුතියමග්ගෙන කාමොසං තනුකරණවසෙන උග්ගන්ත්වා තරන්ති. පතරන්තීති තමෙව නිරවසෙසජ්ජහානවසෙන තතියමග්ගෙන විසෙසෙන තරන්ති. සමතික්කමන්තීති භවොසඅවිජ්ජොසජ්ජහානවසෙන චතුත්ථමග්ගෙන සම්මා අතික්කමන්ති. විතිවත්තන්තීති එලං පාපුණිත්වා තිට්ඨන්ති.

**22.** කිත්තයිස්සාමි තෙ ධම්මන්ති නිබ්බානධම්මං නිබ්බානගාමිනිපටිපදාධම්මඤ්ච තෙ දෙසයිස්සාමි. දිට්ඨෙ ධම්මෙති දිට්ඨෙව දුක්ඛාදිධම්මෙ, ඉමස්මිංයෙව වා අත්තභාවෙ. අනීතිහන්ති අත්තපච්චක්ඛං. යං විදිත්වාති යං ධම්මං “සබ්බෙ සඬ්ඛාරා අනිච්චා”තිආදිනා (ධ. ප. 277; ථෙරගා. 676; කථා. 753) නයෙන සම්මසන්තො විදිත්වා.

තත්ථ ආදිකල්‍යාණන්ති හිත්වාපි අනුත්තරං විචෙකසුඛං ධම්මං තව කිත්තයිස්සාමි, තඤ්ච ඛො අප්පං වා ඛහුං වා කිත්තයත්තො ආදිකල්‍යාණාදිප්පකාරමෙව කිත්තයිස්සාමි. ආදිමිහි කල්‍යාණං හද්දකං අනවජ්ජමෙව කත්වා කිත්තයිස්සාමි. මජ්ඣෙපි. පරියොසානෙපි හද්දකං අනවජ්ජමෙව කත්වා කිත්තයිස්සාමිති චූත්තං හොති. යස්මිඤ්චි හගවා එකගාථමිපි දෙසෙසි, සා සමන්තහද්දකත්තා ධම්මස්ස පයම්පාදෙන ආදිකල්‍යාණා, දුතියතතියපාදෙහි මජ්ඣෙකල්‍යාණා, පච්ඡිමපාදෙන පරියොසානකල්‍යාණා. එකානුසන්ධිකං සූත්තං නිදානෙන ආදිකල්‍යාණං, නිගමනෙන පරියොසානකල්‍යාණං, සෙසෙන මජ්ඣෙකල්‍යාණං. නානානුසන්ධිකං සූත්තං පයම්පානුසන්ධිතා ආදිකල්‍යාණං, පච්ඡිමෙන පරියොසානකල්‍යාණං, සෙසෙහි මජ්ඣෙකල්‍යාණං.

අපි ච සනිදානඋප්පත්තිත්තා ආදිකල්‍යාණං, වෙනෙය්‍යානං අනුරූපතො අත්ථස්ස අවිපරිත්තාය ච හෙතුදාහරණයුත්තතො ච මජ්ඣෙකල්‍යාණං, සොතුනං සද්ධාපටිලාභජනනෙන නිගමනෙන ච පරියොසානකල්‍යාණං.

සකලො හි සාසනධම්මො අත්තනො අත්ථභූතෙන සීලෙන ආදිකල්‍යාණො, සමථවිපස්සනාමග්ගඵලෙහි මජ්ඣෙකල්‍යාණො, නිබ්බානෙන පරියොසානකල්‍යාණො. සීලසමාධිහි වා ආදිකල්‍යාණො, විපස්සනාමග්ගෙහි මජ්ඣෙකල්‍යාණො, ඵලනිබ්බානෙහි පරියොසානකල්‍යාණො. බුද්ධසුඛොධිත්තාය වා ආදිකල්‍යාණො, ධම්මසුඛමිත්තාය මජ්ඣෙකල්‍යාණො, සඬ්ඝසුප්පටිපත්තියා පරියොසානකල්‍යාණො. තං සූත්ථා තථත්තාය පටිපන්නෙන අධිගන්තබ්බාය අභිසම්බොධියා වා ආදිකල්‍යාණො, පච්චෙකබොධියා මජ්ඣෙකල්‍යාණො, සාවකබොධියා පරියොසානකල්‍යාණො.

සුය්‍යමානො වෙස නිවරණවික්ඛම්භනතො හවනෙනපි කල්‍යාණමෙව ආවහතීති ආදිකල්‍යාණො, පටිපජ්ජියමානො සමථවිපස්සනාසුඛාවහනතො පටිපත්තියාපි කල්‍යාණමෙව ආවහතීති මජ්ඣෙකල්‍යාණො, තථාපටිපන්නො (පාරා. අට්ඨ. 1.1) ච පටිපත්තිඵලෙ නිට්ඨිතෙ තාදිභාවාවහනතො පටිපත්තිඵලෙනපි කල්‍යාණමෙව ආවහතීති පරියොසානකල්‍යාණොති.

යං පනෙස හගවා ධම්මං දෙසෙන්නො සාසනබ්‍රහ්මවරියං මග්ගබ්‍රහ්මවරියඤ්ච පකාසෙති, නානාතයෙහි දීපෙති. තං යථානුරූපං අත්ථසම්පත්තියා සාත්ථං. බ්‍යඤ්ජනසම්පත්තියා සබ්බඤ්ජනං. සඬ්ඝාසනපකාසනවිවරණවිභජනඋත්තානීකරණපඤ්ඤත්තිඅත්ථපදසමා යොගතො සාත්ථං. අක්ඛරපදබ්‍යඤ්ජනාකාරනිරුත්තිනිද්දෙසසම්පත්තියා සබ්බඤ්ජනං. අත්ථගම්භීරතාපටිච්චෙධගම්භීරතාහි සාත්ථං. ධම්මගම්භීරතාදෙසනාගම්භීරතාහි සබ්බඤ්ජනං.

අත්ථපටිභානපටිසම්භිදාවිසයතො සාත්ථං.  
 ධම්මනිරුත්තිපටිසම්භිදාවිසයතො සබ්බඤ්ජනං. පණ්ඩිතවෙදනීයතො  
 සරික්ඛකජනජපසාදකන්ති සාත්ථං. සද්ධෙය්‍යතො  
 ලොකීයජනජපසාදකන්ති සබ්බඤ්ජනං. ගම්භීරාධිප්පායතො සාත්ථං.  
 උත්තානපදතො සබ්බඤ්ජනං. උපනෙතබ්බස්ස අභාවතො  
 සකලපරිපුණ්ණභාවෙන කෙවලපරිපුණ්ණං. අපනෙතබ්බස්ස අභාවතො  
 නිද්දොසභාවෙන පරිසුද්ධං.

අපි ච - පටිපත්තියා අධිගමබ්‍යත්තීතො සාත්ථං. පරියත්තියා  
 ආගමබ්‍යත්තීතො සබ්බඤ්ජනං. සීලාදිපඤ්චධම්මක්ඛන්ධයුත්තතො  
 කෙවලපරිපුණ්ණං. නිරුපක්කිලෙසතො නිත්ථරණත්ථාය පවත්තීතො  
 ලොකාමිසනිරපෙක්ඛතො ච පරිසුද්ධං. සික්ඛත්තයපරිග්ගහිතත්තා  
 බ්‍රහ්මභූතෙහි සෙට්ඨෙහි චරිතබ්බතො, තෙසඤ්ච චරියභාවතො බ්‍රහ්මචරියං  
 (පාරා. අට්ඨ. 1.1).

එවං පරියත්තිධම්මං දස්සෙත්වා ඉදානි ලොකුත්තරධම්මං දස්සෙතුං  
 “චත්තාරො සතිපට්ඨානෙ”ති ආහ. සත්තතිංසබ්බොධිපක්ඛියධම්මෙ  
 දස්සෙත්වා නිබ්බත්තිතලොකුත්තරං දස්සෙතුං “නිබ්බානඤ්චා”ති ආහ.  
 නිබ්බානගාමිනිඤ්ච පටිපදන්ති පුබ්බභාගසීලසමාධිවිපස්සනාධම්මඤ්ච  
 කිත්තයිස්සාමි.

දුක්ඛෙ දිට්ඨෙති දුක්ඛසච්චෙ සරසලක්ඛණෙන දිට්ඨෙ දුක්ඛසච්චං  
 පකාසෙස්සාමි. සමුදයාදිසුපි එසෙව නයො.

**23. තඤ්චාහං අභිනන්දාමිති තං චුත්තජ්ජකාරධම්මජොතකං තච චචනං**  
**අහං පත්ථයාමි. ධම්මමුත්තමන්ති තඤ්ච ධම්මමුත්තමං අභිනන්දාමි.**

තත්ථ මහතො තමොකායස්ස පදාලනන්ති මහතො අවිජ්ජාරාසිස්ස  
 ඡෙදනං. අනිච්චලක්ඛණවසෙන එසී. දුක්ඛලක්ඛණවසෙන ගවෙසී.  
 අනත්තලක්ඛණවසෙන සමන්තතො පරියෙසී. මහතො විපල්ලාසස්ස  
 පහෙදනන්ති මහන්තස්ස අසුහෙ සුහන්තිආදිද්වාදසවිධස්ස විපල්ලාසස්ස  
 හෙදනං. මහතො තණ්හාසල්ලස්ස අබ්බහනන්ති මහන්තස්ස  
 අන්තොතුදනට්ඨෙන තණ්හාකණ්ටකස්ස ලුඤ්චනං. දිට්ඨිසඬ්ඝාටස්ස  
 විනිවෙදනන්ති දිට්ඨියෙව අබ්බොච්ඡින්නජ්ජවත්තීතො සඬ්ඝට්ඨෙන  
 සඬ්ඝාටො, තස්ස දිට්ඨිසඬ්ඝාටස්ස නිවත්තනං. මානධජස්ස පාතනන්ති  
 උස්සිතට්ඨෙන උන්නතිලක්ඛණස්ස මානද්ධජස්ස පාතනං. අභිසඬ්ඝාරස්ස  
 වූපසමන්ති පුඤ්ඤාදිඅභිසඬ්ඝාරස්ස උපසමනං. ඔසස්ස නිත්ථරණන්ති  
 වට්ටෙ ඔසිදාපනස්ස කාමොසාදිඔසස්ස නිත්ථරණං නික්ඛමනං. භාරස්ස  
 නික්ඛෙපනන්ති රූපාදිපඤ්චක්ඛන්ධභාරස්ස බිපනං ඡඩ්ඪනං.  
 සංසාරවට්ටස්ස උපච්ඡෙදන්ති බන්ධාදිපටිපාටිසංසාරවට්ටස්ස



හෙතුනස්සනෙන උච්ඡිජ්ජනං. සන්තාපස්ස නිබ්බාපනන්ති  
 කිලෙසසන්තාපස්ස නිබ්බුතිං. පරිලාභස්ස පටිපස්සද්ධන්ති  
 කිලෙසපරිලාභස්ස වූපසමං පටිපස්සමහනං. ධම්මධජස්ස උස්සාපනන්ති  
 නවවිධලොකුත්තරධම්මස්ස උස්සාපෙත්වා යපනං. පරමත්ථං අමතං  
 නිබ්බානන්ති උත්තමට්ඨයෙන පරමත්ථං. නත්ථි එතස්ස මරණසංඛාතං  
 මතන්ති අමතං. කිලෙසවිසපටිපක්ඛත්තා අගදන්තිපි අමතං.  
 සංසාරදුක්ඛපටිපක්ඛභූතත්තා නිබ්බුතන්ති නිබ්බානං. නත්ථෙත්ථ  
 තණ්හාසංඛාතං වානන්තිපි නිබ්බානං.

මහෙසක්ඛෙහි සත්තෙහීති මහානුභාවෙහි සක්කාදීහි සත්තෙහි.  
 පරියෙසිතොති පරිශීට්ඨො. කහං දෙවදෙවොති දෙවානං අතිදෙවො කුහිං.  
 කහං නරාසහොති උත්තමපුරිසො.

24. උද්ධං අධො තිරියඤ්චාපි මජ්ඣෙති එත්ථ උද්ධන්ති අනාගතද්ධා  
 වුච්චති. අධොති අතීතද්ධා. තිරියඤ්චාපි මජ්ඣෙති පච්චුජ්ජන්තද්ධා. එතෙසු  
 නන්දිඤ්ච නිවෙසනඤ්ච, පනුජ්ජ විඤ්ඤාණන්ති එතෙසු උද්ධාදීසු  
 තණ්හඤ්ච දිට්ඨිනිවෙසනඤ්ච අභිසංඛාරවිඤ්ඤාණඤ්ච පනුදෙහි.  
 පනුදිත්වා ච භවෙ න තිට්ඨෙති එවං සන්තෙ දුට්ඨෙපි භවෙ න තිට්ඨෙය්‍යා.  
 එවං තාව පනුජ්ජසද්දස්ස පනුදෙහිති ඉමස්මිං අත්ථවිකප්පෙ සම්බන්ධො.  
 පනුදිත්වාති එතස්මිං පන අත්ථවිකප්පෙ භවෙ න තිට්ඨෙති අයමෙව  
 සම්බන්ධො. එතානි නන්දිනිවෙසනවිඤ්ඤාණානි පනුදිත්වා දුට්ඨෙපි භවෙ  
 න තිට්ඨෙය්‍යාති.

සහොකාසවසෙන දෙවලොකො උද්ධං. අපායලොකො අධො.  
 මනුස්සලොකො මජ්ඣෙ. තත්ථ කුසලා ධම්මාති අපායං මුඤ්චිත්වා උපරි  
 පටිසන්ධිදානතො කුසලා ධම්මා උද්ධන්ති වුච්චන්ති. අකුසලා ධම්මා  
 අපායෙසු පටිසන්ධිදානතො අධොති. තදුභයවිමුත්තත්තා අඛ්‍යාකතා ධම්මා  
 තිරියඤ්චාපි මජ්ඣෙති වුච්චන්ති. සබ්බොපරිවසෙන අරූපධාතු උද්ධං.  
 සබ්බඅධොවසෙන කාමධාතු අධො. තදුභයන්තරවසෙන රූපධාතු මජ්ඣෙ.  
 කායචිත්තාබ්‍යාධර්මනවසෙන සුඛා වෙදනා උද්ධං. දුක්ඛමනවසෙන දුක්ඛා  
 වෙදනා අධො. අදුක්ඛමසුඛා වෙදනා මජ්ඣෙ. අත්තභාවවසෙන පරිච්ඡේදං  
 දස්සෙන්තො “උද්ධන්ති උද්ධං පාදතලා”තිආදිමාහ. තත්ථ උද්ධං  
 පාදතලාති පාදතලතො උපරි. අධො කෙසමත්ථකාති කෙසමත්ථකතො  
 අධො. මජ්ඣෙති ද්විත්තං අන්තරං.

පුඤ්ඤාභිසංඛාරසහගතං	විඤ්ඤාණන්ති
තෙරසවිධපුඤ්ඤාභිසංඛාරසම්පයුත්තං	කම්මවිඤ්ඤාණං.
අපුඤ්ඤාභිසංඛාරසහගතං	විඤ්ඤාණන්ති
ද්වාදසවිධඅපුඤ්ඤාභිසංඛාරසම්පයුත්තං	කම්මවිඤ්ඤාණං.
ආනෙඤ්ජාභිසංඛාරසහගතං	විඤ්ඤාණන්ති
	චතුබ්බිධං



ආනෙඤ්ජාභිසංඛාරසහගතං කම්මවිඤ්ඤාණං. නුඡ්ජාති ඛිප. පනුඡ්ජාති අතීව ඛිප. නුදාති ලුඤ්ච. පනුදාති අතීව ලුඤ්ච. පජහාති ඡඩ්ඛෙහි. විනොදෙහීති දුරං කරොහි.

කම්මභවඤ්චාති පුඤ්ඤාභිසංඛාරවේතනාව. පටිසන්ධිකඤ්ච පුනඛිභවන්ති පටිසන්ධියා රූපාදිපුනඛිභවඤ්ච. පජහන්තො පට්ඨමග්ගෙන, විනොදෙන්තො දුතියමග්ගෙන, ඛ්‍යන්තී කරොන්තො තතියමග්ගෙන, අනභාවං ගමෙන්තො චතුත්ථමග්ගෙන. කම්මභවෙ න තිට්ඨෙය්‍යාති පුඤ්ඤාදිඅභිසංඛාරෙ න තිට්ඨෙය්‍ය.

**25.** එතාති විනොදෙන්වා භවෙ අතිට්ඨන්තො එසො – එවං විහාරීති ගාථා. තත්ථ ඉධෙවාති ඉමස්මිංයෙව සාසනෙ, ඉමස්මිංයෙව වා අත්තභාවෙ. ඉමස්ස ගාථාය නිද්දෙසො උත්තානත්ථොව.

**26.** සුකිත්තිතං ගොතමනුපට්ඨිකන්ති එත්ථ අනුපට්ඨිකන්ති නිබ්බානං, තං සන්ධාය භගවන්තං ආලපන්තො ආහ – “සුකිත්තිතං ගොතමනුපට්ඨික”න්ති.

නිද්දෙසෙ කිලෙසා වාති උපතාපනට්ඨෙත රාගාදයො කිලෙසා ච රාසට්ඨෙත විපාකභූතා පඤ්චක්ඛන්ධා ච කුසලාදිඅභිසංඛාරා වේතනා ච “උපට්ඨි”ති වුච්චන්ති කථීයන්ති. උපට්ඨිප්පහානං තද්ධිගජ්ජහානෙන, උපට්ඨිපුසමං වික්ඛම්භනජ්ජහානෙන, උපට්ඨිපට්ඨිස්සග්ගං සමුච්ඡෙදජ්ජහානෙන උපට්ඨිපට්ඨිස්සද්ධං ඵලෙනාති.

**27.** න කෙවලං දුක්ඛමෙව පහාසි – තෙ වාපීති ගාථා. තත්ථ අට්ඨිතන්ති සක්කච්චං, සදා වා. තං තං නමස්සාමීති තස්මා තං නමස්සාමි. සමෙච්චාති උපගන්ත්වා. නාගාති භගවන්තං ආලපන්තො ආහ.

නිද්දෙසෙ සමෙච්චාති ජානිත්වා, එකතො හුත්වා වා. අභිසමෙච්චාති පටිවිජ්ඣිත්වා. සමාගන්ත්වාති සම්මුඛා හුත්වා. අභිසමාගන්ත්වාති සමීපං ගන්ත්වා. සම්මුඛාති සම්මුඛෙ. ආගුං න කරොතීති පාපං න කරොති.

**28.** ඉදාති නං භගවා “අද්ධා හි භගවා පහාසි දුක්ඛ”න්ති එවං තෙන බ්‍රාහ්මණෙන විදිතොපි අත්තානං අනුපනෙන්වාච පභීනදුක්ඛෙන පුග්ගලෙන ඔවදන්තො “යං බ්‍රාහ්මණ”න්ති ගාථමාහ. තස්සත්ථො – යං තං අභිජානන්තො “අයං බාහිතපාපත්තා බ්‍රාහ්මණො, වෙදෙහි ගතත්තා වෙදගු, කිඤ්චනාභාවා අකිඤ්චනො, කාමෙසු ච භවෙසු ච අසත්තත්තා කාමභවෙ අසත්තො”ති ජඤ්ඤා ජානෙය්‍යාසි. අද්ධා හි සො ඔසමීමං අකාරි, තිණ්ණො ච පාරං අබ්බලො අකඬ්ඛො.

නිද්දෙසෙ රාගකිඤ්චනන්ති රාගපලිබ්බාධං. දොසකිඤ්චනන්තිආදිපි එසෙව නයො. කාමොසං තිණ්ණො අනාගාමීග්ගෙන. භවොසං තිණ්ණො

අරහත්තමග්ගෙන. දිට්ඨොසං තිණ්ණො සොනාපත්තිමග්ගෙන. අවිජ්ජොසං තිණ්ණො අරහත්තමග්ගෙන. සංසාරපථං තිණ්ණො කුසලාකුසලකම්මප්පහෙදෙනාති. උත්තිණ්ණො පට්ඨමග්ගෙන. නිත්තිණ්ණො දුතියමග්ගෙන. අතික්කන්තො තතියමග්ගෙන. සමතික්කන්තො චතුත්ථමග්ගෙන. වීතිවත්තො එලෙන.

**29.** කිඤ්ච භියොං - විද්වා ච යොති ගාථා. තත්ථ ඉධාති ඉමස්මිං සාසනෙ, අත්තභාවෙ වා. විසජ්ජාති වොසජ්ජන්වා.

නිද්දෙසෙ සජ්ජන්ති මුඤ්චන්. විසජ්ජන්ති වොසජ්ජන්. සෙසං සබ්බත්ථ පාකට්ඨමෙව. එවං භගවා ඉදම්පි සුත්තං අරහත්තනිකුට්ඨෙනෙව දෙසෙසි. දෙසනාපරියොසානෙ ච චුත්තසද්ධියො එව ධම්මාභිසමයො අහොසිති.

සද්ධම්මප්පජ්ජොතිකාය චූළනිද්දෙස-අට්ඨකථාය

මෙත්තගුමාණවසුත්තනිද්දෙසවණ්ණනා නිට්ඨිතා.

### 5. ධොතකමාණවසුත්තනිද්දෙසවණ්ණනා

**30.** පඤ්චමෙ ධොතකසුත්තෙ - වාචාභිකඤ්චාමීති වාචං අභිකඤ්චාමි. සික්ඛෙ නිබ්බානමත්තනොති අත්තනො රාගාදීනං නිබ්බානත්ථාය අධිසිලාදීනි සික්ඛෙය්‍ය. නිද්දෙසෙ අපුබ්බං නත්ථි.

**31.**

ඉතොති මම මුඛතො.

නිද්දෙසෙ ආතප්පන්ති කිලෙසතාපනං. උස්සාහන්ති අසඬකොචං. උස්සොළ්භීන්ති බලවචිරියං. ථාමන්ති අසිලිලං. ධිතින්ති ධාරණං. වීරියං කරොහීති පරක්කමං කරොහි. ඡන්දං ඡනෙහීති රූපිං උප්පාදෙහි.

**32.** එවං චුත්තෙ අත්තමනො ධොතකො භගවත්තං අභිත්ථවමානො කථංකථාපමොක්ඛං යාවත්තො “පස්සාමහ”න්ති ගාථමාහ. තත්ථ පස්සාමහං දෙවමනුස්සලොකෙති පස්සාමි අහං දෙවමනුස්සලොකෙ. තං තං නමස්සාමීති තං එවරූපං තං නමස්සාමි. පමුඤ්චාති පමොචෙහි.

නිද්දෙසෙ පච්චෙකඛුද්ධාති තං තං ආරම්මණං පාටියෙක්කං චතුසච්චං සයමෙව බුද්ධා පට්චෙධජ්ජන්තාති පච්චෙකඛුද්ධා. සීහසීහොති අජම්භිතට්ඨෙන සීහානං අතිසීහො. නාගනාගොති නික්කිලෙසට්ඨෙන, මහන්තට්ඨෙන වා නාගානං අතිනාගො. ගණිගණිති ගණවත්තානං අතීව ගණවා. මුනිමුනීති ඤාණවත්තානං අතීව ඤාණවා. රාජරාජාති උත්තමරාජා. මුඤ්ච මන්ති මොචෙහි මං. පමුඤ්ච මන්ති නානාවිධෙන මුඤ්චෙහි මං. මොචෙහි මන්ති සිලිලං කරොහි මං. පමොචෙහි මන්ති අතීව සිලිලං කරොහි

මං. උද්ධර මන්ති මං සංසාරපඬකා උද්ධරිත්වා ථලෙ පතිට්ඨාපෙහි. සමුද්ධර මන්ති සමමා උද්ධරිත්වා ථලෙ පතිට්ඨාපෙහි මං. වුට්ඨාපෙහීති විචිකිච්ඡාසල්ලතො අපනෙත්වා විසුං කරණවසෙන උට්ඨාපෙහි.

**33.** අට්ඨස්ස භගවා අත්තාධීනමෙව කථංකථාපමොක්ඛං ඔසතරණමුඛෙන දස්සෙන්නො “නාහ”න්ති ගාථමාහ. තත්ථ නාහං සහිස්සාමීති අහං න සහිස්සාමි න සක්කොමි. න වායමිස්සාමීති චුත්තං හොති. පමොවනායාති පමොවෙතුං. කථංකථීන්ති සකඬ්ඛං. තරෙසීති තරෙයායාසි.

නිද්දෙසෙ න ඊහාමීති පයොගං න කරොමි. න සමීහාමීති අතීව පයොගං න කරොමි. අස්සද්ධෙ පුග්ගලෙති රතනත්තයෙ සද්ධාචරිතෙන පුග්ගලෙ. අච්ඡන්දිකෙති මග්ගඵලත්ථං රුචිචරිතෙන. කුසිතෙති සමාධිචරිතෙන. භීතචිරියෙති නිබ්බිරියෙ. අප්පට්ඨපජ්ජමානෙති පටිපත්තියා න පටිපජ්ජමානෙ.

**34.** ඵලං චුත්තෙ අත්තමනතරො ධොතකො භගවන්තං අහිත්ථවමානො අනුසාසනිං යාවන්නො “අනුසාස බ්‍රහ්මෙ”ති ගාථමාහ. තත්ථ බ්‍රහ්මෙති සෙට්ඨවචනමෙතං. තෙන භගවන්තං ආමන්තයමානො ආහ “අනුසාස බ්‍රහ්මෙ”ති. විවෙකධම්මන්ති සබ්බසඬ්ඛාරවිවෙකං නිබ්බානධම්මං. අඛ්‍යාපජ්ජමානොති නානප්පකාරකං අනාපජ්ජමානො. ඉධෙව සන්නොති ඉධෙව සමානො. අසිතොති අනිස්සිතො.

**35-7.** ඉතො පරා ද්වෙ ගාථා මෙත්තගුසුත්තෙ චුත්තනයා ඵලං කෙවලඤ්ඤි තත්ථ ධම්මං, ඉධ සන්නිත්ති අයං විසෙසො. තතියගාථායපි පුබ්බඬ්ඞං තත්ථ චුත්තනයමෙව. අපරඬ්ඞෙ සඬ්ඞොති සජ්ජනට්ඨානං, ලග්ගනන්ති චුත්තං හොති. සෙසං සබ්බත්ථ පාකට්ඨමෙව.

ඵලං භගවා ඉදමපි සුත්තං අරහත්තනිකූටෙනෙව දෙසෙසි, දෙසනාපරියොසානෙ ව චුත්තසදියො ඵල ධම්මාභිසමයො අහොසීති.

සද්ධම්මජ්ජපජ්ජොතිකාය වුළුනිද්දෙස-අට්ඨකථාය

ධොතකමාණවසුත්තනිද්දෙසවණ්ණනා නිට්ඨිතා.

## 6. උපසිවමාණවසුත්තනිද්දෙසවණ්ණනා

**38.** ඡට්ඨෙ උපසිවසුත්තෙ — මහත්තමොසන්ති මහත්තං ඔසං. අනිස්සිතොති පුග්ගලං වා ධම්මං වා අනල්ලිතො. නො විසහාමීති න සක්කොමි. ආරම්මණන්ති නිස්සයං. යං නිස්සිතොති යං ධම්මං වා පුග්ගලං වා නිස්සිතො.

නිද්දෙසෙ කාමොසන්ති අනාගාමිමග්ගෙන කාමොසං.  
 අරහත්තමග්ගෙන භවොසං. සොනාපත්තිමග්ගෙන දිට්ඨොසං.  
 අරහත්තමග්ගෙන අවිජ්ජොසං තරෙයාං. සකායකුලා පබ්බජිතොති භගවතො  
 උච්චාකුලපරිදීපනවසෙන චුත්තං. ආලම්බණන්ති අවත්ථරිත්වා යානං.  
 නිස්සයන්ති අල්ලියනං. උපනිස්සයන්ති අපස්සයනං.

**39.** ඉදානි යස්මා බ්‍රාහ්මණො ආකිඤ්චඤ්ඤායතනලාභී තඤ්ච සත්තම්පි  
 නිස්සයං න ජානාති. තෙනස්ස භගවා තඤ්ච නිස්සයං උත්තරිඤ්ච  
 නියානාපථං දස්සෙන්තො “ආකිඤ්චඤ්ඤ”න්ති ගාථමාහ. තත්ථ  
 පෙක්ඛමානොති තං ආකිඤ්චඤ්ඤායතනසමාපත්තිං සතො සමාපජ්ජිත්වා  
 වුට්ඨන්තිත්වා ච අනිච්චාදිවසෙන පස්සමානො. නත්ථීති නිස්සායාති තං  
 “නත්ථී කිඤ්චී”ති පවත්තං සමාපත්තිං ආරම්මණං කත්වා. තරස්සු ඔසන්ති  
 තතො පභුති පවත්තාය විපස්සනාය යථානුරූපං චතුබ්බිධම්පි ඔසං තරස්සු.  
 කථාහීති කථංකථාහී. තණ්හක්ඛයං නත්තමහාභිපස්සාති රත්තින්දිවං  
 නිබ්බානං විභූතං කත්වා පස්ස. එතෙනස්ස දිට්ඨධම්මසුඛවිහාරං කට්ඨෙයි.

නිද්දෙසෙ තඤ්ඤෙව විඤ්ඤාණං අභාවෙතීති ආකාසාලම්බණං කත්වා  
 පවත්තමහග්ගතවිඤ්ඤාණං අභාවෙති අභාවං ගමෙති. විභාවෙතීති විවිධා  
 අභාවං ගමෙති. අන්තරධාපෙතීති අදස්සනං ගමෙති. නත්ථී කිඤ්චීති  
 පස්සතිති අන්තමසො භට්ඨගමත්තම්පිස්ස නත්ථීති පස්සති.

**40.** ඉදානි “කාමෙ පහායා”ති සුත්වා වික්ඛම්භනවසෙන අත්තනා  
 පහිනෙ කාමෙ සම්පස්සමානො “සබ්බෙසු”ති ගාථමාහ. තත්ථ භිත්වා  
 මඤ්ඤන්ති අඤ්ඤං තතො හෙට්ඨා ඡබ්බිධම්පි සමාපත්තිං භිත්වා.  
 සඤ්ඤාවිමොක්ඛෙ පරමෙති සත්තසු සඤ්ඤාවිමොක්ඛෙසු උත්තමෙ  
 ආකිඤ්චඤ්ඤායතනෙ. තිට්ඨෙය නු සො තත්ථ අනානුයායීති සො පුග්ගලො  
 තත්ථ ආකිඤ්චඤ්ඤායතනබ්‍රහ්මලොකෙ අවිගච්ඡමානො තිට්ඨෙයා නුති  
 පුච්ඡති.

නිද්දෙසෙ අවිච්චමානොති අවිසුජ්ජමානො. අවිගච්ඡමානොති වියොගං  
 අනාපජ්ජමානො. අනන්තරධායමානොති අන්තරධානං අනාපජ්ජමානො.  
 අපරිභායමානොති අනන්තරා පරිභානං අනාපජ්ජමානො.

**41-2.** අට්ඨස්ස භගවා සට්ඨිකජ්ජසහස්සමත්තකංයෙව යානං  
 අනුජානන්තො චතුත්ථං ගාථමාහ. එවං තස්ස තත්ථ යානං සුත්වා ඉදානිස්ස  
 සස්සතුච්ඡෙදභාවං පුච්ඡන්තො “තිට්ඨෙය වෙ”ති ගාථමාහ. තත්ථ පුගම්පි  
 වස්සානන්ති අනෙකසඬ්ඛායම්පි වස්සානං, ගණනරාසින්ති අත්ථො. “පුගම්පි  
 වස්සානී”තිපි පාඨො. තත්ථ විභත්තිඛ්‍යාත්තයෙන සාම්ච්චනස්ස  
 පච්චත්තවචනං කාතබ්බං, පුගන්ති වා එතස්ස බහුතීති අත්ථො වත්තබ්බො.  
 “පුගානී”ති වාපි පඨන්ති, පුරිමපාඨොයෙව සබ්බසුන්දරො. තත්ථෙව සො



සීති සියා විමුත්තොති සො පුග්ගලො තත්ථෙවාකිඤ්චඤ්ඤායතනො නානාදුක්ඛෙහි විමුත්තො සීතිභාවජ්ජත්තො භවෙය්‍ය, නිබ්බානජ්ජත්තො සස්සතො හුත්වා තිට්ඨෙය්‍යාති අධිජ්ජායො. චචෙට්ඨ විඤ්ඤාණං තථාච්ඨස්සාති “උදාහු තථාච්ඨස්ස විඤ්ඤාණං අනුපාදාය පරිනිබ්බායෙය්‍යා”ති උච්ඡෙදං පුච්ඡති, “පටිසන්ධිග්ගහණත්ථං වාපි භවෙය්‍යා”ති පටිසන්ධිමිපි තස්ස පුච්ඡති.

තස්ස විඤ්ඤාණං චවෙය්‍යාති තස්ස ආකිඤ්චඤ්ඤායතනො උජ්ජත්තස්ස විඤ්ඤාණං චුතිං පාපුණෙය්‍ය. උච්ඡිජ්ජෙය්‍යාති උච්ඡෙදං භවෙය්‍ය. විනස්සෙය්‍යාති විනාසං පාපුණෙය්‍ය. න භවෙය්‍යාති අභාවං ගමෙය්‍ය. උපපන්තස්සාති පටිසන්ධිවසෙන උපපන්තස්ස.

43. අට්ඨස්ස භගවා උච්ඡෙදස්සස්සතං අනුපගම්ම තත්ථුපපන්තස්ස අරියසාවකස්ස අනුපාදාය පරිනිබ්බානං දස්සෙන්තො “අච්චී යථා”ති ගාථමාහ. තත්ථ අත්ථං පලෙකීති අත්ථං ගච්ඡති. න උපෙති සඬබන්ති “අසුකං නාම දිසං ගතො”ති වොහාරං න ගච්ඡති. එවං මුතී නාමකායා විමුත්තොති එවං තත්ථ උජ්ජත්තො සෙක්ඛමුති පකතියා පුබ්බෙව රූපකායා විමුත්තො, තත්ථ චතුත්ථමග්ගං නිබ්බත්තෙන්වා ධම්මකායස්ස පරිඤ්ඤාතත්තා පුන නාමකායාපි විමුත්තො උභතොභාගවිමුත්තො ඛිණ්ණසථො හුත්වා අනුපාදානිබ්බානසඬබාතං අත්ථං පලෙති න උපෙති සඬබං “ඛත්තියො වා බ්‍රාහ්මණො වා”ති එවමාදිකං.

නිද්දෙසෙ ඛිත්තාති චලිතා. උක්ඛිත්තාති අතිචලිතා. නුන්නාති පජ්ඣොටියා. පණුන්නාති දුරිකතා. ඛම්භිතාති පටික්කමාපිතා. වික්ඛම්භිතාති න සන්තිකෙ කතා.

44. ඉදානි “අත්ථං පලෙකී”ති සුත්වා තස්ස යොනියො අත්ථමසල්ලක්ඛෙන්තො “අත්ථඬගතො සො”ති ගාථමාහ. තස්සත්ථො — සො අත්ථඬගතො උදාහු නත්ථී, උදාහු වෙ සස්සතියා සස්සතභාවෙන අරොගො අවිපරිණාමධම්මො සොති එවං තං මෙ මුතී සාධු බ්‍යාකරොහි. කිංකාරණා? තථා හි තෙ විදිතො එස ධම්මොති.

නිද්දෙසෙ නිරුද්ධොති නිරොධං පත්තො. උච්ඡින්නොති උච්ඡින්නසන්නාතො. විනට්ඨොති විනාසං පත්තො.

45. අට්ඨස්ස භගවා තථා අවත්තබ්බතං දස්සෙන්තො “අත්ථඬගතස්සා”ති ගාථමාහ. තත්ථ අත්ථඬගතස්සාති අනුපාදාපරිනිබ්බුතස්ස. න පමාණමත්ථීති රූපාදිපමාණං නත්ථී. යෙන නං චජ්ජුන්ති යෙන රාගාදිනා නං චදෙය්‍යුං. සබ්බෙසු ධම්මෙසුති සබ්බෙසු ඛන්ධාදිධම්මෙසු.



නිද්දෙසෙ අධිවචනානි වානි සිරිවඩ්ඪිකො ධනවඩ්ඪිකොතිආදයො හි වචනමත්තංයෙව අධිකාරං කත්වා පවත්තා අධිවචනා නාම. අධිවචනානං පථා අධිවචනපථා නාම. “අභිසඬ්ඛරොන්තීති ඛො, භික්ඛවෙ, තස්මා සඬ්ඛාරා”ති (සං. නි. 3.79) එවං නිද්ධාරිත්වා සහෙතුකං කත්වා වුච්චමානා අභිලාපා නිරුත්ති නාම. නිරුත්තිනං පථා නිරුත්තිපථා නාම. “තක්කො විතක්කො සඬ්ඛප්පො”ති (ධ. ස. 7) එවං තෙන තෙන පකාරෙන පඤ්ඤාපනතො පඤ්ඤත්ති නාම. පඤ්ඤත්තිනං පථා පඤ්ඤත්තිපථා (ධ. ස. අට්ඨ. 101-108) නාම. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකුට්ඨෙනෙව දෙසෙසි, දෙසනාපරියොසානෙ ව චුත්තසදිසොව ධම්මාභිසමයො අහොසීති.

සද්ධම්මප්පජ්ජොතිකාය වුළුනිද්දෙස-අට්ඨකථාය

උපසිවමාණවසුත්තනිද්දෙසවණ්ණනා නිට්ඨිතා.

## 7. නන්දමාණවසුත්තනිද්දෙසවණ්ණනා

46. සත්තමෙ නන්දසුත්තෙ – පයමගාථායත්ථො – ලොකෙ ඛත්තියාදයොජනා ආජීවකනිගණ්ඨාදිකෙ සන්ධාය “සන්ති ලොකෙ මුතයො”ති වදන්ති. තයිදං කථංසුති කිං නු ඛො තෙ සමාපත්තිඤ්ඤාණාදිනා ඤාණෙන උපපන්නත්තා ඤාණුපපන්නං මුනි නො වදන්ති, එවංවිධං නු වදන්ති, උදාහු වෙ නානප්පකාරකෙන ලුබ්ඪිවිතසඬ්ඛාතෙන ජීවිතෙත්තූපපන්නන්ති.

නිද්දෙසෙ	අට්ඨසමාපත්තිඤ්ඤාණෙන	වානි
පයමජ්ඣානාදිඅට්ඨසමාපත්තිසම්පයුත්තඤ්ඤාණෙන		වා.
පඤ්චාභිඤ්ඤාඤාණෙන	වානි පුබ්බෙතිවාසාදිජානනඤ්ඤාණෙන	වා.

47. අට්ඨස්ස භගවා තදුභයම්පි පටික්ඛිපිත්වා මුනිං දස්සෙන්නො “න දිට්ඨියා”ති ගාථමාහ.

48. ඉදානි “දිට්ඨාදිහි සුද්ධි”ති වදන්තානං වාදෙ කඬ්ඛාපහානත්ථං “යෙ කෙවිමෙ”ති පුච්ඡති. තත්ථ අනෙකරූපෙනාති කොතුහලමඬ්ඛලාදිනාපි. තත්ථ යතා වරන්තාති තත්ථ සක්කායදිට්ඨියා ගුත්තා විහරන්තා.

49. අට්ඨස්ස තථා සුද්ධිඅභාවං දීපෙන්නො භගවා චතුත්ථං ගාථමාහ.

50. එවං “නාතරිංසු”ති සුත්වා ඉදානි යො අතරි, තං සොතුකාමො “යෙ කෙවිමෙ”ති පුච්ඡති. අට්ඨස්ස භගවා ඔසතිණ්ණමුඛෙන ජාතිජරාතිණ්ණෙ දස්සෙන්නො ඡට්ඨං ගාථමාහ.

**51.** තත්ථ නිවුතාති ඔවුටා පරියොනද්ධා. යෙ සීධාති යෙ සු ඉධ, එත්ථ ච සු-ඉති නිපාතමත්තං. තණ්හං පරිඤ්ඤායාති තීහි පරිඤ්ඤාහි තණ්හං පරිජානිත්වා. සෙසං සබ්බත්ථ පුබ්බෙ වුත්තනයත්තා පාකට්ඨෙව.

**52.** එවං භගවා අරහත්තනිකුටෙනෙව දෙසනං නිට්ඨාපෙසී, දෙසනාපරියොසානෙ පන නන්දො භගවතො භාසිතං අභිනන්දමානො එතාභිනන්දාමීති ගාථමාහ. ඉධාපි ච පුබ්බෙ වුත්තසද්දිසො එව ධම්මාභිසමයො අභොසීති.

සද්ධම්මජ්ජපජ්ජොතිකාය වුළුනිද්දෙස-අට්ඨකථාය

නන්දමාණවසුත්තනිද්දෙසවණ්ණනා නිට්ඨිතා.

### 8. හෙමකමාණවසුත්තනිද්දෙසවණ්ණනා

**53.** අට්ඨමෙ හෙමකසුත්තෙ — යෙ මෙ පුබ්බෙ වියාකංසුති යෙ බාවරිආදයො පුබ්බෙ මය්හං සකං ලද්ධිං වියාකංසු. හුරං ගොතමසාසනාති ගොතමසාසනතො පුබ්බතරං. සබ්බං තං තක්කවච්චිනන්ති සබ්බං තං කාමචිතක්කාදිවච්චිනං.

යෙ වඤ්ඤෙ තස්ස ආවරියාති යෙ ච අඤ්ඤෙ තස්ස බාවරියස්ස ආවාරෙ සික්ඛාපකා ආවරියා. තෙ සකං දිට්ඨිත්ති තෙ ආවරියා අත්තතො දිට්ඨිං. සකං ඛන්තිත්ති අත්තතො ඛමනං. සකං රුචිත්ති අත්තතො රොචනං. චිතක්කවච්චිනන්ති කාමචිතක්කාදිචිතක්කානං උප්පාදනං පුනප්පුනං පචත්තනං. සඬ්ඝප්පවච්චිනන්ති කාමසඬ්ඝප්පාදිනං වච්චිනං. ඉමානි ද්වෙ පදානි සබ්බසඬ්ඝාභිකවසෙන වුත්තානි. ඉදානි කාමචිතක්කාදිකෙ සරුපතො දස්සෙතුං. “කාමචිතක්කවච්චින”න්තිආදිනා නයෙන නවචිතක්කෙ දස්සෙසි.

**54.** තණ්හානිග්ගාතනන්ති තණ්හාවිනාසනං.

**55-6.** අට්ඨස්ස භගවා තං ධම්මං ආචික්ඛන්තො “ඉධා”ති ගාථාද්වයමාහ. තත්ථ එතදඤ්ඤාය යෙ සතාති එතං නිබ්බානං පදමච්චුතං. “සබ්බෙ සඬ්ඛාරා අනිච්චා”තිආදිනා (ධ. ප. 277; ථෙරගා. 676; කථා. 753) නයෙන විපස්සන්තා අනුපුබ්බෙන ජානිත්වා යෙ කායානුපස්සනාසතිආදීහි සතා. දිට්ඨධම්මාභිනිබ්බුතාති විදිතධම්මත්තා දිට්ඨධම්මා ච රාගාදිනිබ්බානෙන ච අභිනිබ්බුතා. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකුටෙනෙව දෙසෙසී, දෙසනාපරියොසානෙ ච පුබ්බසද්දිසො එව ධම්මාභිසමයො අභොසීති.

සද්ධම්මජ්ජපජ්ජොතිකාය වුළුනිද්දෙස-අට්ඨකථාය

හෙමකමාණවසුත්තනිද්දෙසවණ්ණනා නිට්ඨිතා.

### 9. තොදෙය්‍යමාණවසුත්තනිද්දෙසවණ්ණනා

57. නවමෙ තොදෙය්‍යසුත්තෙ – විමොක්ඛො තස්ස කිදිසොති තස්ස කිදිසො විමොක්ඛො ඉච්ඡිතබ්බොති පුච්ඡති.

58. ඉදානිස්ස අඤ්ඤවිමොක්ඛාභාවං දස්සෙන්නො භගවා දුතියං ගාථමාහ. තත්ථ විමොක්ඛො තස්ස නාපරොති තස්ස අඤ්ඤො විමොක්ඛො නත්ථි.

59. එවං “තණ්හක්ඛයො එව විමොක්ඛො”ති වුත්තෙපි තමත්ථං අසල්ලක්ඛෙන්තො “නිරාසයො සො උද ආසසානො”ති පුන පුච්ඡති. තත්ථ උද පඤ්ඤකප්පිති උදාහු සමාපත්තිඤ්ඤාණාදිනා ඤාණෙන තණ්හාකප්පං වා දිට්ඨිකප්පං වා කප්පයති.

60. අථස්ස භගවා තං ආචික්ඛෙන්තො චතුත්ථං ගාථමාහ. තත්ථ කාමභවෙති කාමෙ ච භවෙ ච.

රූපෙ නාසීසතීති චතුසමුට්ඨානිකෙ රූපාරම්මණෙ ඡන්දරාගවසෙන න පත්ථෙති. සද්ධාදීසුපි එසෙව නයො. පලිබොධට්ඨෙත රාගො එව කිඤ්චනං රාගකිඤ්චනං මදනට්ඨෙත වා. දොසකිඤ්චනාදීසුපි එසෙව නයො. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකූටෙනෙව දෙසෙසී, දෙසනාපරියොසානෙ ව පුබ්බසදිසො එව ධම්මාභිසමයො අභොසීති.

සද්ධම්මප්පජ්ජොතිකාය වුළුනිද්දෙස-අට්ඨකථාය

තොදෙය්‍යමාණවසුත්තනිද්දෙසවණ්ණනා නිට්ඨිතා.

### 10. කප්පමාණවසුත්තනිද්දෙසවණ්ණනා

61. දසමෙ කප්පසුත්තනිද්දෙසෙ – මජ්ඣෙ සරස්මිත්ති පුරිමපච්ඡිමකොට්ඨඤ්ඤාණාභාවතො මජ්ඣභූතෙ සංසාරෙති වුත්තං භොති. තිට්ඨතන්ති තිට්ඨමානානං. යථාසිදං නාපරං සියාති යථා ඉදං දුක්ඛං පුන න භවෙය්‍ය.

ආගමනන්ති පුබ්බත්තතො ඉධාගමනං. ගමනන්ති ඉතො පරලොකගමනං. ගමනාගමනන්ති තදුභයවසෙන වුත්තං. කාලන්ති මරණකාලං. ගතීති නිබ්බන්ති. භවාභවොති භවතො භවො. වුත්ති වාති භවතො චචනඤ්ච. උපපත්ති වාති වුත්තස්ස උපපත්ති ව. නිබ්බන්ති වාති පාතුභාවො ව. භෙදො වාති බන්ධභෙදො ව. ජාති වාති ජනනඤ්ච. ජරා වාති භාති ව.

මරණඤ්චාති ජීවිතින්ද්‍රියස්ස වාගො ව. පුරිමාපි කොටි න පඤ්ඤායතීති පුබ්බාපි කොටි නත්ථි න සංවිජ්ජති. තථා පච්ඡමාපි කොටි.

එත්තකා ජාතියොති එතපරමා ජාතියො. වට්ඨං වත්තීති සංසාරපචත්ති. තතො පරං න වත්තතීති තතො උද්ධං නප්පචත්තති. හෙවං නත්ථිති එවං නත්ථි න සංවිජ්ජති. හි-ඉති නිපාතො. අනමතග්ගොයන්ති අයං සංසාරො අවිදිතග්ගො.

අවිජ්ජානීවරණානන්ති අවිජ්ජාය ආවරිතානං. තණ්හාසංයොජනානන්ති කාමරාගසඬ්ඛාතතණ්හාබන්ධනබද්ධානං. සන්ධාවතන්ති කාමධාතුයා පුනස්පුනං ධාවන්තානං. සංසරතන්ති රූපාරූපධාතුයා සංසරන්තානං. දුක්ඛං පච්චනුභූතන්ති කායිකචෙතසිකදුක්ඛං අනුභූතං වින්දිතං. තිබ්බන්ති බහලං. බ්‍යසනන්ති අවධිසී විනාසො. කට්ඨි වධිසීතාති සුසානවධිසීතං. අලමෙවාති යුත්තමෙව. සබ්බසඬ්ඛාරෙසුති තෙභූමකසඬ්ඛාරෙසු. නිබ්බින්නිදිතුන්ති උක්කණ්ඨිතුං. විරජ්ජිතුන්ති විරාගං උජ්ජාදෙතුං. විමුච්චිතුන්ති මොචෙතුං. වට්ඨං වත්තීස්සතීති සංසාරපචත්තං තෙභූමකවට්ඨං අනාගතෙ පචත්තිස්සති. තතො පරං න වත්තීස්සතීති තතො උද්ධං අනාගතෙ සංසාරපචත්තං නප්පචත්තිස්සති. ජාතිභයෙති ජාතිං පටිච්ච උජ්ජජනකභයෙ. ජරාභයාදීසුපි එසෙව නයො.

**62-3.** අථස්ස භගවා තමත්ථං බ්‍යාකරොන්තො උපරුපරිගාථායො අභාසි. දුතියගාථා චුත්තත්ථායෙව. තතියගාථාය අකිඤ්චනන්ති කිඤ්චනපටිපක්ඛං. අනාදානන්ති ආදානපටිපක්ඛං, කිඤ්චනාදානවූපසමන්ති චුත්තං හොති. අනාපරන්ති අපරපටිභාගදීපවිරහිතං, සෙට්ඨන්ති චුත්තං හොති.

**64.** චතුත්ථගාථාය න තෙ මාරස්ස පද්ධගුති තෙ මාරස්ස පද්ධවරා පරිවාරිකා සිස්සා න හොන්ති.

මහාජනං පාසෙ නියොජෙත්ථා මාරෙතීති මාරො. අකුසලකම්මෙ නියුත්තත්තා කණ්හො. ඡසු දෙවලොකෙසු අධිපතිත්තා අධිපති. අකුසලානං ධම්මානං අන්තං ගතත්තා අන්තගු. පාපජනං න මුඤ්චතීති නමුච්චි. සතිවිජ්ජවාසප්පමත්තපුග්ගලානං ඤාතකොති පමත්තබන්ධු. සෙසං සබ්බත්ථ පාකට්ඨමෙව.

එවං භගවා ඉදම්පි සුත්තං අරහත්තනිකුටෙනෙව දෙසෙසි, දෙසනාපරියොසානෙ ව පුබ්බසද්දිසොව ධම්මාභිසමයො අභොසීති.

සද්ධම්මජ්ජප්පජාතිකාය වුළුනිද්දෙස-අට්ඨකථාය

කප්පමාණවසුත්තනිද්දෙසවණ්ණනා නිට්ඨිතා.



## 11. ජතුකණ්ණිකාවසුත්තනිද්දෙසවණ්ණනා

65. එකාදසමෙ ජතුකණ්ණිසුත්තෙ – සුත්වානභං වීර අකාමකාමීන්ති අභං “ඉතිපි සො භගවා” තිආදිනා (පාරා. 1; දී. නි. 1.157, 255, 301; අ. නි. 6.10; සං. නි. 5.997) නයෙන වීර කාමානං අකාමනතො අකාමකාමීං බුද්ධං සුත්වා. අකාමමාගමන්ති නික්කාමං භගවන්තං පුච්ඡිතුං ආගතොමිති. සහජනෙත්තාති සහජාතසබ්බඤ්ඤාඤ්ඤාණවක්ඛු. යථාතච්ඡන්ති යථාතථං. බුඞ්හි මෙති පුත යාවන්තො භණ්ති. යාවන්තො හි සහස්සක්ඛන්තුමිති භණ්ණොයා, කො පන වාදො ද්වික්ඛන්තුං.

ඉතිපි සො භගවා අරභං සම්මාසම්බුද්ධොති ඉමෙසං පදානං අත්ථො භෙට්ඨා චුත්තොව. විජ්ජාහි පන වරණෙන ව සම්පන්නත්තා විජ්ජාවරණසම්පන්නො. තත්ථ විජ්ජාති තිස්සොපි විජ්ජා අට්ඨපි විජ්ජා. තිස්සො විජ්ජා භයභෙරවසුත්තෙ (ම. නි. 1.34 ආදයො) චුත්තනයෙන වෙදිතබ්බා, අට්ඨ අම්බට්ඨසුත්තෙ (දී. නි. 1.254 ආදයො). තත්ථ හි විපස්සනාඤාණෙන මනොමයිද්ධියා ව සහ ඡ අභිඤ්ඤා පරිග්ගහෙත්වා අට්ඨ විජ්ජා චුත්තා. වරණන්ති සීලසංවරො ඉන්ද්‍රියෙසු ගුත්තද්වාරතා භොජනෙ මත්තඤ්ඤාතා ජාගරියානුයොගො සත්ත සද්ධම්මා චත්තාරි රූපාවචරජ්ඣානානීති ඉමෙ පන්නරස ධම්මා වෙදිතබ්බා. ඉමෙයෙව හි පන්නරස ධම්මා යස්මා එතෙහි වරති අරියසාවකො ගච්ඡති අමතං දිසං, තස්මා “වරණ”න්ති චුත්තා. යථාහ – “ඉධ, මහානාම, අරියසාවකො සීලවා භොති”ති (ම. නි. 2.24) සබ්බං මජ්ඣිමපණ්ණාසකෙ චුත්තනයෙන වෙදිතබ්බං. භගවා ඉමාහි විජ්ජාහි ඉමිනා ව වරණෙන සමන්නාගතො, තෙන චුච්චති විජ්ජාවරණසම්පන්නාති. තත්ථ විජ්ජාසම්පදා භගවතො සබ්බඤ්ඤාතං පුරෙත්වා යිතා, වරණසම්පදා මහාකාරුණිකතං. සො සබ්බඤ්ඤාතාය සබ්බසත්තානං අත්ථානත්ථං ඤත්වා මහාකාරුණිකතාය අනත්ථං පරිවජ්ජෙත්වා අත්ථො නියොජෙති, යථා තං විජ්ජාවරණසම්පන්නො. තෙනස්ස සාවකා සුප්පට්ඨන්තා භොන්ති, නො දුප්පට්ඨන්තා, විජ්ජාවරණවිපන්නානඤ්ඤි සාවකා අත්තන්තපාදයො විය (පාරා. අට්ඨ. 1.1).

සොභනගමනත්තා සුන්දරං යානං ගතත්තා සම්මා ගතත්තා සම්මා ව ගදත්තා සුගතො. ගමනම්පි හි ගතන්ති චුච්චති. තඤ්ච භගවතො සොභනං පරිසුද්ධමනවජ්ජං. කිං පන තන්ති? අරියමග්ගො. තෙන භෙස ගමනෙන ඛෙමං දිසං අසජ්ජමානො ගතොති සොභනගමනත්තා සුගතො. සුන්දරඤ්චෙස යානං ගතො අමතං නිබ්බානන්ති සුන්දරං යානං ගතත්තාපි සුගතො. සම්මා ව ගතො තෙන තෙන මග්ගෙන පහිනෙ කිලෙසෙ පුත අපච්චාගච්ඡන්තො. චුත්තඤ්ඤෙතං –

“සොතාපත්තිමග්ගෙන යෙ කිලෙසා පහිනා, තෙ කිලෙසෙ න පුනෙති න පච්චෙති න පච්චාගච්ඡන්ති සුගතො...පෙ....

අරහත්තමග්ගෙන යෙ කිලෙසා පහීනා, තෙ කිලෙසෙ න පුනෙති න පච්චෙති න පච්චාගච්ඡතීති සුගතො’’ති (මහානි. 38; වූළනි. මෙත්තගුමාණවපුච්ඡානිද්දෙස 27).

සම්මා වා ගතො දීපඬිකරපාදමූලතො පභූති යාව බොධිමණ්ඩා තාව සමතිංසපාරමීපුරිකාය සම්මා පටිපත්තියා සබ්බලොකස්ස හිතසුඛමෙව කරොන්තො සස්සතං උච්ඡේදං කාමසුඛං අත්තකිලමථන්ති ඉමෙ ච අන්තෙ අනුපගච්ඡන්තො ගතොති සම්මා ගතත්තාපි සුගතො. සම්මා වෙස ගදති යුත්තට්ඨානෙසු යුත්තමෙව වාවං භාසතීති සම්මා ගදත්තාපි සුගතො.

තත්‍රිදං සාධකසුත්තං –

“යං තථාගතො වාවං ජානාති අභූතං අතච්ඡං අනත්ථසංහිතං, සා ච පරෙසං අප්පියා අමනාපා, න තං තථාගතො වාවං භාසති. යම්පි තථාගතො වාවං ජානාති භූතං තච්ඡං අනත්ථසංහිතං, සා ච පරෙසං අප්පියා අමනාපා, තම්පි තථාගතො වාවං න භාසති. යඤ්ච බො තථාගතො වාවං ජානාති භූතං තච්ඡං අනත්ථසංහිතං, සා ච පරෙසං අප්පියා අමනාපා, තත්‍ර කාලඤ්ඤා තථාගතො හොති තස්සා වාචාය වෙය්‍යාකරණාය. යං තථාගතො වාවං ජානාති අභූතං අතච්ඡං අනත්ථසංහිතං. සා ච පරෙසං පියා මනාපා, න තං තථාගතො වාවං භාසති. යම්පි තථාගතො වාවං ජානාති භූතං තච්ඡං අනත්ථසංහිතං, සා ච පරෙසං පියා මනාපා, තම්පි තථාගතො වාවං න භාසති. යඤ්ච බො තථාගතො වාවං ජානාති භූතං තච්ඡං අනත්ථසංහිතං, සා ච පරෙසං පියා මනාපා, තත්‍ර කාලඤ්ඤා තථාගතො හොති තස්සා වාචාය වෙය්‍යාකරණායා’’ති (ම. නි. 2.86).

එවං සම්මා ගදත්තාපි සුගතොති වෙදිතබ්බො.

සබ්බථා විදිතලොකත්තා පන ලොකවිදු. සො හි භගවා සභාවතො සමුදයතො නිරොධතො නිරොධුපායතොති සබ්බථා ලොකං අවෙදි අඤ්ඤාසි පටිවිජ්ඣා. යථාහ –

“යත්ථ බො, ආවුසො, න ජායති න ජීයති න මීයති න චචති න උපපජ්ජති, නාහං තං ගමනෙන ලොකස්ස අන්තං ඤාතෙය්‍යං දට්ඨෙය්‍යං පත්තෙය්‍යන්ති වදාමි. න වාහං, ආවුසො, අප්පත්ථාව ලොකස්ස අන්තං දුක්ඛස්ස අන්තකිරියං වදාමි. අපි වාහං, ආවුසො, ඉමස්මිංයෙව ඛ්‍යාමමත්තෙ කළෙවරෙ සසඤ්ඤිමිහි සමනකෙ ලොකඤ්ච පඤ්ඤපෙමි ලොකසමුදයඤ්ච ලොකනිරොධඤ්ච ලොකනිරොධගාමිනිඤ්ච පටිපදං (සං. නි. 1.107; අ. නි. 4.45).

“ගමනෙන න පත්තබ්බො, ලොකස්සන්තො කුදාවනං;

න ච අප්පත්ථා ලොකන්තං, දුක්ඛා අත්ථි පමොවනං.

“තස්මා භවෙ ලොකවිදු සුමෙධො, ලොකන්තගු වුසිතබ්බමචරියො;  
ලොකස්ස අන්තං සමිතාචි ඤත්ථා, නාසිසතී ලොකමිමං  
පරඤ්ථා”ති. (සං. නි. 1.107; අ. නි. 4.45);

අපි ච – තයො ලොකා සඬ්ඛාරලොකො සත්තලොකො  
ඕකාසලොකොති. තත්ථ “එකො ලොකො සබ්බෙ සත්තා  
ආහාරට්ඨිතිකා”ති (පටි. ම. 1.112) ආගතට්ඨානෙ සඬ්ඛාරලොකො  
වෙදිතබ්බො. “සස්සතො ලොකොති චා අසස්සතො ලොකොති චා”ති (දී.  
නි. 1.421; ම. නි. 1.269; සං. නි. 4.416; විභ. 937) ආගතට්ඨානෙ  
සත්තලොකො.

“යාවතා චන්දිමසුරියා පරිහරන්ති, දිසා හන්ති විරොවමානා;  
තාච සහස්සධා ලොකො, එත්ථ තෙ චත්තතී වසො”ති. (ම. නි.  
1.503) –

ආගතට්ඨානෙ ඕකාසලොකො. තමපි භගවා සබ්බථා අවෙදි. තථා නිස්ස  
“එකො ලොකො සබ්බෙ සත්තා ආහාරට්ඨිතිකා. ද්වෙ ලොකා නාමඤ්ච  
රූපඤ්ච. තයො ලොකා තිස්සො වෙදනා. චත්තාරො ලොකා චත්තාරො  
ආහාරා. පඤ්ච ලොකා පඤ්චුපාදානක්ඛන්ධා. ඡ ලොකා ඡ අජ්ඣක්ඛිකානි  
ආයතනානි. සත්ත ලොකා සත්ත විඤ්ඤාණට්ඨිතියො. අට්ඨ ලොකා අට්ඨ  
ලොකධම්මා. නච ලොකා නච සත්තවාසා. දස ලොකා දසායතනානි.  
ද්වාදස ලොකා ද්වාදසායතනානි. අට්ඨාරසලොකා අට්ඨාරස ධාතුයො”ති  
(පටි. ම. 1.112) අයං සඬ්ඛාරලොකොපි සබ්බථා විදිතො.

යස්මා පනෙස සබ්බෙසමපි සත්තානං ආසයං ජානාති, අනුසයං ජානාති,  
චරිතං ජානාති, අධිමුත්තිං ජානාති, අප්පරජක්ඛෙ මහාරජක්ඛෙ තික්ඛිත්ථිද්‍රියෙ  
මුදිත්ථිද්‍රියෙ, ස්වාකාරෙ ද්වාකාරෙ, සුවිඤ්ඤාපයෙ දුවිඤ්ඤාපයෙ, භබ්බෙ  
අභබ්බෙ සත්තෙ ජානාති. තස්මාස්ස සත්තලොකොපි සබ්බථා විදිතො. යථා  
ච සත්තලොකො, එවං ඕකාසලොකොපි. තථා භෙස එකං චක්කවාලං  
ආයාමතො ච විත්ථාරතො ච යොජනානං ද්වාදස සතසහස්සානි චතුතිංස  
සතානි ච පඤ්ඤාසඤ්ච යොජනානි. පරික්ඛෙපතො –

සබ්බං සතසහස්සානි, ඡත්තිංස පරිමණ්ඩලං;  
දස වෙච සහස්සානි, අඩ්ඨුඩ්ඨානි සතානි ච.

තත්ථ –

දුවෙ සතසහස්සානි, චත්තාරි නභුතානි ච;  
එත්තකං බහලත්තෙන, සඬ්ඛාතායං වසුන්ධරා.

තස්සායෙව සන්ධාරකං -

චත්තාරි සතසහස්සානි, අට්ඨෙව නහුතානි ව;  
එත්තකං බහලත්තෙන, ජලං වාතෙ පතිට්ඨිතං.

තස්සාපි සන්ධාරකො -

නව සතසහස්සානි, මාලුතො නහමුග්ගතො;  
සට්ඨි වෙව සහස්සානි, එසා ලොකස්ස සණ්ඨිති.

එවං සණ්ඨිතෙ චෙත්ථ යොජනානං -

චතුරාසීති සහස්සානි, අජ්ඣොගාල්ලො මහණ්ණවෙ;  
අච්චුග්ගතො තාවදෙව, සිනෙරු පබ්බතූත්තමො.

තතො උපඨිසුපඨිසෙන, පමාණෙන යථාක්කමං;  
අජ්ඣොගාල්ලුග්ගතා දිබ්බා, නානාරතනචිත්තිතා.

යුගන්ධරො රිසධරො, කරවිකො සුදස්සනො;  
නෙමිත්ථරො විනතකො, අස්සකණ්ණො ගිරි බුහා.

එතෙ සත්ත මහාසෙලා, සිනෙරුස්ස සමන්තතො;  
මහාරාජානමාවාසා, දෙවයක්ඛනිසෙවිතා.

යොජනානං සතානුච්චො, හිමවා පඤ්ච පබ්බතො;  
යොජනානං සහස්සානි, තිණ්ණ ආයතචිත්ථතො.

චතුරාසීතිසහස්සෙහි, කුට්ඨෙහි පටිමණ්ඩිතො;  
තිපඤ්චයොජනක්ඛන්ධ-පරික්ඛෙපා නගච්ඡයා.

පඤ්ඤාසයොජනක්ඛන්ධ-සාබ්බායාමා සමන්තතො;  
සතයොජනචිත්ථිණ්ණො, තාවදෙව ව උග්ගතා;  
ජම්බු යස්සානුභාවෙන, ජම්බුදීපො පකාසිතො. (විසුද්ධි. 1.137; ධ.  
ස. අට්ඨ. 584);

යඤ්චෙනං ජම්බුයා පමාණං, එතදෙව අසුරානං චිත්තපාටලියා,  
ගරුළානං සිම්බලිරුක්ඛස්ස, අපරගොයානෙ කදම්බස්ස, උත්තරකුරුසු  
කප්පරුක්ඛස්ස, පුබ්බවිදෙහෙ සිරිසස්ස, තාවතිංසෙසු පාරිච්ඡත්තකස්සාති.  
තෙනාහු පොරාණා -

“පාටලී සිම්බලී ජම්බු, දෙවානං පාරිච්ඡත්තකො;  
කදම්බො කප්පරුක්ඛො ව, සිරිසෙන භවති සත්තමං.



“ද්වෙ අසිති සහස්සානි, අජ්ඣොගාළ්හො මහණ්ණවෙ;  
අවිචුග්ගතො තාවදෙව, චක්කවාළසිලුව්වයො;  
පරික්ඛිපිත්වා තං සබ්බං, ලොකධාතුමයං යීතො”ති. (විසුද්ධි.  
1.137; ධ. ස. අට්ඨ. 584);

තත්ථ චන්දමණ්ඩලං එකුනපඤ්ඤාසයොජනං, සූරියමණ්ඩලං  
පඤ්ඤාසයොජනං, තාවතිංසභවනං දසසහස්සයොජනං, තථා අසුරභවනං  
අවිචුග්ගානිරයො ජම්බුදීපො ව. අපරගොයානං සත්තසහස්සයොජනං. තථා  
පුබ්බවිදෙහො. උත්තරකුරු අට්ඨසහස්සයොජනො. එකමෙකො චෙත්ථ  
මහාදීපො පඤ්චසතපඤ්චසතපරිත්තදීපපරිවාරො. තං සබ්බමපි එකං  
චක්කවාළං එකා ලොකධාතු. තදන්තරෙසු ලොකන්තරිකනිරයා. එවං  
අනන්තානි චක්කවාළානි අනන්තා ලොකධාතුයො භගවා අනන්තෙන  
බුද්ධඤාණෙන අවෙදි අඤ්ඤාසි පටිච්ඡිකි. එවමස්ස ඔකාසලොකොපි  
සබ්බථා විදිතො. එවමපි සබ්බථා විදිතලොකත්තා ලොකවිදු.

අත්තනො පන ගුණෙහි විසිට්ඨතරස්ස කස්සචි අභාවතො නත්ථි එතස්ස  
උත්තරොති අනුත්තරො. තථා භෙස සීලගුණෙනපි සබ්බං ලොකං අභිභවති  
සමාධි...පෙ.... පඤ්ඤා... විමුත්ති... විමුත්තිඤාණදස්සනගුණෙනපි.  
සීලගුණෙනපි අසමො අසමසමො අප්පටිමො අප්පටිභාගො  
අප්පටිපුග්ගලො...පෙ.... විමුත්තිඤාණදස්සනගුණෙනපි. යථාහ – “න බො  
පනාහං පස්සාමි සදෙවකෙ ලොකෙ...පෙ.... සදෙවමනුස්සාය අත්තනා  
සීලසම්පන්නතර”න්ති (සං. නි. 1.173; අ. නි. 4.21) විත්ථාරො.

එවං අග්ගපසාදසුත්තාදීනි (අ. නි. 4.34; ඉතිවු. 90) “න මෙ ආචරියො  
අත්ථි”තිආදිකා (ම. නි. 1.285; මහාව. 11; කථා. 405; මි. ප. 4.5.11)  
ගාථායො ච විත්ථාරෙතබ්බා.

පුරිසදම්මෙ සාරෙතීති පුරිසදම්මසාරථී, දමෙති විනෙතීති වුත්තං හොති.  
තත්ථ පුරිසදම්මාති අදන්තා දමෙතුං යුත්තා තිරච්ඡානපුරිසාපි මනුස්සපුරිසාපි  
අමනුස්සපුරිසාපි. තථා හි භගවතා තිරච්ඡානපුරිසාපි අපලාලො නාගරාජා  
වුළොදරො මහොදරො අග්ගිසිබො ධුමසිබො අරවාළො නාගරාජා  
ධනපාලකො හත්ථිති එවමාදයො දමිතා නිබ්බිසා කතා, සරණෙසු ව සීලෙසු  
ව පතිට්ඨාපිතා. මනුස්සපුරිසාපි  
සච්චකනිගණ්ඨපුත්තඅම්බට්ඨමාණවපොක්ඛරසාතිසොණදන්තකුට්ඨන්තාද  
යො. අමනුස්සපුරිසාපි ආළවකසුචිලොමබරලොමයක්ඛසක්කදෙවරාජාදයො  
දමිතා විනිතා විචිත්රෙහි විනයනුපායෙහි. “අහං බො කෙසි පුරිසදම්මෙ  
සණ්ඨෙනපි විනෙමි, ඵරුසෙනපි විනෙමි, සණ්ඨඵරුසෙනපි විනෙමි”ති (අ.  
නි. 4.111) ඉදඤ්චෙත්ථ සුත්තං විත්ථාරෙතබ්බං. අපි ව භගවා  
විසුද්ධසිලාදීනං පට්ඨමජ්ඣානාදීනි සොනාපන්තාදීනඤ්ච  
උත්තරිමග්ගපටිපදං ආචික්ඛන්තො දන්තෙපි දමෙතියෙව.

අථ වා අනුත්තරො පුරිසදම්මසාරථීති එකමෙවිදං අත්ථපදං. භගවා හි තථා පුරිසදම්මෙ සාරෙති, යථා එකපල්ලඬකෙනෙව නිසින්නා අට්ඨ දිසා අසජ්ජමානා ධාවන්ති. තස්මා “අනුත්තරො පුරිසදම්මසාරථී”ති වුවිච්ඡි. “භත්ථිදම්මකෙන, හික්ඛවෙ, භත්ථි දම්මො සාරිතො එකංයෙව දිසං ධාවති”ති ඉදඤ්චෙත්ථ සුත්තං (ම. නි. 3.312) විත්ථාරෙතබ්බං.

වීරියවාති අරියමග්ගෙන සබ්බපාපකෙහි විරතො. පඤ්ඤා පභූ. විසච්ඡි පරසන්තානෙ වීරියුප්පාදකො. අලමත්තොති සමත්ථවිත්තො.

විරතොති අරියමග්ගෙන විරතත්තා ආයතිං අප්පට්ඨසන්ධිකො. සබ්බපාපකෙහි නිරයදුක්ඛං අතිවිචාති ආයතිං අප්පට්ඨසන්ධිතාය නිරයදුක්ඛං අතිවිච ධීතො. වීරියවාසොති වීරියනිකෙතො. සො වීරියවාති සො ඛිණ්ණසචො “වීරියවා”ති වත්තබ්බතං අරහති. පධානවා වීරො තාදීති ඉමානි පනස්ස ථුතිවචනානි. සො හි පධානවා මග්ගජ්ඣානපධානෙන, වීරො කිලෙසාරිවිද්ධංසනසමත්ථතාය, තාදි නිබ්බිකාරතාය පවුච්චතෙ තථත්තාති තථාරූපො “වීරියවා”ති පවුච්චති.

තෙ කාමකාමීනොති එතෙ රූපාදිවත්ථුකාමෙ ඉච්ඡන්තා. රාගරාගීනොති රාගෙන රඤ්ජිතා. සඤ්ඤාසඤ්ඤීනොති රාගසඤ්ඤාය සඤ්ඤීනො. න කාමෙ කාමෙතීති රූපාදිවත්ථුකාමෙ න පත්ථෙති. අකාමොති කාමෙහි විරහිතො. නික්කාමොති නික්කන්තකාමො.

සබ්බඤ්ඤාතඤ්ඤාණන්ති තියද්ධගතං සබ්බනෙය්‍යපථං ජානාතීති සබ්බඤ්ඤා, තස්ස භාවො සබ්බඤ්ඤාතා, සබ්බඤ්ඤාතා එව ඤාණං සබ්බඤ්ඤාතඤ්ඤාණං, සබ්බඤ්ඤාතඤ්ඤාණසංඛාරං නෙත්තඤ්ච වාසනාය සහ කිලෙසෙ පරාජෙත්වා ජිතත්තා ජිනභාවො ව අපුබ්බං අවර්මං අපුරෙ අපච්ඡා එකස්මිං බණ්ණ එකස්මිං කාලෙ උප්පන්නො පුබ්බන්තතො උද්ධං පන්නොති උප්පන්නො.

**66.** තෙජී තෙජසාති තෙජෙන සමන්තාගතො තෙජසා අභිභුය්‍ය. යමහං විජඤ්ඤං ජාතිජරාය ඉධ විජ්ජහානන්ති යං අහං ජාතිජරාය පහානභූතං ධම්මං ඉධෙව ජානෙය්‍යං.

ජගතීති පථවී. සබ්බං ආකාසගතන්ති සකලං ආකාසෙ පවත්තං පත්ථං. තමගතන්ති තමමෙව තමගතං අන්ධකාරං යථා ගුථගතං මුත්තගතන්ති. අභිච්චවිචාති නායෙත්වා. අන්ධකාරං විධමිත්ථාති චක්ඛුවිඤ්ඤාණුප්පත්තිනිවාරකං අන්ධකාරං පලාපෙත්වා. ආලොකං දස්සයිත්ථාති සූරියාලොකං දස්සයිත්වා. ආකාසෙති අප්ථාකාසෙ. අන්තලික්ඛෙති අන්තරධාතුසමත්ථතුවිජොකාසෙ. ගගනපථෙති දෙවතානං ගමනමග්ගෙ ගච්ඡති. සබ්බං අභිසංඛාරසමුදයන්ති සකලං කම්මං සමුදයං

උප්පාදං, තණ්හන්ති අත්ථො. කිලෙසතමං අවිජ්ජන්ධකාරං විධමිත්වාති කිලෙසතමසඬ්ඛානං අඤ්ඤාණං අවිජ්ජන්ධකාරං නිහරිත්වා නාසෙත්වා. ඤාණාලොකං පඤ්ඤාලොකං දස්සයිත්වා. චත්ථුකාමෙ පරිජානිත්වාති රූපාදිචත්ථුකාමෙ ඤාතනිරණපරිඤ්ඤාය ජානිත්වා. කිලෙසකාමෙ පහායාති උපතාපනසඬ්ඛාතෙ කිලෙසකාමෙ පහානපරිඤ්ඤාය පජ්භිත්වා.

67. අට්ඨස්ස භගවා තං ධම්මං ආවික්ඛන්තො උපරුපරිගාථායො අභාසි. තත්ථ තෙක්ඛම්මං දට්ඨු ඛෙමතොති නිබ්බානඤ්ච නිබ්බානගාමිනිඤ්ච පටිපදං “ඛෙම”න්ති දිස්වා. උග්ගහිතන්ති තණ්හාවසෙන දිට්ඨිවසෙන ගහිතං. නිරත්තං වාති නිරස්සිතබ්බං වා, මුඤ්චිතබ්බන්ති චුත්තං හොති. මා තෙ විජ්ජිත්ථාති මා තෙ අහොසි. කිඤ්චනන්ති රාගාදිකිඤ්චනං, තම්පි තෙ මා විජ්ජිත්ථ.

මුඤ්චිතබ්බන්ති මුඤ්චිත්වා න පුන ගහෙතබ්බං. විජ්භිතබ්බන්ති චජිතබ්බං. විනොදෙතබ්බන්ති බිජිතබ්බං. ඛ්‍යන්තීකාතබ්බන්ති විගතන්තං කාතබ්බං. අනභාවං ගමෙතබ්බන්ති අනු අනු අභාවං ගමෙතබ්බං.

68-9. පුබ්බෙති අතීතෙ සඬ්ඛාරෙ ආරබ්භ උප්පන්නකිලෙසා. බ්‍රාහ්මණාති භගවා ජතුකණ්ණිං ආලපති. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකූටෙනෙව දෙසෙසි, දෙසනාපරියොසානෙ ව පුබ්බසදිසො එව ධම්මාභිසමයො අහොසිති.

සද්ධම්මජ්ජපජ්ජොතිකාය වුළුනිද්දෙස-අට්ඨකථාය

ජතුකණ්ණිමාණවසුත්තනිද්දෙසවණ්ණනා නිට්ඨිතා.

## 12. හද්‍රාවුධමාණවසුත්තනිද්දෙසවණ්ණනා

70. ද්වාදසමෙ හද්‍රාවුධසුත්තෙ — ඔකඤ්ජහන්ති ආලයං ජහං. තණ්හවිජ්ජන්ති තණ්හාකායවිජ්ජං. අනෙජන්ති ලොකධම්මෙසු නික්කම්පං. නන්දිඤ්ජහන්ති අනාගතරූපාදිපත්ථනාජහං. එකා එව හි සා තණ්හා, ථුත්තිවසෙන ඉධ නානප්පකාරතො චුත්තා. කප්පඤ්ජහන්ති දුට්ඨං කප්පජහං. අභියාචෙති අතිවිය යාවාමි. සුත්වාන නාගස්ස අපනම්ස්සන්ති ඉතොති නාගස්ස තව භගවතො වචනං සුත්වා ඉතො පාසාණකචෙතියතො බහුජනා පක්කම්ස්සන්ති අධිජ්ජායො.

යෙ උපසුපාදානාති තණ්හාදිට්ඨිහි උපගන්ත්වා ගහිතා. චෙතසො අධිට්ඨානාති විත්තෙ පතිට්ඨිතා. අභිනිවෙසානුසයාති පතිට්ඨහිත්වා ආගන්ත්වා සයිතා.

71. ජනපදෙහි සඬගතාති අඬගාදීහි ජනපදෙහි ඉධ සමාගතා. විශාකරොහීති ධම්මං දෙසෙහි.

සඬගතාති එතෙ ඛත්තියාදයො එකීභූතා. සමාගතාති චුත්තජ්ජකාරෙහි ජනපදෙහි ආගතා. සමොහිතාති රාසීභූතා. සන්නිපතිතාති අධියොගා.

72. අට්ඨස්ස ආසයානුලොමෙන ධම්මං දෙසෙන්නො භගවා උපරුපරිගාථායො අභාසි. තත්ථ ආදානතණ්හන්ති රූපාදීනං ආදායිකං ගහණතණ්හං, තණ්හපාදානන්ති චුත්තං හොති. යං යඤ්ඤි ලොකස්මිම්පාදියන්තීති එතෙසු උද්ධාදිභෙදෙසු යං යං ගණ්හන්ති. තෙනෙව මාරො අන්වෙති ජන්තුන්ති තෙනෙව උපාදානපච්චයනිබ්බත්තකම්මාහිසඬබාරනිබ්බත්තවසෙන පටිසන්ධික්ඛන්ධමාරො තං සත්තං අනුගච්ඡති.

73. තස්මා පජානන්ති තස්මා එතමාදීනවං අනිච්චාදිවසෙන වා සඬබාරෙ පජානන්තො. ආදානසත්තෙ ඉති පෙක්ඛමානො, පජං ඉමං මච්චුධෙයො විසත්තන්ති ආදානබ්බට්ඨෙයන ආදානෙසු රූපාදීසු සත්තෙ සබ්බලොකෙ ඉමං පජං මච්චුධෙයො ලග්ගං පෙක්ඛමානො, ආදානසත්තෙ වා ආදානාහිනිච්චිට්ඨෙ පුග්ගලෙ ආදානසඬගහෙතුඤ්ච ඉමං පජං මච්චුධෙයො ලග්ගං තතො විතික්කමිතුං අසමත්ථං ඉති පෙක්ඛමානො කිඤ්චනං සබ්බලොකෙ න උපාදියෙථාති. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකූටෙනෙව දෙසෙසි, දෙසනාපරියොසානෙ ව පුබ්බසදිසො එව ධම්මාහිසමයො අභොසීති.

සද්ධම්මජ්ජපජ්ජොතිකාය වුළුනිද්දෙස-අට්ඨකථාය

හද්වාචුධසුත්තනිද්දෙසවණ්ණනා නිට්ඨිතා.

13. උදයමාණවසුත්තනිද්දෙසවණ්ණනා

74. තෙරසමෙ උදයසුත්තෙ — අඤ්ඤාචිමොක්ඛන්ති පඤ්ඤානුභාවනිජ්ඣානං තං චිමොක්ඛං පුච්ඡති.

පයමෙනපි	ඤානෙන	ඤායීති
විතක්කවිචාරපීතිසුඛවිත්තෙකග්ගතාසම්පයුත්තෙන		පඤ්චඩ්ඞිකෙන
පයමජ්ඣානෙන	ඤායතීති	ඤායී.
		දුතියෙනාති
පීතිසුඛවිත්තෙකග්ගතාසම්පයුත්තෙන.		තතියෙනාති
සුඛවිත්තෙකග්ගතාසම්පයුත්තෙන.		චතුත්ථෙනාති
උපෙක්ඛාචිත්තෙකග්ගතාසම්පයුත්තෙන.	සවිතක්කසවිචාරෙනපි	ඤානෙන
ඤායීති	චතුක්කනායපඤ්චකනායෙසු	පයමජ්ඣානෙන
සවිතක්කසවිචාරෙනපි	ඤානෙන	ඤායතීති
ඤායී.	අවිතක්කවිචාරමත්තෙනාති	පඤ්චකනායෙ



දුතියෙන ඥානෙන. අවිතක්ක අවිචාරෙනාති දුතියතනියාදි අවසෙස ඥානෙන. සප්පිතිකෙනාති පිතිසම්පයුත්තෙන දුකතික ඥානෙන. නිප්පිතිකෙනාති පිතිවිරහිතෙන තදවසෙස ඥානෙන. සාතසහගතෙනාති සුඛසහගතෙන තිකචතුක්ක ඥානෙන. උපෙක්ඛාසහගතෙනාති චතුක්ක පඤ්චකෙන. සුඤ්ඤතෙනාපිති සුඤ්ඤත විමොක්ඛ සම්පයුත්තෙන. අනිමිත්තෙනාපිති අනිච්ච නිමිත්තං. ධුවනිමිත්තං. අනිමිත්තඤ්ච උග්ගාටෙත්වා පටිලද්ධෙන අනිමිත්තෙනාපි ඥානෙන ඥායතීති ඥායී. අප්පණ්ණිතෙනාපිති මග්ගාගමනවසෙන පණ්ඩිං සොධෙත්වා පරියාදිශිත්වා ඵලසමාපත්තිවසෙන අප්පණ්ණිතෙනාපි. ලොකියෙනාපිති ලොකියෙන පට්ඨානදුතියතනියවතුත්ථෙන.

ලොකුත්තරෙනාපිති තෙනෙව ලොකුත්තර සම්පයුත්තෙන. ඥානරතොති ඥානෙන සු අභිරතො. එකත්තමනුයුත්තොති එකත්තං එකීභාවං අනුයුත්තො පයුත්තො. සදත්ථගරුකොති සකත්ථගරුකො, ක-කාරස්සායං ද-කාරො කතො. සදත්ථොති ව අරහත්තං වෙදිතබ්බං. තඤ්ඤි අත්තූපනිබ්බට්ඨයෙන අත්තානං අවිජ්ජනට්ඨයෙන අත්තනො පරමත්ථට්ඨයෙන ව අත්තනො අත්ථත්තා සකත්ථොති වුව්චති. ඵලසමාපත්ති සමාපජ්ජනවසෙන සකත්ථගරුකො, “නිබ්බානගරුකො”ති එකෙ. අරජොති නික්කිලෙසො. විරජොති විගතකිලෙසො. නිරජොති අපනිතකිලෙසො, “චිතරජො”තිපි පායො, සොයෙවත්ථො. රජාපගතොති කිලෙසෙහි දුරිභූතො. රජවිජ්ජනොති කිලෙසජ්ජනො. රජවිජ්ජයුත්තොති කිලෙසෙහි මුත්තො.

පාසාණකෙ	වෙනියෙති	පාසාණපිට්ඨෙ
පාරායනසුත්තන්තදෙසිතට්ඨානෙන. සබ්බොස්සුක්කපට්ඨපස්සද්ධත්තාති සබ්බෙසං කිලෙස උස්සුක්කානං පට්ඨපස්සද්ධත්තා, නාසිතත්තා ආසීනො.		

කිච්චාකිච්චන්ති “ඉදං කත්තබ්බං, ඉදං න කත්තබ්බ”න්ති එවං මනසා චිත්තෙතබ්බං. කරණියාකරණියන්ති කායද්වාරෙන අවස්සං ඉදං කරණියං, ඉදං න කරණියන්ති එවං කරණියාකරණියං. පහීනන්ති විස්සට්ඨං. වසිජ්ජත්තොති පගුණභාවජ්ජත්තො.

75. අථ භගවා යස්මා උදයො චතුත්ථජ්ඣානලාභී, තස්මාස්ස පටිලද්ධ ඥානවසෙන නානජ්ජකාරතො අඤ්ඤා විමොක්ඛං දස්සෙන්තො උපරුපරිගාඨමාහ. තත්ථ පහානං කාමච්ඡන්දානන්ති යදිදං පට්ඨමං ඥානං නිබ්බත්තෙන්තස්ස කාමච්ඡන්දපහානං, තම්පි අඤ්ඤා විමොක්ඛන්ති පබ්බුමි. එවං සබ්බපදාති යොජෙතබ්බාති.

යා චිත්තස්ස අකල්පතාති චිත්තස්ස ගිලානභාවො. ගිලානො හි අකල්ලකොති වුව්චති. විනයෙපි වුත්තං – “නාහං, භන්තෙ, අකල්ලකො”ති (පාරා. 151). අකම්මඤ්ඤතාති චිත්තගෙලඤ්ඤසංඛිට්ඨතොව අකම්මඤ්ඤතාකාරො. ඔලියනාති ඔලියනාකාරො. ඉරියාපථිකචිත්තඤ්ඤි

ඉරියාපථං සන්ධාරෙත්තුං අසක්කොන්තං රුක්ඛෙ වග්ගුලි විය බිලෙ  
ලග්ගිතථාණිකවාරකො විය ව ඔලියති, තස්ස නං ආකාරං සන්ධාය  
“ඔලියනා”ති වුත්තං. දුතියපදං උපසග්ගවසෙන වඩ්ඪිතං. ලීනාති  
අවිජ්ජාරිකතාය පටිකුට්ඨං. ඉතරෙ ද්වෙ ආකාරභාවනිද්දෙසා. ටීනන්ති  
සජ්ජිපිණ්ඩො විය අවිජ්ජාරිකතාය සනභාවෙන යීතං. ටීයනාති  
ආකාරනිද්දෙසො. ටීයිතභාවො ටීයිතත්තං, අවිජ්ජාරවසෙනෙව ටද්ධතාති  
අත්ථො (ධ. ස. අට්ඨ. 1162).

76. උපෙක්ඛාසතිසංසුද්ධන්ති චතුත්ථජ්ඣානඋපෙක්ඛාසතීහි සංසුද්ධං.  
ධම්මතක්කපුරෙජවන්ති ඉමිනා තස්මිං චතුත්ථජ්ඣානවිමොක්ඛෙ යත්වා  
ඤානඤානි විපස්සිත්වා අධිගතං අරහත්තවිමොක්ඛං වදති.  
අරහත්තවිමොක්ඛස්ස හි මග්ගසම්පයුත්තසම්මාසඬකප්පාදිහෙදො  
ධම්මතක්කො පුරෙජවො භොති. තෙනාහ “ධම්මතක්කපුරෙජව”න්ති.  
අවිජ්ජාය පහෙදනන්ති එතමෙව ව අඤ්ඤාවිමොක්ඛං  
අවිජ්ජාපහෙදනසඬිබාතං නිබ්බාතං නිස්සාය ජාතත්තා කාරණොපවාරෙන  
“අවිජ්ජාය පහෙදන”න්ති බුමිති.

යා චතුත්ථෙ ඤානෙ උපෙක්ඛාති එත්ථ උපපත්තිනො ඉක්ඛතීති  
උපෙක්ඛා, සමං පස්සති අපක්ඛපතිතා හුත්වා පස්සතීති අත්ථො.  
උපෙක්ඛනාති ආකාරනිද්දෙසො. අජ්ඣුපෙක්ඛනාති උපසග්ගවසෙන පදං  
වඩ්ඪිතං. විත්තසමතාති විත්තස්සෙකග්ගභාවො. විත්තප්පස්සද්ධතාති  
විත්තස්ස උනාතිරිත්තවජ්ජිතභාවො. මජ්ඣත්තතාති විත්තස්ස මජ්ඣෙ  
යීතභාවො.

77. එවං අවිජ්ජාපහෙදවචනෙන වුත්තං නිබ්බාතං සුත්වා “තං කිස්ස  
විජ්ජහානෙන වුච්චතී”ති පුච්ඡන්තො “කිංසු සංයොජනො”ති ගාථමාහ.  
තත්ථ කිංසු සංයොජනොති කිංසංයොජනො. විචාරණන්ති විචාරණකාරණං.  
කිස්සස්ස විජ්ජහානෙනාති කිංනාමකස්ස අස්ස ධම්මස්ස විජ්ජහානෙන.

78. අථස්ස භගවා තමත්ථං ඛ්‍යාකරොන්තො “නන්දිසංයොජනො”ති  
ගාථමාහ. තත්ථ විතක්කස්සාති කාමවිතක්කාදිකො විතක්කො අස්ස.

79. ඉදානි තස්ස නිබ්බානස්ස මග්ගං පුච්ඡන්තො “කථං සතස්සා”ති  
ගාථමාහ. තත්ථ විඤ්ඤාණන්ති අභිසඬ්ඛාරවිඤ්ඤාණං.

80.

අථස්ස මග්ගං කථෙත්තො භගවා “අජ්ඣත්තඤ්ඤා”ති ගාථමාහ. තත්ථ  
එවං සතස්සාති එවං සතස්ස සම්පජානස්ස. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකුට්ඨෙනෙව දෙසෙසි,  
දෙසනාපරියොසානෙ ව පුබ්බසදිසොව ධම්මාභිසමයො අභොසිති.

සද්ධම්මප්පජ්ජොතිකාය වුළුනිද්දෙස-අට්ඨකථාය

උදයමාණවසුත්තනිද්දෙසවණ්ණනා නිට්ඨිතා.

#### 14. පොසාලමාණවසුත්තනිද්දෙසවණ්ණනා

81. වුද්දසමෙ පොසාලසුත්තෙ – යො අතීතං ආදිසතීති යො භගවා අත්තනො ව පරෙසඤ්ච “එකමිපි ජාති”න්තිආදිහෙදං අතීතං ආදිසති.

එකමිපි ජාතින්ති එකමිපි පටිසන්ධිමූලකං වුතිපරියොසානං එකභවපරියාපන්තං ඛන්ධසන්තානං. එස නයො ද්වෙපි ජාතියොතිආදිසු. අනෙකෙපි සංවට්ටකප්පෙතිආදිසු පන පරිභායමානො කප්පො සංවට්ටකප්පො, තදා සබ්බෙසං බ්‍රහ්මලොකෙ සන්තිපත්තනො. වඩ්ඪමානො කප්පො විවට්ටකප්පො, තදා බ්‍රහ්මලොකතො සත්තානං විවට්ටනතො. තත්ථ සංවට්ටෙන සංවට්ටට්ඨායී ගතීතො භොති තංමූලකත්තා, විවට්ටෙන ව විවට්ටට්ඨායී. එවඤ්ඤි සති යාති තාති “චත්තාරිමානි, භික්ඛවෙ, කප්පස්ස අසඬ්ඛොයානි. කතමානි චත්තාරි? සංවට්ටො සංවට්ටට්ඨායී විවට්ටො විවට්ටට්ඨායී”ති වුත්තාති (අ. නි. 4.156), තාති පරිග්ගහිතාති භොන්ති. සංවට්ටකප්පෙ විවට්ටකප්පෙති ව කප්පස්ස අද්ධං ගහෙත්වා වුත්තං. සංවට්ටවිවට්ටකප්පෙති සකලං කප්පං ගහෙත්වා වුත්තං. කථං අනුස්සරතීති වෙ? අමුත්‍රාසින්තිආදිනා නයෙන. තත්ථ අමුත්‍රාසින්ති අමුමිහි සංවට්ටකප්පෙ අහං අමුමිහි භවෙ වා යොනියා වා ගතියා වා විඤ්ඤාණට්ඨිතියා වා සත්තාවාසෙ වා සත්තනිකායෙ වා ආසිං. එවංනාමොති තිස්සො වා ඵ්ඨස්සො වා. එවංගොත්තොති කච්චානො වා කස්සපො වා. ඉදමස්ස අතීතභවෙ අත්තනො නාමගොත්තානුස්සරණවසෙන වුත්තං. සවෙ පන තස්මිං කාලෙ අත්තනො වණ්ණසම්පත්තිං වා ලුඛපණ්ණිකජීවිතභාවං වා සුඛදුක්ඛභ්‍රලතං වා අප්පායුකදීඝායුකභාවං වා අනුස්සරතුකාමො, තමිපි අනුස්සරතියෙව. තෙනාහ – “එවංවණ්ණො එවමායුපරියන්තො”ති. තත්ථ එවංවණ්ණොති ඔදානො වා සාමො වා. එවමාහාරොති සාලිමංසොදනාහාරො වා පචත්තඵලභොජනො වා. එවං සුඛදුක්ඛපටිසංවෙදීති අනෙකප්පකාරෙන කායිකචෙතසිකානං සාම්පතිරාමිසාදිප්පහෙදානං වා සුඛදුක්ඛානං පටිසංවෙදී. එවමායුපරියන්තොති එවං වස්සසත්තපරමායුපරියන්තො වා චතුරාසීති කප්පසහස්සපරමායුපරියන්තො වා.

යො තතො වුතො අමුත්‍ර උද්පාදින්ති යො අහං තතො භවතො යොනිතො ගතිතො විඤ්ඤාණට්ඨිතීතො සත්තාවාසතො සත්තනිකායතො වා වුතො පුන අමුකස්මිං නාම භවෙ යොනියා ගතියා විඤ්ඤාණට්ඨිතියා සත්තාවාසෙ සත්තනිකායෙ වා උද්පාදිං. තත්‍රාපාසින්ති අථ තත්‍රාපි භවෙ යොනියා ගතියා විඤ්ඤාණට්ඨිතියා සත්තාවාසෙ සත්තනිකායෙ වා පුන අහොසිං. එවංනාමොතිආදිවුත්තනයමෙව.

අපි ච - යස්මා අමුත්‍රාසින්නි ඉදං අනුපුබ්බෙන ආරොහන්තස්ස යාවදිව්ඡකං අනුස්සරණං. සො තතො වුතොති පටිනිවත්තන්තස්ස පච්චවෙක්ඛණං. තස්මා ඉධුපපන්නොති ඉමිස්සා ඉධුපපත්තියා අනන්තරමෙවස්ස උපපත්තිට්ඨානං සන්ධාය අමුත්‍ර උද්භාදින්නි ඉදං වුත්තන්ති වෙදිතබ්බං. තත්‍රාපාසින්නි එවමාදි පනස්ස තත්‍රා ඉමිස්සා උපපත්තියා අන්තරෙ උපපත්තිට්ඨානෙ නාමගොත්තාදීනං අනුස්සරණදස්සනත්ථං වුත්තං. සො තතො වුතො ඉධුපපන්නොති ස්වාහං තතො අනන්තරුපපත්තිට්ඨානතො වුතො ඉධ අසුකස්මිං නාම ඛත්තියකුලෙ වා බ්‍රාහ්මණකුලෙ වා නිබ්බත්තො.

ඉතිති එවං. සාකාරං සඋද්දෙසන්නි නාමගොත්තවසෙන සඋද්දෙසං, වණ්ණාදිවසෙන සාකාරං. නාමගොත්තෙන හි සත්තො “තිස්සො කස්සපො”ති උද්දිසියති, වණ්ණාදිහි “ඔදාතො සාමො”ති නානත්තතො පඤ්ඤායති. තස්මා නාමගොත්තං උද්දෙසො, ඉතරෙ ආකාරාති. පුබ්බෙතිවාසන්නි පුබ්බෙ අතීතජාතීසු නිවුට්ඨක්ඛන්ධා පුබ්බෙතිවාසො. නිවුට්ඨාති අජ්ඣාචුට්ඨා අනුභූතා අත්තතො සන්තානෙ උප්පජ්ජිත්වා නිරුද්ධා, නිවුට්ඨධම්මා වා. නිවුට්ඨාති ගොචරනිවාසෙන නිවුට්ඨා, අත්තතො විඤ්ඤාණෙන විඤ්ඤාතා පරිච්ඡින්නා, පරිච්ඤ්ඤාණෙන විඤ්ඤාතාපි වා ඡින්නවටුමකානුස්සරණාදීසු. තෙ බුද්ධානංයෙව ලබ්භන්ති. තං පුබ්බෙතිවාසං ආදිසති කට්ඨෙති. පරෙසං අතීතන්ති අඤ්ඤෙසං පරපුග්ගලානං පුබ්බෙතිවාසං එකමපි ජාතින්තිආදිනා නයෙන ආදිසති.

මහාපදානියසුත්තන්තන්ති මහාපුරිසානං අපදානනියුත්තං මහාපදානසුත්තං (දී. නි. 2.1 ආදයො). මහාසුදස්සනියසුත්තන්තන්ති මහාසුදස්සනස්ස සම්පත්තියුත්තං මහාසුදස්සනසුත්තං (දී. නි. 2.241 ආදයො). මහාගොචන්දියසුත්තන්තන්ති මහාගොචන්ද්‍රාහ්මණස්ස අපදානනියුත්තං මහාගොචන්දසුත්තං (දී. නි. 2.293 ආදයො). මාසදෙවියසුත්තන්තන්ති මසදෙවරඤ්ඤො අපදානනියුත්තං මසදෙවසුත්තං (ම. නි. 2.308 ආදයො). සතානුසාරිඤ්ඤාණං හොතීති පුබ්බෙතිවාසානුස්සනිසම්පයුත්තඤ්ඤාණං හොති.

යාවතකං ආකඨ්ඨතීති යත්තකං ඤාතුං ඉච්ඡති, තත්තකං ජාතිස්සාමිති ඤාණං පෙසෙති. අට්ඨස්ස දුබ්බලපත්තපුටෙ පක්ඛන්දනාරාධො විය අප්පට්ඨතං අනිචාරිතං ඤාණං ගච්ඡති. තෙන යාවතකං ආකඨ්ඨතී, තාවතකං අනුස්සරති. බොධිජන්ති බොධියා මූලෙ ජානං. ඤාණං උප්පජ්ජතීති චතුමග්ගඤාණං උප්පජ්ජති. අයමන්තිමා ජාතීති තෙන ඤාණෙන ජාතිමූලස්ස පභීනත්තා පුන “අයමන්තිමා ජාති, නත්ථිදානි පුනබ්භවො”ති (දී. නි. 2.31) අපරමපි ඤාණං උප්පජ්ජති. ඉන්ද්‍රියපරොපරියත්තඤාණන්ති එත්ථ උපරි “සත්තාන”න්ති පදං ඉධෙව ආහරිත්වා සත්තානං ඉන්ද්‍රියපරොපරියත්තඤාණන්ති යොජෙතබ්බං. පරානි ච අපරානි ච



“පරාපරානී”ති වත්තබ්බෙ සන්ධිවසෙන රො-කාරං කත්වා “පරොපරානී”ති වුවිති. පරොපරානං භාවො පරොපරියං, පරොපරියමෙව පරොපරියත්තං, වෙනෙය්‍යසත්තානං සද්ධාදීනං පඤ්චන්තං ඉන්ද්‍රියානං පරොපරියත්තං ඉන්ද්‍රියපරොපරියත්තං, ඉන්ද්‍රියපරොපරියත්තස්ස ඤාණං ඉන්ද්‍රියපරොපරියත්තඤාණං, ඉන්ද්‍රියානං උත්තමානුත්තමභාවඤාණන්ති අත්ථො. “ඉන්ද්‍රියවරොවරියත්තඤාණ”න්තිපි පාඨො, වරානි ව අවරානි ව වරොවරියානි, වරොවරියානං භාවො වරොවරියත්තන්ති යොජෙතබ්බං. අවරියානීති ව උත්තමානීති අත්ථො. අථ වා – පරානි ව ඔපරානි ව පරොපරානි, තෙසං භාවො පරොපරියත්තන්ති යොජෙතබ්බං. ඔපරානීති ව ඔරානීති චුත්තං හොති, ලාමකානීති අත්ථො “පරොපරායස්ස සමෙව්ව ධම්මා”තිආදීසු (අ. නි. 4.5; සු. නි. 479) විය. “ඉන්ද්‍රියපරොපරියත්තෙ ඤාණ”න්ති භූමිමවචනෙනපි පාඨො (පටි. ම. අට්ඨ. 1.1.68).

තථාගතස්සානි යථා විපස්සිආදයො පුබ්බකා ඉසයො ආගතා, තථා ආගතස්ස. යථා ව තෙ ගතා, තථා ගතස්ස. තථාගතබ්ලන්ති අඤ්ඤෙහි අසාධාරණං තථාගතස්සෙව බ්ලං. යථා වා පුබ්බබුද්ධානං බ්ලං පුඤ්ඤස්සයසම්පත්තියා ආගතං, තථා ආගතබ්ලන්තිපි අත්ථො. තත්ථ දුට්ඨං තථාගතස්ස බ්ලං කායබ්ලඤ්ච ඤාණබ්ලඤ්ච. තෙසු කායබ්ලං හත්ථිකුලානුසාරෙන වෙදිතබ්බං. චුත්තඤ්ඤෙතං පොරාණෙහි –

“කාලාවකඤ්ච ගඬිගෙය්‍යං, පණ්ඩරං තම්බපිඬිගලං;  
ගන්ධමඬිගලභෙමඤ්ච, උපොසථජද්දන්තිමෙ දසා”ති. (ම. නි. අට්ඨ. 1.148; සං. නි. අට්ඨ. 2.2.22; අ. නි. අට්ඨ. 3.10.21; විභ. අට්ඨ. 760; උදා. අට්ඨ. 75; පටි. ම. අට්ඨ. 2.2.44);

යදෙතං පකතිහත්ථිග්ගණනාය හත්ථිනං කොට්ඨසහස්සස්ස, පුරිසගණනාය දසන්තං පුරිසකොට්ඨසහස්සානං බ්ලං හොති, ඉදං තාව තථාගතස්ස කායබ්ලං. ඤාණබ්ලං පන මහාසීහනාදෙ (ම. නි. 1.146 ආදයො) ආගතං දසබ්ලඤාණං චතුර්වෙසාරජ්ජඤාණං අට්ඨසු පරිසාසු අකම්පනඤාණං චතුර්වෙසාරජ්ජඤාණං පඤ්චගතිපරිච්ඡෙදකඤාණං සංයුත්තකෙ (සං. නි. 2.33-34) ආගතානි තෙසත්තති ඤාණානි සත්තසත්තති ඤාණානීති එවං අඤ්ඤානිපි අනෙකානි ඤාණසහස්සානි, එතං ඤාණබ්ලං නාම. ඉධාපි ඤාණබ්ලමෙව අධිජ්ජෙතං, ඤාණඤ්ඤි අකම්පියට්ඨෙන උපථම්භකට්ඨෙන ව බ්ලන්ති (පටි. ම. අට්ඨ. 2.2.44) චුත්තං.

සත්තානං ආසයානුසයෙ ඤාණන්ති එත්ථ රූපාදීසු බන්ධෙසු ඡන්දරාගෙන සත්තා විසත්තාති සත්තා. චුත්තඤ්ඤෙතං හගවතා –

“රූපෙ බ්බා, රාධ, යො ඡන්දො යො රාගො යා නන්දී යා තණ්හා,  
තත්‍ර සත්තො තත්‍ර විසත්තො, තස්මා ‘සත්තො’ති වුවිති. වෙදනාය...

සඤ්ඤාය... සඬ්ඛාරෙසු... විඤ්ඤාණෙ යො ඡන්දො යො රාගො යා නන්දී යා තණ්හා, තත්‍ර සත්තො තත්‍ර විසත්තො, තස්මා ‘සත්තො’ති වුවවතී’ති (සං. නි. 3.161; මහානි. 7).

අක්ඛරවින්තකා පන අත්ථං අවිචාරෙත්වා “නාමමත්තමෙත”න්ති ඉච්ඡන්ති. යෙපි අත්ථං විචාරෙත්ති, තෙ සත්වයොගෙන සත්තාති ඉච්ඡන්ති. තෙසං සත්තානං ආසයන්ති නිස්සයන්ති එත්ථාති ආසයො, මිච්ඡාදිට්ඨියා සම්මාදිට්ඨියා වා කාමාදීහි නෙක්ඛම්මාදීහි වා පරිභාවිතස්ස විත්තසත්තානස්සෙතං අධිවචනං. සත්තසත්තානෙ අනුසෙත්ති අනුපවත්තන්තීති අනුසයා, ථාමගතානං කාමරාගාදීනං එතං අධිවචනං. ආසයො ච අනුසයො ච ආසයානුසයො. ඡාතිග්ගහණෙන ච ද්වන්දුසමාසවසෙන ච එකවචනං වෙදිතබ්බං. යස්මා වරිතාධිමුත්තියො ආසයානුසයසඬ්ගහිතා, තස්මා උද්දෙසෙ වරිතාධිමුත්තීසු ඤාණානි ආසයානුසයඤාණෙනෙව සඬ්ගහෙත්වා “ආසයානුසයෙ ඤාණ”න්ති වුත්තං.

යමකපාටිභීරෙ ඤාණන්ති එත්ථ අග්ගික්ඛන්ධඋදකධාරාදීනං අපුබ්බං අවර්මං සකිංයෙව පවත්තිතො යමකං, අස්සද්ධියාදීනං පටිපක්ඛධම්මානං භරණතො පාටිභීරං, යමකඤ්ච තං පාටිභීරඤ්චාති යමකපාටිභීරං.

මහාකරුණාසමාපත්තියා ඤාණන්ති එත්ථ පරදුක්ඛෙ සති සාධුනං භදයකම්පනං කරොතීති කරුණා, කිතාති වා පරදුක්ඛං හිංසති විනාසෙතීති කරුණා, කිරියති වා දුක්ඛිතෙසු ඵරණවසෙන පසාරියතීති කරුණා, ඵරණකම්මවසෙන කම්මගුණවසෙන ච මහතී කරුණා මහාකරුණා, සමාපජ්ජන්ති එතං මහාකාරුණිකාති සමාපත්ති, මහාකරුණා ච සා සමාපත්ති වාති මහාකරුණාසමාපත්ති, තස්සං මහාකරුණාසමාපත්තියං. තං සම්පයුත්තං වා ඤාණං.

සබ්බඤ්ඤාතඤ්ඤාණං අනාවරණඤාණන්ති එත්ථ පඤ්චනෙයාපථජ්ජහෙදං සබ්බං අඤ්ඤාසීති සබ්බඤ්ඤා, සබ්බඤ්ඤාස්ස භාවො සබ්බඤ්ඤාතා, සබ්බඤ්ඤාතා එව ඤාණං සබ්බඤ්ඤාතාඤාණන්ති වත්තබ්බෙ සබ්බඤ්ඤාතඤ්ඤාණන්ති වුත්තං. සඬ්ඛතාසඬ්ඛතාදිහෙදා සබ්බධම්මා හි සඬ්ඛාරො විකාරො ලක්ඛණං නිබ්බානං පඤ්ඤත්තීති පඤ්චෙව නෙයාපථා භොන්ති. ආවජ්ජනපටිබද්ධත්තා එව හි නත්ථී තස්ස ආවරණන්ති තදෙව අනාවරණඤාණන්ති වුවවති (පටි. ම. අට්ඨ. 1.1.68).

සබ්බත්ථ අසඬ්ගමජ්ජටිහතමනාවරණඤාණන්ති එත්ථ අතීතානාගතපච්චුජ්ජන්තෙසු අසඬ්ගං සඬ්ගවිරහිතං අජ්ජටිහතං පටිපක්ඛවිරහිතං හුත්වා පවත්තං ආවරණවිරහිතං ඤාණං.

අනාගතම්පි ආදිසතීති –

“ඉමස්මිං හද්දකෙ කප්පෙ, තයො ආසිංසු නායකා;  
අහමෙතරහි සම්බුද්ධො, මෙත්තෙයො චාපි හෙස්සති”ති. ච –

“අසීතිවස්සසහස්සායුකෙසු, හික්ඛවෙ, මනුස්සෙසු මෙත්තෙයො  
නාම හගවා ලොකෙ උප්පජ්ජිස්සති අරහං සම්මාසම්බුද්ධො  
විජ්ජාවරණසම්පන්නො”ති ච (දී. නි. 3.107) –

“අථ ඛො, හික්ඛවෙ, සඬ්ඛො නාම රාජා යො සො යුපො රඤ්ඤා  
මහාපනාදෙන කාරාපිනො, තං යුපං උස්සාපෙත්වා අජ්ඣාචසිත්වා තං  
දත්වා විස්සජ්ජිත්වා සමණුක්ඛාහමණකපණද්ධිකවණ්ඛකයාවකානං  
දානං දත්වා මෙත්තෙයාස්ස හගවතො අරහතො සම්මාසම්බුද්ධස්ස  
සන්නිකෙ කෙසමස්සුං ඔහාරෙත්වා කාසායානි වත්ථානි අවිජාදෙත්වා  
අගාරස්මා අනගාරියං පබ්බජිස්සති”ති ච (දී. නි. 3.108) –

“අනාගතෙ අට්ඨස්සරො නාම පච්චෙකසම්බුද්ධො හවිස්සති”ති  
(මි. ප. 4.1.3) ච, “සුමනිස්සරො නාම පච්චෙකසම්බුද්ධො  
හවිස්සති”ති ච –

ආදිනා නයෙන දෙවදත්තාදීනං අනාගතං ආවික්ඛති. පච්චුප්පන්නම්පි  
ආදිසතීති ඉදං පාකට්ඨමෙව.

**82.** විභූතරූපසඤ්ඤිස්සාති සමතික්කන්තරූපසඤ්ඤිස්ස.  
සබ්බකායජ්ජහාසිනොති තදඬිගවික්ඛම්භනවසෙන සබ්බරූපකායපහාසිනො,  
පහිතරූපහවපට්ඨසන්ධිකස්සාති අධිප්පායො. නත්ථි කිඤ්චිති පස්සතොති  
විඤ්ඤාණාභාවදස්සනෙන “නත්ථි කිඤ්චි”ති පස්සතො,  
ආකිඤ්චඤ්ඤායතනලාභිනොති චුත්තං හොති. ඤාණං සක්කානුප්පච්ඡාමිති  
සක්කාති හගවත්තං ආලපන්නො ආහ. තස්ස පුග්ගලස්ස ඤාණං පුච්ඡාමි,  
කිදිසං ඉච්ඡිතබ්බන්ති. කථං නෙය්‍යාති කථඤ්ච සො නෙතබ්බො, කථමස්ස  
උත්තරිඤ්ඤාණං උප්පාදෙනබ්බන්ති.

කතමා රූපසඤ්ඤාති එත්ථ රූපසඤ්ඤාති සඤ්ඤාසීසෙන  
චුත්තරූපාවචරඤ්ඤාවෙව තදාරම්මණඤ්ච. රූපාවචරඤ්ඤාමිපි හි  
රූපන්ති චූච්චති “රූපි රූපානි පස්සති”තිආදීසු (ධ. ස. 248; පටි. ම. 1.209).  
තස්ස ආරම්මණමිපි “බහිද්ධා රූපානි පස්සති  
සුචණ්ණදුබ්බණ්ණානී”තිආදීසු (ධ. ස. 223). තස්මා ඉධ රූපෙ සඤ්ඤා  
රූපසඤ්ඤාති එවං සඤ්ඤාසීසෙන රූපාවචරඤ්ඤාස්සෙන අධිවචනං. රූපං  
සඤ්ඤා අස්සාති රූපසඤ්ඤා, රූපමස්ස නාමන්ති චුත්තං හොති. එවං  
පථවිකසිණාදිහෙදස්ස තදාරම්මණස්ස වෙන අධිවචනන්ති වෙදිතබ්බං. ඉධ  
පන කුසලවිපාකකිරියවසෙන පඤ්චදසකුසලාසඬ්ඛාතා රූපසඤ්ඤා එව  
අධිප්පෙතා. රූපාවචරසමාපත්තිං සමාපන්නස්ස වාති  
රූපාවචරකුසලජ්ඣානසමාපත්තිං සමාපන්නස්ස. උපපන්නස්ස වාති

විපාකජ්ඣානවසෙන තස්මිං භවෙ උපපන්නස්ස. දිට්ඨධම්මසුඛවිහාරිස්ස වාති ඉමස්මිංයෙව අත්තභාවෙ කිරියාක්ඛානං සමාපජ්ජිත්වා සුඛං උප්පාදෙත්වා විහරන්තස්ස. අරූපසමාපත්තියොති ආකාසානඤ්චායතනාදීනි. පටිලද්ධස්සාති උප්පාදෙත්වා ධීතස්ස. රූපසඤ්ඤා විභූතා භොන්තීති රූපසඤ්ඤා අපගතා භොන්ති. විගතාති විනාසිතා. “අභාවිතා” තිපි පාටො, සුන්දරො.

තදඛිගසමතික්කමාති තදඛිගජ්ජභානවසෙන අතික්කමෙන. වික්ඛම්භනජ්ජභානෙන පභීතොති අරූපජ්ඣානපටිලාභෙන වික්ඛම්භනෙන පභීතො. තස්ස රූපකායොති තස්ස අරූපසමාපත්තිපටිලාභිතො අරූපපුග්ගලස්ස රූපාවචරකායො.

ආකිඤ්චඤ්ඤායතනන්ති එත්ථ නාස්ස කිඤ්චනන්ති අකිඤ්චනං, අන්තමසො සඬිගමත්තමපි අස්ස අවසිට්ඨං නත්ථීති චුත්තං භොති. අකිඤ්චනස්ස භාවො ආකිඤ්චඤ්ඤං, ආකාසානඤ්චායතනවිඤ්ඤාණාපගමස්සෙනං අධිවචනං, තං ආකිඤ්චඤ්ඤං අධිට්ඨානට්ඨෙත ඉමිස්සා සඤ්ඤාය ආයතනන්ති ආකිඤ්චඤ්ඤායතනං, ආකාසෙ පවත්තිතවිඤ්ඤාණාපගමාරම්මණස්ස ක්ඛානස්සෙනං අධිවචනං. විඤ්ඤාණඤ්චායතනසමාපත්තිං සතො සමාපජ්ජිත්වාති තං විඤ්ඤාණඤ්චායතනං සතොකාරී භුත්වා සමාපජ්ජිත්වා. තතො චූට්ඨහිත්වාති සතොකාරී භුත්වා තාය සමාපත්තියා චූට්ඨාය. තඤ්ඤෙව විඤ්ඤාණන්ති තං ආකාසෙ පවත්තිතං මහග්ගතවිඤ්ඤාණං. අභාවෙතීති විනාසෙති. විභාවෙතීති විවිධා නාසෙති. අන්තරධාපෙතීති අදස්සනං ගමෙති.

කථං සො නෙතඛිබ්බොති සො පුග්ගලො කෙනජ්ජකාරෙන ජාතිතඛිබ්බො. විනෙතඛිබ්බොති නානාවිධෙන ජාතිතඛිබ්බො. අනුනෙතඛිබ්බොති පුනජ්ජුනං චිත්තෙන කථං ගමයිතඛිබ්බො.

### 83.

අට්ඨස්ස භගවා තාදිසෙ පුග්ගලෙ අත්තනො අප්පට්ඨතඤ්ඤාණං පකාසෙත්වා තං ඤාණං බ්‍යාකාතුං ගාථමාහ. තත්ථ විඤ්ඤාණට්ඨිතියො සබ්බා, අභිජානං තථාගතොති අභිසඬ්ඛාරවසෙන චතස්සො පටිසන්ධිවසෙන සත්තාති එවං සබ්බා විඤ්ඤාණට්ඨිතියො අභිජානන්තො තථාගතො. තිට්ඨන්තමෙනං ජානාතීති කම්මාභිසඬ්ඛාරවසෙන තිට්ඨමෙනං පුග්ගලං ජානාති — “ආයතිං අයං එවංගතිකො භවිස්සති” ති. ධිමුත්තන්ති ආකිඤ්චඤ්ඤායතනාදීසු අධිමුත්තං. තජ්ජරායණන්ති තම්මයං.

විඤ්ඤාණට්ඨිතියොති පටිසන්ධිවිඤ්ඤාණස්ස යානාති සවිඤ්ඤාණකා බන්ධා එව. තත්ථ සෙය්‍යථාපීති නිදස්සනත්ථෙ නිපාතො යථා මනුස්සාති අත්ථො. අපරිමාණෙසුපි හි චක්කවාලෙසු අපරිමාණානං මනුස්සානං



වණ්ණසංඝයානාදිවසෙන ද්වෙපි එකසදිසා නත්ථි. යෙපි හි කත්ථවි යමකභාතරො වණ්ණෙන වා සංඝයානෙන වා සදිසා භොන්ති. තෙපි ආලෝකිතවිලෝකිතාදීහි විසදිසාව භොන්ති. තස්මා “නානත්තකායා”ති වුත්තා. පටිසන්ධිසඤ්ඤා පන නෙසං තිහෙතුකාපි දුහෙතුකාපි අහෙතුකාපි භොති. තස්මා “නානත්තසඤ්ඤිනො”ති වුත්තා. එකච්චෙ ව දෙවොති ඡ කාමාවචරදෙවා. තෙසු හි කෙසඤ්චි කායො නිලො භොති, කෙසඤ්චි ජිතකාදිවණ්ණො. සඤ්ඤා පන නෙසං තිහෙතුකාපි දුහෙතුකාපි භොති, අහෙතුකා න භොති. එකච්චෙ ව විනිපාතිකාති චතුඅපායවිනිමුත්තා පුනබ්බසුමානා යක්ඛිනී පියඬිකරමානා චුස්සමිත්තා ධම්මගුත්තාති එවමාදයො අඤ්ඤෙ ව වෙමානිකා පෙතා. එතෙසඤ්චි ඔදාතකාලමඬිගුරව්ච්චිසාමවණ්ණාදිවසෙන වෙව කිසපුලරස්සදීඝවසෙන ව කායො නානා භොති, මනුස්සානං විය තිහෙතුකදුහෙතුකාහෙතුකවසෙන සඤ්ඤාපි. තෙ පන දෙවා විය න මහෙසක්ඛා, කපණමනුස්සා විය අප්පෙසක්ඛා දුල්ලභසාසච්ඡාදනා දුක්ඛපිළිතා විහරන්ති. එකච්චෙ කාලපක්ඛෙ දුක්ඛිතා ජුණ්හපක්ඛෙ සුඛිතා භොන්ති, තස්මා සුඛසමුස්සයතො විනිපතිතත්තා විනිපාතිකාති වුත්තා. යෙ පනෙත්ථ තිහෙතුකා, තෙසං ධම්මාහිසමයොපි භොති පියඬිකරමානාදීනං විය.

බ්‍රහ්මකායිකාති බ්‍රහ්මපාරිසජ්ජබ්‍රහ්මපුරොහිතමහාබ්‍රහ්මානො. පයමාහිනිබ්බත්තාති තෙ සබ්බෙපි පයමජ්ඣානෙන නිබ්බත්තා. බ්‍රහ්මපාරිසජ්ජා පන පරිත්තෙන, බ්‍රහ්මපුරොහිතා මජ්ඣිමෙන, කායොව නෙසං විජ්ජාරිකතරො භොති. මහාබ්‍රහ්මානො පණිතෙන, කායො පන නෙසං අභිවිජ්ජාරිකතරො භොති. ඉති තෙ කායස්ස නානත්තා, පයමජ්ඣානවසෙන සඤ්ඤාය එකත්තා නානත්තකායා එකත්තසඤ්ඤිනොති වුත්තා. යථා ව තෙ, එවං චතුසු අපායෙසු සත්තා. නිරයෙසු හි කෙසඤ්චි ගාවුතං, කෙසඤ්චි අඬිසියොජනං, කෙසඤ්චි තිගාවුතං අත්තභාවො භොති, දෙවදත්තස්ස පන යොජනසතිකො ජාතො. තිරච්ඡානෙසුපි කෙචි බුද්දකා භොන්ති, කෙචි මහන්තා. පෙත්තිවිසයෙසුපි කෙචි සට්ඨිහත්ථා, කෙචි අසිතිහත්ථා භොන්ති, කෙචි සුවණ්ණා, කෙචි දුබ්බණ්ණා. තථා කාලකඤ්චිකා අසුරා. අපි වෙත්ථ දීඝපිට්ඨිකපෙතා නාම සට්ඨියොජනිකාපි භොන්ති. සඤ්ඤා පන සබ්බෙසමපි අකුසලවිපාකාහෙතුකාව භොති. ඉති ආපායිකාපි නානත්තකායා එකත්තසඤ්ඤිනොති සඬ්ඛං ගච්ඡන්ති.

ආහස්සරාති දණ්ඩඋක්කාය අච්චි විය එතෙසං සරිරතො ආහා ඡිජ්ජිත්වා ඡිජ්ජිත්වා පතන්ති විය සරති විසරතීති ආහස්සරා. තෙසු පඤ්චකනයෙ දුතියතතියජ්ඣානද්වයං පරිත්තං භාවෙත්වා උපපන්නා පරිත්තභා නාම භොන්ති. මජ්ඣිමං භාවෙත්වා උපපන්නා අප්පමාණාභා නාම භොන්ති. පණිතං භාවෙත්වා උපපන්නා ආහස්සරා නාම භොන්ති. ඉධ පන උක්කට්ඨපරිව්ච්ඡෙදවසෙන සබ්බෙ ගහිතා. සබ්බෙසඤ්චි තෙසං කායො

එකවිජ්ජාලොචනොති, සඤ්ඤා පන අවිතක්කච්චාරමත්තා ච අවිතක්කච්චාරා වාති නානා.

සුභකිණ්ණාති සුභෙන වොකිණ්ණා, සුභෙන සරීරජ්ජනාවණ්ණෙන එකග්ගනාති අත්ථො. එතෙසඤ්ඤි න ආහස්සරානං විය ඡිජ්ජිත්වා ඡිජ්ජිත්වා පහා ගච්ඡති. චතුක්කනායෙ තතියස්ස පඤ්චකනායෙ චතුක්කස්ස පරිත්තමජ්ඣමපණිතස්ස ඤානස්ස වසෙන පරිත්තසුභඅජ්ජමාණසුභසුභකිණ්ණා නාම හුත්වා නිබ්බත්තන්ති. ඉති සබ්බෙපි තෙ එකත්තකායා වෙච චතුත්ථජ්ඣානසඤ්ඤාය එකත්තසඤ්ඤිනො වාති වෙදිතබ්බා. වෙහජ්ඵලාපි චතුත්ථවිඤ්ඤාණට්ඨිතිමෙව හජන්ති. අසඤ්ඤාසත්තා විඤ්ඤාණාභාවා එත්ථ සඬගහං න ගච්ඡන්ති, සත්තාවාසෙසු ගච්ඡන්ති.

සුද්ධාවාසා විචට්ටපක්කෙ යීතා, න සබ්බකාලිකා, කජ්ජසත්තසහස්සමිපි අසඬබ්බොයාමිපි බුද්ධසුඤ්ඤෙ ලොකෙ න උජ්ජජ්ජන්ති. සොළසකජ්ජසහස්සබ්බන්තරෙ බුද්ධෙසු උජ්ජන්තෙසුයෙව උජ්ජජ්ජන්ති. ධම්මවක්කපවත්තිස්ස (සං. නි. 5.1081; මහාව. 13; පටි. ම. 2.30) භගවතො ඛන්ධාවාරසදිසා භොන්ති. තස්මා නෙව විඤ්ඤාණට්ඨිතිං, න ච සත්තාවාසං හජන්ති. මහාසිවත්ථෙරො පන “න බො පන සො, සාරිපුත්ත, ආවාසො සුලභරූපො, යො මයා අනාවුට්ඨපුබ්බො ඉමිනා දීසෙන අද්ධනා අඤ්ඤත්ථ සුද්ධාවාසෙහි දෙවෙහීති ඉමිනා සුත්තෙන (ම. නි. 1.160) සුද්ධාවාසාපි චතුත්ථවිඤ්ඤාණට්ඨිතිං චතුත්ථසත්තාවාසඤ්ච හජන්ති”ති වදති, තං අජ්ජට්ඨාහිතත්තා සුත්තස්ස අනුඤ්ඤාතං (අ. නි. අට්ඨ. 3.7.44-45; පටි. ම. අට්ඨ. 1.1.21).

සබ්බසො රූපසඤ්ඤානං සමතික්කමාති එත්ථ සබ්බසොති සබ්බාකාරෙන, සබ්බාසං වා අනවසෙසානන්ති අත්ථො. රූපසඤ්ඤානන්ති සඤ්ඤාසීසෙන චුත්තරූපාවචරජ්ඣානානඤ්චෙව තදාරම්මණානඤ්ච. රූපාවචරජ්ඣානමිපි හි රූපන්ති චුච්චති “රූපි රූපානි පස්සති”තිආදීසු (ධ. ස. 248; පටි. ම. 1.209), තස්ස ආරම්මණමිපි “බහිද්ධා රූපානි පස්සති සුචණ්ණදුබ්බණ්ණානී”තිආදීසු (ධ. ස. 223). තස්මා ඉධ “රූපෙ සඤ්ඤා රූපසඤ්ඤා”ති එවං සඤ්ඤාසීසෙන චුත්තරූපාවචරජ්ඣානස්සෙන අධිවචනං. රූපං සඤ්ඤා අස්සාති රූපසඤ්ඤා, රූපමස්ස නාමන්ති චුත්තං භොති. එවං පට්ඨිකසිණාදිහෙදස්ස තදාරම්මණස්ස වෙනං අධිවචනන්ති වෙදිතබ්බං.

සමතික්කමාති විරාගා නිරොධා ච. කිං චුත්තං භොති? එතාසං කුසලවිපාකකිරියවසෙන පඤ්චදසන්තං ඤානසඬබ්බාතානං රූපසඤ්ඤානං එතෙසඤ්ච පට්ඨිකසිණාදිවසෙන අට්ඨන්තං ආරම්මණසඬබ්බාතානං රූපසඤ්ඤානං සබ්බාකාරෙන අනවසෙසානං වා විරාගා ච නිරොධා ච

විරාගහෙතු වෙව නිරොධහෙතු ව ආකාසානඤ්චායතනං උපසම්පජ්ජ විහරති. න හි සක්කා සබ්බසො අනතික්කන්තරූපසඤ්ඤාන ඵතං උපසම්පජ්ජ විහරිතුන්ති. තත්ථ යස්මා ආරම්මණෙ අවිරත්තස්ස සඤ්ඤාසමතික්කමො න හොති, සමතික්කන්තාසු ව සඤ්ඤාසු ආරම්මණං සමතික්කන්තමෙව හොති. තස්මා ආරම්මණසමතික්කමං අවත්වා –

“තත්ථ කතමා රූපසඤ්ඤා? රූපාවචරසමාපත්තිං සමාපන්නස්ස වා උපපන්නස්ස වා දිට්ඨධම්මසුඛවිහාරිස්ස වා සඤ්ඤා සඤ්ජානනා සඤ්ජානිතත්තං, ඉමා වුව්චන්ති රූපසඤ්ඤායො. ඉමා රූපසඤ්ඤායො අතික්කන්තො හොති විතික්කන්තො සමතික්කන්තො, තෙන වුව්චති සබ්බසො රූපසඤ්ඤානං සමතික්කමා”ති –

ඵචං විහඬිගෙ (විහ. 602) සඤ්ඤානංයෙව සමතික්කමො වුත්තො. යස්මා පන ආරම්මණසමතික්කමෙන පත්තබ්බා ඵතා සමාපත්තියො, න ඵකස්මිංයෙව ආරම්මණෙ පයමජ්ඣානාදීනි විය, තස්මා අයං ආරම්මණසමතික්කමවසෙනාපි අත්ථවණ්ණනා කතාති වෙදිතබ්බා.

පටිසසඤ්ඤානං අත්ථඬිගමාති චක්ඛාදීනං චත්ථුනං රූපාදීනං ආරම්මණානඤ්ච පටිසානෙන උප්පන්නා සඤ්ඤා පටිසසඤ්ඤා, රූපසඤ්ඤාදීනං ඵතං අධිවචනං. යථාහ – “තත්ථ කතමා පටිසසඤ්ඤා? රූපසඤ්ඤා සද්දසඤ්ඤා ගන්ධසඤ්ඤා රසසඤ්ඤා ඓද්ධිබ්බසඤ්ඤා, ඉමා වුව්චන්ති පටිසසඤ්ඤායො”ති (විහ. 603). තාසං කුසලවිපාකානං පඤ්චන්තං අකුසලවිපාකානං පඤ්චන්තන්ති සබ්බසො දසන්තං පටිසසඤ්ඤානං අත්ථඬිගමා පහානා අසමුප්පාදා, අප්පවත්තිං කත්වාති වුත්තං හොති.

කාමඤ්චෙතා පයමජ්ඣානාදීනි සමාපන්නස්සාපි න සන්ති, න හි තස්මිං සමයෙ පඤ්චද්වාරවසෙන විත්තං පවත්තති, ඵචං සන්තෙපි අඤ්ඤත්ථ පහිනානං සුඛදුක්ඛානං චතුත්ථජ්ඣානෙන විය සක්කායදිට්ඨාදීනං තතියමග්ගෙ විය ව ඉමස්මිංයෙව ඥානෙන උස්සාහජනනත්ථං ඉමස්ස ඥානස්ස පසංසාවසෙන ඵතාසං ඵත්ථ වචනං වෙදිතබ්බං. අථ වා – කිඤ්චාපි තා රූපාවචරං සමාපන්නස්ස න සන්ති, අථ ඛො න පහිනත්තා න සන්ති, න හි රූපවිරාගාය රූපාවචරභාවනා සංවත්තති, රූපායත්තා ව ඵතාසං පවත්ති, අයං පන භාවනා රූපවිරාගාය සංවත්තති. තස්මා තා ඵත්ථ “පහිනා”ති වත්තුං වට්ටති. න කෙවලඤ්ච වත්තුං, ඵකංසෙනෙව ඵචං ධාරෙතුම්පි වට්ටති. තාසඤ්චි ඉතො පුබ්බෙ අප්පහිනත්තායෙව “පයමජ්ඣානං සමාපන්නස්ස සද්දො කණ්ටකො”ති (අ. නි. 10.72) වුත්තො භගවතා. ඉධ ව පහිනත්තායෙව අරූපසමාපත්තීනං ආනෙඤ්ජතා සන්තවිමොක්ඛතා ව වුත්තා – “ආලාරො ව කාලාමො අරූපං සමාපන්නො

පඤ්චමත්තානි සකට්ඨකානි නිස්සාය නිස්සාය අතික්කන්තානි නෙව අද්දස,  
න පන සද්දං අස්සෙසාසි”ති (දී. නි. 2.192).

නානත්තසඤ්ඤානං අමනසිකාරාති නානත්තෙ ගොචරෙ පචත්තානං  
සඤ්ඤානං, නානත්තානං වා සඤ්ඤානං. යස්මා හි එතා -

“තත්ථ කතමා නානත්තසඤ්ඤා? අසමාපන්නස්ස  
මනොධාතුසමඛිගිස්ස වා මනොවිඤ්ඤාණධාතුසමඛිගිස්ස වා සඤ්ඤා  
සඤ්ජානනා සඤ්ජානිතත්තං, ඉමා වුච්චන්ති නානත්තසඤ්ඤායො”ති  
(විහ. 604) -

එවං විහඬගෙ විහජිත්වා චුත්තාව ඉධ අධිජ්ජෙතා අසමාපන්නස්ස  
මනොධාතුමනොවිඤ්ඤාණධාතුසමඛිගිතා සඤ්ඤා රූපසද්දාදිහෙදෙ  
නානත්තෙ නානාසභාවෙ ගොචරෙ පචත්තන්ති. යස්මා චෙතා අට්ඨ  
කාමාවචරකුසලසඤ්ඤා ද්වාදස අකුසලසඤ්ඤා එකාදස  
කාමාවචරකුසලවිපාකසඤ්ඤා ද්වෙ අකුසලවිපාකසඤ්ඤා එකාදස  
කාමාවචරකිරියසඤ්ඤාති එවං චතුචත්තාලීසම්පි සඤ්ඤා නානත්තා  
නානාසභාවා අඤ්ඤමඤ්ඤං අසදිසා, තස්මා “නානත්තසඤ්ඤා”ති චුත්තා.  
තාසං සබ්බෙසා නානත්තසඤ්ඤානං අමනසිකාරා අනාවජ්ජනා  
අසමන්තාභාරා අපච්චවෙක්ඛණා. යස්මා තා නාවජ්ජති න මනසිකරොති න  
පච්චවෙක්ඛති, තස්මාති චුත්තං හොති.

යස්මා චෙත්ථ පුරිමා රූපසඤ්ඤා පටිසසඤ්ඤා ව ඉමිනා ඤානෙන  
නිබ්බත්තෙ හවෙපි න විජ්ජන්ති, පගෙව තස්මිං හවෙ ඉමං ඤානං  
උපසම්පජ්ජ විහරණකාලෙ, තස්මා තාසං “සමතික්කමා අත්ථඬගමා”ති  
ද්වෙධාපි අභාවොයෙව චුත්තො. නානත්තසඤ්ඤාසු පන යස්මා අට්ඨ  
කාමාවචරකුසලසඤ්ඤා නව කිරියසඤ්ඤා දස අකුසලසඤ්ඤාති, ඉමා  
සත්තවීසති සඤ්ඤා ඉමිනා ඤානෙන නිබ්බත්තෙ හවෙ විජ්ජන්ති, තස්මා  
තාසං “අමනසිකාරා”ති චුත්තන්ති වෙදිතබ්බං. තත්ත්වා හි ඉමං ඤානං  
උපසම්පජ්ජ විහරන්තො තාසං අමනසිකාරායෙව උපසම්පජ්ජ විහරති, තා  
පන මනසිකරොන්තො අසමාපන්නො හොතීති. සඬබ්බෙපතො චෙත්ථ  
“රූපසඤ්ඤානං සමතික්කමා”ති ඉමිනා සබ්බරූපාවචරධම්මානං පභානං  
චුත්තං. “පටිසසඤ්ඤානං අත්ථඬගමා නානත්තසඤ්ඤානං අමනසිකාරා”ති  
ඉමිනා සබ්බෙසං කාමාවචරචිත්තචෙතසිකානඤ්ච පභානං අමනසිකාරො ව  
චුත්තොති වෙදිතබ්බො (පටි. ම. අට්ඨ. 2.1.213).

ඉති හගවා පන්නරසන්නං රූපසඤ්ඤානං සමතික්කමෙන දසන්නං  
පටිසසඤ්ඤානං අත්ථඬගමෙන චතුචත්තාලීසාය නානත්තසඤ්ඤානං  
අමනසිකාරොනාති තීහි පදෙහි ආකාසානඤ්චායතනසමාපත්තියා වණ්ණං  
කට්ඨෙ. කිං කාරණාති චෙ? සොතුනං උස්සාහජනනත්ථඤ්චෙව  
පලොභනත්ථඤ්ච. සචෙ හි කෙච් අපණ්ඩිතා වදෙය්‍යුං - “සත්ථා



ආකාසානඤ්චායතනසමාපත්තිං නිබ්බත්තෙථාති වදති, කො නු බො එතාය නිබ්බත්තිතාය අත්ථො, කො ආනිසංසො”ති. “තෙ එවං වත්තුං මා ලහන්තු”ති ඉමෙහි ආකාරෙහි සමාපත්තියා වණ්ණං කට්ඨෙයි. තඤ්ඤි නෙසං සුත්වා එවං භවිස්සති – “එවං සන්තා කිර අයං සමාපත්ති එවං පණිතා, නිබ්බත්තෙස්සාම න”න්ති, අට්ඨස්සා නිබ්බත්තනත්ථාය උස්සාහං කරිස්සන්තිති.

පලොභනත්ථඤ්චාපි තෙසං එතිස්සා වණ්ණං කට්ඨෙයි විසකණ්ටකවාණිජොවිය, විසකණ්ටකවාණිජො නාම ගුළවාණිජො වුච්චති. සො කිර ගුළවාණිකඛණ්ඩසක්කරාදීති සකටෙන ආදාය පච්චන්තගාමං ගන්ත්වා “විසකණ්ටකං ගණ්හථ, විසකණ්ටකං ගණ්හථා”ති උග්ගොසෙසි. තං සුත්වා ගාමිකා “විසං නාම කක්ඛළං, යො නං බාදති, සො මරති, කණ්ටකොපි විජ්ඣන්ත්වා මාරෙති, උභොපෙතෙ කක්ඛළා, කො එත්ථ ආනිසංසො”ති ගෙහද්වාරාති ථකෙසුං, දාරකෙ ව පලාපෙසුං. තං දිස්වා වාණිජො “අවොහාරකුසලා ඉමෙ ගාමිකා, හන්ද නෙ උපායෙන ගණ්හාපෙමි”ති “අතිමධුරං ගණ්හථ, අතිසාදුං ගණ්හථ, ගුළං ථාණිතං සක්කරං සමග්ගං ලබ්හති, කුට්ඨාසකකුට්ඨාසකාදීහිපි ලබ්හති”ති උග්ගොසෙසි. තං සුත්වා ගාමිකා හට්ඨපහට්ඨා නික්ඛන්තා බහුමිපි මූලං දත්වා ගහෙසුං.

තත්ථ වාණිජස්ස “විසකණ්ටකං ගණ්හථා”ති උග්ගොසනං විය භගවතො “ආකාසානඤ්චායතනසමාපත්තිං නිබ්බත්තෙථා”ති වචනං. “උභොපෙතෙ කක්ඛළා, කො එත්ථ ආනිසංසො”ති ගාමිකානං වින්තනං විය “භගවා ‘ආකාසානඤ්චායතනං නිබ්බත්තෙථා’ති ආහ, කො නු බො එත්ථ ආනිසංසො, නාස්ස ගුණං ජානාමා”ති සොතුනං වින්තනං. අට්ඨස්ස වාණිජස්ස “අතිමධුරං ගණ්හථා”තිආදිවචනං විය භගවතො රූපසඤ්ඤාසමතික්කමනාදිකං ආනිසංසප්පකාසනං. ඉදඤ්ඤි සුත්වා තෙ බහුමිපි මූලං දත්වා ගාමිකා විය ගුළං “ඉමිනා ආනිසංසෙන පලොභිතවිත්තා මහන්තමිපි උස්සාහං කත්වා ඉමං සමාපත්තිං නිබ්බත්තෙස්සන්ති”ති උස්සාහජනනත්ථං පලොභනත්ථඤ්ච කට්ඨෙයි.

ආකාසානඤ්චායතනුපගාති එත්ථ නාස්ස අන්තොති අනන්තං, ආකාසං අනන්තං ආකාසානන්තං, ආකාසානන්තං එව ආකාසානඤ්චං, තං ආකාසානඤ්චං අධිට්ඨානට්ඨෙන ආයතනමස්ස සසම්පයුත්තධම්මස්ස ඤානස්ස දෙවානං දෙවායතනමිවාති ආකාසානඤ්චායතනං. කසිණුග්ගාටිමාකාසස්සෙන අධිවචනං. තත්ථ ඤානං නිබ්බත්තෙත්වා පටිසන්ධිවසෙන ආකාසානඤ්චායතනභවං උපගතා ආකාසානඤ්චායතනුපගා. ඉතො පරෙසු විසෙසමත්තමෙව වණ්ණයිස්සාම (ධ. ස. අට්ඨ. 265, 1436-7).

ආකාසානඤ්චායතනං සමතික්කම්මාති එත්ථ තාව පුබ්බෙ වුත්තනයෙන ආකාසානඤ්චං ආයතනමස්ස අධිට්ඨානට්ඨෙතාති ක්කානම්පි ආකාසානඤ්චායතනං, වුත්තනයෙනෙව ආරම්මණම්පි. එවමෙනං ක්කානඤ්ච ආරම්මණඤ්චාති උභයම්පි අප්පවත්තිකරණෙන ව අමනසිකරණෙන ව සමතික්කම්මිත්වාව යස්මා ඉදං විඤ්ඤාණඤ්චායතනං උපසම්පජ්ජ විහරිතබ්බං, තස්මා උභයම්පෙනං එකජ්ඣං කත්වා “ආකාසානඤ්චායතනං සමතික්කම්මා”ති ඉදං වුත්තන්ති වෙදිතබ්බං.

විඤ්ඤාණඤ්චායතනුපගාති එත්ථ පන “අනන්ත”න්ති මනසිකාතබ්බවසෙන නාස්ස අන්තොති අනන්තං, අනන්තමෙව ආනඤ්චං, විඤ්ඤාණං ආනඤ්චං “විඤ්ඤාණානඤ්ච”න්ති අවත්වා “විඤ්ඤාණඤ්ච”න්ති වුත්තං. අයඤ්ඤෙත්ථ රුළුභිසද්දො. තදෙව විඤ්ඤාණඤ්චං අධිට්ඨානට්ඨෙත ආයතනන්ති විඤ්ඤාණඤ්චායතනං. තත්ථ ක්කානං නිබ්බත්තෙන්වා විඤ්ඤාණඤ්චායතනහවං උපගතා විඤ්ඤාණඤ්චායතනුපගා.

විඤ්ඤාණඤ්චායතනං සමතික්කම්මාති එත්ථපි පුබ්බෙ වුත්තනයෙනෙව විඤ්ඤාණඤ්චං ආයතනමස්ස අධිට්ඨානට්ඨෙතාති ක්කානම්පි විඤ්ඤාණඤ්චායතනං, වුත්තනයෙනෙව ව ආරම්මණම්පි. එවමෙනං ක්කානඤ්ච ආරම්මණඤ්චාති උභයම්පි අප්පවත්තිකරණෙන ව අමනසිකරණෙන ව සමතික්කම්මිත්වාව යස්මා ඉදං ආකිඤ්චඤ්ඤායතනං උපසම්පජ්ජ විහරිතබ්බං, තස්මා උභයම්පෙනං එකජ්ඣං කත්වා “විඤ්ඤාණඤ්චායතනං සමතික්කම්මා”ති ඉදං වුත්තන්ති වෙදිතබ්බං.

ආකිඤ්චඤ්ඤායතනුපගාති එත්ථ පන නාස්ස කිඤ්චනන්ති අකිඤ්චනං, අන්තමසො භඩ්ගමත්තම්පි අස්ස අවසිට්ඨං නත්ථීති වුත්තං හොති. අකිඤ්චනස්ස භාවො ආකිඤ්චඤ්ඤං, ආකාසානඤ්චායතනවිඤ්ඤාණාපගමස්සෙනං අධිවචනං. තං ආකිඤ්චඤ්ඤං අධිට්ඨානට්ඨෙත ආයතනන්ති ආකිඤ්චඤ්ඤායතනං. තත්ථ ක්කානං නිබ්බත්තෙන්වා ආකිඤ්චඤ්ඤායතනහවං උපගතා ආකිඤ්චඤ්ඤායතනුපගා. අයං සත්තමවිඤ්ඤාණට්ඨිතීති ඉමං සත්තමං පටිසන්ධිවිඤ්ඤාණස්ස ධානං ජානාති. නෙවසඤ්ඤානාසඤ්ඤායතනං යථෙව සඤ්ඤාය, එවං විඤ්ඤාණස්සාපි සුමුමත්තා නෙව විඤ්ඤාණං නාවිඤ්ඤාණං, තස්මා විඤ්ඤාණට්ඨිතීසු න වුත්තං.

අභුතන්ති අභුතත්ථං “රූපං අත්තා”තිආදිවචනං. තං විපල්ලාසභාවතො අතච්ඡං. දිට්ඨිනිස්සයතො අනත්ථසඤ්ඡිතං. අථ වා අභුතන්ති අසත්තං අවිජ්ජමානං. අවොරස්සෙව “ඉදං තෙ වොරිකාය ආහනං, න ඉදං තුය්භං සරෙ ධන”න්තිආදිවචනං. අතච්ඡන්ති අතථාකාරං අඤ්ඤථා සත්තං. අනත්ථසඤ්ඡිතන්ති න ඉධලොකත්ථං වා පරලොකත්ථං වා නිස්සිතං. න තං

තථාගතො ඛ්‍යාකරොතීති තං අනිය්‍යානිකකථං තථාගතො න කථෙති. භූතං තච්ඡං අනත්ථසඤ්ඡිතන්ති රාජකථාදිතිරච්ඡානකථං. භූතං තච්ඡං අත්ථසඤ්ඡිතන්ති අරියසච්චසන්නිස්සිතං. තත්‍ර කාලඤ්ඤා තථාගතො භොතීති තස්මිං තතියඛ්‍යාකරණෙ තස්ස පඤ්ඤස්ස ඛ්‍යාකරණත්ථාය තථාගතො කාලඤ්ඤා භොති. මහාජනස්ස ආදානකාලං ගහණකාලං ජානිත්වා සහෙතුකං සකාරණං කත්වා යුත්තපත්තකාලෙයෙව ඛ්‍යාකරොතීති අත්ථො.

යුත්තපත්තකාලෙ වදන්ති කාලවාදී. භූතං සභාවං වදන්ති භූතවාදී. පරමත්ථං නිබ්බානං වදන්ති අත්ථවාදී. මග්ගඵලධම්මං වදන්ති ධම්මවාදී. සංවරාදිවිනයං වදන්ති විනයවාදී. තත්ථ දිට්ඨන්ති අපරිමාණාසු ලොකධාතුසු අපරිමාණානං සත්තානං චක්ඛුද්වාරෙසු ආපාථං ආගච්ඡන්තං රූපාරම්මණං නාම අත්ථී, තං සබ්බාකාරතො ජානාති පස්සති. එවං ජානතා පස්සතා ච තෙන තං ඉට්ඨානිට්ඨාදිවසෙන වා දිට්ඨසුතමුත්තච්ඤ්ඤාතෙසු ලබ්භමානකපදවසෙන වා “කතමං තං රූපං රූපායතනං? යං රූපං චතුත්තං මහාභූතානං උපාදාය චණ්ණනිභා සනිදස්සනං සප්පට්ඨං නීලං පීතක”න්තිආදිනා (ධ. ස. 617-618) නයෙන අනෙකෙහි නාමෙහි තෙරසහි වාරෙහි ද්විපඤ්ඤාසාය නයෙහි විභජ්ජමානං තථමෙව භොති විතථං නත්ථී. එස නයො සොතද්වාරාදීසුපි. ආපාථමාගච්ඡන්තෙසු සද්දාදීසු තෙසං විවිධං දස්සෙතුං “දිට්ඨං සුත”න්ති ආහ. තත්ථ දිට්ඨන්ති රූපායතනං. සුතන්ති සද්දායතනං. මුතන්ති පත්වා ගහෙතබ්බතො ගන්ධායතනං රසායතනං ඵොට්ඨබ්බායතනං. විඤ්ඤාතන්ති සුඛදුක්ඛාදිධම්මාරම්මණං. පත්තන්ති පරියෙසිත්වා වා අපරියෙසිත්වා වා පත්තං. පරියෙසිතන්ති පත්තං වා අපත්තං වා පරියෙසිතං. අනුච්චරිතං මනසාති විත්තෙන අනුසඤ්චරිතං.

තථාගතෙන අභිසම්බුද්ධන්ති ඉමිනා එතං දස්සෙති – යඤ්ඤි අපරිමාණාසු ලොකධාතුසු ඉමස්ස සදෙවකස්ස ලොකස්ස නීලං පීතකන්තිආදි රූපාරම්මණං චක්ඛුද්වාරෙ ආපාථං ආගච්ඡති, “අයං සත්තො ඉමස්මිං බණ්ණ ඉමං නාම රූපාරම්මණං දිස්වා සුමනො වා දුම්මනො වා මජ්ඣන්තො වා ජාතො”ති සබ්බං තං තථාගතස්ස එවං අභිසම්බුද්ධං. තථා යං අපරිමාණාසු ලොකධාතුසු ඉමස්ස සදෙවකස්ස ලොකස්ස හෙරිසද්දො මුදිඬිගසද්දොතිආදි සද්දාරම්මණං සොතද්වාරෙ ආපාථං ආගච්ඡති, මූලගන්ධො තවගන්ධොතිආදි ගන්ධාරම්මණං ඝාතද්වාරෙ ආපාථං ආගච්ඡති, මූලරසො ඛන්ධරසොතිආදි රසාරම්මණං ජීවිහාද්වාරෙ ආපාථං ආගච්ඡති, කක්ඛලං මුදුකන්තිආදි පථවීධාතුතෙජොධාතුවායොධාතුතෙදං ඵොට්ඨබ්බාරම්මණං කායද්වාරෙ ආපාථං ආගච්ඡති, “අයං සත්තො ඉමස්මිං බණ්ණ ඉමං නාම ඵොට්ඨබ්බාරම්මණං ඵුසිත්වා සුමනො වා දුම්මනො වා මජ්ඣන්තො වා ජාතො”ති සබ්බං තං තථාගතස්ස එවං අභිසම්බුද්ධං. තථා යං අපරිමාණාසු ලොකධාතුසු ඉමස්ස සදෙවකස්ස ලොකස්ස සුඛදුක්ඛාදිහෙදං ධම්මාරම්මණං මනොද්වාරස්ස ආපාථං ආගච්ඡති, “අයං

සත්තො ඉමස්මිං බණෙ ඉමං නාම ධම්මාරම්මණං විජානිත්වා සුමනො වා දුම්මනො වා මජ්ඣන්තො වා ජාතො”ති සබ්බං තං තථාගතස්ස එවං අභිසම්බුද්ධං.

යඤ්චි, චුන්ද, ඉමෙසං සත්තානං දිට්ඨං සුතං මුතං විඤ්ඤාතං, තත්ථ තථාගතෙන අදිට්ඨං වා අසුතං වා අමුතං වා අවිඤ්ඤාතං වා නත්ථි, ඉමස්ස පන මහාජනස්ස පරියෙසිත්වා අපත්තම්පි අත්ථි, අපරියෙසිත්වා අපත්තම්පි අත්ථි, පරියෙසිත්වා පත්තම්පි අත්ථි, අපරියෙසිත්වා පත්තම්පි අත්ථි, සබ්බම්පි තථාගතස්ස අසම්පත්තං නාම නත්ථි ඤාණෙන අසවිෂ්කතං. තස්මා තථාගතොති වුව්චතීති යං තථා ලොකෙන ගතං, තස්ස තථෙව ගතත්තා තථාගතොති වුව්චතීති. පාළියං පන “අභිසම්බුද්ධ”න්ති චුත්තං, තං ගතසද්දෙන එකත්ථං. ඉමිනා නයෙන සබ්බවාරෙසු තථාගතොති නිගමස්ස අත්ථො වෙදිතබ්බො (දී. නි. අට්ඨ. 3.188; අ. නි. අට්ඨ. 2.4.23).

“යඤ්ච, චුන්ද, රත්තිං තථාගතො අනුත්තරං සම්මාසම්බොධිං අභිසම්බුද්ධාති, යඤ්ච රත්තිං අනුපාදියෙසාය නිබ්බානධාතුයා පරිනිබ්බායති, යං එතස්මිං අත්තරෙ භාසති ලපති නිද්දිසති, සබ්බං තං තථෙව හොති, නො අඤ්ඤාතා, තස්මා තථාගතොති වුව්චතී”ති –

එත්ථ යං රත්තිං භගවා බොධිමණ්ඩෙ අප්පරාජිතපල්ලඬිකෙ නිසින්තො තිණ්ණං මාරානං මත්ථකං මද්දිත්වා අනුත්තරසම්මාසම්බොධිං අභිසම්බුද්ධො, යඤ්ච රත්තිං යමකසාලානමත්තරෙ අනුපාදියෙසාය නිබ්බානධාතුයා පරිනිබ්බායි, එත්ථත්තරෙ පඤ්චවත්තාලිසවස්සපරිමාණෙ කාලෙ පඨමබොධියාපි මජ්ඣිමබොධියාපි පච්ඡිමබොධියාපි යං භගවතා භාසිතං සුත්තං ගෙය්‍යං...පෙ.... වෙදල්ලං, තං සබ්බං අත්ථතො ව ඛ්‍යඤ්ජනතො ව අනුපවජ්ජං අනුනමනධිකං සබ්බාකාරපරිපුණ්ණං රාගමදනිම්මදනං දොසමොභමදනිම්මදනං නත්ථි, තත්ථ වාළග්ගමත්තම්පි අවක්ඛලිතං, සබ්බං තං එකමුද්දිකාය ලඤ්ඡිතං විය, එකනාළියා මිතං විය, එකතුලාය තුලිතං විය ව තථමෙව හොති විතථං නත්ථි. තෙනාහ – “යඤ්ච, චුන්ද, රත්තිං තථාගතො...පෙ.... සබ්බං තං තථමෙව හොති, නො අඤ්ඤාතා තස්මා තථාගතොති වුව්චතී”ති. ගදඅත්ථො හි එත්ථ ගතසද්දො.

අපි ව – ආගදනං ආගදො, වචනන්ති අත්ථො. තථො අවිපරිතො ආගදො අස්සාති ද-කාරස්ස ත-කාරං කත්වා ගතොති එවමෙනස්මිං අත්ථො පදසිද්ධි වෙදිතබ්බො.

“යථාචාදී, චුන්ද...පෙ.... වුව්චතී”ති එත්ථ භගවතො වාචාය කායො අනුලොමෙති කායස්සපි වාචා, තස්මා භගවා යථාචාදී තථාකාරී, යථාකාරී තථාචාදී ව හොති, එවංභූතස්ස වස්ස යථා වාචා, කායොපි තථා ගතො



පවත්තොති අත්ථො. යථා ච කායො, වාචාපි තථා ගතා පවත්තාති තථාගතොති එවමෙත්ථ පදසිද්ධි වෙදිතබ්බො.

අභිභූ අනභිභූතොති උපරි භවග්ගං හෙට්ඨා අවිච්ඡරියන්තං අපරිමාණාසු ලොකධාතූසු සබ්බසත්තෙ අභිභවති සීලෙනපි සමාධිනාපි පඤ්ඤායපි විමුක්තියාපි න තස්ස තුලා වා පමාණං වා අත්ථි. අතුලො අප්පමෙය්‍යො අනුත්තරො රාජරාජා දෙවදෙවො සක්කානං අතිසක්කො බ්‍රහ්මානං අතිබ්‍රහ්මා. අඤ්ඤදත්ථුති එකංසත්ථෙ නිපාතො. දක්ඛනීති දෙසො. වසං වත්තෙතීති වසවත්තී.

තත්‍රායං පදසිද්ධි වෙදිතබ්බො - අගදො විය අගදො, කො පනෙස? දෙසනාවිලාසො වෙව පුඤ්ඤස්සයො ච. තෙන හෙස මහානුභාවො භිසක්කො දිබ්බාගදෙන සප්පෙ විය සබ්බපරප්පවාදිනො සදෙවකඤ්ච ලොකං අභිභවති. ඉති සබ්බලොකාභිභවතෙ තථො අවිච්ඡරිනො දෙසනාවිලාසමයො වෙව පුඤ්ඤස්සයො ච අගදො අස්සාති ද-කාරස්ස ත-කාරං කත්වා තථාගතොති වෙදිතබ්බො (දී. නි. අට්ඨ. 1.7).

ඉධත්ථඤ්ඤෙව	ජානාති	කම්මාභිසංඛාරවසෙනාති
අපුඤ්ඤාභිසංඛාරවසෙන	ඉධත්ථඤ්ඤෙව ජානාති.	කායස්ස හෙදා පරං මරණාති
උපාදින්නබන්ධහෙදා	මරණතො පරං.	අපායන්තිආදීසු
වුඩ්ඪිසංඛාරාසුසාතතො	අයා අපෙතන්තා අපායො.	දුක්ඛස්ස ගති
පටිසරණන්ති දුග්ගති.	දුක්කරකාරිනො එත්ථ විනිපතන්තීති විනිපාතො.	
නිරතිඅට්ඨෙත නිරස්සාදට්ඨෙත නිරයො.	තං අපායං...පෙ.... නිරයං.	
උපපජ්ජිස්සති පටිසන්ධිවසෙන උපපජ්ජිස්සති.	තිරවිජානෙයොතින්ති තිරියං	
අඤ්චන්තීති තිරවිජානා,	තෙසං යොති තිරවිජානෙයොති,	තං තිරවිජානෙයොතිං.
පෙත්තිවිසයන්ති පච්චභාවං	පත්තානං විසයොති	
පෙත්තිවිසයො, තං පෙත්තිවිසයං.	මනෙසො උස්සන්තතාය මනුස්සා,	තෙසු මනුස්සෙසු.
ඉතො පරං	කම්මාභිසංඛාරවසෙනාති	එත්ථ පුඤ්ඤාභිසංඛාරවසෙන
අත්ථො	ගහෙතබ්බො.	

ආසවානං ඛයාති ආසවානං විනාසෙන. අනාසවං වෙතොවිමුක්තින්ති ආසවවිරහිතං අරහත්තඵලසමාධිං. පඤ්ඤාවිමුක්තින්ති අරහත්තඵලපඤ්ඤං. අරහත්තඵලසමාධි රාගවිරාගා වෙතොවිමුක්ති, අරහත්තඵලපඤ්ඤා අවිජ්ජාවිරාගා පඤ්ඤාවිමුක්තිති වෙදිතබ්බො. තණ්හාවරිතෙන වා අප්පනාක්කානලලෙන කිලෙසෙ වික්ඛම්මෙත්වා අධිගතං අරහත්තඵලං රාගවිරාගා වෙතොවිමුක්ති, දිට්ඨිවරිතෙන උපවාරජ්ඣානමත්තං නිබ්බත්තෙත්වා විපස්සිත්වා අධිගතං අරහත්තඵලං අවිජ්ජාවිරාගා පඤ්ඤාවිමුක්ති. අනාගාමීඵලං වා කාමරාගං සන්ධාය රාගවිරාගා වෙතොවිමුක්ති, අරහත්තඵලං සබ්බප්පකාරතො අවිජ්ජාවිරාගා පඤ්ඤාවිමුක්ති.

ආකිඤ්චඤ්ඤායතනං ධිමුත්තන්ති විමොක්ඛෙනාති කෙනටියෙන විමොක්ඛො වෙදිතබ්බොති? අධිමුච්චනටියෙන. කො අයං අධිමුච්චනටියො නාම? පච්චනීකධම්මෙහි ච සුට්ඨු විමුච්චනටියො, ආරම්මණෙ ච අභිරතිවසෙන සුට්ඨු විමුච්චනටියො, පිතු අභිකෙ විස්සට්ඨඅභිගපච්චභිගස්ස දාරකස්ස සයනං විය අනිග්ගනිතභාවෙන නිරාසඤ්ඤායතනං ආරම්මණෙ පවත්තීති චුත්තං හොති. එවරුපෙන විමොක්ඛෙන ධිමුත්තන්ති. විඤ්ඤාණඤ්චායතනං මුඤ්චිත්වා ආකිඤ්චඤ්ඤායතනෙන නිරාසඤ්ඤාවසෙන ධිමුත්තං අල්ලිතං. තත්ත්වාධිමුත්තන්ති තස්මිං සමාධිමිති අල්ලිතං. තදධිමුත්තන්ති තස්මිං ක්කාතෙන අධිමුත්තං. තදාධිපතෙය්‍යන්ති තං ක්කාතං ජෙට්ඨකං. රුපාධිමුත්තොතිආදීනි පඤ්ච කාමගුණගරුකවසෙන චුත්තාති. කුලාධිමුත්තොතිආදීනි තිණි බත්තියාදිකුලගරුකවසෙන චුත්තාති. ලාභාධිමුත්තොතිආදීනි අට්ඨ ලොකධම්මවසෙන චුත්තාති. ධීවරාධිමුත්තොතිආදීනි චත්තාරි පච්චයවසෙන චුත්තාති. සුත්තන්තාධිමුත්තොතිආදීනි පිටකත්තයවසෙන චුත්තාති. ආරඤ්ඤකභිගාධිමුත්තොතිආදීනි ධුතභිගසමාදානවසෙන චුත්තාති. පට්ඨමජ්ඣානාධිමුත්තොතිආදීනි පටිලාභවසෙන චුත්තාති.

කම්මපරායණන්ති අභිසඤ්චාරවසෙන. විපාකපරායණන්ති පවත්තිවසෙන. කම්මගරුකන්ති චෙතනාගරුකං. පටිසන්ධිගරුකන්ති උපපත්තිගරුකං.

**84.** ආකිඤ්චඤ්ඤාසම්භවං ඤාත්වාති  
ආකිඤ්චඤ්ඤායතනසමාපත්තිතො වුට්ඨහිත්වා  
ආකිඤ්චඤ්ඤායතනජනකකම්මාභිසඤ්චාරං ඤාත්වා “කිත්ති පලිබොධො අය”න්ති. නන්දිසංයොජනං ඉතීති යා චතුත්ථඅරුපරාගසඤ්චාරා නන්දී තඤ්ච සංයොජනං ඤාත්වා. තතො තත්ථ විපස්සතීති අථ තත්ථ ආකිඤ්චඤ්ඤායතනසමාපත්තිතො වුට්ඨහිත්වා තං සමාපත්තිං අනිච්චාදිවසෙන විපස්සති. එතං ඤාණං තථං තස්සාති එතං තස්ස පුග්ගලස්ස එවං විපස්සතො අනුක්කමෙන උප්පන්නං අරහත්තඤාණං අවිපරීතං. වුසීමතොති වුසිතවත්තස්ස. සෙසං සබ්බත්ථ පාකට්ඨෙව.

එවං භගවා ඉදම්පි සුත්තං අරහත්තනිකුටෙනෙව දෙසෙසී, දෙසනාපරියොසානෙ ච පුබ්බසදිසො එව ධම්මාභිසමයො අහොසීති.

සද්ධම්මජ්ජපජ්ජොතිකාය චූළනිද්දෙස-අට්ඨකථාය

පොසාලමාණවසුත්තනිද්දෙසවණ්ණනා නිට්ඨිතා.

## 15. මොසරාජමාණවසුත්තනිද්දෙසවණ්ණනා

85. පන්තරසමෙ මොසරාජසුත්තෙන – ද්වාහන්ති ද්වෙ වාරෙ අහං. සො හි පුබ්බෙ අජිතසුත්තස්ස (සු. නි. 1038 ආදයො) ච තිස්සමෙත්තෙයාසුත්තස්ස (සු. නි. 1046 ආදයො) ච අවසානෙ ද්වික්ඛත්තුං භගවත්තං පුච්ඡි, භගවා පනස්ස ඉන්ද්‍රියපරිපාකං ආගමයමානො න ඛ්‍යාකාසි. තෙනාහ – “ද්වාහං සක්කං අපුච්ඡස්ස”න්ති. යාවතනියඤ්ච දෙවීසි, ඛ්‍යාකරොතීති මෙ සුතන්ති යාවතනියඤ්ච සහධම්මිකං පුට්ඨො විසුද්ධිදෙවභූතො ඉසි භගවා සම්මාසම්බුද්ධො ඛ්‍යාකරොතීති එවං මෙ සුතං. ගොඨාවරීතීරෙයෙව කිර සො එවමස්සොසි. තෙනාහ – “ඛ්‍යාකරොතීති මෙ සුත”න්ති. ඉමිස්සා ගාථාය නිද්දෙසෙ යං චත්තබ්බං සියා, තං හෙට්ඨා වුත්තනයං එව.

86. අයං ලොකොති මනුස්සලොකො. පරො ලොකොති තං යපෙත්වා අවසෙසො. සදෙවකොති බ්‍රහ්මලොකං යපෙත්වා අවසෙසො උපපත්තිදෙවසම්මුතිදෙවසුත්තො. “බ්‍රහ්මලොකො සදෙවකො”ති එතං වා “සදෙවකො ලොකො”ති ආදිනයනිදස්සනමත්තං. තෙන සබ්බොපි තථාචුත්තජ්ජකාරලොකො වෙදිතබ්බො.

87. එවං අභික්කන්තදස්සාවිත්ති එවං අග්ගදස්සාවිං, සදෙවකස්ස ලොකස්ස අජ්ඣාසයාධිමුත්තිගතිපරායණාදීති පස්සිතුං සමත්ථන්ති දස්සෙති.

88. සුඤ්ඤතො ලොකං අවෙක්ඛස්සුති අවසියපවත්තසල්ලක්ඛණවසෙන වා තුච්ඡසඬ්ඛාරසමනුපස්සනාවසෙන වානි ද්විභාකාරෙහි සුඤ්ඤතො ලොකං පස්ස. අත්තානුදිට්ඨිං උභවිවාති සක්කායදිට්ඨිං උද්ධරිත්වා.

ලුප්පතීති භිජ්ජති. චක්ඛතීති චක්ඛු. තදෙන සසම්භාරචක්ඛුතො සෙතමණ්ඩලපරික්ඛිත්තස්ස කණ්හමණ්ඩලස්ස මජ්ඣෙ අභිමුඛෙ ධීතානං සරිරසණ්ඨානුජ්ජත්තිදෙසභූතෙ දිට්ඨමණ්ඩලෙ චක්ඛුවිඤ්ඤාණාදීනං යථාරහං චත්ථුද්වාරභාවං සාධයමානං තිට්ඨති. රූපයන්තීති රූපා, වණ්ණවිකාරමාපජ්ජන්තා හදයඬ්ගතභාවං පකාසෙන්තීති අත්ථො. චක්ඛුතො පවත්තං විඤ්ඤාණං, චක්ඛුස්ස වා චක්ඛුසන්තිස්සිතං වා විඤ්ඤාණං චක්ඛුවිඤ්ඤාණං. චක්ඛුතො පවත්තො සම්ඵස්සො චක්ඛුසම්ඵස්සො. චක්ඛුසම්ඵස්සපච්චයාති

චක්ඛුවිඤ්ඤාණසම්පයුත්තඵස්සපච්චයා. වෙදයිතන්ති වින්දනං, වෙදනාති අත්ථො. තදෙව සුඛයතීති සුඛං, යස්ස උජ්ජජ්ජති, තං සුඛිතං කරොතීති අත්ථො. සුච්ඡු වා බාදති, ඛනති ච කායචිත්තාබාධන්ති සුඛං. දුක්ඛයතීති දුක්ඛං. යස්ස උජ්ජජ්ජති, තං දුක්ඛිතං කරොතීති අත්ථො. න දුක්ඛං න සුඛන්ති අදුක්ඛමසුඛං. ම-කාරො සන්ධිපදවසෙන වුත්තො. සො පන

චක්ඛුසම්ඵස්සෙ අත්තනා සම්පයුත්තාය වෙදනාය  
සහජාතඅඤ්ඤාමඤ්ඤානිස්සයවිපාකආහාරසම්පයුත්තඅත්ථිඅවිගතවසෙන  
අට්ඨධා පච්චයො හොති, සම්පට්ච්ඡනසම්පයුත්තාය  
අනන්තරසමනන්තරූපනිස්සයනත්ථිවිගතවසෙන පඤ්චධා,  
සන්තීරණාදිසම්පයුත්තානං උපනිස්සයවසෙනෙව පච්චයො හොති.

සුභාතීති සොතං, තං සසම්භාරසොතබ්ලස්ස අත්තො  
තනුතම්බලොමාවිතෙ අභිගුලිවෙධකසණ්ඨානෙ පදෙසෙ  
සොතවිඤ්ඤාණාදීනං යථාරහං වත්ථුද්චාරහාවං සාධයමානං තිට්ඨති.  
සද්දීයන්තීති සද්දා, උදාහරීයන්තීති අත්ථො. සායතීති සානං, තං  
සසම්භාරසාතබ්ලස්ස අත්තො අප්පදසණ්ඨානෙ පදෙසෙ  
සාතවිඤ්ඤාණාදීනං යථාරහං වත්ථුද්චාරහාවං සාධයමානං තිට්ඨති.  
ගන්ධියන්තීති ගන්ධා, අත්තනො වත්ථුං සුවියන්තීති අත්ථො. ජීවිතං  
අවිභායතීති ජීවිතා, සායනට්ඨෙත වා ජීවිතා. සා සසම්භාරජීවිභාය  
අතිඅග්ගමූලපස්සානි වජ්ජෙත්වා උපරිමතලමජ්ඣෙ  
හින්තඋජ්ජලදලග්ගසණ්ඨානෙ පදෙසෙ ජීවිතවිඤ්ඤාණාදීනං යථාරහං  
වත්ථුද්චාරහාවං සාධයමානා තිට්ඨති. රසන්ති තෙ සත්තාති රසා,  
අස්සාදෙන්තීති අත්ථො.

කුච්ඡිතානං ආසවධම්මානං ආයොති කායො. ආයොති උජ්ජත්තිදෙසො.  
සො යාවතා ඉමස්මිං කායෙ උපාදින්නපවත්ති නාම අත්ථි, තත්ථ  
යෙභුයොන කායජ්ජසාදො කායවිඤ්ඤාණාදීනං යථාරහං වත්ථුද්චාරහාවං  
සාධයමානො තිට්ඨති. ඵ්ඨියන්තීති ථොට්ඨබ්බා. මනතීති මනො, විජානාතීති  
අත්ථො. අත්තනො ලක්ඛණං ධාරෙන්තීති ධම්මා. මනොති  
සභාවජ්ජනභවභිගං. ධම්මාති නිබ්බානං මුඤ්චිත්වා අවසෙසා  
ධම්මාරම්මණධම්මා. මනොවිඤ්ඤාණන්ති ජවනමනොවිඤ්ඤාණං.  
මනොසම්ඵස්සොති තංසම්පයුත්තො ඵස්සො, සො සම්පයුත්තාය වෙදනාය  
විපාකපච්චයවජ්ජෙහි සෙසෙහි සත්තෙහි පච්චයෙහි පච්චයො හොති.  
අනන්තරාය තෙහෙව සෙසානං උපනිස්සයෙනෙව පච්චයො හොති.

අවසියපවත්තසල්ලක්ඛණවසෙන වාති අවසො හුත්වා පවත්තසඤ්ඤා  
පස්සනවසෙන ඔලොකනවසෙනාති අත්ථො. රූපෙ වසො න ලබ්භතීති  
රූපස්මිං වසවත්තිභාවො ඉස්සරභාවො න ලබ්භති. වෙදනාදිසුපි ඵසෙව  
නායො.

නායං, භික්ඛවෙ, කායො තුම්භාකන්ති අත්තනි සති අත්තනියං නාම  
හොති, අත්තායෙව ච නත්ථි. තස්මා “නායං, භික්ඛවෙ, කායො  
තුම්භාක”න්ති ආහ. නාපි අඤ්ඤාසන්ති අඤ්ඤො නාම පරෙසං අත්තා.  
තස්මිං සති අඤ්ඤාසං නාම සියා, සොපි නත්ථි. තස්මා “නාපි  
අඤ්ඤාස”න්ති ආහ. පුරාණමිදං, භික්ඛවෙ, කම්මන්ති නයිදං



පුරාණකම්මමෙව, පුරාණකම්මනිබ්බත්තො පනෙස කායො. තස්මා පච්චයවොහාරොන ඵලං වුත්තො. අභිසංඛිතන්තිආදි කම්මවොහාරස්සෙව වසෙන පුරිමලිඛිගසභාවතාය වුත්තං. අයං පනෙත්ථ අත්ථො – අභිසංඛිතන්ති පච්චයෙහි කතොති දට්ඨබ්බො. අභිසංඝද්වේතයිතන්ති වේතනාවත්ථුකො, වේතනාමූලකොති දට්ඨබ්බො. වේදනියන්ති වේදනාය වත්ථුති දට්ඨබ්බො.

රූපෙ සාරො න ලබ්භතීති රූපස්මිං නිච්චාදිසාරො න ලබ්භති. වේදනාදීසුපි ඵසෙව නයො. රූපං අස්සාරං නිස්සාරන්ති රූපං අස්සාරං සාරවිරහිතස්ථ. සාරාපගතන්ති සාරතො අපගතං. නිච්චසාරසාරොන වාති භඩ්ගං අතික්කමිත්වා පවත්තමානෙන නිච්චසාරොන වා. කස්සචි නිච්චසාරස්ස අභාවතො නිච්චසාරොන සාරො නත්ථි. සුඛසාරසාරොන වාති ධීතිසුඛං අතික්කමිත්වා පවත්තමානස්ස කස්සචි සුඛසාරස්ස අභාවතො සුඛසාරසාරොන වා. අත්තසාරසාරොන වාති අත්තත්තනියසාරසාරොන වා. නිච්චෙන වාති භඩ්ගං අතික්කමිත්වා පවත්තමානස්ස කස්සචි නිච්චස්ස අභාවතො නිච්චෙන වා. ධූවෙන වාති විජ්ජමානකාලෙපි පච්චයායත්තවුත්තිතාය ථීරස්ස කස්සචි අභාවතො ධූවෙන වා. සස්සතෙන වාති අබ්බොවිජිත්තස්ස සබ්බකාලෙ විජ්ජමානස්ස කස්සචි අභාවතො සස්සතෙන වා. අවිපරිණාමධම්මෙන වාති ජරාභඩ්ගවසෙන අවිපරිණාමපකතිකස්ස කස්සචි අභාවතො අවිපරිණාමධම්මෙන වා.

චක්ඛු සුඤ්ඤං අත්තෙන වා අත්තනියෙන වාති “කාරකො වේදකො සයංවසී”ති ඵලං පරිකප්පිකෙන අත්තනා වා අත්තාභාවතොයෙව අත්තතො සන්තකෙන පරික්ඛාරොන ච සුඤ්ඤං. සබ්බං චක්ඛාදිලොකියධම්මජාතං යස්මා අත්තා ච ඵත්ථ නත්ථි, අත්තනියස්ථ ඵත්ථ නත්ථි, තස්මා “සුඤ්ඤ”න්ති වුච්චතීති අත්ථො. ලොකුත්තරාපි ධම්මා අත්තත්තනියෙහි සුඤ්ඤායෙව, සුඤ්ඤාතීතධම්මා නත්ථිති වුත්තං හොති. තස්මිං ධම්මෙ අත්තත්තනියසාරස්ස නත්ථිභාවො වුත්තො හොති. ලොකෙ ච “සුඤ්ඤං සරං සුඤ්ඤො සටො”ති වුත්තො සරස්ස සටස්ස ච නත්ථිභාවො න හොති, තස්මිං සටෙ ච අඤ්ඤස්ස නත්ථිභාවො වුත්තො හොති. භගවතා ච ඉති යම්පි කොච තත්ථ න හොති, තෙන තං සුඤ්ඤං. යං පන තත්ථ අවසිට්ඨං හොති, තං සන්තං ඉදමත්ථිති පජානාතීති අයමෙවත්ථො වුත්තො. තථා ඤායගන්ථෙ සද්දගන්ථෙ ච අයමෙවත්ථො. ඉති ඉමස්මිං සුත්තෙ අනත්තලක්ඛණමෙව කථිතං. අනිස්සරියතොති අත්තතො ඉස්සරියෙ අවසවත්තනතො. අකාමකාරියතොති අත්තතො අකාමං අරුචිකරණවසෙන. අපාපුණියතොති යාතුං පතිට්ඨාභාවතො. අවසවත්තනතොති අත්තතො වසෙ අවත්තනතො. පරතොති අනිච්චතො පච්චයායත්තවුත්තිතො. විචිත්තතොති නිස්සරතො.

සුද්ධන්ති කෙවලං ඉස්සරකාලපකතීහි විනා කෙවලං පච්චයායත්තපවත්තිවසෙන පවත්තමානං සුද්ධං නාම. අත්තනියවිරහිතො සුද්ධමම්මපුඤ්ජොති ව. සුද්ධං ධම්මසමුප්පාදං, සුද්ධං සඬබ්බාරසන්තතින්ති සුද්ධං පස්සන්තස්ස ජානන්තස්ස සඬබ්බාරානං සන්තතිං අබ්බොවජින්නසඬබ්බාරසන්තතිං. තථෙව සුද්ධං පස්සන්තස්ස සඬබ්බාරාදීනි, එකට්ඨානි ආදරෙන ද්වත්තික්ඛත්තුං වුත්තානි. එවං පස්සන්තස්ස මරණමුඛෙ භයං න භොති. ගාමණීති ආලපනං. තිණකට්ඨසමං ලොකන්ති ඉමං උපාදින්නක්ඛන්ධසඬබ්බාතං ලොකං. යදා තිණකට්ඨසමං පඤ්ඤාය පස්සති. යථා අරඤ්ඤෙ තිණකට්ඨාදීසු ගණ්හන්තෙසු අත්තානං වා අත්තනියං වා ගණ්හාතීති න භොති, තෙසු වා තිණකට්ඨාදීසු සයමෙව නස්සන්තෙසුපි විනස්සන්තෙසුපි අත්තා නස්සති, අත්තනියො නස්සතීති න භොති. එවං ඉමස්මිං කායෙපි නස්සන්තෙ වා විනස්සන්තෙ වා අත්තා වා අත්තනියං වා හිජ්ජතීති අපස්සන්තො පඤ්ඤාය තිණකට්ඨසමං පස්සතීති වුවවති. නාඤ්ඤං පත්ථයතෙ කිඤ්චි, අඤ්ඤත්‍රප්පට්ඨසන්ධියාති පට්ඨසන්ධිවිරහිතං නිබ්බානං යපෙත්වා අඤ්ඤං භවං වා අත්තභාවං වා න පත්ථෙති.

රූපං සමන්තෙසතීති රූපස්ස සාරං පරියෙසති. අභන්ති වාති දිට්ඨිවසෙන. මමන්ති වාති තණ්හාවසෙන. අස්මීති වාති මානවසෙන. තම්පි තස්ස න භොතීති තං තිව්ධම්පි තස්ස පුග්ගලස්ස න භොති.

ඉධාති දෙසාපදෙසෙ නිපාතො, ස්වායං කත්ථවි ලොකං උපාදාය වුවවති. යථාහ - “ඉධ තථාගතො ලොකෙ උප්පජ්ජතී”ති (සං. නි. 3.78; අ. නි. 4.33). කත්ථවි සාසනං. යථාහ - “ඉධෙව, භික්ඛවෙ, සමණො, ඉධ දුතියො සමණො”ති (ම. නි. 1.139; දී. නි. 2.214). කත්ථවි ඔකාසං. යථාහ -

“ඉධෙව තිට්ඨමානස්ස, දෙවභූතස්ස මෙ සතො;  
පුනරායු ව මෙ ලද්ධො, එවං ජානාහි මාරිසා”ති. (දී. නි. 2.369);

කත්ථවි පදපුරුණමත්තමෙව. යථාහ - “ඉධාහං, භික්ඛවෙ, භුත්තාවී අස්සං පචාරිතො”ති (ම. නි. 1.30). ඉධ පන ලොකං උපාදාය වුත්තොති වෙදිතබ්බො. අස්සුතවා පුට්ඨජ්ජනොති එත්ථ පන ආගමාධිගමාභාවා ඤෙයොයා “අස්සුතවා”ඉති. යස්ස හි ඛන්ධධාතුආයතනපච්චයාකාරසතිපට්ඨානාදීසු උග්ගහපරිපුච්ඡාවිනිච්ඡයරහිතත්තා දිට්ඨිපට්ඨෙසධකො නෙව ආගමො, පට්ඨත්තියා අධිගන්තබ්බස්ස අනධිගතත්තා නෙව අධිගමො අත්ථි, සො ආගමාධිගමාභාවා ඤෙයොයා “අස්සුතවා” ඉති. ස්වායං -

පුට්ඨනං ජනනාදීහි, කාරණෙහි පුට්ඨජ්ජනො;

පුටුප්පනන්තොගධත්තා, පුටුවායං ජනො ඉති. (දී. නි. අට්ඨ. 1.7; ම. නි. අට්ඨ. 1.2; අ. නි. අට්ඨ. 1.1.51; පටි. ම. අට්ඨ. 2.1.130);

සො හි පුටුනං නානප්පකාරානං කිලෙසාදීනං ජනනාදීහිපි කාරණෙහි පුටුප්පනො. යථාහ - පුටු කිලෙසෙ ජනෙත්තීති පුටුප්පනා, පුටු අවිහනසක්කායදිට්ඨිකාති පුටුප්පනා, පුටු සත්ථාරානං මුබුල්ලොකිකාති පුටුප්පනා, පුටු සබ්බගතිහි අවුට්ඨිකාති පුටුප්පනා, පුටු නානාහිසඬ්ඛාරෙ අහිසඬ්ඛරොත්තීති පුටුප්පනා, පුටු නානාඔසෙහි වුය්හත්තීති පුටුප්පනා, පුටු නානාසන්තාපෙහි සන්තප්පෙත්තීති පුටුප්පනා, පුටු නානාපරිලාභෙහි පරිඛය්හත්තීති පුටුප්පනා, පුටු පඤ්චස්ස කාමගුණෙස්ස රත්තා ගිද්ධා ගධිකා මුඤ්ජිකා අප්පකාසන්තා ලග්ගා ලග්ගිකා පලිබුද්ධාති පුටුප්පනා, පුටු පඤ්චහි නිවරණෙහි ආවුට්ඨා නිවුට්ඨා ඔවුට්ඨා පිහිකා පටිච්ඡන්තා පටිකුප්පිකාති පුටුප්පනා (මහානි. 51, 94), පුටුනං වා ගණනපට්ඨිකානං අරියධම්මපරමිමුඛානං නිවධම්මසමාවාරානං ජනානං අන්තොගධත්තාපි පුටුප්පනා, පුටුව අයං විසුංයෙව සඬ්ඛාං ගතො, විසංසට්ඨො සීලස්සනාදිගුණස්සත්තෙහි අරියෙහි ජනොතිපි පුටුප්පනො. එවමෙනෙහි “අස්සුතවා පුටුප්පනො”ති ද්විති පදෙහි යෙ තෙ -

“දුට්ඨෙ පුටුප්පනා වුත්තා, බුද්ධොනාදිව්ච්චන්ධුනා;  
අන්ධො පුටුප්පනො එකො, කල්‍යාණෙකො පුටුප්පනො”ති. (දී. නි. අට්ඨ. 1.7; ම. නි. අට්ඨ. 1.2; සං. නි. අට්ඨ. 2.2.61; අ. නි. අට්ඨ. 1.1.51; පටි. ම. අට්ඨ. 2.1.130; ධ. ස. අට්ඨ. 1007) -

ද්වෙ පුටුප්පනා වුත්තා, තෙස්ස අන්ධපුටුප්පනො වුත්තො භොතීති වෙදිතබ්බො.

අරියානං අදස්සාවිතිආදීස්ස අරියාති ආරකත්තා කිලෙසෙහි, අනායෙ න ඉරියනතො, අයෙ ඉරියනතො, සදෙවකෙන ව ලොකෙන අරණියතො බුද්ධා ව පච්චෙකබුද්ධා ව බුද්ධසාවකා ව වුච්චන්ති, බුද්ධා එව වා ඉධ අරියා. යථාහ - “සදෙවකෙ, හික්ඛවෙ, ලොකෙ...පෙ.... තථාගතො අරියොති වුච්චති”ති (සං. නි. 5.1098).

සප්පුරිසාති එත්ථ පන පච්චෙකබුද්ධා තථාගතසාවකා ව “සප්පුරිසා”ති වෙදිතබ්බො. තෙ හි ලොකුත්තරගුණයොගෙන සොහනා පුරිසාති සප්පුරිසා. සබ්බෙව වා එතෙ ද්විධාපි වුත්තා. බුද්ධාපි හි අරියා ව සප්පුරිසා ව පච්චෙකබුද්ධාපි බුද්ධසාවකාපි. යථාහ -

“යො වෙ කතඤ්ඤ කතවෙදි ධීරො, කල්‍යාණමිත්තො දළ්භහත්ති ව භොති;

දුබ්බස්ස සක්කච්ච කරොති කිච්චං, තථාච්ච සජ්ජුරිසං වදන්ති”ති.  
(ම. නි. අට්ඨ. 1.2; පටි. ම. අට්ඨ. 2.1.130; ධ. ස. අට්ඨ. 1007);

“කල්‍යාණමිත්තො දළ්භහත්ති ච හොති”ති එත්තාවතා හි බුද්ධසාවකො  
වුත්තො. කතඤ්ඤතාදීහි පච්චෙකබුද්ධා බුද්ධාති, යො ඉමෙසං අරියානං  
අදස්සනසිලො, න ච දස්සනෙ සාධුකාරී, සො අරියානං අදස්සාථීති  
වෙදිතබ්බො. සො චක්ඛුතා අදස්සාථී, ඤාණෙන අදස්සාථීති දුට්ඨො, තෙසු  
ඤාණෙන අදස්සාථී ඉධ අධිජ්ජෙතො. මංසචක්ඛුතා හි දිබ්බචක්ඛුතා චා  
අරියා දිට්ඨාපි අදිට්ඨාව හොන්ති තෙසං චක්ඛුතා වණ්ණමත්තගහණතො, න  
අරියභාවගොචරතො. සොණසිඬ්ඨාලාදයොපි චක්ඛුතා අරියෙ පස්සන්ති, න  
ච තෙ අරියානං දස්සාථීතො.

තත්‍රිදං වත්ථු - චිත්තලපබ්බතවාසිතො කිර ඛිණාසවත්ථෙරස්ස  
උපට්ඨාකො වුඩ්ඪපබ්බජිතො එකදිවසං ථෙරෙන සද්ධිං පිණ්ඩාය වරිත්ථා  
ථෙරස්ස පත්තච්චරං ගහෙත්ථා පිට්ඨිතො ආගච්ඡන්තො ථෙරං පුච්ඡි -  
“අරියා නාම, හන්තෙ, කිදිසා”ති? ථෙරො ආහ - “ඉධෙකච්චො  
මහල්ලකො අරියානං පත්තච්චරං ගහෙත්ථා චිත්තපටිපත්තිං කත්ථා සහ  
චරන්තොපි නෙව අරියෙ ඡානාති, එවං දුජ්ජානා, ආවුසො, අරියා”ති. එවං  
වුත්තෙපි සො නෙව අඤ්ඤාසි. තස්මා චක්ඛුතා දස්සනං න දස්සනං,  
ඤාණෙන දස්සනමෙව දස්සනං. යථාහ - “අලං තෙ, චක්කලි, කිං තෙ  
ඉමිනා පුත්තිකායෙන දිට්ඨෙන, යො බො, චක්කලි, ධම්මං පස්සති, සො මං  
පස්සති”ති (සං. නි. 3.87). තස්මා චක්ඛුතා පස්සන්තොපි ඤාණෙන  
අරියෙහි දිට්ඨං අනිච්චාදිලක්ඛණං අපස්සන්තො, අරියානං අධිගතඤ්ච  
ධම්මං අනධිගච්ඡන්තො, අරියකරධම්මානං අරියභාවස්ස ච අදිට්ඨත්තා  
“අරියානං අදස්සාථී”ති වෙදිතබ්බො.

අරියධම්මස්ස අකොච්ඤාති සතිපට්ඨානාදිනෙදෙ අරියධම්මෙ  
අකුසලො. අරියධම්මෙ අවිනිතොති එත්ථ පන -

දුට්ඨො විනයො නාම, එකමෙකෙත්ථ පඤ්චධා;  
අභාවතො තස්ස අයං, “අවිනිතො”ති වුච්චති. (ම. නි. අට්ඨ. 1.2; සු.  
නි. අට්ඨ. 1.උරගසුත්තවණ්ණනා; පටි. ම. අට්ඨ. 2.1.130; ධ. ස.  
අට්ඨ. 1007);

අයඤ්ඤි සංවරවිනයො පහානවිනයොති දුට්ඨො විනයො. එත්ථ ච  
දුට්ඨෙපි විනයෙ එකමෙකොපි විනයො පඤ්චධා හිජ්ජති. සංවරවිනයොපි හි  
සීලසංවරො සතිසංවරො ඤාණසංවරො ඛන්තිසංවරො විරියසංවරොති  
පඤ්චවිධො. පහානවිනයොපි තද්ධිගජ්ජහානං වික්ඛම්භනජ්ජහානං  
සමුච්ඡෙදජ්ජහානං පටිජ්ජස්සද්ධිජ්ජහානං නිස්සරණජ්ජහානන්ති  
පඤ්චවිධො.



තත්ථ “ඉමිනා පාතිමොක්ඛසංචරෙන උපෙතො හොති සමුපෙතො”ති (විභ. 511) අයං සීලසංචරො. “රක්ඛති චක්ඛන්ද්‍රියං, චක්ඛන්ද්‍රියෙ සංචරං ආපජ්ජති”ති (ම. නි. 1.295; සං. නි. 4.239; අ. නි. 3.16) අයං සතිසංචරො.

“යාති සොතානි ලොකස්මිං, (අජිතානි භගවා,) සති තෙසං නිවාරණං; සොතානං සංචරං බුමි, පඤ්ඤායෙනෙ පිටියායරෙ”ති. (සු. නි. 1041; වුළුනි. අජිතමාණවපුච්ඡානිද්දෙස 4; තෙත්ති. 11, 45; ධ. ස. අට්ඨ. 1007) –

අයං ඤාණසංචරො. “බමො හොති සීතස්ස උණ්භස්සා”ති (ම. නි. 1.24; අ. නි. 4.114; 6.58) අයං ඛන්තිසංචරො. “උජ්ජන්තං කාමචිතක්කං නාධිවාසෙති”ති (ම. නි. 1.26; අ. නි. 4.114; 6.58) අයං වීරියසංචරො. සබ්බොපි වායං සංචරො යථාසකං සංවරිතබ්බානං විනෙතබ්බානඤ්ච කායදුච්චරිතාදීනං සංවරණතො “සංචරො”, විනයනතො “විනයො”ති වුවවති. එවං තාව සංවරවිනයො පඤ්චධා භිජ්ජතීති වෙදිතබ්බො.

තථා යං නාමරූපපරිච්ඡෙදාදීසු විපස්සනාඤාණෙසු පටිපක්ඛභාවතො දීපාලොකෙනෙව තමස්ස, තෙන තෙන විපස්සනාඤාණෙන තස්ස තස්ස අනත්ථස්ස පහානං. සෙය්‍යථිදං – නාමරූපවච්චත්ථානෙන සක්කායදිට්ඨියා, පච්චයපරිග්ගහෙන අහෙතුච්ඡිමහෙතුදිට්ඨිනං, තස්සෙව අපරභාගෙන කඬ්ඛාවිතරණෙන කථංකථිභාවස්ස, කලාපසම්මසනෙන “අභං මමා”ති ගාහස්ස, මග්ගාමග්ගවච්චත්ථානෙන අමග්ගෙ මග්ගසඤ්ඤාය, උදයදස්සනෙන උච්ඡෙදදිට්ඨියා, වයදස්සනෙන සස්සතදිට්ඨියා, භයදස්සනෙන සහයෙ අභයසඤ්ඤාය, ආදීනවදස්සනෙන අස්සාදසඤ්ඤාය, නිබ්බිදානුපස්සනාය අභිරතිසඤ්ඤාය, මුඤ්චිතුකමානාඤාණෙන අමුඤ්චිතුකාමතාය, උපෙක්ඛාඤාණෙන අනුපෙක්ඛාය, අනුලොමෙන ධම්මට්ඨිතියං නිබ්බානෙ ව පටිලොමභාවස්ස, ගොත්‍රභූතා සඬ්ඛාරනිමිත්තග්ගාහස්ස පහානං. එතං තදබ්ගජ්ජහානං නාම.

යං පන උපචාරජ්ජනාහෙදෙන සමාධිනා පවත්තිභාවනිවාරණතො සට්ඨපහාරෙතෙව උදකපිට්ඨෙ සෙවාලස්ස තෙසං තෙසං නීවරණාදිධම්මානං පහානං, එතං වික්ඛම්භනජ්ජහානං නාම. යං චතුත්තං අරියමග්ගානං භාවිතත්තා තංතංමග්ගවතො අත්තතො අත්තතො සන්තානෙ “දිට්ඨිගතානං පහානායා”තිආදීනා (ධ. ස. 277; විභ. 628) නයෙන වුත්තස්ස සමුදයපක්ඛියස්ස කිලෙසගණස්ස අච්චන්තඅජ්ජවත්තිභාවෙන පහානං, ඉදං සමුවිච්ඡෙදජ්ජහානං නාම. යං පන එලක්ඛණෙ පටිජ්ජස්සද්ධත්තං කිලෙසානං, එතං පටිජ්ජස්සද්ධිජ්ජහානං නාම. යං සබ්බසඬ්ඛනනිස්සටත්තා පහීනසබ්බසඬ්ඛනං නිබ්බානං, එතං නිස්සරණජ්ජහානං නාම. සබ්බම්පි වෙතං පහානං යස්මා වාගට්ඨෙන

පහානං, විනයනට්ඨෙන විනයො, තස්මා “පහානවිනයො”ති වුච්චති. තං තං පහානවතො වා තස්ස තස්ස විනයස්ස සම්භවතොපෙනං “පහානවිනයො”ති වුච්චති. එවං පහානවිනයොපි පඤ්චධා භිජ්ජතිති වෙදිතබ්බො (ම. නි. අට්ඨ. 1.2; සු. නි. අට්ඨ. 1.උරගසුත්තවණ්ණනා; පටි. ම. අට්ඨ. 2.1.130).

එවමයං සඬ්ඛෙපතො දුට්ඨො හෙදතො ච දසවිධො විනයො භිත්තසංවරත්තා, පහාතබ්බස්ස ච අප්පභීනත්තා යස්මා එතස්ස අස්සුතවතො පුටුප්පනස්ස නත්ථි, තස්මා අභාවතො තස්ස අයං “අවිනීතො”ති වුච්චති. එසෙව නයො සප්පුරිසානං අදස්සාවී සප්පුරිසධම්මස්ස අකොවිදො, සප්පුරිසධම්මෙ අවිනීතොති එත්ථපි. නිත්තානාකරණඤ්ඤි එතමත්ථතො. යථාහ – “යෙව තෙ අරියා, තෙව තෙ සප්පුරිසා. යෙව තෙ සප්පුරිසා, තෙව තෙ අරියා. යො එව සො අරියානං ධම්මො, සො එව සො සප්පුරිසානං ධම්මො. යො එව සො සප්පුරිසානං ධම්මො, සො එව සො අරියානං ධම්මො. යෙව තෙ අරියවිනයා, තෙව තෙ සප්පුරිසවිනයා. යෙව තෙ සප්පුරිසවිනයා, තෙව තෙ අරියවිනයා. අරියෙති වා, සප්පුරිසෙති වා, අරියධම්මෙති වා, සප්පුරිසධම්මෙති වා, අරියවිනයෙති වා, සප්පුරිසවිනයෙති වා එසෙසෙ එකෙ එකට්ඨෙ සමෙ සමභාගෙ තජ්ජාතෙ තඤ්ඤෙවාති (ධ. ස. අට්ඨ. 1007; පටි. ම. අට්ඨ. 2.1.130).

රූපං අත්තතො සමනුපස්සති ඉධෙකච්චො රූපං අත්තතො සමනුපස්සති, “යං රූපං, සො අහං, යො අහං, තං රූප”න්ති රූපඤ්ච අත්තානඤ්ච අද්වයං සමනුපස්සති. සෙය්‍යථාපි තෙලප්පදීපස්ස ක්කායතො “යා අච්චි, සො වණ්ණො. යො වණ්ණො, සා අච්චි”ති අච්චිඤ්ච වණ්ණඤ්ච අද්වයං සමනුපස්සති, එවමෙව ඉධෙකච්චො රූපං අත්තතො...පෙ.... සමනුපස්සති (පටි. ම. 1.130-131) එවං රූපං “අත්තා”ති දිට්ඨිපස්සනාය පස්සති. රූපවත්තං වා අත්තානන්ති අරූපං “අත්තා”ති ගහෙත්වා ඡායාවත්තං රුක්ඛං විය තං රූපවත්තං “අත්තා”ති සමනුපස්සති. අත්තනි වා රූපන්ති අරූපමෙව “අත්තා”ති ගහෙත්වා පුප්පස්මිං ගන්ධං විය අත්තනි රූපං සමනුපස්සති. රූපස්මිං වා අත්තානන්ති අරූපමෙව “අත්තා”ති ගහෙත්වා කරණ්ඩකෙ මණිං විය තං අත්තානං රූපස්මිං සමනුපස්සති. වෙදනාදීසුපි එසෙව නයො.

තත්ථ “රූපං අත්තතො සමනුපස්සති”ති සුද්ධරූපංයෙව “අත්තා”ති කථිතං. “රූපවත්තං වා අත්තානං, අත්තනි වා රූපං, රූපස්මිං වා අත්තානං. වෙදනං අත්තතො... සඤ්ඤං... සඬ්ඛාරො... විඤ්ඤාණං අත්තතො සමනුපස්සති”ති (පටි. ම. 1.131) ඉමෙසු සත්තසු යානෙසු අරූපං “අත්තා”ති කථිතං, “වෙදනාවත්තං වා අත්තානං, අත්තනි වා වෙදනා, වෙදනාය වා අත්තාන”න්ති එවං චතුසු බන්ධෙසු තිණ්ණං තිණ්ණං වසෙන ද්වාදසසු යානෙසු රූපාරූපමිස්සකො අත්තා කථිතො. තත්ථ රූපං අත්තතො

සමනුපස්සති. වෙදනං... සඤ්ඤං... සඬ්ඛාරො... විඤ්ඤාණං අත්තතො සමනුපස්සතීති පඤ්චසු ධාතෙසු උච්ඡෙදදිට්ඨි කටීතා. අවසෙසෙසු සස්සතදිට්ඨි. එවමෙත්ථ පන්තරස හවදිට්ඨියො පඤ්ච විහවදිට්ඨියො භොන්ති. තා සඬ්ඛාපි මග්ගාවරණා, න සග්ගාවරණා, පයමමග්ගවජ්ඣාති වෙදිතබ්බා.

ආරඤ්ඤිකොති අරඤ්ඤෙ නිවාසං. පවනෙති මහන්තෙ ගම්භීරවනෙ. වරමානොති තභිං තභිං විවරමානො. විස්සත්ථො ගච්ඡතීති නිබ්භයො නිරාසඬ්ඛො වරති. අනාපාඨගතො ලුද්දස්සාති මිගලුද්දස්ස පරමිමුඛගතො. අත්තමකාසි මාරන්ති කිලෙසමාරං වා දෙවපුත්තමාරං වා අත්තං අකාසි. අපදං වධිත්වාති කිලෙසපදං හන්ත්වා නාසෙත්වා. මාරවක්ඛුං අදස්සනං ගතොති මාරස්ස අදස්සනවිසයං පත්තො. අනාපාඨගතොති මාරස්ස පරමිමුඛං පත්තො. සෙසං සබ්බත්ථ පාකට්ඨමෙව.

එවං භගවා ඉදම්පි සුත්තං අරහත්තනිකූටෙනෙව දෙසෙසි, දෙසනාපරියොසානෙ ව චුත්තසදිසොයෙව ධම්මාභිසමයො අභොසිති.

සද්ධම්මප්පජ්ජොතිකාය චූළනිද්දෙස-අට්ඨකථාය

මොසරාජමාණවසුත්තනිද්දෙසවණ්ණනා නිට්ඨිතා.

## 16. පිඬ්භියමාණවසුත්තනිද්දෙසවණ්ණනා

89. සොළසමෙ පිඬ්භියසුත්තනිද්දෙසෙ - ජිණ්ණොහමස්මි අබ්බො චිතවණ්ණොති සො කිර බ්‍රාහ්මණො ජරාභිභූතො වීසවස්සසතිකො ජාතියා, දුබ්බලො ව “ඉධ පාදං කර්ස්සාමි”ති අඤ්ඤත්‍රෙව කරොති, චිතට්ඨපුරිමජ්චිවණ්ණො ව. තෙනාහ - “ජිණ්ණොහමස්මි අබ්බො චිතවණ්ණො”ති. මාහං නස්සං මොමුහො අත්තරාවාති මාහං තුය්හං ධම්මං අසවිජ්ජන්වා අත්තරා එව අවිද්වා හුත්වා අනස්සිං. ජාතිජරාය ඉධ විජ්ජහානන්ති ඉධෙව තව පාදමුලෙ පාසාණකෙ චෙතියෙ වා ජාතිජරාය විජ්ජහානං නිබ්බානං ධම්මරසං අහං විජ්ඤ්ඤං, තං මෙ ආචික්ඛ.

අබ්බොති බ්‍රහ්මවීරහිතො. දුබ්බලොති දුබ්බලබ්බලො. අජ්ජබ්බලොති පරිත්තබ්බලො. අජ්ජපාමොති පරිත්තචිරියො. චිතවණ්ණොති පරිවත්තිතජ්චිවණ්ණො. විගතවණ්ණොති අපගතජ්චිවණ්ණො. විගච්ඡිතවණ්ණොති දුරිභූතජ්චිවණ්ණො. යා සා පුරිමා සුභා වණ්ණනිහාති යා සා සුභා සුන්දරා පුරිමකාලෙ සති, සා වණ්ණනිහා එතරහි අත්තරහිතා විගතා. ආදීනවො පාතුභූතොති උපද්දවො පාතුරහොසි. “යා සා පුරිමා සුභා වණ්ණනිහා”ති පාඨං යපෙත්වා “යා සුභා අස්සා”ති එකෙ වණ්ණයන්ති.

අසුද්ධාති පටලාදීහි අසුද්ධා. අවිසුද්ධාති තිම්බාදීහි අවිසුද්ධා. අපරිසුද්ධාති සමන්තතො ථොට්ඨපටලාදීහි පරියොනද්ධත්තා අපරිසුද්ධා.

අවොදාතාති නප්පසන්තා පසන්තසදිසා. නො තථා චක්ඛුතා රූපෙ පස්සාමිති යථා පොරාණචක්ඛුතා රූපාරම්මණං පස්සාමි ඔලොකෙමි, තථා තෙන පකාරෙන ඉදාති න පස්සාමි. සොතං අසුද්ධන්තිආදියුපි එසෙව නයො. මාහං නස්සන්ති අහං මා විනස්සං.

90. ඉදාති යස්මා පිඬ්ඟියො කායෙ සාපෙක්ඛතාය “ජිණ්ණොහමස්මි”තිආදිමාහ. තෙනස්ස හගවා කායෙ සිනෙහප්පහානත්ථං “දිස්වාන රූපෙසු විහඤ්ඤමානෙ”ති ගාථමාහ. තත්ථ රූපෙසුති රූපහෙතු රූපපච්චයා. විහඤ්ඤමානෙති කම්මකාරණාදිහි උපහඤ්ඤමානෙ. රූප්පන්ති රූපෙසුති චක්ඛුරොගාදිහි ච රූපහෙතූයෙව ජනා රූප්පන්ති බාධියන්ති.

හඤ්ඤන්තිති සට්ඨන්ති. විහඤ්ඤන්තිති විහෙසියන්ති. උපවිහඤ්ඤන්තිති හත්ථපාදච්ඡෙදාදිං ලහන්ති. උපසානියන්තිති මරණං ලහන්ති. කුප්පන්තිති පරිවත්තන්ති. පිළයන්තිති විසාතං ආපජ්ජන්ති. සට්ඨයන්තිති සට්ඨනං පාපුණන්ති. බ්‍යාධිතාති හීතා. දොමනස්සිතාති විත්තවිසාතං පත්තා. වෙමානෙති නස්සමානෙ.

91. එවං හගවතා යාව අරහත්තං, තාව කථිතං පටිපත්තිං සුත්වා පිඬ්ඟියො ජරාදුඛබලතාය විසෙසං අනධිගන්ත්වා ච පුන “දිසා චතස්සො”ති ඉමාය ගාථාය හගවත්තං ථොමෙන්නො දෙසනං යාවති.

92. අට්ඨස්ස හගවා පුනපි යාව අරහත්තං, තාව පටිපදං දස්සෙන්නො “තණ්හාධිපන්නෙ”ති ගාථමාහ.

තණ්හාධිපන්නෙති තණ්හාය විමුච්චිත්වා යීතෙ. තණ්හානුගෙති තණ්හාය සහ ගච්ඡන්තෙ. තණ්හානුගතෙති තණ්හාය අනුබන්ධන්තෙ. තණ්හානුසට්ඨෙති තණ්හාය සහ ධාවන්තෙ. තණ්හාය පන්නෙති තණ්හාය නිමුග්ගෙ. පටිපන්නෙති තණ්හාය අවත්ථට්ඨෙ. අභිභූතෙති මද්දිතෙ. පරියාදින්නවිත්තෙති පරියාදියිත්වා ගහිතකුසලවිත්තෙ.

සන්තාපජාතෙති සඤ්ජාතවිත්තසන්තාපෙ. ඊතිජාතෙති රොගුප්පන්නෙ. උපද්දවජාතෙති ආදීනවජාතෙ. උපසග්ගජාතෙති උප්පන්නදුක්ඛජාතෙ.

විරජං විතමලන්ති එත්ථ විරජන්ති විගතරාගාදිරජං. විතමලන්ති විතරාගාදිමලං. රාගාදයො හි අජ්ඣෙක්ඛාත්ථරණට්ඨෙත රජො නාම, දුසට්ඨෙත මලං නාම. ධම්මචක්ඛුන්ති කත්ථවි පයමග්ගඤ්ඤාණං, කත්ථවි ආදීති තිණි මග්ගඤ්ඤාණානි, කත්ථවි චතුත්ථමග්ගඤ්ඤාණමිපි. ඉධ පන ජට්ඨසහස්සස්ස චතුත්ථමග්ගඤ්ඤාණං. පිඬ්ඟියස්ස තතියමග්ගඤ්ඤාණමෙව. යං කිඤ්චි සමුදයධම්මං, සබ්බං තං නිරොධධම්මන්ති විපස්සනාවසෙන එවං පවත්තස්ස ධම්මචක්ඛුං උද්‍යාදීති අත්ථො. සෙසං සබ්බත්ථ පාකට්ඨෙව.



එවං ඉදම්පි සුත්තං භගවා අරහත්තනිකුටෙනෙව දෙසෙසි, දෙසනාපරියොසානෙ ව පිඨගියො අනාගාමිඵලෙ පතිට්ඨාසි. සො කිර අත්තරත්තරා චිත්තෙසි – “එවං විචිත්‍රපටිභානං නාම දෙසනං න ලභති මය්හං මාතුලො බාවරී සවනායා”ති. තෙන සිනෙහවික්ඛෙපෙන අරහත්තං පාපුණ්තුං නාසක්ඛි. අත්තෙවාසිකා පනස්ස සහස්සජට්ඨා අරහත්තං පාපුණ්සු. සබ්බෙව ඉද්ධිමයපත්තච්චරධරා එහිහික්ඛුනො අහෙසුන්ති.

සද්ධම්මජපජ්ජොතිකාය චූළනිද්දෙස-අට්ඨකථාය

පිඨගියමාණවසුත්තනිද්දෙසවණ්ණනා නිට්ඨිතා.

### 17. පාරායනත්ථුතිගාථානිද්දෙසවණ්ණනා

93. ඉතො පරං සඬ්භිතිකාරා දෙසනං ථොමෙත්තා “ඉදම්චොව භගවා”තිආදිමාහංසු. තත්ථ ඉදම්චොවාති ඉදං පාරායනං අවොච. පරිවාරකසොළසානන්ති බාවරිස්ස පරිවාරකෙන පිඨගියෙන සහ සොළසානං, බුද්ධස්ස වා භගවතො පරිවාරකානං සොළසානන්ති පරිවාරකසොළසානං. තෙ එව ව බ්‍රාහ්මණා තත්ථ සොළසසු දිසාසු පුරතො ව පච්ඡතො ව වාමපස්සතො ව දක්ඛිණපස්සතො ව ඡ ඡ යොජනා නිසින්තා උජුකෙන ද්වාදසයොජනිකා අහොසි. අජ්ඣට්ඨොති යාවිතො.

94-97. අත්ථමඤ්ඤායාති පාළිඅත්ථමඤ්ඤාය. ධම්මමඤ්ඤායාති පාළිමඤ්ඤාය. පාරායනන්ති එවං ඉමස්ස ධම්මපරියායස්ස අධිවචනං ආරොපෙත්වා තෙසං බ්‍රාහ්මණානං නාමාති කිත්තයත්තො “අජිතො...පෙ.... බුද්ධසෙට්ඨමුපාගමු”න්ති ආහංසු. තත්ථ සම්පන්නවරණන්ති නිබ්බානපදට්ඨානභූතෙන පාතිමොක්ඛසීලාදිනා සම්පන්නං. ඉසින්ති මහෙසිං.

නිද්දෙසෙ උපාගමිංසුති සම්පං ගමිංසු. උපසඬ්ඤාමිංසුති අවිදුරට්ඨානං ගමිංසු. පයිරුපාසිංසුති සම්පෙ නිසිදිංසු. පරිපුච්ඡිංසුති පරිපුච්ඡං ආහරිංසු. පරිගණ්ඨිංසුති තුලයිංසු. “වොදයිංසු”ති කෙවි.

සීලාචාරනිබ්බත්තීති උත්තමසීලාචාරනිබ්බත්තී, මග්ගෙන නිජ්ඣන්තසීලන්ති අත්ථො.

ගම්භීරෙති උත්තානභාවපටික්ඛෙපවචනං. දුද්දසෙති ගම්භීරත්තා දුද්දසෙ, දුක්ඛෙන දට්ඨබ්බෙ, න සක්කා සුඛෙන දට්ඨං. දුද්දසත්තාව දුරනුබොධෙ, දුක්ඛෙන අවබුජ්ඣිතබ්බෙ, න සක්කා සුඛෙන අවබුජ්ඣිතුං. සන්තෙති නිබ්බුතෙ. පණිතෙති අතජ්ජතෙ. ඉදං ද්වයං ලොකුත්තරමෙව සන්ධාය වුත්තං. අතක්කාවචරෙති තක්කෙන න අවචරිතබ්බෙ න ඔගාහිතබ්බෙ ඤාණෙනෙව අවචරිතබ්බෙ. නිපුණෙති සණ්ඨෙ. පණ්ඩිතවෙදනීයෙති සම්මා පටිපන්නෙහි පණ්ඩිතෙහි වෙදිතබ්බෙ.

98. තොසෙසිති තුට්ඨිං ආපාදෙසි. විතොසෙසිති විවිධා තෙසං සොමනස්සං උප්පාදෙසි. පසාදෙසිති තෙසං චිත්තප්පසාදං අකාසි. ආරාධෙසිති ආරාධයි සිද්ධිං පාපෙසි. අත්තමනෙ අකාසිති සොමනස්සවසෙන සකමනෙ අකාසි.

99. තතො පරං බ්‍රහ්මවරියමවරිංසුති මග්ගබ්‍රහ්මවරියං අවරිංසු.

101. තස්මා පාරායනන්ති තස්ස පාරභූතස්ස නිබ්බානස්ස ආයතනන්ති වුත්තං හොති.

සද්ධම්මප්පජ්ජොතිකාය වුළුනිද්දෙස-අට්ඨකථාය

පාරායනත්ථුතිගාථානිද්දෙසවණ්ණනා නිට්ඨිතා.

### 18. පාරායනානුගීතිගාථානිද්දෙසවණ්ණනා

102. පාරායනමනුගායිස්සන්ති අස්ස අයං සම්බන්ධො – භගවතා හි පාරායනෙ දෙසිතෙ සොළසසහස්සජට්ඨා අරහත්තං පාපුණ්ණි, අවසෙසානඤ්ච වුද්දසකොට්ඨිකානං දෙවමනුස්සානං ධම්මාභිසමයො අහොසි. වුත්තඤ්ඤො පොරාණෙහි –

“තතො පාසාණකෙ රම්මෙ, පාරායනසමාගමෙ;  
අමතං පාපයි බුද්ධො, වුද්දස පාණකොට්ඨො”ති. (සු. නි. අට්ඨ. 2.1138);

නිට්ඨිතාය පන ධම්මදෙසනාය තතො තතො ආගතා මනුස්සා භගවතො ආනුභාවෙන අත්තනො අත්තනො ගාමනිගමාදීස්වෙව පාතුරහෙසුං. භගවාපි සාවත්ථිමෙව අගමාසි පරිවාරකසොළසාදීහි අනෙකෙහි භික්ඛුසහස්සෙහි පරිවුතො. තත්ථ පිඨගියො භගවත්තං වන්දිත්වා ආහ – “ගච්ඡාමහං, භන්තෙ, බාවරිස්ස බුද්ධුප්පාදං ආරොචෙතුං, පටිස්සුතඤ්ඤි තස්සෙව මයා”ති. අථ භගවතා අනුඤ්ඤාතො ඤාණගමනෙනෙව ගොධාවරීතීරං ගන්ත්වා පාදගමනෙන අස්සමාභිමුඛො අගමාසි. තමෙනං බාවරී බ්‍රාහ්මණො මග්ගං ඔලොකෙන්තො නිසින්තො දුරතොව තං බාරිජටාදිවිරහිතං භික්ඛුවෙසෙනාගච්ඡන්තං දිස්වා “බුද්ධො ලොකෙ උප්පන්නො”ති නිට්ඨමගමාසි. සම්පත්තඤ්ඤවාපි නං පුච්ඡ – “කිං, පිඨගිය, බුද්ධො ලොකෙ උප්පන්නො”ති? “ආම, බ්‍රාහ්මණ, උප්පන්නො, පාසාණකෙ වෙනියෙ නිසින්තො අම්භාකං ධම්මං දෙසෙසි, තමහං තුය්හං දෙසෙස්සාමි”ති. තතො බාවරී මහතා සක්කාරෙන සපරිසො තං පුජෙත්වා ආසනං පඤ්ඤාපෙසි. තත්ථ නිසිදිත්වා පිඨගියො “පාරායනමනුගායිස්ස”න්තිආදිමාහ.

තත්ථ අනුගායිස්සන්ති භගවතො ගීතං අනුගායිස්සං. යථාද්දක්ඛීති යථා සාමං සච්චාභිසම්බොධෙන අසාධාරණඤාණෙන ව අද්දක්ඛී. නික්කාමොති

පහිනකාමො. “නික්කමො” තිපි පායො, විරියවාති අත්ථො. නික්ඛන්තො වා අකුසලපක්ඛා. නිබ්බන්තොති කිලෙසවනවිරහිනො, තණ්හාවිරහිනො එව වා. කිස්ස හෙතු මුසා හණෙනි යෙනි කිලෙසෙහි මුසා හණෙය්‍යා, එතෙ තස්ස පහිනාති දස්සෙති. එතෙන බ්‍රාහ්මණස්ස සවනෙ උස්සාහං ජනෙති (සු. නි. අට්ඨ. 2.1138).

අමලොති කිලෙසමලවිරහිනො. විමලොති විගතකිලෙසමලො. නිම්මලොති කිලෙසමලසුද්ධො. මලාපගතොති කිලෙසමලා දුරිභූතො හුත්වා වරති. මලවිජ්ජහිනොති කිලෙසමලජ්ජහිනො. මලවිමුත්තොති කිලෙසෙහි විමුත්තො. සබ්බමලවීතිවත්තොති වාසනාදිසබ්බකිලෙසමලං අතික්කන්තො. තෙ වනාති එතෙ චුත්තජ්ජකාරා කිලෙසා.

**103.** චණ්ණපසංහිතන්ති ගුණපසංහිතං.

**104.** සච්චවිහයොති බුද්ධො හි සච්චෙනෙව අවිභානෙන නාමෙන යුත්තො. බ්‍රහ්මෙති තං බ්‍රාහ්මණං ආලපති.

තත්ථ ලොකොති ලුප්ඡනට්ඨෙන ලොකො. එකො ලොකො හවලොකොති තෙභූමකවිපාකො. සො හි හවතීති හවො, හවො එව ලොකො හවලොකො. හවලොකො ව සම්භවලොකො වාති එත්ථ එකෙකො ද්වෙ ද්වෙ හොති. හවලොකො හි සම්පත්තිභවවිපත්තිභවවසෙන දුට්ඨො. සම්භවලොකොපි සම්පත්තිසම්භවවිපත්තිසම්භවවසෙන දුට්ඨො. තත්ථ සම්පත්තිභවලොකොති සුගතිලොකො. සො හි ඉට්ඨඵලත්තා සුන්දරො ලොකොති සම්පත්ති, හවතීති හවො, සම්පත්ති එව හවො සම්පත්තිහවො, සො එව ලොකො සම්පත්තිභවලොකො. සම්පත්තිසම්භවලොකොති සුගතූපගං කම්මං. තඤ්ඤි සම්භවති එතස්මා ඵලන්ති සම්භවො, සම්පත්තියා සම්භවො සම්පත්තිසම්භවො, සම්පත්තිසම්භවො එව ලොකො සම්පත්තිසම්භවලොකොති.

විපත්තිභවලොකොති අපායලොකො. සො හි අනිට්ඨඵලත්තා විරූපො ලොකොති විපත්ති, හවතීති හවො, විපත්ති එව හවො විපත්තිහවො, විපත්තිහවො එව ලොකො විපත්තිභවලොකො. විපත්තිසම්භවලොකොති අපායූපගං කම්මං. තඤ්ඤි සම්භවති එතස්මා ඵලන්ති සම්භවො, විපත්තියා සම්භවො විපත්තිසම්භවො, විපත්තිසම්භවො එව ලොකො විපත්තිසම්භවලොකොති. තිස්සො වෙදනාති සුඛා වෙදනා, දුක්ඛා වෙදනා, අදුක්ඛමසුඛා වෙදනා ලොකියා එව. ආභාරාති පච්චයා. පච්චයා හි අත්තනො ඵලං ආහරන්තීති ආහාරා. කබලීකාරාහාරො ඵස්සාහාරො මනොසඤ්චෙනනාහාරො විඤ්ඤාණාහාරොති වත්තාරො. වත්ථුචසෙන කබලීකත්තබ්බත්තා කබලීකාරො, අජ්ඣොහරිතබ්බත්තා ආහාරො, ඔදනකුම්මාසාදිවත්ථුකාය ඔජායෙනං නාමං. සා හි ඔජට්ඨමකරූපාති

ආහරතීති ආභාරො. චක්ඛුසම්ඵස්සාදිකො ඡබ්බිධො එස්සො තිස්සො වෙදනා ආහරතීති ආභාරො. මනසො සඤ්චෙතනා න සත්තස්සාති මනොසඤ්චෙතනා යථා විත්තෙකග්ගතා, මනසා වා සම්පයුත්තා සඤ්චෙතනා මනොසඤ්චෙතනා යථා ආජඤ්ඤරථො, තෙභුමකකුසලාකුසලචෙතනා. සා හි තයො භවෙ ආහරතීති ආභාරො. විඤ්ඤාණන්ති එකුනවීසතිහෙදං පටිසන්ධිවිඤ්ඤාණං. තඤ්ඤි පටිසන්ධිනාමරූපං ආහරතීති ආභාරො.

උපාදානක්ඛන්ධාති උපාදානගොචරා ඛන්ධා උපාදානක්ඛන්ධා, මජ්ඣෙ පදලොපො දට්ඨබ්බො. උපාදානසම්භූතා වා ඛන්ධා උපාදානක්ඛන්ධා යථා තිණග්ගි, ථූසග්ගි. උපාදානවිධෙය්‍යා වා ඛන්ධා උපාදානක්ඛන්ධා යථා රාජපුරිසො. උපාදානජපභවා වා ඛන්ධා උපාදානක්ඛන්ධා යථා පුජ්ඵරුක්ඛො, ඵලරුක්ඛො. උපාදානාති පන කාමුපාදානං දිට්ඨුපාදානං සීලබ්බතුපාදානං අත්තවාදුපාදානන්ති චත්තාරි. අත්ථතො පන භුසං ආදානන්ති උපාදානං. රුපුපාදානක්ඛන්ධො, වෙදනුපාදානක්ඛන්ධො, සඤ්ඤුපාදානක්ඛන්ධො, සඬබාරුපාදානක්ඛන්ධො, විඤ්ඤාණුපාදානක්ඛන්ධොති පඤ්ච. ඡ අජ්ඣත්තිකාති ආයතනානීති චක්ඛායතනං, සොතායතනං, සාතායතනං, ජීව්හායතනං, කායායතනං, මනායතනං. සත්ත විඤ්ඤාණට්ඨිතියො චුත්තනයා ඵව. තථා අට්ඨ ලොකධම්මා. අපි ච – ලාභො, අලාභො, යසො, අයසො, නින්දා, පසංසා, සුඛං, දුක්ඛන්ති ඉමෙ අට්ඨ ලොකජපවත්තියා සති අනුපරිවත්තනධම්මකත්තා ලොකස්ස ධම්මාති ලොකධම්මා. එතෙහි මුත්තො සත්තො නාම නත්ථි, බුද්ධානම්පි හොන්තියෙව. යථාහ –

“අට්ඨිමෙ, භික්ඛවෙ, ලොකධම්මා ලොකං අනුපරිවත්තන්ති, ලොකො ච අට්ඨ ලොකධම්මෙ අනුපරිවත්තති. කතමෙ අට්ඨ? ලාභො ච අලාභො ච...පෙ.... සුඛඤ්ච දුක්ඛඤ්ච. ඉමෙ බො, භික්ඛවෙ, අට්ඨ ලොකධම්මා ලොකං අනුපරිවත්තන්ති, ලොකො ච ඉමෙ අට්ඨ ලොකධම්මෙ අනුපරිවත්තති”ති (අ. නි. 8.6).

තත්ථ අනුපරිවත්තන්තීති අනුඛන්ධන්ති නජපජහන්ති, ලොකතො න නිවත්තන්තීති අත්ථො. ලාභොති පබ්බජිතස්ස වීචරාදි, ගහට්ඨස්ස ධනධඤ්ඤාදිලාභො. සොයෙව අලබ්භමානො ලාභො අලාභො න ලාභො අලාභොති වුව්චති, නො ච අත්තාභාවජපත්තිතො පරිඤ්ඤෙය්‍යො සියා. යසොති පරිවාරො. සොයෙව අලබ්භමානො යසො අයසො. නින්දාති අවණ්ණහණනං. පසංසාති වණ්ණහණනං. සුඛන්ති කාමාවචරකායිකචෙතසිකං. දුක්ඛන්ති පුපුජ්ජනසොතාපන්තසකදාගාමීනං කායිකචෙතසිකං, අනාගාමිඅරහන්තානං කායිකමෙව. සත්තවාසාති සත්තානං ආවාසා, වසනට්ඨානානීති අත්ථො. තාති පන තථා පකාසිතා ඛන්ධා ඵව. සත්තසු විඤ්ඤාණට්ඨිතියු අසඤ්ඤසත්තෙන ච



නෙවසඤ්ඤානාසඤ්ඤායතනෙන ව සද්ධිං නව සත්තාවාසා. දසායතනානීති වක්ඛායතනං, රූපායතනං, සොතායතනං, සද්දායතනං, සානායතනං, ගන්ධායතනං, ජීව්හායතනං, රසායතනං, කායායතනං, ඵොට්ඨබ්බායතනන්ති එවං දස. ද්වාදසායතනානීති මනායතනධම්මායතනෙනි සද්ධිං එවං ද්වාදස. අට්ඨාරස ධාතුයොති වක්ඛුධාතු, රූපධාතු, වක්ඛුච්ඤ්ඤාණධාතු...පෙ.... මනොධාතු, ධම්මධාතු, මනොච්ඤ්ඤාණධාතූති එකෙකස්මිං තීණි තීණි කත්වා අට්ඨාරස ධාතුයො.

සදිසනාමොති තෙසං සදිසනාමො එකගුණවණ්ණනාමො. සදිසවිභයොති එකගුණවණ්ණනාමෙන අවිභායනො. සච්චසදිසවිභයොති අවිතථඑකගුණවණ්ණනාමෙන අවිපරිතෙන අවිභායනො.

ආසිතොති උපසඬ්ඛිකමිතො. උපාසිතොති උපගන්ත්වා සෙවිතො. පයිරූපාසිතොති හත්තිවසෙන අතීව සෙවිතො.

**105.** කුබ්බනකන්ති පරිත්තවනං. බහුජ්ඣලං කානනමාවසෙය්‍යාති අනෙකඵලාදිවිකතිහරිතකානනං ආගම්ම වසෙය්‍ය. අජ්ජදස්සෙති බාවරිජ්ජභුතිකෙ පරිත්තපඤ්ඤ. මහොදධින්නි අනොතත්තාදිං මහන්තං උදකරාසිං.

අජ්ජදස්සාති මන්දදස්සිතො. පරිත්තදස්සාති අතිමන්දදස්සිතො. ඵොකදස්සාති පරිත්තතොපි අතිපරිත්තදස්සිතො. ඔමකදස්සාති හෙට්ඨිමදස්සිතො. ලාමකදස්සාති අජ්ජධානදස්සිතො. ඡතුක්කදස්සාති න උත්තමදස්සිතො. අජ්ජමාණදස්සන්ති පමාණං අතික්කමිත්වා අජ්ජමාණං නිබ්බානදස්සං. අග්ගදස්සන්ති ‘අග්ගතො වෙ පසන්නාන’න්තිආදිනා (අ. නි. 4.34; ඉතිවු. 90) නයෙන අග්ගධම්මදස්සං. සෙට්ඨදස්සන්ති සම්බුද්ධො ද්විපදසෙට්ඨොති සෙට්ඨදස්සං. විසෙට්ඨදස්සන්තිආදීති වත්තාරි උපසග්ගෙන වඩ්ඪිතානි. අසමන්ති න සමං අසමං සබ්බඤ්ඤං. අසමසමන්ති අසමෙහි අතීතබුද්ධෙහි සමං අසමසමං. අජ්ජට්ඨසමන්ති අත්තනො සදිසවිරහිතං. අජ්ජට්ඨාගන්ති අත්තනො පටිබ්බිච්චවිරහිතං. අජ්ජට්ඨපුග්ගලන්ති පටිමල්ලපුග්ගලවිරහිතං. දෙවාතිදෙවන්ති විසුද්ධිදෙවානම්පි අතිදෙවං. අභිමඬ්ඛගලසම්මතට්ඨොන උසහං. අජ්මහිතට්ඨොන පූරිසසිහං. නිද්දොසට්ඨොන පූරිසනාගං. උත්තමට්ඨොන පූරිසාජ්ඤ්ඤං. අට්ඨපරිසපථවිං උජ්ජිලෙත්වා සදෙවකෙ ලොකෙ කෙනවි පච්චත්ථිකෙන පච්චාමිත්තෙන අකම්පියෙ අවලට්ඨානෙ තිට්ඨනට්ඨොන පූරිසනිසහං. ධම්මදෙසනාධුරවහනට්ඨොන පූරිසධොරස්හං.

මානසකං වා සරන්ති මනසා වින්තෙත්වා කතං පල්ලං වා නාමමෙව වා. අනොතත්තං වා දහන්ති වන්දිමසූරියා දක්ඛිණෙන වා උත්තරෙන වා ගච්ඡන්තා පබ්බතන්තරෙන තං ඔහාසෙන්නි, උජුං ගච්ඡන්තා න

ඔහාසෙන්නි, තෙනෙවස්ස “අනොතත්ත”න්ති සඬ්ඛා උද්භාදි. එවරුපං අනොතත්තං වා දහං. අක්ඛොභං අමිතොදකන්ති වාලොකං අසක්කුණෙය්‍යං අපරිමිතං උදකජලරාසිං. එවමෙවාති ඔපම්මසංසන්දනං, බුද්ධං භගවන්තං අක්ඛොභං ආසහං යානට්ඨානෙන වාලොකං අසක්කුණෙය්‍යං. අමිතතෙජන්ති අපරිමිතඤ්ඤාණතෙජං. පහින්නඤ්ඤාණන්ති දසබලඤ්ඤාණාදිවසෙන පහෙදගතඤ්ඤාණං. විවට්ඨක්ඛුන්ති සමන්තවක්ඛුං.

පඤ්ඤාපහෙදකුසලන්ති “යා පඤ්ඤා පජානනා විවයො පවිවයො”තිආදිනා (ධ. ස. 16; විහ. 525) නයෙන පඤ්ඤාය පහෙදජානනෙ ඡෙකං. අධිගතපටිසම්භිදන්ති පටිලද්ධවතුපටිසම්භිදං. චතුර්වේසාරජ්ජප්පත්තන්ති “සම්මාසම්බුද්ධස්ස තෙ පටිජානතො ඉමෙ ධම්මා අනභිසම්බුද්ධා”තිආදිනා (ම. නි. 1.150; අ. නි. 4.8) නයෙන චුත්තෙසු චතුසු යානෙසු විසාරදභාවජ්ජත්තං. සද්ධාධිමුත්තන්ති පරිසුද්ධෙ ඵලසමාපත්තිවිත්තෙ අධිමුත්තං, තත්ථ පවිට්ඨං. සෙතපච්චත්තන්ති වාසනාය විජ්ජහින්නා පරිසුද්ධං ආවේණිකඅත්තභාවං. අද්වයභාණිත්ති පරිච්ඡින්නවචනත්තා ද්විවචනවිරහිතං. තාදින්නි තාදිසං, ඉට්ඨානිට්ඨෙසු අකම්පනං වා. තථා පටිඤ්ඤා අස්සාති තථාපටිඤ්ඤො, තං. අපරිත්තන්ති න බුද්දකං. මහන්තන්ති තෙධාතුං අතික්කම්මිවා මහන්තජ්ජත්තං.

ගම්භිරන්ති අඤ්ඤෙසං දුජ්ජවෙසං. අජ්ජමෙය්‍යන්ති අතුලට්ඨෙන අජ්ජමෙය්‍යං. දුජ්ජපරියොගාහන්ති පරියොගාහිතුං දුක්ඛජ්ජවෙසං. පහුතරතනන්ති සද්ධාදිරතනෙහි පහුතරතනං. සාගරසමන්ති රතනාකරතො සමුද්දසදිසං. ඡළඬගුපෙක්ඛාය සමන්තාගතන්ති “චක්ඛුනා රුපං දිස්වා නෙව සුමනො හොති න දුම්මනො”ති (අ. නි. 6.1) චුත්තනායෙන ඡළඬගුපෙක්ඛාය පරිපුණ්ණං. අතුලන්ති තුලවිරහිතං, තුලයිතුං අසක්කුණෙය්‍යං. විපුලන්ති අතිමහන්තං. අජ්ජමෙය්‍යන්ති පමෙතුං අසක්කුණෙය්‍යං. තං තාදිසන්ති තං භගවන්තං තාදිගුණසම්පන්නං. පවදනං මග්ගවාදිනන්ති පවදන්තානං කට්ඨන්තානං උත්තමං කථයන්තං වදන්තං අධිගච්ඡින්නි සම්බන්ධො. මෙරුම්ච නගානන්ති පබ්බතානං අන්තරෙ සිනෙරුං විය. ගරුළම්ච දිජානන්ති පක්ඛිජානානං අන්තරෙ සුපණ්ණං විය. සීහම්ච මිගානන්ති චතුජ්ජදානමන්තරෙ සීහං විය. උදධම්ච අණ්ණවානන්ති විත්ථිණ්ණඅණ්ණවානං අන්තරෙ සමුද්දං විය අධිගච්ඡිං. ජීනපවරන්ති බුද්ධුත්තමං.

106. යෙමෙ පුබ්බෙති යෙ ඉමෙ පුබ්බෙ.

107. තමොනුදාසිනොති තමොනුදො ආසිනො. භූරිපඤ්ඤාණොති ඤාණද්ධපො. භූරිමෙධසොති විපුලපඤ්ඤො.

නිද්දෙසෙ පහඬිකරොති තෙජංකරො. ආලොකකරොති අනන්ධකාරකරො. ඔභාසකරොති ඔභාසං ජොතිං කරොතීති ඔභාසකරො. දීපසදිසං ආලොකං කරොතීති දීපඬිකරො. පදීපසදිසං ආලොකං කරොතීති පදීපකරො. උප්පොතකරොති පතාපකරො. පප්පොතකරොති දිසාවිදිසා පතාපකරො.

භූරිපඤ්ඤාණොති පුටුලඤ්ඤාණො. ඤාණපඤ්ඤාණොති ඤාණෙන පාකටො. පඤ්ඤාධජොති උස්සිතට්ඨෙන පඤ්ඤාව ධජො අස්සාති පඤ්ඤාධජො, ධජො රථස්ස පඤ්ඤාණන්තිආදියු (ජා. 2.22.1841; චූළනි. පාරායනානුගීතිගාථානිද්දෙස 107) විය. විභූතවිහාරීති පාකටවිහාරො.

**108.** සන්දිට්ඨිකමකාලිකන්ති සාමං පස්සිතබ්බං ඵලං, න ච කාලන්තරෙ පත්තබ්බඵලං. අතීතිකන්ති කිලෙසාදිර්ථිවිරහිතං.

සන්දිට්ඨිකන්ති ලොකුත්තරධම්මො යෙන අධිගතො හොති, තෙන පරසද්ධාය ගන්තබ්බතං හිත්වා පච්චවෙක්ඛණඤාණෙන සයං දට්ඨබ්බොති සන්දිට්ඨිකො, තං සන්දිට්ඨිකං. අත්තනො ඵලංදානං සන්ධාය නාස්ස කාලොති අකාලො, අකාලොයෙව අකාලිකො. යො ඵත්ථ අරියමග්ගධම්මො, සො අත්තනො සමනන්තරමෙව ඵලං දෙනීති අත්ථො, තං අකාලිකං. ඵහි පස්ස ඉමං ධම්මන්ති ඵචං පවත්තං ඵහිපස්සවිධිං අරහතීති ඵහිපස්සිකො, තං ඵහිපස්සිකං. ආදිත්තං වෙලං වා සීසං වා අප්ඤ්ඤාපෙක්ඛිත්වාපි අත්තනො විත්තෙ උපනයං අරහතීති ඔපනෙයයිකො, තං ඔපනෙයයිකං. සබ්බෙහිපි උග්ගට්ඨකඤ්ඤාආදීහි “භාවිතො මෙ මග්ගො, අධිගතං ඵලං, සච්ඡිකතො නිරොධො”ති අත්තනි අත්තනි වෙදිතබ්බන්ති පච්චත්තං වෙදිතබ්බං විඤ්ඤාහි.

**109.** අථ නං බාවරි ආහ “කිං නු තම්භා”ති ද්වෙ ගාථා.

මුහුත්තම්පිති ථොකම්පි. බණම්පිති න බහුකම්පි. ලයම්පිති මනම්පි. වයම්පිති කොට්ඨාසම්පි. අද්ධම්පිති දිවසම්පි.

**111-113.** තතො පිඬිගියො භගවතො සන්තිකා අවිජ්ජවාසමෙව දීපෙන්නො “නාහං තම්භා”තිආදිමාහ. නාහං යො මෙ...පෙ.... පස්සාමි නං මනසා චක්ඛුනාවාති තං බුද්ධං මංසචක්ඛුනා විය මනසා පස්සාමි. නමස්සමානො විවසෙමි රත්තින්ති නමස්සමානොව රත්තිං අතිනාමෙමි.

**114.** තෙන තෙනෙව නතොති යෙන යෙන දිසාභාගෙන බුද්ධො, තෙන තෙනෙවාහම්පි නතො, තන්තින්තො තප්පොණොති දස්සෙති.

**115.** දුබ්බලථාමකස්සාති අප්පථාමකස්ස. අථ වා දුබ්බලස්ස දුත්ථාමකස්ස ච, බලවීරියහීනස්සාපිති චුත්තං හොති. තෙනෙව කායො න

පලෙකීති තෙනෙව දුබ්බලත්ථාමකත්තෙන කායො න ගච්ඡති, යෙන බුද්ධො, න තෙන ගච්ඡති. “න පරෙතී”තිපි පායො, සො ඵවත්ථො. තත්ථාති බුද්ධස්ස සන්තිකෙ. සඬකප්පයන්තායාති සඬකප්පගමනෙන. තෙන යුත්තොති යෙන බුද්ධො, තෙන යුත්තො පයුත්තො අනුයුත්තොති දස්සෙති.

යෙන බුද්ධොති යෙන දිසාභාගෙන බුද්ධො උපසඬකමිතබ්බො, තෙන දිසාභාගෙන න පලෙති. අථ වා භූමිමත්ථෙ කරණවචනං. යත්ථ බුද්ධො තත්ථ න පලෙති න ගච්ඡති. න වජ්ඣති පුරතො න යාති. න ගච්ඡතීති නිවත්තති. නාතික්කමතීති න උපසඬකමති.

**116.** පඬකෙ සයානොති කාමකද්දමෙ සයමානො. දීපා දීපං උපල්ලවිත්ති සත්ථාරාදිතො සත්ථාරාදිං අධිගච්ඡිං. අථද්දසාසිං සම්බුද්ධන්ති සොභං ඵවං දුදිට්ඨිං ගහෙත්වා අන්වාහිණ්ඨන්තො අථ පාසාණකචෙති යෙ බුද්ධමද්දක්ඛිං.

තත්ථ සෙමානොති නිසජ්ජමානො. සයමානොති සෙයාං කප්පයමානො. ආවසමානොති වසමානො. පරිවසමානොති නිව්චං වසමානො.

පල්ලවිත්ති උග්ගමිං. උපල්ලවිත්ති උත්තරිං, සම්පල්ලවිත්ති උපසග්ගෙන පදං වඩ්ඪිතං. අද්දසන්ති නිද්දෙසස්ස උද්දෙසපදං. අද්දසන්ති පස්සිං. අද්දක්ඛිත්ති ඔලොකෙසිං. අපස්සිත්ති එසිං. පටිවිජ්ඣන්ති විනිවිජ්ඣිං.

**117.** ඉමිස්සා ගාථාය අවසානෙ පිඬගියස්ස ව බාවරිස්ස ව ඉන්ද්‍රියපරිපාකං විදිත්වා හගවා සාවත්ථියං යිතොයෙව සුවණ්ණොභාසං මුඤ්චි. පිඬගියො බාවරිස්ස බුද්ධගුණෙ වණ්ණයන්තො නිසින්තො ඵව තං ඔභාසං දිස්වා “කිං ඉද්”න්ති ඔලොකෙත්තො හගවන්තං අත්තතො පුරතො යිතං විය දිස්වා බාවරිබ්‍රාහ්මණස්ස “බුද්ධො ආගතො”ති ආරොචෙසි. බ්‍රාහ්මණො උට්ඨායාසනා අඤ්ජලිං පග්ගහෙත්වා අට්ඨාසි. හගවාපි ඔභාසං ඵරිත්වා බ්‍රාහ්මණස්ස අත්තානං දස්සෙත්තො උභින්නමපි සජ්ජායං විදිත්වා පිඬගියමෙව ආලපමානො “යථා අහු, වක්කලී”ති ඉමං ගාථමභාසි.

තස්සත්ථො – යථා වක්කලීත්ථෙරො සද්ධාධිමුත්තො අභොසි, සද්ධාධුරෙතෙව අරහත්තං පාපුණි, යථා ව සොළසන්තං එකො හද්‍රාචුධො නාම, යථා ව ආලවිගොතමො ව. ඵවමෙව ත්වම්පි පමුඤ්චස්සු සද්ධං, තතො සද්ධාය අධිමුච්චන්තො “සබ්බෙ සඬබ්බා අනිච්චා”තිආදිනා (ධ. ප. 277; ථෙරගා. 676; පටි. ම. 1.31; කථා. 753) නයෙන විපස්සනං ආරහිත්වා මච්චුධෙය්‍යස්ස පාරං නිබ්බානං ගමිස්සසීති අරහත්තනිකූටෙන දෙසනං නිට්ඨාපෙසි, දෙසනාපරියොසානෙ පිඬගියො අරහත්තෙ, බාවරී



අනාගාමිඵලෙ පනිට්ඨනී, බාවරිබ්බාභ්මණස්ස සිස්සා පන පඤ්චසතා සොනාපන්නා අහෙසුං.

තත්ථ මුඤ්ඤවස්සුති මොවස්සු. පමුඤ්ඤවස්සුති මොවෙහි. අධිමුඤ්ඤවස්සුති තත්ථ අධිමොක්ඛං කරස්සු. ඔකප්පෙහීති බහුමානං උප්පාදෙහීති. සබ්බෙ සඬ්ඛාරා අනිච්චාති හුත්වා අභාවට්ඨෙත. සබ්බෙ සඬ්ඛාරා දුක්ඛාති දුක්ඛමට්ඨෙත. සබ්බෙ ධම්මා අනත්තාති අවසවත්තනට්ඨෙත.

**118.** ඉදානි පිඬ්ඨගියො අත්තනො පසාදං නිවෙදෙන්තො “එස භියෙය්‍යාතිආදිමාහ. තත්ථ පටිභානවාති පටිභානප්පටිසම්භිදාය උපෙතො.

භියෙය්‍යා භියෙය්‍යාති උපරුපරි.

**119.** අධිදෙවෙ අභිඤ්ඤායාති අධිදෙවකරෙ ධම්මෙ ඤත්වා. පරොපරන්ති භීතපණිතං, අත්තනො ච පරස්ස ච අධිදෙවත්තකරං සබ්බධම්මජාතං අවෙදීති චුත්තං හොති. කඬ්ඛිතං පටිජානතන්ති කඬ්ඛිතංයෙව සතං “නික්කඬ්ඛම්භා”ති පටිජානන්තානං.

නිද්දෙසෙ පාරායනිකපඤ්ඤානන්ති පාරායනිකබ්බාභ්මණානං පුච්ඡානං. අවසානං කරොතීති අත්තකරො. කොට්ඨං කරොතීති පරියන්තකරො. සීමං මරියාදං කරොතීති පරිච්ඡේදකරො. නිගමං කරොතීති පරිවටුමකරො. සභියපඤ්ඤානන්ති න කෙවලං පාරායනිකබ්බාභ්මණානං පඤ්ඤානං එව, අථ ඛො සභියපරිබ්බාජකාදීනම්පි පඤ්ඤානං අත්තං කරොතීති දස්සෙතුං “සභියපඤ්ඤාන”න්තිආදිමාහ.

**120.** අසංඝීරන්ති රාගාදීහි අසංභාරියං. අසඬ්ඛුප්පන්ති අසඬ්ඛුප්පං අවිපරිණාමධම්මං. ද්විහිපි පදෙහි නිබ්බානං භණති. අද්ධා ගම්ස්සාමීති එකංසෙනෙව තං අනුපාදිසෙසනිබ්බානධාතුං ගම්ස්සාමි. න මෙත්ථ කඬ්ඛාති නත්ථි මෙ එත්ථ නිබ්බානෙ කඬ්ඛා. එවං මං ධාරෙහි අධිමුත්තචිත්තන්ති පිඬ්ඨගියො “එවමෙව ත්වම්පි පමුඤ්ඤවස්සු සද්ධ”න්ති ඉමිනා භගවතො ඔවාදෙන අත්තති සද්ධං උප්පාදෙන්වා සද්ධාධුරෙනෙව ච විමුඤ්ඤිත්වා තං සද්ධාධිමුත්තිං පකාසෙන්තො භගවත්තං ආහ – “එවං මං ධාරෙහි අධිමුත්තචිත්ත”න්ති. අයඤ්ඤෙන්ථ අධිප්පායො “යථා මං ත්වං අවච, එවමෙව මං අධිමුත්තචිත්තං ධාරෙහි”ති.

න සංභරියතීති ගහෙත්වා සංභරිතුං න සක්කා. නියොගවචනන්ති යුත්තවචනං. අවත්ථාපනවචනන්ති සන්තිට්ඨානවචනං. ඉමස්මිං පාරායනවග්ගෙ යං අත්තරන්තරා න චුත්තං, තං භෙට්ඨා චුත්තනයෙන ගහෙතබ්බං. සෙසං සබ්බත්ථ පාකට්ඨෙව.

සද්ධම්මප්පජ්ජොතිකාය චූළනිද්දෙස-අට්ඨකථාය

බුද්දකනිකායෙ

වුළුනිද්දෙස-අට්ඨකථා

පාරායනවග්ගනිද්දෙසා

පාරායනානුගීතිගාථානිද්දෙසවණ්ණනා නිට්ඨිතා.

පාරායනවග්ගවණ්ණනා නිට්ඨිතා.

## බග්ගවිසාණසුත්තනිද්දෙසො

### බග්ගවිසාණසුත්තනිද්දෙසවණ්ණනා

#### 1. පට්ඨමවග්ගවණ්ණනා

121. ඉතො පරං බග්ගවිසාණසුත්තනිද්දෙසවණ්ණනාය ඔකාසො අනුප්පත්තො. තත්ථ “සබ්බෙසු භූතෙසු නිධාය දණ්ඩ”න්ති ඉතො පරං අතිරෙකපදමත්තමෙව වණ්ණයිස්සාම. තත්ථ සබ්බෙසුති අනවසෙසෙසු. භූතෙසුති සත්තෙසු. එත්ථ භූතෙසුති කිඤ්චාපි භූතසද්දො “භූතස්මිං පාචිත්තිය”න්ති එවමාදීසු (පාචි. 69) විජ්ජමානො, “භූතමිදං, සාරිපුත්ත, සමනුපස්සපි”ති එවමාදීසු බන්ධපඤ්චකො, “චත්තාරො ඛො, භික්ඛු, මහාභූතා හෙතු”ති එවමාදීසු (ම. නි. 3.86) චතුබ්බිධෙ පථවිධාත්වාදිරූපෙ, “යො ව කාලසංසො භූතො”ති එවමාදීසු (ජා. 1.2.190) බිණ්ණසවෙ, “සබ්බෙව නික්ඛිපිස්සන්ති, භූතා ලොකෙ සමුස්සය”න්ති එවමාදීසු (දී. නි. 2.220) සබ්බසත්තො, “භූතගාමපාතඛයතායා”ති එවමාදීසු (පාචි. 90) රුක්ඛාදිකො, “භූතං භූතතො පජානාති”ති එවමාදීසු (ම. නි. 1.3) වාතුමහාරාජිකානං හෙට්ඨා සත්තනිකායං උපාදාය වත්තති. ඉධ පන අවසෙසතො පථවිපබ්බතාදීසු ජාතා සත්තා භූතාති වෙදිතබ්බා. තෙසු භූතෙසු. නිධායාති නික්ඛිපිත්වා.

දණ්ඩන්ති කායවච්ඡිමනොදණ්ඩං, කායදුච්චරිතාදීනමෙතං අධිවචනං. කායදුච්චරිතඤ්ඤි දණ්ඩයතීති දණ්ඩො, බාධෙති අනායඛයසනං පාපෙතීති චුත්තං හොති. එවං වච්ඡිවචරිතඤ්ඤි මනොදුච්චරිතඤ්ඤි. පහරණදණ්ඩො එව වා දණ්ඩො, තං නිධායාතිපි චුත්තං හොති. අවිභෙදයන්ති අවිභෙදයන්තො. අඤ්ඤතරම්පීති යං කිඤ්චි එකමිපි. තෙසමිපීති තෙසං සබ්බභූතානං. න පුත්තමිච්ඡෙය්‍යාති අනුප්පො ඛෙත්තප්පො දින්නකො අත්තෙවාසිකොති ඉමෙසු චතුසු පුත්තෙසු යං කිඤ්චි පුත්තං න ඉච්ඡෙය්‍ය. කුතො සභායන්ති සභායං පන ඉච්ඡෙය්‍යාති කුතො එව එතං.

එකොති පබ්බජ්ජාසඬ්ඛාතොන එකො, අදුනියට්ඨොන එකො, තණ්හාපහානට්ඨොන එකො, එකන්තවිගතකිලෙසොති එකො, එකො පච්චෙකසම්බොධිං අභිසම්බුද්ධොති එකො. සමණසහස්සස්සපි හි මජ්ඣෙ වත්තමානො ගිහිසඤ්ඤාප්පාස්ස ඡින්නත්තා එකො, එවං පබ්බජ්ජාසඬ්ඛාතොන එකො. එකො තිට්ඨති, එකො ගච්ඡති, එකො නිසීදති, එකො සෙය්‍යං කප්පෙති, එකො ඉරියති වත්තතීති එකො. එවං අදුනියට්ඨොන එකො.

“තණ්හාදුනියො පුරිසො, දීඝමද්ධාන සංසරං;  
ඉත්ථභාවඤ්ඤාභාවං, සංසාරං නාතිවත්තති.

“එවමාදීනවං ඤාත්වා, තණ්හං දුක්ඛස්ස සම්භවං;

විතතණ්හො අනාදානො, සතො භික්ඛු පරිබ්බපෙ”ති. (ඉතිවු. 15, 105; මහානි. 191; වූළනි. පාරායනානුගිතිගාථානිද්දෙස 107) –

එවං තණ්හාපහානට්ඨෙන එකො. සබ්බකිලෙසාස්ස පභිනා උච්ඡින්නමූලා තාලාවත්ථුකතා අනභාවංකතා ආයතිං අනුප්පාදධම්මාති එවං එකන්තවිගතකිලෙසොති එකො. අනාවරියකො හුත්වා සයම්භු සාමඤ්ඤෙව පච්චෙකසම්බොධිං අභිසම්බුද්ධොති එවං එකො පච්චෙකසම්බොධිං අභිසම්බුද්ධොති එකො.

වරෙති යා ඉමා අට්ඨ වරියායො. සෙය්‍යථිදං – යා පණ්ඩිසම්පන්නානං චතුසු ඉරියාපට්ඨසු ඉරියාපට්ඨවරියා, ඉන්ද්‍රියෙසු ගුත්තද්වාරානං අප්ඤ්ඤාත්තිකායතනෙසු ආයතනවරියා, අප්පමාදවිහාරිතං චතුසු සතිපට්ඨානෙසු සතිවරියා, අධිචිත්තමනුයුත්තානං චතුසු ඤානෙසු සමාධිවරියා, බුද්ධිසම්පන්නානං චතුසු අරියසච්චෙසු ඤාණවරියා, සම්මා පටිපන්නානං චතුසු අරියමග්ගෙසු මග්ගවරියා, අධිගතඵලානං චතුසු සාමඤ්ඤඵලෙසු පටිපත්තිවරියා, තිණ්ණං බුද්ධානං සබ්බසත්තෙසු ලොකත්ථවරියා, තත්ථ පදෙසතො පච්චෙකබුද්ධසාවකානන්ති. යථාහ – “වරියාති අට්ඨ වරියායො යා ඉරියාපට්ඨවරියා”ති (වූළනි. බග්ගවිසාණසුත්තනිද්දෙස 121; පටි. ම. 1.197; 3.28) විත්ථාරො. තාහි වරියාහි සමන්තාගතො භවෙය්‍යාති අත්ථො. අථ වා යා ඉමා “අධිමුච්චන්තො සද්ධාය වරති, පග්ගණ්හන්තො වීරියෙන වරති, උපට්ඨහන්තො සතියා වරති, අවික්ඛිත්තො සමාධිනා වරති, පජානන්තො පඤ්ඤාය වරති, විජානන්තො විඤ්ඤාණෙන වරති, එවං පටිපන්නස්ස කුසලා ධම්මා ආයාපෙන්නීති ආයතනවරියාය වරති, එවං පටිපන්නො විසෙසමධිගච්ඡතිති විසෙසවරියාය වරති”ති (වූළනි. බග්ගවිසාණසුත්තනිද්දෙස 121; පටි. ම. 1.197; 3.29) එවං අපරාපි අට්ඨ වරියා වුත්තා. තාහි සමන්තාගතො භවෙය්‍යාති අත්ථො. බග්ගවිසාණකප්පොති බග්ගවිසාණො නාම බග්ගමිගසිඨිගං.

කප්ප

-සද්දො

පනායං

අභිසද්දහනවොහාරකාලපඤ්ඤත්තිවිෂේදවිකප්පලෙසසමන්තභාවසදිසාදිඅ නෙකත්ථො. තථා භිස්ස “ඔකප්පනීයමෙතං භොතො ගොතමස්ස. යථා තං අරහතො සම්මාසම්බුද්ධස්සා”ති එවමාදීසු (ම. නි. 1.387) අභිසද්දහනත්ථො. “අනුජානාමි, භික්ඛවෙ, පඤ්චහි සමණකප්පෙහි ඵලං පරිභුඤ්ජිතු”න්ති එවමාදීසු (වූළව. 250) වොහාරො. “යෙන සුදං නිව්චකප්පං විහරාමි”ති එවමාදීසු (ම. නි. 1.387) කාලො. “ඉච්චායස්මා කප්පො”ති එවමාදීසු (සු. නි. 1098; වූළනි. කප්පමාණවප්පවිජා 117, කප්පමාණවප්පවිජානිද්දෙස 61) පඤ්ඤත්ති. “අලඬිකතො කප්පිතකෙසමස්සු”ති එවමාදීසු (ජා. 2.22.1368) ඡෙදනං. “කප්පති



ද්වච්ඡාලකප්පො”ති එවමාදීසු (චූළව. 446) විකප්පො. “අත්ථි කප්පො නිපජ්ජිතු”න්ති එවමාදීසු (අ. නි. 8.80) ලෙසො. “කෙවලකප්පං වෙළ්චනං ඔභාසෙත්වා”ති එවමාදීසු (සං. නි. 1.94) සමන්තභාවො. “සත්ථුකප්පෙන වත කිර, හො, සාවකෙන සද්ධිං මන්තයමානා න ජානිමිහා”ති එවමාදීසු (ම. නි. 1.260) සදිසො, පටිභාගොති අත්ථො. ඉධ පනස්ස සදිසො පටිභාගොති අත්ථො වෙදිතඛිබ්බො, බග්ගවිසාණසදිසොති වුත්තං හොති. අයං තාවෙන්ථ පදනො අත්ථවණ්ණනා.

අධිප්පායානුසන්ධිතො පන එවං වෙදිතඛිබ්බො – ය්වායං වුත්තප්පකාරො දණ්ඩො භූතෙසු පවත්තියමානො අහිතො හොති, තං තෙසු අප්පවත්තියමානෙසු තප්පට්ඨකභූතාය මෙත්තාය හිතුපසංභාරෙන ව සබ්බෙසු භූතෙසු නිධාය දණ්ඩං, නිහිතදණ්ඩත්තා එව ව යථා අනිහිතදණ්ඩා සත්තා භූතානි දණ්ඩෙන වා සත්ථෙත වා පාණිනා වා ලෙඩ්ඬුනා වා විහෙයෙන්ති, තථා අවිහෙයං, අඤ්ඤාතරම්පි තෙසං ඉමං මෙත්තාකම්මට්ඨානමාගම්ම යදෙව තත්ථ වෙදනාගතං සඤ්ඤාසම්බාරවිඤ්ඤාණගතං තඤ්ච තදනුසාරෙනෙව තදඤ්ඤඤ්ච සම්බාරගතං විපස්සිත්වා ඉමං පච්චෙකබ්බොධිං අධිගතොමහි”ති අයං තාව අධිප්පායො.

අයං පන අනුසන්ධි – එවං වුත්තෙ තෙ අමච්චා ආහංසු – “ඉදානි, හන්තෙ, කුහිං ගච්ඡා”ති? තතො තෙන “පුබ්බපච්චෙකසම්බුද්ධා කත්ථ වසන්ති”ති ආවජ්ජෙත්වා ඤත්වා “ගන්ධමාදනපබ්බතෙ”ති වුත්තෙ පුනාහංසු – “අම්හෙ දානි, හන්තෙ, පජ්ඣථ, න ඉච්ඡා”ති. අථ පච්චෙකබුද්ධො ආහ – “න පුත්තම්ච්ඡෙය්‍යා”ති සබ්බං. තත්‍රායං අධිප්පායො – අහං ඉදානි අනුජාදීසු යං කිඤ්චි පුත්තම්පි න ඉච්ඡෙය්‍යං, කුතො පන තුම්භාදිසං සහායං. තස්මා තුම්හෙසුපි යො මයා සද්ධිං ගන්තුකාමො මාදිසො වා හොතුං ඉච්ඡති, සො එකො වරෙ බග්ගවිසාණකප්පො. අථ වා තෙහි “අම්හෙ දානි, හන්තෙ, පජ්ඣථ, න ඉච්ඡා”ති වුත්තෙ සො පච්චෙකසම්බුද්ධො “න පුත්තම්ච්ඡෙය්‍යා, කුතො සහාය”න්ති වත්වා අත්තනො යථාවුත්තෙනට්ඨෙත එකවරියාය ගුණං දිස්වා පමුදිතො පිතිසොමනස්සජාතො ඉමං උදානං උදානෙසි (සු. නි. අට්ඨ. 1.35).

තත්ථ තසානි විපාසකිරියා. ථාවරානි බිණාසවා. භයහෙරවානි බුද්දානුබුද්දකා චිත්තත්‍රාසා. නිධායානි ඡඩ්ඛෙත්වා. නිදහිත්වානි යපෙත්වා. ඔරොපයිත්වානි අධොකරිත්වා. සමොරොපයිත්වානි අධොගතං විස්සජ්ජෙත්වා. නික්ඛිපිත්වානි තතො අපනෙත්වා. පට්ඨපස්සම්හිත්වානි සන්තිසීදාපෙත්වා.

ආලපනන්ති ආදිතො ලපනං. සල්ලපනන්ති සම්මා ලපනං. උල්ලපනන්ති උද්ධං කත්වා ලපනං. සමුල්ලපනන්ති පුනස්පුනං උද්ධං කත්වා ලපනං.

ඉරියාපථවරියානි ඉරියාපථානං වරියා, පවත්තනන්ති අත්ථො. සෙසෙසුපි එසෙව නයො. ආයතනවරියා පන ආයතනෙසු සතිසම්පජ්ඣානං වරියා. පත්තීති ඵලානි. තානි හි පාපුණ්ණියන්තීති “පත්තී”ති වුත්තානි. සත්තලොකස්ස දිට්ඨධම්මිකසම්පරායිකා අත්ථා ලොකත්ථානි අයං විසෙසො.

ඉදානි තාසං වරියානං භූමිං දස්සෙන්නො “චතුසු ඉරියාපථෙසු”තිආදිමාහ. සතිපට්ඨානෙසුති ආරම්මණසතිපට්ඨානෙසුපි වුවචමානෙසු සතිතො අනඤ්ඤානි, වොහාරවසෙන පන අඤ්ඤානි විය කත්වා වුත්තං. අරියසච්චෙසුති පුබ්බභාගෙ ලොකියසච්චඤාණෙන විසුං විසුං සච්චපරිග්ගහවසෙන වුත්තං. අරියමග්ගෙසු සාමඤ්ඤඵලෙසුති ච වොහාරවසෙනෙව වුත්තං. පදෙසතොති ලොකත්ථවරියාය එකදෙසෙ. නිජ්ජදෙසතො හි ලොකත්ථවරියං බුද්ධා එව කරොන්ති. පුන තා එව වරියායො කාරකපුග්ගලවසෙන දස්සෙන්නො “පණ්ඩිසම්පන්නාන”න්තිආදිමාහ. තත්ථ පණ්ඩිසම්පන්නා නාම ඉරියාපථානං සන්තත්තා ඉරියාපථාච ධීතියා සම්පන්නා අකම්පිතඉරියාපථා හික්ඛුභාවානුරූපෙන සන්තෙන ඉරියාපථෙන සම්පන්නා.

ඉන්ද්‍රියෙසු ගුත්තද්වාරානන්ති චක්ඛාදීසු ඡසු ඉන්ද්‍රියෙසු අත්තනො අත්තනො විසයෙ පවත්තං එකෙකද්වාරවසෙන ගුත්තං ද්වාරං එතෙසන්ති ගුත්තද්වාරා, තෙසං ගුත්තද්වාරානං. ද්වාරන්ති චෙත්ථ උජ්ජත්තිද්වාරවසෙන චක්ඛාදයො එව. අජ්ජමාදවිහාරීනන්ති සීලාදීසු අජ්ජමාදවිහාරවතං. අධිචිත්තමනුයුත්තානන්ති විපස්සනාය පාදකභාවෙන අධිචිත්තසඬ්ඛාතං සමාධිං අනුයුත්තානං. බුද්ධිසම්පන්නානන්ති නාමරූපවචත්ථානං ආදිං කත්වා යාව ගොත්‍රභූ, තාව පවත්තෙන ඤාණෙන සම්පන්නානං. සම්මා පටිපන්නානන්ති චතුමග්ගක්ඛණෙ. අධිගතඵලානන්ති චතුඵලක්ඛණෙ. තථාගතානන්ති තථා ආගතානං. අරහත්තානන්ති දුරකිලෙසානං. සම්මාසම්බුද්ධානන්ති සම්මා සාමඤ්ඤ සබ්බධම්මබුද්ධානං. ඉමෙසං පදානං අත්ථො හෙට්ඨා පකාසිතො එව.

පදෙසතො පච්චෙකබුද්ධානන්ති පච්චෙකසම්බුද්ධානං එකදෙසතො. සාවකානන්ති සාවකානම්පි එකදෙසතො. අධිමුච්චන්තොති අධිමොක්ඛං කරොන්තො. සද්ධාය වරතීති සද්ධාවසෙන පවත්තති. පග්ගණන්තොති චතුසම්මජ්ජධානවීරියෙන පදහන්තො. උපට්ඨපෙන්නොති සතියා ආරම්මණං උපට්ඨපෙන්නො. අවික්ඛෙපං කරොන්තොති සමාධිවසෙන

වික්ඛෙපං අකරොත්තො. පජානන්තොති චතුසච්චජානනපඤ්ඤාය පකාරෙන ජානන්තො. විජානන්තොති ඉන්ද්‍රියසම්පයුත්තජවනපුබ්බඨගමෙන ආවජ්ජනවිඤ්ඤාණෙන ආරම්මණං විජානන්තො. විඤ්ඤාණවරියායාති ආවජ්ජනවිඤ්ඤාණවරියාවසෙන. එවං පටිපත්තස්සාති සභාවජ්ජනාය ඉන්ද්‍රියවරියාය පටිපත්තස්ස. කුසලා ධම්මා ආයාපෙන්නීති සමථවිපස්සනාවසෙන පවත්තා කුසලා ධම්මා භුසං යාපෙන්නි, පවත්තන්නීති අත්ථො. ආයතනවරියායාති කුසලානං ධම්මානං භුසං යතනවරියාය, පවත්තනවරියායාති චුත්තං හොති. විසෙසමධිගච්ඡතීති වික්ඛම්භනතදභිගසමුච්ඡෙදපටිපස්සද්ධිවසෙන විසෙසං අධිගච්ඡති.

දස්සනවරියා ව සම්මාදිට්ඨියාතිආදීසු සම්මා පස්සති, සම්මා වා තාය පස්සන්ති, පසට්ඨා සුන්දරා වා දිට්ඨිති සම්මාදිට්ඨී, තස්සා සම්මාදිට්ඨියා නිබ්බානපච්චක්ඛකරණෙන දස්සනවරියා. සම්මා සඬකප්පෙති, සම්මා වා තෙන සඬකප්පෙන්නි, පසට්ඨො සුන්දරො වා සඬකප්පොති සම්මාසඬකප්පො. තස්ස ආරම්මණෙ විත්තස්ස අභිනිරොපනවරියා. සම්මා වදති, සම්මා වා තාය වදන්ති, පසට්ඨා සුන්දරා වා වාචාති සම්මාවාචා, මිච්ඡාවාචාවිරතියා එතං නාමං. තස්සා චතුබ්බිධවච්ඡංචරපරිග්ගහවරියා. සම්මා කරොති, සම්මා වා තෙන කරොන්නි, පසට්ඨං සුන්දරං වා කම්මන්ති සම්මාකම්මං, සම්මාකම්මමෙව සම්මාකම්මන්තො, මිච්ඡාකම්මන්තවිරතියා එතං නාමං. තස්ස තිව්ධකායසංචරසමුට්ඨානවරියා. සම්මා ආජීවති, සම්මා වා තෙන ආජීවන්ති, පසට්ඨො සුන්දරො වා ආජීවොති සම්මාආජීවො, මිච්ඡාආජීවවිරතියා එතං නාමං. තස්ස වොදානවරියා පරිසුද්ධවරියා. සම්මා වායමති, සම්මා වා තෙන වායමන්ති, පසට්ඨො සුන්දරො වා වායාමොති සම්මාවායාමො, තස්ස පග්ගහවරියා. සම්මා සරති, සම්මා වා තාය සරන්ති, පසට්ඨා සුන්දරා වා සතීති සම්මාසතී, තස්සා උපට්ඨානවරියා. සම්මා සමාධියති, සම්මා වා තෙන සමාධියන්ති, පසට්ඨො සුන්දරො වා සමාධීති සම්මාසමාධි, තස්ස අවික්ඛෙපවරියා.

තක්කප්පොති තෙන කප්පො, එවරුපොති අත්ථො. තස්සදිසොති තෙන සදිසො, “තස්සදිකො”ති වා පායො. තප්පට්ඨාගොති තෙන පට්ඨාගො තප්පට්ඨාගො, එදිසොති අත්ථො. සාදුරසං අතික්කන්තං ලොණං අතිලොණං. ලොණකප්පොති ලොණසදිසොති වුව්චති. අතිතිත්තකන්ති අතික්කන්තතිත්තකං, පුට්ඨන්දාදිකප්පො තිත්තකසදිසොති වුව්චති. අතිමධුරන්ති බීරපායාසාදිකං. හිමකප්පොති හිමොදකසදිසො. සත්ථුකප්පොති සත්ථුනා බුද්ධෙන සදිසො. එවමෙවාති ඔපම්මසම්පටිපාදනං.

තත්‍රායං එතස්ස පච්චෙකබුද්ධස්ස සඬබ්බෙපෙන විපස්සනාආවික්ඛනවිධිං දස්සෙත්වා ගමිස්සාම. තත්ථ නාමරූපපරිග්ගහං කාතුකාමො

පච්චෙකබොධිසත්තො රූපාරූපඅට්ඨසමාපත්තීසු යං කිඤ්චි ඤානං සමාපජ්ජිත්වා චූට්ඨාය විතක්කාදීනි ඤානභිගානි ච තංසම්පයුත්තෙ ච එස්සාදයො ධම්මෙ ලක්ඛණරසපච්චුපට්ඨානපදට්ඨානවසෙන පරිච්ඡින්නිත්වා “සබ්බම්පෙතං ආරම්මණාහිමුඛං නමනතො නමනට්ඨෙන නාම”න්ති වචන්ථපෙති. තතො තස්ස පච්චයං පරියෙසන්තො “භද්දයවත්ථුං නිස්සාය පවත්තති”ති පස්සති. පුන වත්ථුස්ස පච්චයභූතානි ච උපාදාරූපානි ච පස්සිත්වා “ඉදං සබ්බං රූප්පනතො රූප”න්ති පරිග්ගණ්හාති. පුන තදුභයං “නමනලක්ඛණං නාමං, රූප්පනලක්ඛණං රූප”න්ති එවං සභිබ්බෙපතො නාමරූපං වචන්ථපෙති. සමට්ඨානිකවසෙනෙතං චූත්තං. විපස්සනායානිකො පන චතුර්ධාතුවචන්ථානමුඛෙන භූතූපාදායරූපානි පරිච්ඡින්නිත්වා “සබ්බම්පෙතං රූප්පනතො රූප”න්ති පස්සති. තතො එවං පරිච්ඡින්නරූපස්ස චක්ඛාදීනි නිස්සාය පවත්තමානා අරූපධම්මා ආපාට්මාගච්ඡන්ති. තතො සබ්බෙපි තෙ අරූපධම්මෙ නමනලක්ඛණෙන එකතො කත්වා “ඉදං නාම”න්ති පස්සති, සො “ඉදං නාමං, ඉදං රූප”න්ති ද්වෙධා වචන්ථපෙති. එවං වචන්ථපෙත්වා “නාමරූපතො උද්ධං අඤ්ඤො සත්තො වා පුග්ගලො වා දෙවො වා බ්‍රහ්මා වා නත්ථි”ති පස්සති.

යථා හි අභිගසම්භාරා, හොති සද්දො රථො ඉති;

එවං බන්ධෙසු සන්තෙසු, හොති “සත්තො”ති සම්මුති. (සං. නි. 1.171; මි. ප. 2.1.1; කථා. 233);

එවමෙව පඤ්චසු උපාදානක්ඛන්ධෙසු සන්තෙසු “සත්තො පුග්ගලො”ති වොහාරමත්තං හොතීති එවමාදිනා නයෙන නාමරූපානං යාථාවදස්සනසභිබ්බාතෙන දිට්ඨිවිසුද්ධිභූතෙන ඤාණෙන නාමරූපං පරිග්ගහෙත්වා පුන තස්ස පච්චයම්පි පරිග්ගණ්හන්තො චූත්තනයෙන නාමරූපං පරිග්ගහෙත්වා “කො නු බො ඉමස්ස හෙතු”ති පරියෙසන්තො අහෙතුවාදවිසමහෙතුවාදෙසු දොසං දිස්වා රොගං දිස්වා තස්ස නිදානං සමුට්ඨානම්පි පරියෙසන්තො වෙජ්ජො විය තස්ස හෙතුඤ්ච පච්චයඤ්ච පරියෙසන්තො අවිජ්ජා තණ්හා උපාදානං කම්මන්ති ඉමෙ චත්තාරො ධම්මෙ නාමරූපස්ස උප්පාදපච්චයත්තා “හෙතු”ති. ආහාරං උපත්ථම්භනපච්චයත්තා “පච්චයො”ති ච පස්සති. ඉමස්ස හි කායස්ස අවිජ්ජාදයො තයො ධම්මා මාතා විය දාරකස්ස උපනිස්සයා හොත්ති, කම්මං පිතා විය පුත්තස්ස ජනකං, ආහාරො ධාති විය දාරකස්ස සන්ධාරකොති. එවං රූපකායස්ස පච්චයපරිග්ගහං කත්වා පුන “චක්ඛුඤ්ච පටිච්ච රූපෙ ච උප්පජ්ජති චක්ඛුච්ඤ්ඤාණ”න්තිආදිනා (සං. නි. 4.60; කථා. 465) නයෙන නාමකායස්සපි පච්චයං පරිග්ගණ්හාති, එවං පරිග්ගණ්හන්තො “අතීතානාගතාපි ධම්මා එවමෙව චත්තන්ති”ති සන්නිට්ඨානං කරොති.



තස්ස යා සා පුබ්බන්තං ආරබ්භ “අහොසිං නු ඛො අහං අතීතමද්ධානං, න නු ඛො අහොසිං, කිං නු ඛො, කථං නු ඛො, කිං හුත්වා කිං අහොසිං නු ඛො අහං අතීතමද්ධාන”න්ති පඤ්චවිධා විචිකිච්ඡා වුත්තා.

යාපි අපරන්තං ආරබ්භ “භවිස්සාමි නු ඛො අහං අනාගතමද්ධානං, න නු ඛො භවිස්සාමි, කිං නු ඛො භවිස්සාමි, කථං නු ඛො භවිස්සාමි, කිං හුත්වා කිං භවිස්සාමි නු ඛො අහං අනාගතමද්ධාන”න්ති (ම. නි. 1.18; සං. නි. 2.20) පඤ්චවිධා විචිකිච්ඡා වුත්තා.

යාපි එතරහි වා පන පච්චුප්පන්තං අද්ධානං ආරබ්භ කථංකථී හොති “අහං නු ඛොස්මි, නො නු ඛොස්මි, කිං නු ඛොස්මි, කථං නු ඛොස්මි, අයං නු ඛො සත්තො කුතො ආගතො, සො කුහිං ගාමී භවිස්සති”ති (ම. නි. 1.18; සං. නි. 2.20) ඡබ්බිධා විචිකිච්ඡා වුත්තා, සා සබ්බාපි පහියාති. එවං පච්චයපරිග්ගහණෙන තීසු අද්ධාසු කඬ්ඛං විතරිත්වා යීතං ඤාණං “කඬ්ඛාවිතරණවිසුද්ධි”තිපි “ධම්මට්ඨිතිඤාණ”න්තිපි “යථාභූතඤාණ”න්තිපි “සම්මාදස්සන”න්තිපි වුච්චති.

එත්ථ පන තිස්සො හි ලොකියපරිඤ්ඤා ඤාතපරිඤ්ඤා තීරණපරිඤ්ඤා පහානපරිඤ්ඤාති. තත්ථ “රූපෙනලක්ඛණං රූපං, වෙදයිතලක්ඛණං වෙදනා”ති එවං තෙසං තෙසං ධම්මානං පච්චත්තලක්ඛණසල්ලක්ඛණවසෙන පවත්තා පඤ්ඤා ඤාතපරිඤ්ඤා නාම. “රූපං අනිච්චං, වෙදනා අනිච්චා”තිආදිනා පන නයෙන තෙසංයෙව ධම්මානං සාමඤ්ඤලක්ඛණං ආරොපෙත්වා පවත්තා ලක්ඛණාරම්මණිකවිපස්සනාපඤ්ඤා තීරණපරිඤ්ඤා නාම. තෙසු එව පන ධම්මෙසු නිව්චසඤ්ඤාදිපජ්ඣනවසෙන පවත්තා ලක්ඛණාරම්මණිකවිපස්සනාව පඤ්ඤා පහානපරිඤ්ඤා නාම.

තත්ථ සඬ්ඛාරපරිච්ඡෙදතො පටිඨාය යාව පච්චයපරිග්ගහා ඤාතපරිඤ්ඤාය භූමි. එතස්මිඤ්ච අන්තරෙ ධම්මානං පච්චත්තලක්ඛණපටිවෙධස්සෙව ආධිපච්චං හොති. කලාපසම්මසනතො පටිඨාය යාව උදයබ්බයානුපස්සනා තීරණපරිඤ්ඤාය භූමි. එතස්මිඤ්ච අන්තරෙ සාමඤ්ඤලක්ඛණපටිවෙධස්සෙව ආධිපච්චං හොති. භඩ්ගානුපස්සනතො පටිඨාය උපරි පහානපරිඤ්ඤාය භූමි. තතො ව පටිඨාය හි අනිච්චතො අනුපස්සන්තො නිව්චසඤ්ඤා පජ්ඣති, දුක්ඛතො අනුපස්සන්තො සුඛසඤ්ඤං, අනත්තතො අනුපස්සන්තො අත්තසඤ්ඤං, නිබ්බන්දන්තො නන්දිං, විරජ්ජන්තො රාගං, නිරොධෙන්තො සමුදයං, පටිනිස්සජ්ජන්තො ආදානං පජ්ඣති එවං නිව්චසඤ්ඤාදිපහානසාධිකානං සත්තන්තං අනුපස්සනානං ආධිපච්චං. ඉති ඉමාසු තීසු පරිඤ්ඤාසු සඬ්ඛාරපරිච්ඡෙදස්ස වෙව පච්චයපරිග්ගහස්ස ව සාධිතත්තා ඉමිනා යොගිනා ඤාතපරිඤ්ඤාව අධිගතා.

පුත “යං කිඤ්චි රූපං අතීතානාගතපච්චුප්පන්නං අජ්ඣත්තං වා බහිද්ධා වා...පෙ.... යං දුරෙ සන්තිකෙ වා, සබ්බං රූපං භුත්වා අභාවතො අනිච්චං, උදයබ්බයපටිපිළිතත්තා දුක්ඛං, අවසවත්තිත්තා අනත්තා. යා කාචි වෙදනා... සඤ්ඤා... යෙ කෙචි සඬ්ඛාරා ... යං කිඤ්චි විඤ්ඤාණං අතීතානාගතපච්චුප්පන්නං අජ්ඣත්තං වා බහිද්ධා වා ඔළාරිකං වා සුබ්බමං වා හීනං වා පණීතං වා යං දුරෙ සන්තිකෙ වා, සබ්බං විඤ්ඤාණං භුත්වා අභාවතො අනිච්චං, උදයබ්බයපටිපිළිතත්තා දුක්ඛං, අවසවත්තිත්තා අනත්තා”ති එවමාදිනා (සං. නි. 3.48; පටි. ම. 1.48) නයෙන කලාපසම්මසනං කරොති. ඉදං සන්ධාය වුත්තං “තිලක්ඛණං ආරොපෙත්වා”ති.

එවං සඬ්ඛාරෙ අනිච්චදුක්ඛානත්තවසෙන කලාපසම්මසනං කර්වා පුත සඬ්ඛාරානං උදයබ්බයමෙව පස්සති. කථං? “අවිජ්ජාසමුදයා රූපසමුදයො, තණ්හාකම්මආහාරසමුදයා රූපසමුදයො”ති (පටි. ම. 1.50). එවං රූපක්ඛන්ධස්ස පච්චයායත්තතාදස්සනෙන රූපක්ඛන්ධස්ස උදයං පස්සති, නිබ්බත්තිලක්ඛණං පස්සන්තොපි රූපක්ඛන්ධස්ස උදයං පස්සති. එවං පඤ්චභාකාරෙහි රූපක්ඛන්ධස්ස උදයං පස්සති. “අවිජ්ජානිරොධා රූපනිරොධො, තණ්හාකම්මආහාරනිරොධා රූපනිරොධො”ති (පටි. ම. 1.50) පච්චයනිරොධදස්සනෙන රූපක්ඛන්ධස්ස වයං පස්සති, විපරිණාමලක්ඛණං පස්සන්තොපි රූපක්ඛන්ධස්ස වයං පස්සති. එවං පඤ්චභාකාරෙහි රූපක්ඛන්ධස්ස වයං පස්සති.

තථා “අවිජ්ජාසමුදයා වෙදනාසමුදයො, තණ්හාකම්මචස්සසමුදයා වෙදනාසමුදයො”ති (පටි. ම. 1.50) පච්චයායත්තතාදස්සනෙන වෙදනාක්ඛන්ධස්ස උදයං පස්සති, නිබ්බත්තිලක්ඛණං පස්සන්තොපි වෙදනාක්ඛන්ධස්ස උදයං පස්සති. “අවිජ්ජානිරොධා වෙදනානිරොධො, තණ්හාකම්මචස්සනිරොධා වෙදනානිරොධො”ති (පටි. ම. 1.50) පච්චයනිරොධදස්සනෙන වෙදනාක්ඛන්ධස්ස වයං පස්සති, විපරිණාමලක්ඛණං පස්සන්තොපි වෙදනාක්ඛන්ධස්ස වයං පස්සති. එවං සඤ්ඤාක්ඛන්ධාදීසුපි.

අයං පන විසෙසො — විඤ්ඤාණක්ඛන්ධස්ස එස්සට්ඨානෙ “නාමරූපසමුදයා, නාමරූපනිරොධා”ති යොජෙතබ්බං. එවං එකෙකස්මිං ඛන්ධෙ පච්චයසමුදයවසෙන ච නිබ්බත්තිලක්ඛණවසෙන ච පච්චයනිරොධවසෙන ච විපරිණාමලක්ඛණවසෙන ච උදයබ්බයදස්සනෙන ච දස දස කර්වා පඤ්ඤාස ලක්ඛණානි වුත්තානි. තෙසං වසෙන “එවමිපි රූපස්ස උදයො, එවමිපි රූපස්ස වයො”ති පච්චයතො වෙව ඛණතො ච විත්ථාරෙන මනසිකාරං කරොති.

තස්සෙවං කරොතො “ඉති කිර ඉමෙ ධම්මා අහුත්වා සම්භොන්ති, හුත්වා පටිවෙන්නී”ති ඤාණං විසදං හොති. “එවං කිර ඉමෙ ධම්මා අනුප්පන්නා උප්පජ්ජන්ති, උප්පන්නා නිරුජ්ඣන්ති”ති නිව්චනවා හුත්වා සඬබ්බාරා උපට්ඨහන්ති. න කෙවලඤ්ච නිව්චනවා, සූරියුග්ගමනෙ උස්සාවබ්බන්දු විය උදකබුබ්බුළො විය උදකෙ දණ්ඩරාජී විය ආරග්ගෙ සාසපො විය විජ්ජුප්පාදො විය ච පරිත්තට්ඨායිනො, මායාමරිවිසුපිනාලාතවක්කගන්ධබ්බනගරචේණකදලිආදයො විය අසාරා නිස්සාරා විය හුත්වා උපට්ඨහන්ති. එත්තාවතා ච පන අනෙත “වයධම්මමෙව උප්පජ්ජති, උප්පන්නඤ්ච වයං උපෙති”ති ඉමිනා ආකාරෙන සම්මසන්තස්ස ඤාය ලක්ඛණානි පටිවිජ්ඣන්ති යිතං උදයබ්බයානුපස්සනං නාම පට්ඨං තරුණවිපස්සනාඤාණං අධිගතං හොති. යස්සාධිගමා “ආරද්ධවිපස්සකො”ති සඬබ්බං ගච්ඡති.

අට්ඨස්ස ආරද්ධවිපස්සකස්ස කුලපුත්තස්ස ඔහායො ඤාණං පීති පස්සද්ධි සුඛං අධිමොක්ඛො පග්ගහො උපට්ඨානං උපෙක්ඛා නිකන්තීති දස විපස්සනුපක්කිලෙසා උප්පජ්ජන්ති. එත්ථ ඔහායො නාම විපස්සනක්ඛණෙ ඤාණස්ස බලවත්තා ලොභිතං සන්තිසිද්ධි, තෙන ච විත්තොභායො නිබ්බන්තති. තං දිස්වා අකුසලො යොගී “මග්ගො මෙ පත්තො”ති තමෙව ඔහාසං අස්සාදෙති. ඤාණමපි විපස්සනාඤාණමෙව. තං සඬබ්බාරෙ සම්මසන්තස්ස සුද්ධං පසන්නං හුත්වා පවත්ති. තං දිස්වා පුබ්බෙ විය “මග්ගො”ති අස්සාදෙති. පීතිපි විපස්සනාපීති එව. තස්ස හි තස්මිං බණෙ පඤ්චවිධා පීති උප්පජ්ජති. පස්සද්ධිති විපස්සනාපස්සද්ධි. තස්මිං සමයෙ නෙව කායචිත්තානං දරථො, න ගාරථං, න කක්ඛලතා, න අකම්මඤ්ඤතා, න ගෙලඤ්ඤතා, න වඬිකතා හොති. සුඛමපි විපස්සනාසුඛමෙව. තස්ස කිර තස්මිං සමයෙ සකලසරීරං අභිසන්දයමානං අතිපණ්ණිතං සුඛං උප්පජ්ජති.

අධිමොක්ඛො නාම විපස්සනක්ඛණෙ පවත්තා සද්ධා. තස්මිඤ්ච බණෙ විත්තචෙතසිකානං අතිවිය පසාදභූතා බලවතී සද්ධා උප්පජ්ජති. පග්ගහො නාම විපස්සනාසම්පයුත්තං වීරියං. තස්මිඤ්ච බණෙ අසිලිං අනච්චාරද්ධං සුපග්ගහිතං වීරියං උප්පජ්ජති. උපට්ඨානන්ති විපස්සනාසම්පයුත්තා සති. තස්මිඤ්ච බණෙ සුපට්ඨිතා සති උප්පජ්ජති. උපෙක්ඛා දුට්ඨා විපස්සනාවජ්ජනවසෙන. තස්මිඤ්ච බණෙ සබ්බසඬබ්බාරගහණෙ මජ්ඣන්තභූතං විපස්සනුපෙක්ඛාසඬබ්බානං ඤාණං බලවත්තං හුත්වා උප්පජ්ජති මනොද්චාරාවජ්ජනුපෙක්ඛා ච. සා ච තං තං යානං ආවජ්ජන්තස්ස සුරා තිබ්ණා හුත්වා වහති. නිකන්තීති විපස්සනානිකන්ති. ඔහාසාදීසු හි ආලයං කුරුමානා සුබ්බමා සන්තාකාරා නිකන්ති උප්පජ්ජති. එත්ථ ඔහාසාදයො කිලෙසවත්ථුතාය “උපක්කිලෙසා”ති චුත්තා න අකුසලත්තා. නිකන්ති පන උපක්කිලෙසො චෙව කිලෙසවත්ථු ච.

පණ්ඩිතො පන භික්ඛු ඔහාසාදීසු උප්පන්නෙසු වික්ඛෙපං අගච්ඡන්තො “ඔහාසාදයො ධම්මා න මග්ගො, උපක්කිලෙසවිමුත්තං පන වීරීපට්ඨන්තං විපස්සනාඤාණං මග්ගො”ති මග්ගඤ්ච අමග්ගඤ්ච වචන්ථපෙනි. තස්සෙවං “අයං මග්ගො, අයං න මග්ගො”ති ඤත්වා යීතං ඤාණං මග්ගාමග්ගඤාණදස්සනවිසුද්ධිති වුච්චති. ඉතො පට්ඨාය අට්ඨන්තං විපස්සනාඤාණානං වසෙන සිබාපත්තවිපස්සනාඤාණං නවමඤ්ච සච්චානුලොමිකං ඤාණන්ති අයං පටිපදාඤාණදස්සනවිසුද්ධි නාම හොති. උදයබ්බයානුපස්සනාඤාණං භඩ්ගානුපස්සනාඤාණං භයතුපට්ඨානාඤාණං ආදීනවානුපස්සනාඤාණං නිබ්බිදානුපස්සනාඤාණං මුඤ්චිතුකමානාඤාණං පටිසම්බානුපස්සනාඤාණං සම්බාරුපෙක්ඛාඤාණන්ති ඉමානි අට්ඨ ඤාණානි නාම. නවමං සච්චානුලොමිකං ඤාණන්ති අනුලොමස්සෙතං නාමං.

තස්මා තං සම්පාදෙතුකාමෙන උපක්කිලෙසවිමුත්තං උදයබ්බයාඤාණං ආදිංකත්වා එතෙසු ඤාණෙසු යොගො කරණීයො. උදයබ්බයං පස්සන්තස්ස භි අනිච්චලක්ඛණං යථාභූතං උපට්ඨාති, උදයබ්බයපටිපිළනං පස්සතො දුක්ඛලක්ඛණඤ්ච, “දුක්ඛමෙව භි සම්භොති, දුක්ඛං තිට්ඨති වෙනි වා”ති (සං. නි. 1.171; කථා. 233) පස්සතො අනත්තලක්ඛණඤ්ච.

එත්ථ ච අනිච්චං අනිච්චලක්ඛණං දුක්ඛං දුක්ඛලක්ඛණං අනත්තා අනත්තලක්ඛණන්ති අයං විභාගො වෙදිතබ්බො. තත්ථ අනිච්චන්ති ඛන්ධපඤ්චකං. කස්මා? උප්පාදවයඤ්ඤථත්තභාවා, භුත්වා අභාවතො වා. අඤ්ඤථත්තං නාම ජරා. උප්පාදවයඤ්ඤථත්තං අනිච්චලක්ඛණං, භුත්වා අභාවසම්බාතො වා ආකාරවිකාරො. “යදනිච්චං, තං දුක්ඛං”න්ති වචනතො තදෙව ඛන්ධපඤ්චකං දුක්ඛං. කස්මා? අභිණ්භං පටිපිළනතො. අභිණ්භං පටිපිළනාකාරො දුක්ඛලක්ඛණං. “යං දුක්ඛං, තදනත්තා”ති (සං. නි. 3.15-16) වචනතො තදෙව ඛන්ධපඤ්චකං අනත්තා. කස්මා? අවසචත්තනතො. අවසචත්තනාකාරො අනත්තලක්ඛණං. ඉමානි තීණිපි ලක්ඛණානි උදයබ්බයං පස්සන්තස්සෙව ආරම්මණානි හොන්ති.

පුනපි සො රූපාරූපධම්මෙ “එවං අනිච්චා”තිආදිනා විපස්සති, තස්ස සම්බාරා ලහුං ලහුං ආපාථං ආගච්ඡන්ති, තතො උප්පාදං වා යීතිං වා පචත්තං වා නිමිත්තං වා ආරම්මණං අකත්වා තෙසං බයවයනිරොධෙ එව සති සන්තිට්ඨති, ඉදං භඩ්ගඤාණං නාම. ඉමස්ස උප්පාදතො පට්ඨාය අයං යොගී “යථා ඉමෙ සම්බාරා භිජ්ජන්ති නිරුජ්ඣන්ති, එවං අතීතෙපි සම්බාරගතං භිජ්ජී, අනාගතෙපි භිජ්ජස්සතී”ති නිරොධමෙව පස්සන්තො තිට්ඨති. තස්ස භඩ්ගානුපස්සනාඤාණං ආසෙවන්තස්ස බහුලීකරොත්තස්ස සබ්බභවයොනි ගතිට්ඨති සත්තාවාසෙසු පහෙදකා සම්බාරා ජලිතඅඩ්ගාරකාසුආදයො විය මහාභයං භුත්වා උපට්ඨහන්ති. එතං භයතුපට්ඨානාඤාණං නාම.



තස්ස තං භයතුපට්ඨානඤ්ඤාණං ආසෙවත්තස්ස සබ්බෙ භවාදයො ආදිත්තඅභිගාරං විය සමුස්සිතබග්ගො විය පච්චත්ථිකො අප්පට්ඨරණා සාදිනවා හුත්වා උපට්ඨන්ති. ඉදං ආදිනවානුපස්සනාඤ්ඤාණං නාම. තස්ස එවං සඬබ්බායෙ ආදිනවතො පස්සන්තස්ස භවාදිසුපි සඬබ්බාරාතං ආදිනවත්තා සඬබ්බායෙසු උක්කණ්ඨනා අනභිරති උප්පජ්ජති, ඉදං නිබ්බිදානුපස්සනාඤ්ඤාණං නාම.

සබ්බසඬබ්බායෙසු නිබ්බිදන්තස්ස උක්කණ්ඨන්තස්ස තස්මා සඬබ්බාරගතා මුඤ්චිතුකාමතා නිස්සරිතුකාමතා හොති. ඉදං මුඤ්චිතුකමානාඤ්ඤාණං නාම. පුන තස්මා සඬබ්බාරගතා මුඤ්චිතුං පන තෙ එව සඬබ්බායෙ පටිසඬබ්බානුපස්සනාඤ්ඤාණෙන තිලක්ඛණං ආරොපෙත්වා තීරණං පටිසඬබ්බානුපස්සනාඤ්ඤාණං නාම.

සො එවං තිලක්ඛණං ආරොපෙත්වා සඬබ්බායෙ පරිග්ගණ්හන්තො තෙසු අනත්තලක්ඛණස්ස සුදිට්ඨන්තා “අත්තා”ති වා “අත්තනිය”න්ති වා අගණ්හන්තො සඬබ්බායෙසු භයඤ්ච නන්දිඤ්ච පභාය සඬබ්බායෙසු උදාසීනො හොති මජ්ඣන්තො, “අහ”න්ති වා “මම”න්ති වා න ගණ්හාති, තිසු භවෙසු උපෙක්ඛකො, ඉදං සඬබ්බාරුපෙක්ඛාඤ්ඤාණං නාම.

තං පනෙස වෙ සන්තිපදං නිබ්බානං සන්තො පස්සති, සබ්බසඬබ්බාරපචත්තං විස්සජ්ජෙත්වා නිබ්බානනින්තං පක්ඛන්දං හොති. නො වෙ නිබ්බානං සන්තො පස්සති, පුනස්පුනං “අනිච්ච”න්ති වා “දුක්ඛ”න්ති වා “අනත්තා”ති වා තිව්ධානුපස්සනාවසෙන සඬබ්බාරාමමණමෙව හුත්වා පචත්තති. එවං තිට්ඨමානඤ්ච එතං තිව්ධවිමොක්ඛමුඛභාවං ආපජ්ජිත්වා තිට්ඨති. තිස්සො හි අනුපස්සනා “තිණ්ඤි විමොක්ඛමුඛානී”ති වුව්චන්ති. එවං අනිච්චතො මනසිකරොන්තො අධිමොක්ඛබ්බුලො අනිමිත්තං විමොක්ඛං පටිලහති, දුක්ඛතො මනසිකරොන්තො පස්සද්ධිබ්බුලො අප්පණ්ණිතං විමොක්ඛං පටිලහති, අනත්තතො මනසිකරොන්තො වෙදබ්බුලො සුඤ්ඤතං විමොක්ඛං පටිලහති.

එත්ථ ච අනිමිත්තො විමොක්ඛොති අනිමිත්තාකාරෙන නිබ්බානං ආරම්මණං කත්වා පචත්තො අරියමග්ගො. සො හි අනිමිත්තාය ධාතුයා උප්පන්නත්තා අනිමිත්තො, කිලෙසෙහි ච විමුත්තත්තා විමොක්ඛො. එතෙනෙව නයෙන අප්පණ්ණිතාකාරෙන නිබ්බානං ආරම්මණං කත්වා පචත්තො අප්පණ්ණිතො, සුඤ්ඤතාකාරෙන නිබ්බානං ආරම්මණං කත්වා පචත්තො සුඤ්ඤතොති වෙදිතබ්බො.

එවං අධිගතසඬබ්බාරුපෙක්ඛස්ස කුලපුත්තස්ස විපස්සනා සිබ්බපත්තා හොති. වුට්ඨානගාමිනිවිපස්සනාති එතදෙව. අස්ස තං

සඬ්ඛාරූපෙක්ඛාඤාණං ආසෙවන්තස්ස තික්ඛතරා සඬ්ඛාරූපෙක්ඛා උප්පජ්ජති. තස්ස “ඉදානි මග්ගො උප්පජ්ජස්සති”ති සඬ්ඛාරෙ “අනිච්චා”ති වා “දුක්ඛා”ති වා “අනත්තා”ති වා සම්මසිත්වා භවඬ්ගං ඔතරති, භවඬ්ගානන්තරං සඬ්ඛාරූපෙක්ඛාය කථිතනයෙනෙව අනිච්චාදිආකාරොන මනසිකරිත්වා උප්පජ්ජති මනොද්චාරාවජ්ජනං, තථෙව මනසිකරොතො පයමං ජවනචිත්තං උප්පජ්ජති. යං පරිකම්මන්ති වුවචති, තදනන්තරං තදෙව දුතියජවනචිත්තං උප්පජ්ජති. යං උපචාරන්ති වුවචති, තදනන්තරම්පි තදෙව උප්පජ්ජති තතියං ජවනචිත්තං. යං අනුලොමන්ති වුවචති, ඉදං තෙසං පාටිච්ඤාං නාම.

අවිසෙසෙන පන තිවිධම්පෙතං “ආසෙවන”න්තිපි “පරිකම්ම”න්තිපි “උපචාර”න්තිපි “අනුලොම”න්තිපි වුවචති. ඉදං පන අනුලොමඤාණං සඬ්ඛාරාරම්මණාය වුට්ඨානගාමිනියා විපස්සනාය පරියොසානං හොති, නිප්පරියායෙන පන ගොත්‍රභුඤාණමෙව විපස්සනාය පරියොසානන්ති වුවචති. තතො පරං නිබ්බානං ආරම්මණං කුරුමානං පුපුජ්ජනගොත්තං අතික්කමමානං අරියගොත්තං ඔක්කමමානං නිබ්බානාරම්මණෙ පයමසමන්තාභාරභූතං අපුනරාවට්ඨකං ගොත්‍රභුඤාණං උප්පජ්ජති. ඉදං පන ඤාණං පටිපදාඤාණදස්සනවිසුද්ධිඤ්ච ඤාණදස්සනවිසුද්ධිඤ්ච න භජති. අන්තරා අබ්බොහාරිකමෙව හොති. විපස්සනාසොතෙ පතිතත්තා “පටිපදාඤාණදස්සනවිසුද්ධි”ති වා “විපස්සනා”ති වා සඬ්ඛං ගච්ඡති. නිබ්බානං ආරම්මණං කත්වා ගොත්‍රභුඤාණෙ නිරුද්ධෙ තෙන දින්නසඤ්ඤාය නිබ්බානං ආරම්මණං කත්වා දිට්ඨිසංයොජනං සීලබ්බතපරාමාසසංයොජනං විචිකිච්ඡාසංයොජනන්ති තිණි සංයොජනානි විද්ධංසෙන්නො සොතාපත්තිමග්ගො උප්පජ්ජති, තදනන්තරං තස්සෙව විපාකභූතානි ද්වෙ තිණි වා ඵලචිත්තානි උප්පජ්ජන්ති අනන්තරවිපාකත්තා ලොකුත්තරකුසලානං, ඵලපරියොසානෙ පනස්ස උප්පන්නභවඬ්ගං විච්ඡින්නදිත්වා පච්චවෙක්ඛණත්ථාය මනොද්චාරාවජ්ජනං උප්පජ්ජති. සො හි “ඉමිනා වතාහං මග්ගෙන ආගතො”ති මග්ගං පච්චවෙක්ඛති. තතො “මෙ අයං ආනිසංසො ලද්ධො”ති ඵලං පච්චවෙක්ඛති. තතො “ඉමෙ නාම කිලෙසා පහිනා”ති පහිනකිලෙසෙ පච්චවෙක්ඛති. තතො “ඉමෙ නාම කිලෙසා අවසිට්ඨා”ති උපරිමග්ගත්තයවජ්ඣකිලෙසෙ පච්චවෙක්ඛති. අවසානෙ ව “අයං ධම්මො මයා පටිවිද්ධො”ති අමතං නිබ්බානං පච්චවෙක්ඛති. ඉති සොතාපන්නස්ස අරියසාවකස්ස පඤ්ච පච්චවෙක්ඛණානි හොන්ති. තථා සකදාගාමිඅනාගාමිඵලාවසානෙ. අරහත්තඵලාවසානෙ අවසිට්ඨකිලෙසපච්චවෙක්ඛණං නාම නත්ථී. ඵවං සබ්බානිපි ඵකුනවිසතිපච්චවෙක්ඛණානි හොන්ති.

ඵවං පච්චවෙක්ඛිත්වා සො යොගාවචරො තස්මිංයෙව ආසනෙ නිසින්නො වුත්තනයෙන විපස්සිත්වා කාමරාගඛ්‍යාපාදානං තනුභාවං කරොන්නො දුතියමග්ගං පාපුණාති, තදනන්තරං වුත්තනයෙනෙව ඵලඤ්ච.

තතො චුත්තනායෙන විපස්සිත්වා කාමරාගඛ්‍යාපාදානං අනවසෙසජ්ජහානං කරොත්තො තතියමග්ගං පාපුණාති, චුත්තනායෙන ඵලඤ්ච. තතො තස්මිංයෙවාසනෙ චුත්තනායෙන විපස්සිත්වා රූපරාගාරූපරාගමානුද්ධව්වාච්ඡ්ජානං අනවසෙසජ්ජහානං කරොත්තො චතුත්ථමග්ගං පාපුණාති, චුත්තනායෙන ඵලඤ්ච. එත්තාවතා වෙස හොති අරහා මහාබ්බිකාසථො පච්චෙකඛුද්ධො. ඉති ඉමෙසු චතුසු මග්ගෙසු ඤාණං ඤාණදස්සනවිසුද්ධි නාම.

එත්තාවතා ‘සබ්බෙසු භූතෙසු නිධාය දණ්ඩං අවිහෙය්‍යං අඤ්ඤාතරම්පි තෙස’න්ති එතෙන පාතිමොක්ඛසංවරාදිසීලස්ස චුත්තත්තා සීලවිසුද්ධි. ‘න පුත්තම්ච්ඡෙය්‍යා කුතො සභාය’න්ති එතෙන පටිඝානුනයවිච්ඡ්ජනවසෙන මෙත්තාදීනං චුත්තත්තා විත්තවිසුද්ධි. ‘එකො වරෙ බග්ගවිසාණකප්පො’ති ඉමිනා පන නාමරූපපරිග්ගහාදීනං චුත්තත්තා දිට්ඨිවිසුද්ධි කඨඛාවිතරණවිසුද්ධි මග්ගාමග්ගඤාණදස්සනවිසුද්ධි පටිපදාඤාණදස්සනවිසුද්ධි ඤාණදස්සනවිසුද්ධිති සත්ත විසුද්ධියො චුත්තා හොත්ති. අයමෙත්ථ මුඛමත්තනිදස්සනං, විත්ථාරං පන ඉච්ඡන්තෙන විසුද්ධිමග්ගං (විසුද්ධි. 2.662, 678, 692, 737, 806 ආදයො) ඔලොකෙත්වා ගහෙතබ්බං. එත්තාවතා වෙසො පච්චෙකඛුද්ධො –

‘‘වාතුද්දිසො අප්පට්ඨො ව හොති, සන්තුස්සමානො ඉතරිතරෙන; පරිස්සයානං සහිතා අජම්භී, එකො වරෙ බග්ගවිසාණකප්පො’’ති. (සු. නි. 42; වූළනි. බග්ගවිසාණසුත්තනිද්දෙස 128) –

පසංසියාදිභාවං ආපජ්ජිත්වා ගන්ධමාදනපබ්බතං උපසොභයමානො විහාසිත්ති එවං සබ්බත්ථ.

පයමගාථානිද්දෙසවණ්ණනා.

**122.** දුතියෙ සංසග්ගජාතස්සාති ජාතසංසග්ගස්ස. තත්ථ දස්සනසවනකායසමුල්ලපනසම්භොගවසෙන පඤ්චවිධො සංසග්ගො. තත්ථ අඤ්ඤමඤ්ඤං දිස්වා චක්ඛුවිඤ්ඤාණවිච්ඡෙසන උප්පන්නරාගො දස්සනසංසග්ගො නාම. තත්ථ සිහළදීපෙ කාළදීඝවාපිගාමෙ පිණ්ඩාය වරන්තං කල්‍යාණවිහාරවාසිං දහරහික්ඛුං දිස්වා පටිබද්ධවිත්තා කෙනවි උපායෙන තං අලහිත්වා කාලකතා කුටුම්භියධිතා තස්සා නිවාසනවොළක්ඛණ්ඩං දිස්වා ‘‘එවරූපාය වත්ථධාරිනියා නාම සද්ධිං සංවාසං නාලත්ථ’’න්ති හදයං ථාලෙත්වා කාලකතො සො එව ච දහරො නිදස්සනං.

පරෙහි පන කට්ඨයමානං රූපාදිසම්පත්තිං අත්තනා වා හසිතලපිතගීතසද්දං සුත්වා සොතවිඤ්ඤාණවිච්ඡෙසන උප්පන්නො රාගො සවනසංසග්ගො නාම. තත්‍රාපි ගිරිගාමවාසිකම්මාරධිතාය පඤ්චහි කුමාරීහි

සද්ධිං පදුමස්සරං ගන්ත්වා න්භායිත්වා මාලං සීසෙ ආරොපෙත්වා උච්චාසද්දෙන ගායන්තියා ආකාසෙන ගච්ඡන්තො සද්දං සුත්වා කාමරාගෙන ක්කානා පරිභායිත්වා අනයබ්‍යසනං පත්තො පඤ්චග්ගලලෙණවාසී තිස්සදහරො නිදස්සනං.

අඤ්ඤමඤ්ඤං අභිගපරාමසනෙන උප්පන්නරාගො කායසංසග්ගො නාම. ධම්මගායනදහරහික්ඛු චෙත්ථ නිදස්සනං. මහාවිහාරෙ කිර දහරහික්ඛු ධම්මං භාසති, තත්ථ මහාජනෙ ආගතෙ රාජාපි අගමාසි සද්ධිං අන්තෙපුරෙන. තතො රාජධිකාය තස්ස රූපඤ්ච සද්දඤ්ච ආගමිම බලවරාගො උප්පන්නො තස්ස ච දහරස්සාපි. තං දිස්වා රාජා සල්ලක්ඛෙත්වා සාණිපාකාරෙන පරික්ඛිපාපෙසි, තෙ අඤ්ඤමඤ්ඤං පරාමසිත්වා ආලිඬගිසු. පුන සාණිපාකාරං අපනෙත්වා පස්සන්තා ද්වෙපි කාලකතෙයෙව අද්දසංසුති.

අඤ්ඤමඤ්ඤං ආලපනසමුල්ලපනෙ උප්පන්නරාගො පන සමුල්ලපනසංසග්ගො නාම. හික්ඛුහික්ඛුනීහි සද්ධිං පරිභොගකරණෙ උප්පන්නරාගො සම්භොගසංසග්ගො නාම. ද්විසුපි ච එතෙසු මරිචචට්ඨිවිහාරෙ හික්ඛු ච හික්ඛුනී ච නිදස්සනං. මරිචචට්ඨිමහාවිහාරමහෙ කිර දුට්ඨගාමණි අභයමහාරාජා මහාදානං පටියාදෙත්වා උභතොසඬ්ඨං පරිවිසති. තත්ථ උණ්හයාගුයා දින්නාය සඬ්ඨනවකසාමණෙරී අනාධාරකස්ස සත්තවස්සිකසඬ්ඨනවකසාමණෙරස්ස දන්තවලයං දත්වා සමුල්ලාපං අකාසී, තෙ උභොපි උපසම්පජ්ජිත්වා සට්ඨිවස්සා හුත්වා පරතීරං ගතා අඤ්ඤමඤ්ඤං සමුල්ලාපෙන පුබ්බසඤ්ඤං පටිලහිත්වා තාවදෙව ජාතසිනෙහා සික්ඛාපදානි වීතික්කමිත්වා පාරාජිකා අහෙසුන්ති.

එවං පඤ්චවිධෙ සංසග්ගෙ යෙන කෙනචි සංසග්ගෙන ජාතසංසග්ගස්ස භවන්ති ස්නෙහා, පුරිමරාගපච්චයා බලවරාගො උප්පජ්ජති. තතො ස්නෙහන්තයං දුක්ඛමීදං පහොති තමෙව ස්නෙහං අනුගච්ඡන්තං සන්දිට්ඨිකසම්පරායිකසොකපරිදෙවාදිනානප්පකාරකං දුක්ඛමීදං පහොති නිබ්බන්තති භවති ජායති. අපරෙ පන “ආරම්මණෙ චිත්තවොසග්ගො සංසග්ගො”ති භණන්ති. තතො ස්නෙහො ස්නෙහදුක්ඛන්ති.

එවමත්ථප්පහෙදං ඉමං අඬ්ඬගාථං වත්වා සො පච්චෙකබුද්ධො ආහ — “ස්වාහං යමිදං ස්නෙහන්තයං සොකාදිදුක්ඛං පහොති, තස්ස දුක්ඛස්ස මූලං ඛනන්තො පච්චෙකසම්බොධිං අධිගතො”ති. එවං චුත්තෙ තෙ අමච්චා ආහංසු — “අම්හෙහි දානි, හන්තෙ, කිං කත්තබ්බ”න්ති? තතො සො ආහ — “තුම්හෙ වා අඤ්ඤෙ වා යො ඉමම්හා දුක්ඛා මුච්චිතුකාමො, සො සබ්බොපි ආදීනවං ස්නෙහජං පෙක්ඛමානො, එකො වරෙ බග්ගවිසාණකප්පොති. එත්ථ ච යං තං “ස්නෙහන්තයං දුක්ඛමීදං පහොති”ති චුත්තං, තදෙව සන්ධාය “ආදීනවං ස්නෙහජං පෙක්ඛමානො”ති ඉදං චුත්තන්ති වෙදිතබ්බං.



අථ චා යථාචුත්තෙන සංසග්ගෙන සංසග්ගජාතස්ස භවන්ති ස්නෙහා, ස්නෙහන්වයං දුක්ඛමීදං පහොති, එවං යථාභූතං ආදීනවං ස්නෙහජං පෙක්ඛමානො අහං අධිගතොති එවමපි අභිසම්බන්ධිත්වා චතුත්ථපාදො පුබ්බෙ චුත්තනයෙනෙව උදානවසෙන චුත්තොති වෙදිතබ්බො. තතො පරං සබ්බං පුරිමගාථාය චුත්තසදිසමෙවාති (සු. නි. අට්ඨ. 1.36).

නිද්දෙසෙ අනුප්පාදෙතීති රූපස්මිං අනුබ්බාද්දජනං දිස්වා අල්ලියති. අනුබන්ධතීති රූපස්මිං ස්නෙහවසෙන බන්ධති. භවන්තීති හොන්ති. ජායන්තීති උප්පජ්ජන්ති. නිබ්බන්තන්තීති වත්තන්ති. පාතුභවන්තීති පාකටා හොන්ති. සම්භවන්ති සඤ්ජායන්ති අභිනිබ්බන්තන්තීති තිණි උපසග්ගෙන වඩ්ඪිතාති. ඉතො පරං අට්ඨකවග්ගෙ (මහානි. 1 ආදයො) චුත්තනයෙනෙව වෙදිතබ්බං.

දුතියගාථානිද්දෙසවණ්ණනා.

**123.** තතියෙ මෙත්තායනවසෙන මිත්තා. සුභද්දභාවෙන සුභජ්ජා. කෙච් භි ඵකන්තභිතකාමතාය මිත්තාව හොන්ති, න සුභජ්ජා. කෙච් ගමනාගමනට්ඨානනිසජ්ජාසමුල්ලාපාදීසු හදයසුඛජනනෙන සුභජ්ජාව හොන්ති, න මිත්තා. කෙච් තදුභයවසෙන සුභජ්ජා වෙව මිත්තා ව. තෙ දුච්ඛා හොන්ති අගාරියා ව අනගාරියා ව. තත්ථ අගාරියා තිච්ඛා හොන්ති උපකාරා සමානසුඛදුක්ඛා අනුකම්පකාති. අනගාරියා විසෙසෙන අත්ථක්ඛායිනො. එවං තෙ චතුභි චතුභි අඬිගෙහි සමන්තාගතා හොන්ති.

යථාහ —

“චතුභි බො, ගහපතිපුත්ත, යානෙහි උපකාරො මිත්තො සුභදො වෙදිතබ්බො. පමත්තං රක්ඛති, පමත්තස්ස සාපතෙය්‍යං රක්ඛති, භීතස්ස සරණං හොති, උප්පන්තෙසු කිච්චකරණියෙසු තද්දිගුණං හොගං අනුප්පදෙති (දී. නි. 3.261).

තථා —

“චතුභි බො, ගහපතිපුත්ත, යානෙහි සමානසුඛදුක්ඛො මිත්තො සුභදො වෙදිතබ්බො. ගුය්හමස්ස ආචික්ඛති, ගුය්හමස්ස පරිගුහති, ආපදාසු න විජහති, ජීවිතමපිස්ස අත්ථාය පරිච්චත්තං හොති (දී. නි. 3.262).

තථා —

“චතුභි බො, ගහපතිපුත්ත, යානෙහි අනුකම්පකො මිත්තො සුභදො වෙදිතබ්බො. අභවෙනස්ස න නන්දති, භවෙනස්ස නන්දති,

අවණ්ණං භණ්ණානං නිවාරෙති, වණ්ණං භණ්ණානං පසංසති (දී. නි. 3.264).

තථා –

“චතුහි බො, ගහපතිපුත්ත, යානෙහි අත්ථක්ඛායී මිත්තො සුභදො වෙදිතබ්බො. පාපා නිවාරෙති, කල්‍යාණෙ නිවෙසෙති, අස්සුතං සාවෙති, සග්ගස්ස මග්ගං ආවික්ඛති”ති (දී. නි. 3.263).

තෙසු ඉධ අගාරියා අධිජ්ජෙතො, අත්ථතො පන සබ්බෙපි යුජ්ජන්ති. තෙ මිත්තෙ සුභජ්ජෙ. අනුකම්පමානොති අනුදයමානො, තෙසං සුඛං උපසංහරිතුකාමො දුක්ඛං අපහරිතුකාමො.

භාෂෙති අත්ථන්ති දිට්ඨධම්මිකසම්පරායිකපරමත්ථවසෙන තිවිධං, තථා අත්තත්ථපරත්ථඋභයත්ථවසෙනාපි තිවිධං. අත්ථං ලද්ධවිනාසනෙන අලද්ධානුප්පාදනෙනාති ද්විධාපි භාෂෙති විනාසෙති. පටිබද්ධවිත්තොති “අහං ඉමං විනා න ජීවාමි, එසො මෙ ගති, එසො මෙ පරායණ”න්ති එවං අත්තානං නිවෙ යානෙ යජෙන්නොපි පටිබද්ධවිත්තො හොති. “ඉමෙ මං විනා න ජීවන්ති, අහං තෙසං ගති, අහං තෙසං පරායණ”න්ති එවං අත්තානං උච්චෙ යානෙ යජෙන්නොපි පටිබද්ධවිත්තො හොති. ඉධ පන එවං පටිබද්ධවිත්තො අධිජ්ජෙතො.

එතං භයන්ති එතං අත්ථභාෂනභයං, අත්තතො සමාපත්තිභානිං සන්ධාය භණ්ති. සන්ථවෙති තිවිධො සන්ථවො තණ්හාදිට්ඨිමිත්තසන්ථවවසෙන. තත්ථ අට්ඨසතජ්ජහෙදාපි තණ්හා තණ්හාසන්ථවො, ද්වාසට්ඨිජ්ජහෙදාපි දිට්ඨි දිට්ඨිසන්ථවො, පටිබද්ධවිත්තකාය මිත්තානුකම්පනා මිත්තසන්ථවො. සො ඉධ අධිජ්ජෙතො. තෙන හිස්ස සමාපත්ති පරිහිනා. තෙනාහ – “එතං භයං සන්ථවෙ පෙක්ඛමානො”ති. සෙසං පුබ්බසදිසමෙවාති වෙදිතබ්බං. නිද්දෙසෙ වත්තබ්බං නත්ථි (සු. නි. අට්ඨ. 1.37; අප. අට්ඨ. 1.1.93-94).

තනියගාථානිද්දෙසවණ්ණනා.

**124.** චතුත්ථෙ වංසොති වෙඨ. විසාලොති විත්ථිණ්ණො. ව-කාරො අවධාරණත්ථො, එවකාරො වා අයං. සන්ධිවසෙනෙත්ථ එ-කාරො නට්ඨො. තස්ස පරපදෙන සම්බන්ධො, තං පච්ඡා යොජෙස්සාම. යථාති පටිභාගෙ. විසත්තොති ලග්ගො ජට්තො සංසිඛිබ්බො. පුත්තෙසු දාරෙසු වාති පුත්තධිතුහරියාසු. යා අපෙක්ඛාති යා තණ්හා යො ස්නෙහො. වංසක්කළීරොව අසජ්ජමානොති වංසකළීරො විය අලග්ගමානො. කිං චුත්තං හොති? යථා වංසො විසාලො විසත්තො එව හොති, පුත්තෙසු ව දාරෙසු ව යා අපෙක්ඛා, සාපි එවං තාති වත්ථුනි සංසිඛිබ්බත්වා යිත්තත්තා

විසත්තා එව. ස්වාහං තාය අපෙක්ඛාය අපෙක්ඛවා විසාලො වංසො විය විසත්තොති එවං අපෙක්ඛාය ආදීනවං දිස්වා තං අපෙක්ඛං මග්ගඤ්ඤාණෙන ඡන්දන්තො අයං වංසකළීරොව රූපාදීසු වා දිට්ඨාදීසු වා ලාභාදීසු වා කාමභවාදීසු වා තණ්හාමානදිට්ඨිවසෙන අසජ්ජමානො පච්චෙකසම්බොධිං අධිගතොති. සෙසං පුරිමනායෙනෙව වෙදිතබ්බං. ඉමායපි නිද්දෙසෙ අතිරෙකං නත්ථි (සු. නි. අට්ඨ. 1.38).

චතුත්ථගාථානිද්දෙසවණ්ණනා.

**125.** පඤ්චමෙ මිගොති සබ්බෙසං ආරඤ්ඤිකචතුප්පදානං එව එතං අධිවචනං. ඉධ පන පසදම්මො අධිප්පෙතො. අරඤ්ඤම්හිති ගාමඤ්ච ගාමුපචාරඤ්ච යපෙත්වා අවසෙසං අරඤ්ඤං, ඉධ පන උය්‍යානං අධිප්පෙතං, තස්මා “උය්‍යානම්හි”ති චුත්තං හොති. යථාති පටිභාගෙ. අබද්ධොති රජ්ජුබන්ධනාදීසු යෙන කෙනචි අබද්ධො. එතෙන විස්සට්ඨවරියං දීපෙති. යෙනිච්ඡකං ගච්ඡති ගොවරායාති යෙන දිසාභාගෙන ගන්තුං ඉච්ඡති, තෙන ගොවරත්ථං ගච්ඡති. තස්මා තත්ථ යත්තකං ඉච්ඡති ගන්තුං, තත්තකං ගච්ඡති. යං ඉච්ඡති බාදිතුං, තං බාදිතීති දීපෙති. විඤ්ඤු නරොති පණ්ඩිතපුරිසො. සෙරිතන්ති සච්ඡන්දචුත්තිතං අපරායත්තභාවං. පෙක්ඛමානොති පඤ්ඤාචක්ඛුනා ඔලොකයමානො. අථ වා ධම්මසෙරිතං පුග්ගලසෙරිතඤ්ච. ලොකුත්තරධම්මා හි කිලෙසවසං අගමනතො සෙරිතො තෙහි සමන්තාගතා පුග්ගලා ව, තෙසං භාවනිද්දෙසො සෙරිතං පෙක්ඛමානොති. කිං චුත්තං හොති? මිගො අරඤ්ඤම්හි යථා අබද්ධො, යෙනිච්ඡකං ගච්ඡති ගොවරාය. කදා නු බො අහම්පි තණ්හාබන්ධනං ඡන්දිත්වා එවං ගච්ඡෙය්‍යන්ති ඉති මෙ තුම්හෙහි ඉතො විතො ව පරිවාරෙත්වා යිතෙහි බද්ධස්ස යෙනිච්ඡකං ගන්තුං අලහන්තස්ස තස්මිං යෙනිච්ඡකගමනාභාවෙ ආදීනවං යෙනිච්ඡකගමනෙ ආනිසංසං දිස්වා අනුක්කමෙන සමථවිපස්සනාපාරිපුරිං අගමිං. තතො පච්චෙකබොධිං අධිගතොම්හි. තස්මා අඤ්ඤොපි විඤ්ඤු නරො සෙරිතං පෙක්ඛමානො, එකො වරෙ බග්ගවිසාණකප්පොති (සු. නි. අට්ඨ. 1.39 ආදයො).

පඤ්චමගාථානිද්දෙසවණ්ණනා.

**126.** ඡට්ඨෙ අයං පිණ්ඩත්ථො – සභායමප්ඤ්ඤා යිතස්ස දිවාසෙය්‍යසඬ්ඛාතෙ වාසෙ ව මහාඋපට්ඨානසඬ්ඛාතෙ යාතෙ ව උය්‍යානගමනසඬ්ඛාතෙ ගමනෙ ව ජනපදචාරිකසඬ්ඛාතාය චාරිකාය ව “ඉදං මෙ සුණ, ඉදං මෙ දෙහි”තිආදීනා නයෙන තථා තථා ආමන්තනා හොති, තස්මා අහං තත්ථ තත්ථ නිබ්බිජ්ජිත්වා යායං අරියජනසෙවිතා අනෙකානිසංසා එකන්තසුබ්බා, එවං සන්තෙපි ලොභාහිභූතෙහි සබ්බකාපුරිසෙහි අනභිජ්ඣිතා අපත්ථිතා පබ්බජ්ජා, තං අනභිජ්ඣිතං පරෙසං අවසවත්තනෙන හබ්බපුග්ගලවසෙනෙව ව සෙරිතං පෙක්ඛමානො

විපස්සනං ආරහිත්වා අනුක්කමෙන පච්චෙකසම්බොධිං අධිගතොති. සෙසං චුත්තනයමෙව (සු. නි. අට්ඨ. 1.39-42).

ජට්ඨගාථානිද්දෙසවණ්ණනා.

**127.** සත්තමෙ බිඬ්ඬාති කීළනා. සා දුට්ඨා හොති කායිකා ච වාචසිකා ච. තත්ථ කායිකා නාම හත්ථිහිපි කීළන්ති, අස්සෙහිපි රථෙහිපි ධනුහිපි ථරුහිපිති එවමාදි. වාචසිකා නාම ගීතං සිලොකභණ්ණං මුඛහෙරිකන්ති එවමාදි. රතීති පඤ්චකාමගුණරති. විපුලන්ති යාව අට්ඨමිඤ්ජං ආභවිච යානෙන සකලත්තභාවඛ්‍යාපකං. සෙසං පාකට්ඨමෙව. අනුසන්ධිසොජනාපි චෙත්ථ සංසග්ගගාථාය චුත්තනයෙනෙව චෙදිතබ්බා (සු. නි. අට්ඨ. 1.41).

සත්තමගාථානිද්දෙසවණ්ණනා.

**128.** අට්ඨමෙ වාතුද්දිසොති චතුසු දිසාසු යථාසුඛවිහාරී, “එකං දිසං ඵරිත්වා විහරති”තිආදිනා (දී. නි. 1.556; 3.308; අ. නි. 4.125; විහ. 643; වුළුනි. බග්ගවිසාණසුත්තනිද්දෙස 128) වා නයෙන බුහ්මවිහාරභාවනාඵරිතා චතස්සො දිසා අස්ස සන්තීතිපි වාතුද්දිසො. තාසු දිසාසු කත්ථවි සත්තෙ වා සඬ්ඛාරෙ වා හයෙන න පටිහඤ්ඤතීති අප්පට්ඨො. සන්තුස්සමානොති ද්වාදසවිධස්ස සන්තොසස්ස වසෙන සන්තුස්සකො. ඉතරීතරෙනාති උච්චාවචෙන පච්චයෙන. පරිස්සයානං සහිතා අප්මහීති එත්ථ පරිස්සයන්ති කායචිත්තාති, පරිභාපෙන්නි වා තෙසං සම්පත්තිං, තාති වා පටිච්ච සයන්තීති පරිස්සයා, බාහිරානං සීහබ්‍යග්ගාදීනං අබ්‍හන්තරානඤ්ච කාමච්ඡන්දාදීනං කායචිත්තපද්දවානං එතං අධිවචනං. තෙ පරිස්සයෙ අධිවාසනඛන්තියා ච විරියාදීහි ච ධම්මෙහි සහතීති පරිස්සයානං සහිතා. ථද්ධිභාවකරභයාභාවෙන අප්මහී. කිං චුත්තං හොති? යථා තෙ චත්තාරො සමණා, එවං ඉතරීතරෙන පච්චයෙන සන්තුස්සමානො එත්ථ පටිපත්තිපදට්ඨානෙ සන්තොසෙ ධීතො චතුසු දිසාසු මෙත්තාදිභාවනාය වාතුද්දිසො, සත්තසඬ්ඛාරෙසු පටිහනනකරභයාභාවෙන අප්පට්ඨො ච හොති. සො වාතුද්දිසත්තා චුත්තප්පකාරානං පරිස්සයානං සහිතා, අප්පට්ඨසත්තා අප්මහී ච හොතීති එතං පටිපත්තිගුණං දිස්වා යොනිසො පටිපජ්ජිත්වා පච්චෙකසම්බොධිං අධිගතොම්හීති.

අථ වා තෙ සමණා විය සන්තුස්සමානො ඉතරීතරෙන චුත්තනයෙනෙව වාතුද්දිසො හොතීති ඤාත්වා එවං වාතුද්දිසභාවං පත්ථයන්තො යොනිසො පටිපජ්ජිත්වා අධිගතොම්හි. තස්මා අඤ්ඤාපි ඊදිසං යානං පත්ථයමානො වාතුද්දිසතාය පරිස්සයානං සහිතා අප්පට්ඨසතාය ච අප්මහී හුත්වා එකො චරෙ බග්ගවිසාණකප්පොති (සු. නි. අට්ඨ. 1.42).



නිද්දෙසෙ මෙත්තාති අත්ථතො තාව මිජ්ජතිති මෙත්තා, සිනෙහතිති අත්ථො. මිත්තෙ වා හවා, මිත්තස්ස වා එසා පවත්තිති මෙත්තා. මෙත්තාසහගතෙනාති මෙත්තාය සමන්තාගතෙන. චෙතසාති විත්තෙන. එකං දිසන්ති එකිස්සා දිසාය පට්ඨපරිග්ගහිතං සත්තං උපාදාය එකං දිසං පරියාපන්නසත්තඵරණවසෙන වුත්තං. ඵරිත්වාති ඵුසිත්වා ආරම්මණං කත්වා. විහරතීති බ්‍රහ්මවිහාරාධිට්ඨිතං ඉරියාපට්ඨිතාරං පවත්තෙති. තථා දුතියන්ති යථා පුරත්ථිමාදිසු දිසාසු යං කිඤ්චි එකං දිසං ඵරිත්වා විහරති, තථෙව තදනන්තරං දුතියං තතියං චතුත්ථඤ්චාති අත්ථො.

ඉති උද්ධන්ති එතෙනෙව ච නයෙන උපරිමං දිසන්ති වුත්තං හොති. අධො තිරියන්ති අධොදිසම්පි තිරියං දිසම්පි එවමෙව. තත්ථ ච අධොති හෙට්ඨා. තිරියන්ති අනුදිසා. එවං සබ්බදිසාසු අස්සමණ්ඩලෙ අස්සම්ච මෙත්තාසහගතං විත්තං සාරෙතිපි පච්චාසාරෙතිපිති. එත්තාවතා එකමෙකං දිසං පරිග්ගහෙත්වා ඔධිසො මෙත්තාඵරණං දස්සිතං. සබ්බධීතිආදි පන අනොධිසො දස්සනත්ථං වුත්තං. තත්ථ සබ්බධීති සබ්බත්ථ. සබ්බත්තතායාති සබ්බෙසු භිනමජ්ඣමඋක්කට්ඨමිත්තසපත්තමජ්ඣත්තානිජ්ජහෙදෙසු අත්තතාය, “අයං පරසත්තො”ති විහාගං අකත්වා අත්තසමතායාති වුත්තං හොති.

අථ වා සබ්බත්තතායාති සබ්බෙන විත්තභාවෙන, ඊසකම්පි බහි අවික්ඛිපමානොති වුත්තං හොති. සබ්බාවත්තන්ති සබ්බසත්තවත්තං, සබ්බසත්තයුත්තන්ති අත්ථො. ලොකන්ති සත්තලොකං. විපුලෙනාති එවමාදිපරියායදස්සනතො පනෙත්ථ පුන “මෙත්තාසහගතෙනා”ති වුත්තං. යස්මා වා එත්ථ ඔධිසො ඵරණෙවිස පුන තථා-සද්දො ඉති-සද්දො වා න වුත්තො, තස්මා පුන “මෙත්තාසහගතෙන චෙතසා”ති වුත්තං. නිගමනවසෙන වා එතං වුත්තං. විපුලෙනාති එත්ථ ච ඵරණවසෙන විපුලතා දට්ඨබ්බා. භූමිවසෙන පන තං මහග්ගතං. පගුණවසෙන අජ්ජමාණසත්තාරම්මණවසෙන ච අජ්ජමාණං. ඛ්‍යාපාදපච්චත්ථිකජ්ජහානෙන අචෙරං. දොමනස්සජ්ජහානෙන අඛ්‍යාපජ්ජං. නිද්දුක්ඛන්ති වුත්තං හොති (විසුද්ධි. 1.254). කරුණා හෙට්ඨා වුත්තත්ථායෙව. මොදන්ති තාය තංසමඬ්ඨිතො, සයං වා මොදති, මොදනමත්තමෙව වා සාති මුදිතා. “අචෙරා හොන්තු”තිආදිඛ්‍යාපාදජ්ජහානෙන මජ්ඣත්තභාවුපගමනෙන ච උපෙක්ඛතීති උපෙක්ඛා.

ලක්ඛණාදිතො පනෙත්ථ භිතාකාරජ්ජවත්තිලක්ඛණා මෙත්තා, භිතුපසංභාරරසා, ආසාතවිනයපච්චුපට්ඨානා, සත්තානං මනාපභාවදස්සනපදට්ඨානා. ඛ්‍යාපාදුපසමො එතිස්සා සම්පත්ති, සිනෙහසම්භවො විපත්ති. දුක්ඛාපනයනාකාරජ්ජවත්තිලක්ඛණා කරුණා,

පරදුක්ඛාසහනරසා, අවිහිංසාපච්චපට්ඨානා, දුක්ඛාභිභූතානං  
 අනාථභාවදස්සනපදට්ඨානා. විහිංසුපසමො තස්සා සම්පත්ති,  
 සොකසම්භවො විපත්ති. පමොදලක්ඛණා මුදිතා, අනිස්සායනරසා,  
 අරතිවිසාතපච්චපට්ඨානා, සත්තානං සම්පත්තිදස්සනපදට්ඨානා.  
 අරතිවූපසමො තස්සා සම්පත්ති, පහානසම්භවො විපත්ති. සත්තෙසු  
 මජ්ඣන්තාකාරජපවත්තිලක්ඛණා උපෙක්ඛා, සත්තෙසු සමභාවදස්සනරසා,  
 පටිසානුනයවූපසමපච්චපට්ඨානා, “කම්මස්සකා සත්තා, තෙ කස්ස රුචියා  
 සුඛිතා වා හවිස්සන්ති, දුක්ඛතො වා මුච්චිස්සන්ති, පත්තසම්පත්තිතො වා න  
 පරිභායිස්සන්ති”ති එවං පවත්තකම්මස්සකතාදස්සනපදට්ඨානා.  
 පටිසානුනයවූපසමො තස්සා සම්පත්ති, ගෙහස්සිතාය අඤ්ඤාණුපෙක්ඛාය  
 සම්භවො විපත්ති.

තත්ථ සන්තුට්ඨො භොතීති පච්චයසන්තොසවසෙන සන්තුට්ඨො භොති.  
 ඉතරීතරෙන චීවරෙනාති න ථූලසුබ්බමුලුඛපණීතරීරජිණ්ණානං යෙන කෙනචි  
 චීවරෙන, අථ ඛො යථාලද්ධානං ඉතරීතරෙන යෙන කෙනචි සන්තුට්ඨො  
 භොතීති අත්ථො. චීවරස්මිඤ්ඤි තයො සන්තොසා – යථාලාභසන්තොසො,  
 යථාබලසන්තොසො, යථාසාරුජ්ජසන්තොසොති. පිණ්ඩපාතාදීසුපි එසෙව  
 නයො. ඉති ඉමෙ තයො සන්තොසෙ සන්ධාය “සන්තුට්ඨො භොති  
 ඉතරීතරෙන චීවරෙන. යථාලද්ධාදීසු යෙන කෙනචි චීවරෙන සන්තුට්ඨො  
 භොති”ති වුත්තං.

එත්ථ ච චීවරං ජානිතබ්බං, චීවරබෙත්තං ජානිතබ්බං, පංසුකුලං  
 ජානිතබ්බං, චීවරසන්තොසො ජානිතබ්බො, චීවරපටිසංයුත්තාති ධුතඬිගාති  
 ජානිතබ්බාති. තත්ථ චීවරං ජානිතබ්බන්ති බොමාදීනි ඡ චීවරාති දුකුලාදීනි ඡ  
 අනුලොමචීවරාතිපි ජානිතබ්බාති. ඉමානි ද්වාදස කප්පියචීවරාති. කුසචීරං  
 වාකචීරං එලකචීරං කෙසකම්බලං වාලකම්බලං පොත්ථකො වම්මං  
 උලුකපක්ඛං රුක්ඛදුස්සං ලතාදුස්සං එරකදුස්සං කදලිදුස්සං වෙළදුස්සන්ති  
 එවමාදීනි පන අකප්පියචීවරාති.

චීවරබෙත්තන්ති “සඬ්ඝතො වා ගණතො වා ඤාතිතො වා මිත්තතො වා  
 අත්තතො වා ධනෙන පංසුකුලං වා”ති එවං උජ්ජප්පනතො ඡ බෙත්තාති,  
 අට්ඨන්තඤ්ච මාතිකානං වසෙන අට්ඨ බෙත්තාති ජානිතබ්බාති.

පංසුකුලන්ති සොසානිකං පාපණිකං රථියං සඬ්ඝකාරකුටං සොත්ථියං  
 සිනානං තිත්ථං ගතපච්චාගතං අග්ගිඬ්ඬිඬං ගොබායිතං උපචිකාබායිතං  
 උන්දුරබායිතං අත්තච්ඡින්නං දසච්ඡින්නං ධජාහටං ථූපං සමණචීවරං  
 සාමුද්දියං ආභිසෙකියං පන්ථිකං වාතාහටං ඉද්ධිමයං දෙවදත්තියන්ති  
 තෙච්ඡති පංසුකුලාති වෙදිතබ්බාති. එත්ථ ච සොත්ථියන්ති ගබ්භමලහරණං.  
 ගතපච්චාගතන්ති මතකසරීරං පාරුපිත්වා සුසානං නෙත්වා ආනිතචීවරං.  
 ධජාහටන්ති ධජං උස්සාපෙත්වා තතො ආනිතං. ථූපන්ති වම්මිකෙ

සුඡිත්තච්චරං. සාමුද්දියන්ති සමුද්දවිච්චි ථලං පාපිතං. පන්ථිකන්ති පන්ථං ගච්ඡන්තෙහි චොරහයෙන පාසාණෙහි කොට්ටෙන්වා පාරුතච්චරං. ඉද්ධිමයන්ති එහිහික්ඛුච්චරං. සෙසං පාකට්මෙව.

වීචරසන්තොසොති විසති වීචරසන්තොසා — වීචරෙ විතක්කසන්තොසො ගමනසන්තොසො පරියෙසනසන්තොසො පටිලාභසන්තොසො මත්තපටිග්ගහණසන්තොසො ලොලුප්පවිච්ඡිජනසන්තොසො යථාලාභසන්තොසො යථාබලසන්තොසො යථාසාරුප්පසන්තොසො උදකසන්තොසො ධොවනසන්තොසො කරණසන්තොසො පරිමාණසන්තොසො සුත්තසන්තොසො සිබ්බනසන්තොසො රජනසන්තොසො කප්පසන්තොසො පරිභොගසන්තොසො සන්තිධිපරිවජ්ජනසන්තොසො විස්සජ්ජනසන්තොසොති. තත්ථ සාදකහික්ඛුනො තෙමාසං නිබද්ධවාසං වසින්වා එකමාසමත්තං විතක්කිතුං වට්ටති. සො හි පචාරෙත්වා වීචරමාසෙ වීචරං කරොති. පංසුකුලිකො අද්ධමාසෙනෙව කරොති. ඉදං මාසද්ධමාසමත්තං විතක්කනං විතක්කසන්තොසො. වීචරත්ථාය ගච්ඡන්තස්ස පන “කත්ථ ලභිස්සාමි”ති අවින්තෙත්වා කම්මට්ඨානසීසෙනෙව ගමනං ගමනසන්තොසො නාම. පරියෙසන්තස්ස පන යෙන වා තෙන වා සද්ධිං අපරියෙසින්වා ලජ්ජං පෙසලහික්ඛුං ගහෙත්වා පරියෙසනං පරියෙසනසන්තොසො නාම. එවං පරියෙසන්තස්ස ආහරියමානං වීචරං දුරතොව දිස්වා “එතං මනාපං හවිස්සති, එතං අමනාප”න්ති එවං අවිතක්කෙත්වා චූළසුබ්බමාදීසු යථාලද්ධෙනෙව සන්තුස්සනං පටිලාභසන්තොසො නාම. එවං ලද්ධං ගණ්හන්තස්සාපි “එත්තකං දුපට්ටස්ස හවිස්සති, එත්තකං එකපට්ටස්සා”ති අත්තනො පභොනකමත්තෙනෙව සන්තුස්සනං මත්තපටිග්ගහණසන්තොසො නාම. වීචරං පරියෙසන්තස්ස පන “අසුකස්ස සරද්ධාරෙ මනාපං ලභිස්සාමි”ති අවින්තෙත්වා ද්වාරපටිපාටියා වරණං ලොලුප්පවිච්ඡිජනසන්තොසො නාම.

ලුඛපණ්ණිකෙසු යෙන කෙනචි යාපෙනුං සක්කොන්තස්ස යථාලද්ධෙනෙව යාපනං යථාලාභසන්තොසො නාම. අත්තනො ථාමං ජානින්වා යෙන යාපෙනුං සක්කොති, තෙන යාපනං යථාබලසන්තොසො නාම. මනාපං අඤ්ඤස්ස දත්වා අත්තනා යෙන කෙනචි යාපනං යථාසාරුප්පසන්තොසො නාම. “කත්ථ උදකං මනාපං, කත්ථ අමනාප”න්ති අවිචාරෙත්වා යෙන කෙනචි ධොවනුපගෙන උදකෙන ධොවනං උදකසන්තොසො නාම. තථා පණ්ඩුමත්තිකගෙරුකපුත්තිපණ්ණරසකිලිට්ඨානි පන උදකානි වජ්ජෙනුං වට්ටති. ධොවන්තස්ස පන මුග්ගරාදීහි අපහරින්වා හත්ථෙහි මද්දින්වා ධොවනං ධොවනසන්තොසො නාම. තථා අසුජ්ඣන්තං පණ්ණානි පක්ඛිපින්වා තාපිතඋදකෙනාපි ධොවිතුං වට්ටති. එවං ධොවින්වා කරොන්තස්ස “ඉදං චූලං, ඉදං සුබ්බම”න්ති අකොපෙත්වා

පහොනකනීහාරෙතෙව කරණං කරණසන්තොසො නාම.  
තිමණ්ඩලපටිච්ඡාදනමත්තස්සෙව කරණං පරිමාණසන්තොසො නාම.  
වීචරකරණත්ථාය පන “මනාපං සුත්තං පරියෙසිස්සාමී”ති අවිචාරෙත්වා  
රජිකාදීසු වා දෙවට්ඨානෙ වා ආහරිත්වා පාදමූලෙ වා යපිතං යං කිඤ්චිදෙව  
සුත්තං ගහෙත්වා කරණං සුත්තසන්තොසො නාම.

කුසිබන්ධනකාලෙ පන අභිගුලිමත්තෙ සත්තවාරෙ න විජ්ඣිතබ්බං. එවං  
කරොත්තස්ස හි යො භික්ඛු සභායො න හොති, තස්ස වත්තභෙදොපි නත්ථී.  
තිවච්ඡිගුලමත්තෙ පන සත්තවාරෙ විජ්ඣිතබ්බං. එවං කරොත්තස්ස  
මග්ගපටිපන්නෙනාපි සභායෙන භවිතබ්බං. යො න හොති, තස්ස  
වත්තභෙදො. අයං සීබ්බනසන්තොසො නාම. රජන්තෙන පන  
කාළකච්ඡකාදීනි පරියෙසන්තෙන න රජිතබ්බං, සොමවක්කලාදීසු යං  
ලහති, තෙන රජිතබ්බං. අලහන්තෙන පන මනුස්සෙහි අරඤ්ඤෙ වාකං  
ගහෙත්වා ඡඩ්ඞිතරජනං වා භික්ඛුහි පවිත්වා ඡඩ්ඞිතකසටං වා ගහෙත්වා  
රජිතබ්බං. අයං රජනසන්තොසො නාම. නීලකද්දමකාළසාමෙසු යං කිඤ්චි  
ගහෙත්වා හත්ථිපිටියෙ නිසින්තස්ස පඤ්ඤායමානකප්පකරණං  
කප්පසන්තොසො නාම.

භිරිකොපිනපටිච්ඡාදනමත්තවසෙන පරිභුඤ්ජනං පරිභොගසන්තොසො  
නාම. දුස්සං පන ලභිත්වා සුත්තං වා සුචිං වා කාරකං වා අලහන්තෙන  
යපෙතුං වට්ටති, ලහන්තෙන න වට්ටති. කතම්පි චෙ අන්තෙවාසිකාදීනං  
දාතුකාමො හොති, තෙ ව අසන්නිහිතා, යාව ආගමනා යපෙතුං වට්ටති,  
ආගතමත්තෙසු තෙසු දාතබ්බං. දාතුං අසක්කොන්තෙන අධිට්ඨාතබ්බං.  
අඤ්ඤස්මිං වීචරෙ සති පච්චත්ථරණම්පි අධිට්ඨාතුං වට්ටති. අනධිට්ඨිතමෙව  
හි සන්නිධි හොති. අධිට්ඨිතං න හොතීති මහාසිවත්ථෙරො ආහ. අයං  
සන්නිධිපරිවජ්ජනසන්තොසො නාම. විස්සජ්ජෙන්තෙන පන මුඛං  
ඔලොකෙත්වා න දාතබ්බං, සාරණියධම්මෙ යත්වාච විස්සජ්ජෙන්තබ්බන්ති  
අයං විස්සජ්ජනසන්තොසො නාම.

වීචරපටිසංයුත්තානි ධුතඬිගානි නාම පංසුකුලිකඬිගඤ්චෙව  
තෙවීචරකඬිගඤ්ච. ඉති වීචරසන්තොසමහාඅරියවංසං පුරයමානො  
පච්චෙකසම්බුද්ධො ඉමානි ද්වෙ ධුතඬිගානි ගොපෙති, ඉමානි ගොපෙන්තො  
වීචරසන්තොසමහාඅරියවංසවසෙන සන්තුට්ඨො හොති.

වණ්ණවාදීති එකො සන්තුට්ඨො හොති, සන්තොසස්ස වණ්ණං න  
කථෙති. එකො න සන්තුට්ඨො හොති, සන්තොසස්ස වණ්ණං කථෙති.  
එකො නෙව සන්තුට්ඨො හොති, න සන්තොසස්ස වණ්ණං කථෙති. එකො  
සන්තුට්ඨො ව හොති, සන්තොසස්ස ව වණ්ණං කථෙති. තථාරූපො සො  
පච්චෙකසම්බුද්ධො තං දස්සෙතුං “ඉතරීතරවීචරසන්තුට්ඨියා ව  
වණ්ණවාදී”ති වුත්තං.



අනෙසනන්ති දුතෙය්‍යපභිණගමනානුයොගජ්ජහෙදං නානජ්ජකාරං අනෙසනං. අජ්ජතිරුපන්ති අයුත්තං. අලද්ධා වාති අලහිත්වා. යථා එකච්චො “කථං නු ඛො වීවරං ලහිස්සාමි”ති පුඤ්ඤවත්තෙහි භික්ඛුහි සද්ධිං එකතො හුත්වා කොභඤ්ඤං කරොන්තො උත්තස්සති පරිත්තස්සති, පච්චෙකසම්බුද්ධො එවං අලද්ධා ව වීවරං න පරිත්තස්සති. ලද්ධා වාති ධම්මෙන සමෙන ලහිත්වා. අධිගතොති විගතලොභගිද්ධො. අමුච්ඡිකොති අධිමත්තතණ්හාය මුච්ඡනං අනාපන්තො. අනජ්ඣාපන්තොති තණ්හාය අනොත්ථට්ඨො අපරියොනද්ධො. ආදීනවදස්සාචීති අනෙසනාපත්තියඤ්ච ගධිතපරිභොගෙ ව ආදීනවං පස්සමානො. නිස්සරණපඤ්ඤොති “යාවදෙව සීතස්ස පටිසාතායා”ති (ම. නි. 1.23; අ. නි. 6.58) චුත්තං නිස්සරණමෙව පජානන්තො.

ඉතරිතරවීවරසන්තුට්ඨියාති යෙන කෙනචි වීවරෙන සන්තුට්ඨියා. නෙවත්තානුක්කංසෙතීති යථා පනිඨෙකච්චො “අහං පංසුකුලිකො, මයා උපසම්පදමාලෙයෙව පංසුකුලිකඛිගං ගහිතං, කො මයා සදිසො අත්ථි”ති අත්තුක්කංසනං කරොති. එවං සො අත්තුක්කංසනං න කරොති. න පරං වම්භෙතීති “ඉමෙ පනඤ්ඤෙ භික්ඛු න පංසුකුලිකාති වා පංසුකුලිකමත්තම්පි එතෙසං නත්ථි”ති වා එවං පරං න වම්භෙති. යො හි තත්ථ දක්ඛොති යො තස්මිං වීවරසන්තොසෙ වණ්ණවාදී. තාසු වා දක්ඛො ඡෙකො ඛ්‍යාත්තො. අනලසොති සාතච්චකිරියාය ආලසියවීරහිතො. සම්පජානො පතිස්සතොති සම්පජානපඤ්ඤාය වෙව සතියා ව යුත්තො. අරියවංසෙ යීතොති අරියවංසෙ පතිට්ඨිතො.

ඉතරිතරෙන පිණ්ඩපාතෙතොති යෙන කෙනචි පිණ්ඩපාතෙන. එත්ථපි පිණ්ඩපාතො ජානිතඛිබ්බො, පිණ්ඩපාතබ්බත්තං ජානිතඛිබ්බං, පිණ්ඩපාතසන්තොසො ජානිතඛිබ්බො, පිණ්ඩපාතපටිසංයුත්තං ධුතඛිගං ජානිතඛිබ්බං. තත්ථ පිණ්ඩපාතොති ඔදනො කුම්මාසො සත්තු මච්ඡො මංසං ඛීරං දධි සජ්ජි නවතීතං තෙලං මධු එාණිතං යාගු බාදනීයං සායනීයං ලෙහනීයන්ති සොළස පිණ්ඩපාතා.

පිණ්ඩපාතබ්බත්තන්ති සඛිසහත්තං උද්දෙසහත්තං නිමන්තනං සලාකහත්තං පක්ඛිකං උපොසථිකං පාටිපදිකං ආගන්තුකහත්තං ගම්කහත්තං ගිලානහත්තං ගිලානුපට්ඨාකහත්තං ධුරහත්තං කුට්ඨත්තං වාරහත්තං විහාරහත්තන්ති පන්තරස පිණ්ඩපාතබ්බත්තානි.

පිණ්ඩපාතසන්තොසොති පිණ්ඩපාතෙ විතක්කසන්තොසො ගමනසන්තොසො පරියෙසනසන්තොසො පටිලාභසන්තොසො පටිග්ගහණසන්තොසො මත්තපටිග්ගහණසන්තොසො ලොලුප්පවිච්ඡිජනසන්තොසො යථාලාභසන්තොසො යථාබලසන්තොසො යථාසාරුප්පසන්තොසො උපකාරසන්තොසො පරිමාණසන්තොසො

පරිභොගසන්තොසො

සන්තිධිපරිවජ්ජනසන්තොසො

විස්සජ්ජනසන්තොසොති පන්තරස සන්තොසා. තත්ථ සාදකො හික්ඛු මුඛං ධොවිත්වා විතක්කෙති. පිණ්ඩපාතිකෙන පන ගණෙන සද්ධිං වරතා සායං ථෙරුපට්ඨානකාලෙ “ස්වෙ කත්ථ පිණ්ඩාය වරිස්සාමා”ති “අසුකගාමෙ, හන්තෙ”ති එත්තකං වින්තෙත්වා තතො පට්ඨාය න විතක්කෙතබ්බං. එකචාරිකෙන විතක්කමාළකෙ යත්වා විතක්කෙතබ්බං. තතො පට්ඨාය විතක්කෙත්තො පන අරියවංසා වුතො හොති පරිබාහිරො. අයං විතක්කසන්තොසො නාම. පිණ්ඩාය පවිසන්තෙන පන “කුහිං ලභිස්සාමී”ති අවින්තෙත්වා කම්මට්ඨානසීසෙන ගන්තබ්බං. අයං ගමනසන්තොසො නාම. පරියෙසන්තෙන යං වා තං වා අග්ගහෙත්වා ලජ්ජිං පෙසලමෙව ගහෙත්වා පරියෙසිතබ්බං. අයං පරියෙසනසන්තොසො නාම. දුරතොව ආහරියමානං දිස්වා “එතං මනාපං, එතං අමනාප”න්ති විත්තං න උප්පාදෙතබ්බං. අයං පටිලාභසන්තොසො නාම. “ඉදං මනාපං ගණ්හිස්සාමී, ඉදං අමනාපං න ගණ්හිස්සාමී”ති අවින්තෙත්වා යං කිඤ්චි යාපනමත්තං ගහෙතබ්බමෙව. අයං පටිග්ගහණසන්තොසො නාම.

එත්ථ පන දෙයාධම්මො බහු, දායකො අප්පං දාතුකාමො, අප්පං ගහෙතබ්බං. දෙයාධම්මො බහු, දායකොපි බහුදාතුකාමො, පමාණෙනෙව ගහෙතබ්බං. දෙයාධම්මොපි න බහු, දායකොපි අප්පං දාතුකාමො, අප්පං ගහෙතබ්බං. දෙයාධම්මො න බහු, දායකො පන බහුදාතුකාමො, පමාණෙන ගහෙතබ්බං. පටිග්ගහණස්මිඤ්චි මත්තං අජානන්තො මනුස්සානං පසාදං මක්ඛෙති, සද්ධාදෙයාං විනිපාතෙති, සාසනං න කරොති. විජාතමාතුයාපිස්ස විත්තං ගහෙතුං න සක්කොති. ඉති මත්තං ජානිත්වාපි පටිග්ගහෙතබ්බන්ති අයං මත්තපටිග්ගහණසන්තොසො නාම. අඨ්ඨකුලානියෙව අගන්ත්වා ද්වාරපටිපාටියා ගන්තබ්බං. අයං ලොලුප්පවිවජ්ජනසන්තොසො නාම. යථාලාභසන්තොසාදයො වීචරෙ වුත්තනායා එව.

පිණ්ඩපාතං පරිභුඤ්ජිත්වා “සමණධම්මං අනුපාලෙස්සාමී”ති එවං උපකාරං ඤත්වා පරිභුඤ්ජනං උපකාරසන්තොසො නාම. පත්තං පුරෙත්වා ආතීතං න පටිග්ගහෙතබ්බං. අනුපසම්පන්නෙ සති තෙන ගාභාපෙතබ්බං, අසති ආහරාපෙත්වා පටිග්ගහණපරිමාණමත්තං ගහෙතබ්බං. අයං පරිමාණසන්තොසො නාම. ජීසව්ජාය පටිවිනොදනං “න ඉදමෙත්ථ නිස්සරණ”න්ති එවං පරිභුඤ්ජනං පරිභොගසන්තොසො නාම. නිදහිත්වා න පරිභුඤ්ජිතබ්බං. අයං සන්තිධිපරිවජ්ජනසන්තොසො නාම. මුඛං අනොලොකෙත්වා සාරණියධම්මෙ යිතෙන විස්සජ්ජෙතබ්බං. අයං විස්සජ්ජනසන්තොසො නාම.

පිණ්ඩපාතපටිසංයුත්තානි පන පඤ්ච ධුතඬිගානි පිණ්ඩපාතිකඬිගං  
සපදානචාරිකඬිගං එකාසනිකඬිගං පත්තපිණ්ඩිකඬිගං

බලුපච්ඡාහත්තිකඛගන්ති. ඉති පිණ්ඩපාතසන්තොසමහාඅරියවංසං පුරයමානො පච්චෙකසම්බුද්ධො ඉමානි පඤ්ච ධුතඬිගානි ගොපෙති, ඉමානි ගොපෙන්නො පිණ්ඩපාතසන්තොසමහාඅරියවංසවසෙන සන්තුට්ඨො හොති. චණ්ණවාදීතිආදීනි චුත්තනයෙනෙව වෙදිතබ්බාති.

සෙනාසනානීති ඉධ සෙනාසනං ජානිතබ්බං, සෙනාසනබ්බේතං ජානිතබ්බං, සෙනාසනසන්තොසො ජානිතබ්බො, සෙනාසනපටිසංයුත්තධුතඬිගං ජානිතබ්බං. තත්ථ සෙනාසනානී මඤ්චො පීඨං භිසි බිම්බොහනං විහාරො අඬ්ඨයොගො පාසාදො හම්මියං ගුහා ලෙණං අට්ටො මාලො වෙළුගුම්බො රුක්ඛමුලං යත්ථ වා පන භික්ඛු පටික්කමන්තීති ඉමානි පන්තරස සෙනාසනානි.

සෙනාසනබ්බේතන්ති සඬ්ඝතො වා ගණතො වා ඤාතිතො වා මිත්තතො වා අත්තතො වා ධනෙන පංසුකුලං වානි ඡ බ්බේතාති.

සෙනාසනසන්තොසොති සෙනාසනෙ විතක්කසන්තොසාදයො පන්තරස සන්තොසා. තෙ පිණ්ඩපාතෙ චුත්තනයෙනෙව වෙදිතබ්බා. සෙනාසනපටිසංයුත්තානි පන පඤ්ච ධුතඬිගානි ආරඤ්ඤිකඬිගං රුක්ඛමුලිකඬිගං අබ්භොකාසිකඬිගං සොසානිකඬිගං යථාසන්ථතිකඬිගන්ති. ඉති සෙනාසනසන්තොසං මහාඅරියවංසං පුරයමානො පච්චෙකසම්බුද්ධො ඉමානි පඤ්ච ධුතඬිගානි ගොපෙති, ඉමානි ගොපෙන්නො සෙනාසනසන්තොසමහාඅරියවංසවසෙන සන්තුට්ඨො හොති.

ඉති ආයස්මා ධම්මසෙනාපති සාරිපුත්තත්ථෙරො පථවිං පත්ථරමානො විය සාගරකුච්ඡිං පුරයමානො විය ආකාසං විත්ථාරයමානො විය ච පඨමං වීචරසන්තොසං අරියවංසං කථෙත්වා චන්දං උට්ඨාපෙන්නො විය සූරියං උල්ලඬිසෙන්නො විය ච දුතියපිණ්ඩපාතසන්තොසං කථෙත්වා සිනෙරුං උක්ඛිපෙන්නො විය තතියං සෙනාසනසන්තොසං අරියවංසං කථෙත්වා ඉදානි ගිලානපච්චයසන්තොසං අරියවංසං කථෙතුං “සන්තුට්ඨො හොති ඉතරීතරෙන ගිලානපච්චයභෙසජ්ජපරික්ඛාරෙන”තිආදිමාහ. තං පිණ්ඩපාතගතිකමෙව. තත්ථ යථාලාභයථාබලයථාසාරුජ්ජසන්තොසෙනෙව සන්තුස්සිතබ්බං. භාවනාරාමඅරියවංසො පන ඉධ අනාගතො, නෙසජ්ජිකඬිගං භාවනාරාමඅරියවංසං හජති (දී. නි. අට්ඨ. 3.309; අ. නි. අට්ඨ. 2.4.28). චුත්තම්පි වෙතං –

“පඤ්ච සෙනාසනෙ චුත්තා, පඤ්ච ආභාරනිස්සිතා;  
ඵකො වීරියසංයුත්තො, ද්වෙ ච වීචරනිස්සිතා”ති. (දී. නි. අට්ඨ. 3.309; අ. නි. අට්ඨ. 2.4.28);

පොරාණෙ අග්ගඤ්ඤෙ අරියවංසෙ යීතොති එත්ථ පොරාණෙති න අධුනුප්පත්තිකෙ. අග්ගඤ්ඤෙති අග්ගෙහි ජාතිතබ්බෙ. අරියවංසෙති අරියානං වංසෙ. යථා හි බත්තියවංසො බ්‍රාහ්මණවංසො වෙස්සවංසො සුද්දවංසො සමණවංසො කුලවංසො රාජවංසො, එවමයම්පි අට්ඨමො අරියවංසො, අරියතන්ති අරියපචෙණි නාම හොති. සො ඛො පනායං වංසො ඉමෙසං වංසානං මූලගන්ධාදීනං කාලානුසාරිගන්ධාදියො විය අග්ගමක්ඛායති. කෙ පන තෙ අරියා, යෙසං එසො වංසොති? අරියා වුවුවන්ති බුද්ධා ව පච්චෙකබුද්ධා ව තථාගතසාවකා ව, තෙසං අරියානං වංසොති අරියවංසො. ඉතො පුබ්බෙ හි සතසහස්සකප්පාධිකානං චතුත්තං අසඬ්ඛොයානං මත්ථකෙ තණ්හඬ්ඛකරො මෙධඬ්ඛකරො සරණඬ්ඛකරො දීපඬ්ඛකරොති චත්තාරො බුද්ධා උප්පන්නා, තෙ අරියා, තෙසං අරියානං වංසොති අරියවංසො. තෙසං බුද්ධානං පරිනිබ්බානතො අපරහාගෙ අසඬ්ඛොයායං අතික්කමිත්වා කොණ්ඩඤ්ඤො නාම බුද්ධො උප්පන්නො...පෙ.... ඉමස්මිං කප්පෙ කකුසන්ධො කොණාගමනො කස්සපො අම්භාකං හගවා ගොතමොති චත්තාරො බුද්ධා උප්පන්නා, තෙසං අරියානං වංසොති අරියවංසො. අපි ව අතීතානාගතපච්චුප්පන්නානං සබ්බබුද්ධපච්චෙකබුද්ධබුද්ධසාවකානං අරියානං වංසොති අරියවංසො, තස්මිං අරියවංසෙ (අ. නි. අට්ඨ. 2.4.28). යීතොති පතිට්ඨිතො. සෙසං චුත්තනයෙනෙව වෙදිතබ්බං.

අට්ඨමගාථානිද්දෙසවණ්ණනා.

**129.** නවමෙ අයං යොජනා - දුස්සඬ්ඛහා පබ්බජ්ජාපි එකෙ, යෙ අසන්නොසාහිභූතා, තථාච්චා එව ව අපො ගහට්ඨා සරමාවසන්නා. එතමහං දුස්සඬ්ඛහහාවං ජිගුච්ඡන්නො විපස්සනං ආරහිත්වා පච්චෙකබ්බොධිං අධිගතොමිහිති. සෙසං පුරිමනයෙනෙව වෙදිතබ්බං.

නිද්දෙසෙ අනස්සවාති වචනං අස්සවනකා. අවචනකරාති දුබ්බවා. පටිලොමචුත්තිනොති පච්චනීකං කථනසීලා, පටිමල්ලා හුත්වා පචත්තන්තීති අත්ථො. අඤ්ඤෙනෙව මුඛං කරොන්තීති ඔවාදදායකෙ දිස්වා මුඛං පරිවත්තෙත්වා අඤ්ඤං දිසාහාගං ඔලොකෙන්නි. අඛ්‍යාවටො හුත්වාති අචාවටො හුත්වා. අනපෙක්ඛො හුත්වාති අනල්ලිනො හුත්වා.

නවමගාථානිද්දෙසවණ්ණනා.

**130.** දසමෙ ඔරොපයිත්වාති අපනෙත්වා. ගිහිඛ්‍යඤ්ජනානීති කෙසමස්සඬ්ඛදාතවත්ථාලඬ්ඛකාරමාලාගන්ධවිලෙපනඉත්ථිපුත්තදාසිදාසාදීනි. එතානි ගිහිභාවං ඛ්‍යඤ්ජයන්ති, තස්මා “ගිහිඛ්‍යඤ්ජනානී”ති වුවුවන්ති. සඤ්ජින්නපත්තොති පතිතපත්තො. ඡෙත්වානානි මග්ගඤ්ඤාණෙන ඡින්දිත්වා.



වීරොති මග්ගවීරියසමන්තාගතො. ගිහිබන්ධනානීති කාමබන්ධනානි. කාමා හි ගිහීනං බන්ධනානි. අයං තාව පදත්ථො.

අයං පන අධිප්පායො — “අහො චතාහමපි ඔරොපයිත්වා ගිහිබන්ධනානි සඤ්ජින්නපත්තො යථා කොවිළාරො භවෙය්‍ය”න්ති එවඤ්ඤි චිත්තයමානො විපස්සනං ආරහිත්වා පච්චෙකබ්බොධිං අධිගතොමහීති (සු. නි. අට්ඨ. 1.44). සෙසං පුරිමනෙයෙනෙව ජානිතබ්බං.

නිද්දෙසෙ සාරාසනඤ්චාති සාරං ආසනං. ඡින්නානීති ගළිතානි. සඤ්ජින්නානීති නිපණ්ණානි. පතිතානීති වණ්ටතො මුත්තානි. පරිපතිතානීති භූමියං පතිතානි.

දසමගාථානිද්දෙසවණ්ණනා.

පයමවග්ගවණ්ණනා නිට්ඨිතා.

## 2. දුතියවග්ගවණ්ණනා

**131-2.** දුතියවග්ගස්ස පයමද්වයෙ නිපකන්ති පකතිනිපුණං පණ්ඩිතං කසිණපරිකම්මාදීසු කුසලං. සාධුවිහාරිත්ති අප්පනාවිහාරෙන වා උපවාසෙන වා සමන්තාගතං. ධීරන්ති ධිතිසම්පන්නං. තත්ථ නිපකත්තෙන ධිතිසම්පදා චුත්තා. ඉධ පන ධිතිසම්පන්නමෙවාති අත්ථො. ධිති නාම අසිලිපරක්කමතා, “කාමං තථො ච න්හාරු වා”ති (ම. නි. 2.184; අ. නි. 2.5; මහානි. 196) එවං පවත්තවීරියස්සෙන අධිවචනං. අපි ච ධික්කතපාපොතිපි ධීරො. රාජාව රට්ඨං විජිතං පහායාති යථා පටිරාජා “විජිතං රට්ඨං අනත්ථාවහ”න්ති ඤාත්වා රජ්ජං පහාය එකො වරති එවං බාලසහායං පහාය එකො වරෙ. අථ වා රාජාව රට්ඨන්ති යථා සුතසොමො රාජා විජිතං රට්ඨං පහාය එකො වරි, යථා ච මහාජනකො එවං එකොව වරෙති අයම්පි එතස්සත්ථො. සෙසං චුත්තානුසාරෙන සක්කා ජානිතුන්ති න විත්ථාරිතං (සු. නි. අට්ඨ. 1.45-46). නිද්දෙසෙ වත්තබ්බං නත්ථී.

පයමද්වයං.

**133.** තතියගාථා පදත්ථතො උත්තානා එව. කෙවලඤ්ච පන සහායසම්පදන්ති එත්ථ අසෙක්ඛෙහි සීලාදික්ඛන්ධෙහි සම්පන්නා සහායා එව “සහායසම්පදා”ති වෙදිතබ්බා. අයං පනෙත්ථ යොජනා — යා අයං චුත්තා සහායසම්පදා, තං සහායසම්පදං අද්ධා පසංසාම, එකංසෙනෙව ථොමෙමාති චුත්තං හොති. කථං? සෙට්ඨා සමාසෙවිතබ්බා සහායාති. කස්මා? අත්තතො සීලාදීහි සෙට්ඨෙ සෙවමානස්ස සීලාදයො ධම්මා අනුප්පන්නා උප්පජ්ජන්ති, උප්පන්නා වුද්ධිං විරුළ්භිං වෙපුළ්ලං පාපුණන්ති. සමෙ සෙවමානස්ස අඤ්ඤාමඤ්ඤාසමධාරණෙන කුක්කුච්චවිනොදනෙන ව

ලද්ධා න පරිභායන්ති. එතෙ පන සභායකෙ සෙට්ඨෙ ච සමෙ ච අලද්ධා කුහනාදිමිච්ඡාජීවං වජ්ජෙත්වා ධම්මෙන සමෙන උප්පන්නං භොජනං භුඤ්ජන්තො තත්ථ ච පටිඝානුනයං අනුප්පාදෙන්තො අනවජ්ජභොජී හුත්වා අත්ථකාමො කුලපුත්තො එකො චරෙ බග්ගවිසාණකප්පො. අහම්පි හි එවං චරන්තො ඉමං සම්පත්තිං අධිගතොම්හීති (සු. නි. අට්ඨ. 1.47). නිද්දෙසො වුත්තනයො එව.

තතියං.

**134.** චතුත්ථෙ දිස්වාති ඔලොකෙත්වා. සුවණ්ණස්සාති කඤ්චනස්ස. “චලයාති”ති පාඨසෙසො. සාවසෙසපාඨො හි අයං අත්ථො. පහස්සරාතීති පහාසනසීලාති, ජුතිමන්තාතීති වුත්තං භොති. සෙසං උත්තානපදත්ථමෙව. අයං පන යොජනා – දිස්වා භුජස්මිං සුවණ්ණස්ස චලයාති “ගණවාසෙ සති සඬ්ඝට්ඨනා, එකවාසෙ සති අඝට්ඨනා”ති එවං වින්තෙන්තො විපස්සනං ආරභිත්වා පච්චෙකබොධිං අධිගතොම්හීති. සෙසං වුත්තනයමෙවාති (සු. නි. අට්ඨ. 1.48). නුපුරාතීති චලයාති. “නියුරා”ති කෙච්චි වදන්ති. සට්ඨෙත්තීති අඤ්ඤාමඤ්ඤං හනන්ති.

චතුත්ථං.

**135.** පඤ්චමගාථා පදත්ථතො උත්තානා එව. අයං පන එත්ථ අධිප්පායො – ය්වායං එතෙන දුතීයෙන කුමාරෙන සීතුණ්භාදීති නිවෙදෙන්තෙන සහවාසෙන තං සඤ්ඤාපෙත්තස්ස මම වාචාහිලාපො, තස්මිං සිනෙහවසෙන අභිසජ්ජනා වා ජාතා. සථෙ අහං ඉමං න පරිච්චජාමි, තතො ආයතිමිපි තථෙව භෙස්සති. යථා ඉදානි, එවං දුතීයෙන සහ මමස්ස, වාචාහිලාපො අභිසජ්ජනා වා. උභයමිපි චෙතං අත්තරායකරං විසෙසාධිගමස්සාති එතං භයං ආයතිං පෙක්ඛමානො තං ඡඩ්ඛෙත්වා යොනිසො පටිපජ්ජිත්වා පච්චෙකබොධිං අධිගතොම්හීති (සු. නි. අට්ඨ. 1.49). සෙසං වුත්තනයමෙව.

පඤ්චමං.

**136.** ඡට්ඨෙ කාමාති ද්වෙ කාමා වත්ථුකාමා ච කිලෙසකාමා ච. තත්ථ වත්ථුකාමා මනාපියා රූපාදයො ධම්මා, කිලෙසකාමා ඡන්දාදයො සබ්බෙපි රාගජ්ජහෙදා. ඉධ පන වත්ථුකාමා අධිප්පෙතා. රූපාදිඅනෙකප්පකාරෙන චිත්තා. ලොකස්සාදවසෙන මධුරා. බාලපුපුජ්ජනානං මනං රමෙන්තීති මනොරමා. විරූපරූපෙනාති විරූපෙන රූපෙන, අනෙකච්චෙත සභාවෙනාති වුත්තං භොති. තෙ හි රූපාදිවසෙන චිත්තා, රූපාදිසුපි නිලාදිවසෙන විවිධරූපා. එවං තෙන විරූපරූපෙන තථා තථා අස්සාදං දස්සෙත්වා මථෙත්ති විත්තං, පබ්බජ්ජාය අභිරමිතුං න දෙන්තීති. සෙසමෙත්ථ පාකට්ඨමෙව. නිගමනමිපි

ද්විති තීති වා පදෙහි යොජෙත්වා පුරිමගාථාසු චුත්තනයෙන වෙදිතබ්බං (සු. නි. අට්ඨ. 1.50).

කාමගුණාති කාමයිතබ්බට්ඨයෙන කාමා. බන්ධනට්ඨයෙන ගුණා. “අනුජානාමි, භික්ඛවෙ, අහතානං වත්ථානං දිගුණං සඬ්ඝාටි”න්ති (මහාව. 348) එත්ථ පටලට්ඨයො ගුණට්ඨයො. “අවිචෙත්ති කාලා තරයන්ති රත්තියො, වයොගුණා අනුපුබ්බං ජහන්ති”ති (සං. නි. 1.4) එත්ථ රාසට්ඨයො ගුණට්ඨයො. “සතගුණා දක්ඛිණා පාටිකඬ්ඛිතබ්බා”ති (ම. නි. 3.379) එත්ථ ආනිසංසට්ඨයො ගුණට්ඨයො. “අන්තං අන්තගුණං (දී. නි. 2.377; ම. නි. 1.110; බු. පා. 3.ද්වත්තිංසාකාර), කයිරා මාලාගුණෙ බහු”ති එත්ථ බන්ධනට්ඨයො ගුණට්ඨයො. ඉධාපි එසෙව අධිප්පෙතො, තෙන චුත්තං – “බන්ධනට්ඨයෙන ගුණා”ති. වක්ඛුච්ඤ්ඤායාති වක්ඛුච්ඤ්ඤාණෙන පස්සිතබ්බා. එතෙනුපායෙන සොතච්ඤ්ඤායාදීසුපි අත්ථො වෙදිතබ්බො. ඉට්ඨාති පරිඨිට්ඨා වා හොන්තු, මා වා, ඉට්ඨාරම්මණභූතාති අත්ථො. කන්තාති කාමනීයා. මනාපාති මනාවඩ්ඪනකා. පියරූපාති පියජාතිකා. කාමුපසංභිතාති ආරම්මණං කත්වා උප්පජ්ජමානෙන කාමෙන උපසංභිතා. රජනීයාති රජ්ජනියා, රාගුප්පත්තිකාරණභූතාති අත්ථො.

යදි මුද්දායාතිආදීසු මුද්දාති අඬ්ගලිපබ්බෙසු සඤ්ඤං යපෙත්වා හත්ථමුද්දා. ගණනාති අවිජ්ද්දගණනා. සඬ්ඛානන්ති පිණ්ඩගණනා. යාය බෙත්තං ඔලොකෙත්වා “ඉධ එත්තකා වීභී හවිස්සන්ති”, රුක්ඛං ඔලොකෙත්වා “ඉධ එත්තකාති එලානි හවිස්සන්ති”, ආකාසං ඔලොකෙත්වා “ඉමෙ ආකාසෙ සකුණා එත්තකා නාම හවිස්සන්ති”ති ජානන්ති. කසිති කසිකම්මං. වණ්ණජ්ජාති ජඬ්ඝවණ්ණජ්ජථලවණ්ණජ්ජාදිවණ්ණජ්ජපථො. ගොරක්ඛන්ති අත්තතො වා පරෙසං වා ගාවො රක්ඛිත්වා පඤ්චගොරසවික්කයෙන ජීවනකම්මං. ඉස්සත්ථො වුවචති ආවුධං ගහෙත්වා උපට්ඨානකම්මං. රාජපොරිසන්ති විනා ආවුධෙන රාජකම්මං කත්වා රාජුපට්ඨානං. සිප්පඤ්ඤතරන්ති ගහිතාවසෙසහත්ථිඅස්සසිප්පාදි.

සීතස්ස පුරක්ඛතොති ලක්ඛං විය සරස්ස සීතස්ස පුරතො ධීතො, සීතෙන බාධියමානොති අත්ථො. උණ්හෙපි එසෙව නයො. ඩංසාදීසු ඩංසාති පිඬ්ගලමක්ඛිකා. මකසාති සබ්බමක්ඛිකා. සරීසපාති යෙ කෙවි සරිත්වා ගවිජන්ති. රිස්සමානොති පිළියමානො රුප්පමානො සට්ඨියමානො. මීයමානොති මරමානො. අයං, භික්ඛවෙති භික්ඛවෙ, අයං මුද්දාදිහි ජීවිකකප්පනං ආගම්ම සීතාදිපච්චයො ආබාධො. කාමානං ආදීනවොති කාමෙසු උපද්දවො, උපසග්ගොති අත්ථො. සන්දිට්ඨිකොති පච්චක්ඛො සාමං පස්සිතබ්බො. දුක්ඛක්ඛන්ධොති දුක්ඛරාසි. කාමහෙතුතිආදීසු පච්චයට්ඨයෙන කාමා අස්ස හෙතුති කාමහෙතු. මූලට්ඨයෙන කාමා

නිදානමස්සාති කාමනිදානො. ලිඛිගවිපල්ලාසෙන පන “කාමනිදාන”න්ති වුත්තො. කාරණට්ඨෙන කාමා අධිකරණං අස්සාති කාමාධිකරණො. ලිඛිගවිපල්ලාසෙනෙව පන “කාමාධිකරණ”න්ති වුත්තො. කාමානමෙව හෙතුති ඉදං නියමවචනං කාමපච්චයා උප්පජ්ජති යෙවාති අත්ථො.

උට්ඨහතොති ආජීවසමුට්ඨාපකවීරියෙන උට්ඨහන්තස්ස. සටතොති තං වීරියං පුබ්බෙනාපරං සටෙන්තස්ස. වායමතොති වායාමං පරක්කමං පයොගං කරොන්තස්ස. නාහිනිප්පජ්ජන්තිති න නිප්පජ්ජන්ති, හත්ථං නාහිරුහන්ති. සොවතීති විත්තෙ උප්පන්නබලවසොකෙන සොවති. කිලමතීති කායෙ උප්පන්නදුක්ඛෙන කිලමති. පරිදෙවතීති වාචාය පරිදෙවති. උරත්තාලීන්ති උරං තාලෙත්වා. කන්දතීති රොදති. සම්මොහං ආපජ්ජන්ති විසඤ්ඤී විය සම්මුල්ලො හොති. මොසන්ති තුච්ඡං. අඵලොති නිප්ඵලො.

ආරක්ඛාධිකරණන්ති ආරක්ඛකාරණා. කින්ති මෙති කෙන නු බො මෙ උපායෙන. යම්පි මෙති යම්පි මය්හං කසිකම්මාදීති කත්වා උප්පාදිතං ධනං අහොසි. තම්පි නො නත්ථීති තම්පි අම්භාකං ඉදානි නත්ථී.

පුන වපරං, භික්ඛවෙ, කාමහෙතුතිආදිනාපි කාරණං දස්සෙත්වාච ආදීනවං දීපෙති. තත්ථ කාමහෙතුති කාමපච්චයා රාජානොපි රාජුහි විවදන්තීති අත්ථො. කාමනිදානන්ති භාවනපුංසකං, කාමෙ නිදානං කත්වා විවදන්තීති අත්ථො. කාමාධිකරණන්තිපි භාවනපුංසකමෙව, කාමෙ අධිකරණං කත්වා විවදන්තීති අත්ථො. කාමානමෙව හෙතුති ගාමනිගමසෙනාපතිපුරොහිතට්ඨානන්තරාදීනං කාමානංයෙව හෙතු විවදන්තීති අත්ථො. උපක්කමන්තීති පහරන්ති.

අසිවම්මන්ති අසිඤ්ඤෙව බෙට්ඨකඵලකාදීනි ව.

ධනුකලාපං සන්තය්හිත්වාති ධනුං ගහෙත්වා සරකලාපං සන්තය්හිත්වා. උහතොබ්බුල්හන්ති උහතොරාසිභූතං. පක්ඛන්දන්තීති පවිසන්ති. උසුසුති කණ්ඨෙසු. විජ්ජොතලන්තෙසුති පරිවත්තමානෙසු. තෙ තත්ථාති තෙ තස්මිං සඬිගාමෙ.

අද්දාවලෙපනා උපකාරියොති වෙන්ථ මනුස්සා පාකාරපාදං අස්සබ්බරසණ්ඨානෙන ඉට්ඨකාහි විනිත්වා උපරි සුධාය ලිම්පන්ති. ඵ්වං කතපාකාරපාදා “උපකාරියො”ති වුව්චන්ති. තා තින්තෙන කලලෙන සිත්තා අද්දාවලෙපනා නාම හොන්ති. පක්ඛන්දන්තීති තාසං හෙට්ඨා තිඛිණඅයසුලරුක්ඛසුලාදීහි විජ්ඣයමානා පාකාරස්ස පිච්ඡිල්ලභාවෙන ආරොහිතුං අසක්කොන්තාපි උපධාවන්තියෙව. ජකණකායාති කුටීතගොමයෙන. අභිවග්ගෙනාති සතදන්තෙන. තං අට්ඨදන්තාකාරෙන



කත්වා “නගරද්වාරං භින්දිත්වා පවිසිස්සාමා” ති ආගතෙ උපරිද්වාරෙ යිතා තස්ස බන්ධනයොත්තානි ඡින්දිත්වා තෙන අභිවග්ගෙන ඔමද්දන්ති.

සන්ධිමපි ඡින්දන්තිති සරසන්ධිමපි. නිල්ලොපන්ති ගාමෙ පහරිත්වා මහාවිලොපං කරොන්ති. එකාගාරිකන්ති පණ්ණාසමත්තාපි සට්ඨිමත්තාපි පරිවාරෙත්වා ජීවග්ගාහං ගහෙත්වා ධනං ආහරාපෙන්නි. පරිපන්ථෙපි තිට්ඨන්තිති පන්ථදුහනකම්මං කරොන්ති. අඩ්ඨදණ්ඩකෙහීති මුග්ගරෙහි (ම. නි. අට්ඨ. 1.169). සෙසං වුත්තත්ථමෙව.

ජට්ඨං.

137. සත්තමෙ එතීති ඊතී, ආගන්තුකානං අකුසලභාගියානං බ්‍යසනහෙතුනං එතං අධිවචනං. තස්මා කාමගුණාපි එතෙ අනෙකබ්‍යසනාවහට්ඨයෙන දළ්භසන්නිපාතට්ඨයෙන ච ඊතී. ගණ්ඨොපි අසුචිං පග්ගරති, උද්ධුමාතපරිපක්කපරිභින්නො හොති. තස්මා එතෙ කිලෙසා අසුචිපග්ගරණතො උප්පාදජරාහඩ්ගෙහි උද්ධුමාතපරිපක්කපරිභින්නහාවතො ච ගණ්ඨො. උපද්දවතීති උපද්දවො, අනත්ථං ජනෙන්නො අභිභවති අප්ඤ්ඤාත්ථරතීති අත්ථො, රාගගණ්ඨාදීනමෙතං අධිවචනං. තස්මා කාමගුණාපෙතෙ අවිදිතනිබ්බානත්ථාවහහෙතුතාය සබ්බුපද්දවචත්ථුතාය ච උපද්දවො. යස්මා පනෙතෙ කිලෙසාතුරහාවං ජනෙන්නා සීලසඩ්ධාතමාරොග්‍යං ලොලුප්පං වා උප්පාදෙන්නා පාකතිකමෙව ආරොග්‍යං විලුම්පන්ති, තස්මා ඉමිනා ආරොග්‍යවිලුම්පනට්ඨයෙන රොගො. අබ්භන්තරමනුපවිට්ඨට්ඨයෙන පන අන්තොතුදනට්ඨයෙන දුන්නීහරණීයට්ඨයෙන ච සල්ලං. දිට්ඨධම්මිකසම්පරායිකභයාවහනතො භයං. මෙතන්ති එතං සෙසමෙත්ථ පාකට්ඨමෙව. නිගමනමිපි වුත්තනයෙනෙව වෙදිතබ්බං (සු. නි. අට්ඨ. 1.51).

කාමරාගරත්තායන්ති කාමරාගෙන රත්තො අයං. ඡන්දරාගවිනිබද්ධොති ඡන්දරාගෙන ස්තෙනෙන බද්ධො. දිට්ඨධම්මිකාපි ගබ්භාති ඉමස්මිං අත්තභාවෙ වත්තමානසලායතනගබ්භා. සම්පරායිකාපි ගබ්භාති පරලොකෙපි සලායතනගබ්භා. න පරිමුච්චතීති පරිමුච්චිතුං න සක්කොති. ඔතිණ්ණො සාතරුපෙනාති මධුරසභාවෙන රාගෙන ඔතිණ්ණො ධගාහිතො. පලිපථන්ති කාමකලලමග්ගං. දුග්ගන්ති දුග්ගමං.

සත්තමං.

138. අට්ඨමෙ සීතං දුබ්බිධං අබ්භන්තරධාතුක්ඛොහපච්චයඤ්ච බාහිරධාතුක්ඛොහපච්චයඤ්ච. තථා උණ්හං. තත්ථ ඩංසාති පිඩගලමක්ඛිකා. සරිසපෙනි යෙ කෙච්චි දීඝජාතිකා සරිත්වා ගච්ඡන්ති. සෙසං පාකට්ඨමෙව. නිගමනමිපි වුත්තනයෙනෙව වෙදිතබ්බං.

අට්ඨමං.

**139.** නවමගාලා පදත්ථතො පාකථා එව. අයං පනෙත්ථ අධිප්පායයොජනා – සා ව බො යුත්තිවසෙන, න අනුස්සවවසෙන. යථා අයං හත්ථි මනුස්සකන්තෙසු සීලෙසු දන්තත්තා අදන්තභූමිං නාගච්ඡතීති වා, සරීරමහත්තතාය වා නාගො. එවං කුදාස්සු නාමාහමිපි අරියකන්තෙසු සීලෙසු දන්තත්තා අදන්තභූමිං නාගමනෙන, ආගං අකරණෙන, පුන ඉත්ථත්තං අනාගමනෙන ව ගුණසරීරමහත්තතාය වා නාගො භවෙය්‍යං. යථා වෙස යුථානි විචජ්ජයිත්වා එකචරියසුබ්බෙන යථාභිරත්තං විහරෙ අරඤ්ඤෙ, එකො වරෙ බග්ගවිසාණකප්පො, කුදාස්සු නාමාහමිපි එවං ගණං විචජ්ජයිත්වා එකත්තාභිරතිසුබ්බෙන ඤානසුබ්බෙන යථාභිරත්තං අරඤ්ඤෙ අත්තතො යථා යථා සුඛං, තථා තථා යත්තකං වා ඉච්ඡාමි, තත්තකං අරඤ්ඤෙ නිවාසං එකො වරෙ බග්ගවිසාණකප්පො එකො වරෙය්‍යන්ති අත්ථො. යථා වෙස සුසණ්ඨිතක්ඛන්ධමහත්තතාය සඤ්ජාතක්ඛන්ධො, කුදාස්සු නාමාහමිපි එවං අසෙක්ඛසීලක්ඛන්ධමහත්තතාය සඤ්ජාතක්ඛන්ධො භවෙය්‍යං. යථා වෙස පදුමසදිසගත්තතාය වා, පදුමකුලෙ උප්පන්නතාය වා පදුමී, කුදාස්සු නාමාහමිපි එවං පදුමසදිසබොජ්ඣකිගමහත්තතාය වා, අරියජාතිපදුමෙ උප්පන්නතාය වා පදුමී භවෙය්‍යං. යථා වෙස ථාමබලපවාදීහි උළාරො, කුදාස්සු නාමාහමිපි එවං පරිසුද්ධකායසමාචාරතාදීහි සීලසමාධිනිබ්බේධිකපඤ්ඤාදීහි වා උළාරො භවෙය්‍යන්ති එවං චිත්තෙන්තො විපස්සනං ආරහිත්වා පච්චෙකබ්බොධිං අධිගතොමිහිති.

නවමං.

**140.** දසමෙ අට්ඨානතන්ති අට්ඨානං තං, අකාරණං තන්ති චුත්තං හොති. අනුනාසිකස්ස ලොපො කතො “අරියසච්චාන දස්සන”න්තිආදීසු (බු. පා. 5.11; සු. නි. 270) විය. සඬගණිකාරතස්සාති ගණාභිරතස්ස. යන්ති කාරණචචනමෙතං “යං හිරියති හිරියිතබ්බෙනා”න්තිආදීසු (ධ. ස. 30) විය. එස්සයෙති අධිගච්ඡෙ. සාමයිකං විමුත්තින්ති ලොකියසමාපත්තිං. සා හි අප්පිතප්පිතසමයෙ එව පච්චනිකෙහි විමුච්චනතො “සාමයිකා විමුත්ති”ති චුච්චති. තං සාමයිකං විමුත්තිං. “අට්ඨානං තං, න තං කාරණං විජ්ජති සඬගණිකාරතස්ස, යෙන කාරණෙන එස්සයෙ ඉති එතං ආදිච්චබන්ධුස්ස පච්චෙකබුද්ධස්ස වචො නිසම්ම සඬගණිකාරතිං පහාය යොනිසො පටිපජ්ජන්තො අධිගතොමිහි”ති ආහ. සෙසං චුත්තනයමෙව (සු. නි. අට්ඨ. 1.54; අප. අට්ඨ. 1.1.110).

නිද්දෙසෙ නෙක්ඛම්මසුබන්ති පබ්බජ්ජාසුඛං. පච්චෙකසුබන්ති කායචිත්තඋපධිච්චෙකෙ සුඛං. උපසමසුබන්ති කිලෙසුපසමං ඵලසමාපත්තිසුඛං. සම්බොධිසුබන්ති මග්ගසුඛං. නිකාමලාභීති අත්තතො

රුච්චසෙන යථාකාමලාභී. අකිච්ඡලාභීති අදුක්ඛලාභී. අකසිරලාභීති විපුලලාභී. අසාමයිකන්ති ලොකුත්තරං. අකුප්පන්ති කුප්පවිරහිතං අවලිං ලොකුත්තරමග්ගං.

දසමං.

දුතියවග්ගවණ්ණනා නිට්ඨිතා.

### 3. තතියවග්ගවණ්ණනා

141. තතියවග්ගස්ස පයමෙ දිට්ඨිවිසුකානීති ද්වාසට්ඨිදිට්ඨිගතානි. තානි හි මග්ගසම්මාදිට්ඨියා විසුකට්ඨෙන විජ්ඣනට්ඨෙන විලොමට්ඨෙන ච විසුකානි. එවං දිට්ඨියා විසුකානීති දිට්ඨිවිසුකානි, දිට්ඨියො එව චා විසුකානි දිට්ඨිවිසුකානි. උපාතිවත්තොති දස්සනමග්ගෙන අතික්කන්තො. පත්තො නියාමන්ති අවිනිපාතධම්මතාය සම්බොධිපරායනතාය ච නියතභාවං අධිගතො, සම්මත්තනියාමසඬ්ඛාතං චා පයමමග්ගන්ති. එත්තාවතා පයමමග්ගකිව්චනිප්පත්ති ච තස්ස පටිලාභො ච චුත්තො. ඉදානි පටිලද්ධමග්ගොති ඉමිනා සෙසමග්ගපටිලාභං දස්සෙති. උප්පන්නඤාණොමිහීති උප්පන්නපච්චෙකබොධිඤාණො අමිහි. එතෙන එලං දස්සෙති. අනඤ්ඤනෙයොනි අඤ්ඤෙහි “ඉදං සච්චං ඉදං සච්ච”න්ති නනෙතබ්බො. එතෙන සයම්භූතං දීපෙති. පත්තෙ චා පච්චෙකබොධිඤාණො අඤ්ඤනෙයානාය අභාවා සයංවසිතං. සමථවිපස්සනාය චා දිට්ඨිවිසුකානි උපාතිවත්තො, ආදිමග්ගෙන පත්තො නියාමං, සෙසෙහි පටිලද්ධමග්ගො, එලඤාණෙන උප්පන්නඤාණො, තං සබ්බං අත්තනාව අධිගතොති අනඤ්ඤනෙයො. සෙසං චුත්තනයෙනෙව වෙදිතබ්බං (සු. නි. අට්ඨ. 1.54; අප. අට්ඨ. 1.1.111).

න පරනෙයොනි න අඤ්ඤෙහි නෙතබ්බො. න පරප්පත්තියොති පච්චික්ඛධම්මත්තා න අඤ්ඤෙහි සද්දභාපෙතබ්බො. න පරප්පච්චියොති න අස්ස පරො පච්චියො, න පරස්ස සද්ධාය චත්තනීති න පරප්පච්චියො. න පරපට්ඨිද්ධගුති න අඤ්ඤෙසං පට්ඨිද්ධඤාණගමනො.

පයමං.

142. දුතියෙ නිල්ලොලුපොති අලොලුපො. යො හි රසතණ්හාහිභූතො හොති, සො භුසං ලුප්පති පුනප්පුනඤ්ච ලුප්පති, තෙන “ලොලුපො”ති චුච්චති. තස්මා එස තං පටික්ඛිපන්තො ආහ “නිල්ලොලුපො”ති. නික්කුහොති එත්ථ කිඤ්චාපි යස්ස තිව්ධකුහනවත්ථු නත්ථී, සො “නික්කුහො”ති චුච්චති, ඉමිස්සා පන ගාථාය මනුඤ්ඤහොජනාදිසු විම්භයමනාපජ්ජනතො නික්කුහොති අයමධිප්පායො. නිප්පිපාසොති එත්ථ පාතුමිච්ඡා පිපාසා, තස්සා අභාවෙන නිප්පිපාසො, සාරුරසලොහෙන

භොත්තුකම්‍යතාවිරහිතොති අත්ථො. නිම්මක්ඛොති එත්ථ පරගුණවිනාසනලක්ඛණො මක්ඛො, තස්ස අභාවෙන නිම්මක්ඛො. අත්තනො ගහට්ඨකාලෙ සුදස්ස ගුණමක්ඛනාභාවං සන්ධාය ආහ. නිද්ධන්තකසාවමොභොති එත්ථ රාගාදයො තයො කායදූව්චරිතාදීනි ච තිණිති ඡ ධම්මා යථාසම්භවං අප්පසන්නට්ඨෙන සකභාවං විජභාපෙත්වා පරභාවං ගණ්භාපනට්ඨෙන කසට්ඨයෙන ච “කසාවා”ති වෙදිතබ්බො. යථාහ

—

“තත්ථ කතමෙ තයො කසාවා? රාගකසාවො දොසකසාවො මොහකසාවො, ඉමෙ තයො කසාවා. තත්ථ කතමෙ අපරෙපි තයො කසාවා? කායකසාවො චිකිකසාවො මනොකසාවො”ති (විහ. 924).

තෙසු මොහං ධ්වංසෙත්වා පඤ්චන්තං කසාවානං තෙසඤ්ච සබ්බෙසං මූලභූතස්ස මොහස්ස නිද්ධන්තත්තා නිද්ධන්තකසාවමොභො, තිණිණං එව චා කායච්චිමනොකසාවානං මොහස්ස ච නිද්ධන්තත්තා නිද්ධන්තකසාවමොභො. ඉතරෙසු නිල්ලොලුපතාදීහි රාගකසාවස්ස, නිම්මක්ඛතාය දොසකසාවස්ස නිද්ධන්තභාවො සිද්ධො එව. නිරාසසොති නිත්තණ්භො. සබ්බලොකෙති සකලලොකෙ, තීසු භවෙසු ද්වාදසසු චා ආයතනෙසු භවවිභවතණ්භාවිරහිතො හුත්වාති අත්ථො. සෙසං චුත්තනයෙනෙව වෙදිතබ්බං. අථ චා තයොපි පාදෙ වත්ථා එකො චරෙති එකො චරිතුං සක්කුණෙය්‍යාති එවම්පි එත්ථ සම්බන්ධො කාතබ්බො (සු. නි. අට්ඨ. 1.96).

දුතියං.

**143.** තතියෙ අයං සඨබ්බෙපත්ථො — ය්වායං දසවත්ථුකාය පාපදිට්ඨියා සමන්තාගතත්තා පාපො. පරෙසම්පි අනත්ථං දස්සෙතීති අනත්ථදස්සී. කායදූව්චරිතාදීමිති ච විසමෙ නිව්චියො. තං අත්ථකාමො කුලපුත්තො පාපං සභායං පරිවජ්ජයෙථ, අනත්ථදස්සීං විසමෙ නිව්චියං. සයං න සෙවෙති අත්තනො වසෙන තං න සෙවෙය්‍යා. යදි පන පරවසො භොති, කිං සක්කා කාතුන්ති චුත්තං භොති. පසුතන්ති පසට්ඨං, දිට්ඨිවසෙන තත්ථ තත්ථ ලග්ගන්ති අත්ථො. පමත්තන්ති කාමගුණසු වොස්සට්ඨවිත්තං, කුසලභාවනාරහිතං චා. තං එවරූපං න සෙවෙ න භජෙ න පයිරූපාසෙ, අඤ්ඤදත්ථු එකො චරෙ බග්ගවිසාණකප්පොති.

නිද්දෙසෙ සයං න සෙවෙය්‍යාති සාමං න උපසඨිකමෙය්‍යා. සාමං න සෙවෙය්‍යාති විත්තෙනපි න උපසඨිකමෙය්‍යා. න සෙවෙය්‍යාති න භජෙය්‍යා. න නිසෙවෙය්‍යාති සමීපම්පි න ගච්ඡෙය්‍යා. න සංසෙවෙය්‍යාති දුරෙ භවෙය්‍යා. න පරිසංසෙවෙය්‍යාති පටික්කමෙය්‍යා.



තතියං.

**144.** චතුත්ථෙ අයං සඨබ්බෙපත්ථො – බහුස්සුතන්ති දුට්ඨො බහුස්සුතො තිස්ස පිටකෙසු අත්ථතො නිබ්බ්ලො පරියත්තිබහුස්සුතො ච මග්ගඵලවිජ්ජාහිඤ්ඤානං පටිවිද්ධත්තා පටිවෙධබහුස්සුතො ච. ආගතාගමො ධම්මධරො. උළාරෙහි පන කායවච්ඡිමනොකම්මෙහි සමන්තාගතො උළාරො. යුත්තපටිභානො ච මුත්තපටිභානො ච යුත්තමුත්තපටිභානො ච පටිභානවා. පරියත්තිපරිපුච්ඡාධිගමවසෙන වා තිධා පටිභානවා වෙදිතබ්බො. යස්ස හි පරියත්ති පටිභාති, සො පරියත්තිපටිභානවා. යස්ස අත්ථඤ්ච ඤායඤ්ච ලක්ඛණඤ්ච ධානාට්ඨානඤ්ච පරිපුච්ඡන්තස්ස පරිපුච්ඡා පටිභාති, සො පරිපුච්ඡාපටිභානවා. යෙන මග්ගාදයො පටිවිද්ධා භොත්ති, සො අධිගමපටිභානවා. තං ඵවරූපං බහුස්සුතං ධම්මධරං භජෙට්ඨ, මිත්තං උළාරං පටිභානවන්තං. තතො තස්සානුභාවෙන අත්තත්ථපරත්ථඋභයත්ථහෙදතො වා දිට්ඨධම්මිකසම්පරායිකපරමත්ථහෙදතො වා අනෙකජ්ජකාරානි අඤ්ඤාය අත්ථානි, තතො “අභොසිං නු ඛො අහං අතීතමද්ධාන”න්තිආදිසු (ම. නි. 1.18; සං. නි. 2.20; මහානි. 174) කඨිබ්බාට්ඨානෙසු විනෙය්‍ය කඨිබ්බං විචිකිච්ඡං විනෙත්වා විනාසෙත්වා ඵවං කතසබ්බකිච්චො ඵකො චරෙ බග්ගවිසාණකජ්ජොති (සු. නි. අට්ඨ. 1.58).

චතුත්ථං.

**145.** පඤ්චමෙ බිඨ්ඨා ච රති ච පුබ්බෙ චුත්තාව. කාමසුඛන්ති චත්ථුකාමසුඛං. චත්ථුකාමාපි හි සුඛස්ස විසයාදිභාවෙන සුඛන්ති චුච්චන්ති. යථාහ – “අත්ථි රූපං සුඛං සුඛානුපතිත”න්ති (සං. නි. 3.60). ඵවමෙතං බිඨ්ඨං රතිං කාමසුඛඤ්ච ඉමස්මිං ඕකාසලොකෙ අනලඬිකරිත්වා අලන්ති අකත්වා “ඵතං තජ්ජක”න්ති වා “සාරභූත”න්ති වා ඵවං අග්ගභෙත්වා. අනපෙක්ඛමානොති තෙන අනලඬිකරණෙන අනපෙක්ඛනසිලො අපිභාලුකො නිත්තණ්හො. විභූසට්ඨානාවිරතො සච්චවාදී ඵකො චරෙති. තත්ථ විභූසා දුට්ඨා අගාරිකවිභූසා ච අනගාරිකවිභූසා ච. තත්ථ අගාරිකවිභූසා සාකට්ඨෙය්‍යනමාලාගන්ධාදි, අනගාරිකවිභූසා ච පත්තමණ්ඩනාදි. විභූසා ඵව විභූසට්ඨානං, තස්මා විභූසට්ඨානා තිවිධායපි විරතියා විරතො. අවිතථචචනතො සච්චවාදීති ඵවමත්ථො දට්ඨබ්බො (සු. නි. අට්ඨ. 1.59).

පඤ්චමං.

**146.**

ජට්ඨෙ

ධනානීති

මුත්තාමණිවෙචරියසඬ්ඛසිලාපවාලරජතජාතරූපාදීනි රතනානි. ධඤ්ඤානීති සාලිවිහියවගොධුමකඬිකුචරකකුදුසකජ්ජහෙදානි සත්ත සෙසාපරණ්ණානි ච. බන්ධවානීති ඤාතිබන්ධු, ගොත්තබන්ධු, මිත්තබන්ධු, සිජ්ජබන්ධුවසෙන

චතුබ්බිධබන්ධවෙ. යථොධිකානීති සකසකම්බවසෙන ධීතානියෙව. සෙසං  
වුත්තනයමෙවාති (සු. නි. අට්ඨ. 1.60).

ජට්ඨං.

**147.** සත්තමෙ සඬිගො එසොති අත්තනො උපහොගං නිද්දිසති. සො හි  
සජ්ජන්ති තත්ථ පාණිනො කද්දමෙ පට්ටියො හත්ථී වියාති සඬිගො.  
පරිත්තමෙත්ථ සොඛ්‍යන්ති එත්ථ පඤ්චකාමගුණුපහොගකාලෙ  
විපරිතසඤ්ඤාය උප්පාදෙනබ්බතො කාමාවචරධම්මපරියාපන්නතො වා  
ලාමකට්ඨෙත සොඛ්‍යං පරිත්තං, විජ්ජුප්පභාය ඔභාසිතනච්චදස්සනසුඛං විය  
ඉත්තරං, තාවකාලිකන්ති වුත්තං හොති. අප්පස්සාදො දුක්ඛමෙත්ථ  
හියෙය්‍යාති එත්ථ ව ය්වායං “යං ඛො, හික්ඛවෙ, ඉමෙ පඤ්ච කාමගුණෙ  
පට්ඨිව උප්පජ්ජති සුඛං සොමනස්සං, අයං කාමානං අස්සාදො”ති වුත්තො,  
සො යමිදං “කො ව, හික්ඛවෙ, කාමානං ආදීනවො, ඉධ, හික්ඛවෙ,  
කුලපුත්තො යෙන සිප්පට්ඨානෙන ජීවිකං කප්පෙති යදි මුද්දාය යදි  
ගණනායා”ති (ම. නි. 1.162) එවමාදිනා නයෙනෙත්ථ දුක්ඛං වුත්තං, තං  
උපනිධාය අප්පොදකබ්බන්දුමත්තො හොති, අථ ඛො දුක්ඛමෙව හියෙය්‍යා බහු,  
චතුසු සමුද්දෙසු උදකසදියො හොති. තෙන වුත්තං – “අප්පස්සාදො  
දුක්ඛමෙත්ථ හියෙය්‍යා”ති. ගලො එසොති අස්සාදං දස්සෙත්වා  
ආකඬ්ඨනවසෙන බලියො විය එසො, යදිදං පඤ්ච කාමගුණා. ඉති ඤාත්වා  
මනිමාති එවං ඤාත්වා බුද්ධිමා පණ්ඩිතො පුරිසො සබ්බම්පෙතං පභාය එකො  
වරෙ බග්ගවිසාණකප්පොති (සු. නි. අට්ඨ. 1.61).

සත්තමං.

**148.** අට්ඨමගාථාය දුතියපාදෙ ජාලන්ති සුත්තමයං වුව්චති. අම්බුති  
උදකං, තත්ථ වරතීති අම්බුවාරී, මච්ඡස්සෙතං අධිවචනං. සලිලෙ අම්බුවාරී  
සලිලම්බුවාරී. තස්මිං නදීසලිලෙ ජාලං හෙත්වා ගතඅම්බුවාරීවාති වුත්තං  
හොති. තතියපාදෙ දඬුසන්ති දඬුසට්ඨානං වුව්චති. යථා අග්ගි දඬුසට්ඨානං  
පුන න නිවත්තති, න තත්ථ හියෙය්‍යා ආගච්ඡති, එවං මග්ගඤ්ඤාණග්ගිනා දඬුසං  
කාමගුණට්ඨානං අනිවත්තමානො, තත්ථ හියෙය්‍යා අනාගච්ඡන්තොති වුත්තං  
හොති. සෙසං වුත්තනයමෙවාති.

සංයොජනානීති යස්ස සංවිජ්ජන්ති, තං පුග්ගලං වට්ටස්මි.  
සංයොජෙන්ති බන්ධන්තීති සංයොජනාති. ඉමානි පන සංයොජනාති  
කිලෙසපටිපාටියාපි ආහරිතුං වට්ටති මග්ගපටිපාටියාපි.  
කාමරාගපටිසසංයොජනාති අනාගාමිමග්ගෙන පභීයන්ති, මානසංයොජනං  
අරහත්තමග්ගෙන, දිට්ඨිවිචිකිච්ඡාසීලබ්බතපරාමාසා සොතාපත්තිමග්ගෙන,  
භවරාගසංයොජනං අරහත්තමග්ගෙන, ඉස්සාමච්ඡරියාති  
සොතාපත්තිමග්ගෙන, අවිජ්ජා අරහත්තමග්ගෙන. මග්ගපටිපාටියා

දිට්ඨිවිකිච්ඡාසීලබ්බතපරාමාසඉස්සාමච්ඡරියා සොනාපත්තිමග්ගෙන පභියන්ති, කාමරාගපටිසා අනාගාමිමග්ගෙන, මානභවරාගඅවිජ්ජා අරහත්තමග්ගෙනාති. භිත්තිත්වාති හෙදං පාපෙත්වා. පභිත්තිත්වාති ඡිත්තං කත්වා. දාලයිත්වාති ඵාලෙත්වා. පදාලයිත්වාති භිරෙත්වා. සම්පදාලයිත්වාති උපසග්ගෙන පදං වඩ්ඪිතං.

අට්ඨමං.

**149.** නවමෙ ඔක්ඛිත්තවක්ඛුති හෙට්ඨාබ්බිත්තවක්ඛු, සත්ත ගීවට්ඨිති පටිපාටියා යපෙත්වා පරිවජ්ජනපහාතබ්බදස්සනත්ථං යුගමත්තං පෙක්ඛමානොති චුත්තං හොති. න තු හනුකට්ඨිනා හදයට්ඨිං සඬ්ඝට්ටෙන්තො. එවඤ්ඤි ඔක්ඛිත්තවක්ඛුතා න සමණසාරුජ්ජා හොති. න ච පාදලොලොති එකස්ස දුතියො ද්විත්තං තතියොති එවං ගණමජ්ඣං, පවිසිතුකාමතාය කණ්ඩුයමානපාදො විය අභවන්තො, දීඝචාරිකඅනවට්ඨිතචාරිකවිරතො වා. ගුත්තින්ද්‍රියොති ඡසු ඉන්ද්‍රියෙසු ඉධ මනින්ද්‍රියස්ස විසුං චුත්තත්තා චුත්තාවසෙසවසෙන ගොපිතින්ද්‍රියො. රක්ඛිතමානසානොති මානසංයෙව මානසානං, තං රක්ඛිතමස්සාති රක්ඛිතමානසානො. යථා කිලෙසෙති න විලුප්පති, එවං රක්ඛිතවිත්තොති චුත්තං හොති. අනවස්සුතොති ඉමාය පටිපත්තියා තෙසු තෙසු ආරම්මණෙසු කිලෙසඅත්වාස්සවවිරහිතො. අපරිඛය්හමානොති එවං අත්වාස්සවවිරහිතා එව කිලෙසග්ගීහි අපරිඛය්හමානො, බහිද්ධා වා අනවස්සුතො, අජ්ඣත්තං අපරිඛය්හමානො. සෙසං චුත්තනයමෙවාති (සු. නි. අට්ඨ. 1.63).

වක්ඛුතා රූපං දිස්වාති කාරණවසෙන “වක්ඛු”ති ලද්ධවොහාරෙන රූපදස්සනසමත්ථෙන වක්ඛුච්ඤ්ඤාණෙන රූපං දිස්වා. පොරාණා පනාහු –

“වක්ඛු රූපං න පස්සති අවිත්තකත්තා, විත්තං න පස්සති අවක්ඛුකත්තා, ද්වාරාරම්මණසඬ්ඝට්ටනෙ පන පසාදවත්ථුකෙන විත්තෙන පස්සති. ඊදිසි පනෙසා ‘ධනුනා විජ්ඣති’තිආදීසු විය සසම්භාරකථා නාම හොති, තස්මා වක්ඛුච්ඤ්ඤාණෙන රූපං දිස්වාති අයමෙවෙත්ථ අත්ථො”ති (විසුද්ධි. 1.15; ධ. ස. අට්ඨ. 1352).

නිමිත්තග්ගාහීති ඉත්ථිපුරිසනිමිත්තං වා සුභනිමිත්තාදිකං වා කිලෙසවත්ථුභූතං නිමිත්තං ඡන්දරාගවසෙන ගණ්හාති, දිට්ඨමත්තවසෙන න සණ්ඨාති. අනුබ්‍යඤ්ජනග්ගාහීති කිලෙසානං අනුබ්‍යඤ්ජනතො පාකට්ඨාවකරණතො “අනුබ්‍යඤ්ජන”න්ති ලද්ධවොහාරං හත්ථපාදභසිතලපිතවිලොකිතාදිහෙදං ආකාරං ගණ්හාති.

යත්වාධිකරණමෙනන්තිආදිමිති යංකාරණා යස්ස වක්ඛුන්ද්‍රියාසංවරස්ස හෙතු. එතං පුග්ගලං සතිකවාටෙන වක්ඛුන්ද්‍රියං අසංචුතං අපිහිතවක්ඛුද්වාරං

හුත්වා විහරන්තං එතෙ අභිජ්ඣාදයො ධම්මා අන්වාස්සවෙය්‍යං. තස්ස සංවරාය න පටිපජ්ජති තස්ස චක්ඛුන්ද්‍රියස්ස සතිකවාටෙන පිදහනත්ථාය න පටිපජ්ජති. එවංභූතොයෙව ච “න රක්ඛති චක්ඛුන්ද්‍රියං. න චක්ඛුන්ද්‍රියෙ සංවරං ආපජ්ජති”තිපි වුවවති.

තත්ථ කිඤ්චාපි චක්ඛුන්ද්‍රියෙ සංවරො වා අසංවරො වා නත්ථී. න හි චක්ඛුපසාදං නිස්සාය සති වා මුට්ඨස්සච්චං වා උප්පජ්ජති, අපි ච යදා රූපාරම්මණං චක්ඛුස්ස ආපාථං ආගච්ඡති, තදා භවඬගෙ ද්වික්ඛත්තුං උප්පජ්ජිත්වා නිරුද්ධෙ කිරියමනොධාතු ආවජ්ජනාකිච්චං සාධයමානා උප්පජ්ජිත්වා නිරුජ්ඣති, තතො චක්ඛුවිඤ්ඤාණං දස්සනකිච්චං තතො විපාකමනොධාතු සම්පට්ඨිජනකිච්චං තතො විපාකාහෙතුකමනොවිඤ්ඤාණධාතු සන්තීරණකිච්චං තතො කිරියාහෙතුකමනොවිඤ්ඤාණධාතු වොට්ඨපනකිච්චං සාධයමානා උප්පජ්ජිත්වා නිරුජ්ඣති, තදනන්තරං ජවනං ජවති. තත්‍රාපි නෙව භවඬගසමයෙ, න ආවජ්ජනාදීනං අඤ්ඤතරසමයෙ සංවරො වා අසංවරො වා අත්ථී, ජවනක්ඛණෙ පන සවෙ දුස්සිලායං වා මුට්ඨස්සච්චං වා අඤ්ඤාණං වා අක්ඛන්ති වා කොසජ්ජං වා උප්පජ්ජති, අසංවරො හොති. එවං හොත්තො පන සො චක්ඛුන්ද්‍රියෙ අසංවරොති වුවවති. කස්මා? යස්මා තස්මිං සති ද්වාරම්පි අගුත්තං හොති භවඬගම්පි ආවජ්ජනාදීනි වීථිචිත්තානිපි. යථා කිං? යථා නගරෙ චතුසු ද්වාරෙසු අසංචුතෙසු කිඤ්චාපි අන්තොසරද්වාරකොට්ඨකගබ්භාදයො සුසංචුතා, තථාපි අන්තොනගරෙ සබ්බං භණ්ඩං අරක්ඛිතං අගොපිතමෙව හොති. නගරද්වාරෙන හි පටිසිත්වා චොරා යදිච්ඡන්ති, තං හරෙය්‍යං. එවමෙව ජවනෙ දුස්සිලායාදීසු උප්පන්නෙසු තස්මිං අසංවරෙ සති ද්වාරම්පි අගුත්තං හොති භවඬගම්පි ආවජ්ජනාදීනි වීථිචිත්තානිපිති.

චක්ඛුනා රූපං දිස්වා න නිමිත්තග්ගාහී භොතීතිආදීසු න නිමිත්තග්ගාහී භොතීති ඡන්දරාගවසෙන චුත්තජ්ජකාරං නිමිත්තං න ගණ්හාති. එවං සෙසපදානිපි චුත්තපටික්ඛෙපෙන වෙදිතබ්බාති. යථා ච හෙට්ඨා “ජවනෙ දුස්සිලායාදීසු උප්පන්නෙසු තස්මිං අසංවරෙ සති ද්වාරම්පි අගුත්තං හොති භවඬගම්පි ආවජ්ජනාදීනි වීථිචිත්තානිපි”ති චුත්තං, එවමිධ තස්මිං සීලාදීසු උප්පන්නෙසු ද්වාරම්පි ගුත්තං හොති භවඬගම්පි ආවජ්ජනාදීනි වීථිචිත්තානිපි. යථා කිං? යථා නගරද්වාරෙසු සංචුතෙසු කිඤ්චාපි අන්තොසරාදයො අසංචුතා හොන්ති. තථාපි අන්තොනගරෙ සබ්බං භණ්ඩං සුරක්ඛිතං සුගොපිතමෙව හොති. නගරද්වාරෙසු පිහිතෙසු චොරානං පවෙසො නත්ථී. එවමෙව ජවනෙ සීලාදීසු උප්පන්නෙසු ද්වාරම්පි ගුත්තං හොති භවඬගම්පි ආවජ්ජනාදීනි වීථිචිත්තානිපි. තස්මා ජවනක්ඛණෙ උප්පජ්ජමානොපි චක්ඛුන්ද්‍රියෙ සංවරොති චුත්තො (ධ. ස. අට්ඨ. 1352; විසුද්ධි. 1.15).



අවස්ඝ්නපරියායඤ්චාති කිලෙසෙහි තිත්තකාරණඤ්ච.  
අනවස්ඝ්නපරියායඤ්චාති කිලෙසෙහි අතිත්තකාරණඤ්ච.

පියරූපෙ රූපෙති ඉට්ඨජාතිකෙ රූපාරම්මණෙ. අප්පියරූපෙ රූපෙති  
අනිට්ඨසභාවෙ රූපාරම්මණෙ. බ්‍යාපජ්ජතීති දොසවසෙන පුත්තිභාවමාපජ්ජති.  
ඕතාරන්ති ඡිද්දං අන්තරං. ආරම්මණන්ති පච්චයං.

අධිභංසුති මද්දංසු. න අධිභොසීති න මද්දි. බහලමත්තිකාති පුනස්පුනං  
දානවසෙන උද්ධමායිකා බහලමත්තිකා. අද්දාවලෙපනාති  
අසුක්ඛමත්තිකදානා. සෙසමෙත්ථ උත්තානං.

නවමං.

**150.** දසමෙ කාසායවත්ථො අභිනික්ඛමිත්වාති ඉමස්ස පාදස්ස ගෙහා  
අභිනික්ඛමිත්වා කාසායවත්ථො හුත්වාති එවමත්ථො වෙදිතබ්බො. සෙසං  
වුත්තනයෙනෙව සක්කා ජාතිතුන්ති න විත්ථාරිතන්ති.

දසමං.

තතියවග්ගවණ්ණනා නිට්ඨිතා.

#### 4. චතුත්ථවග්ගවණ්ණනා

**151.** චතුත්ථවග්ගස්ස පයමෙ රසෙසුති  
අම්බිලමධුරතිත්තකකටුකලොණිකබාරිකකසාවාදිහෙදෙසු සායනීයෙසු.  
ගෙධං අකරන්ති ගිද්ධිං අකරොන්තො, තණ්හං අනුප්පාදෙන්තොති වුත්තං  
හොති. අලොලොති “ඉදං සායිස්සාමි, ඉදං සායිස්සාමි”ති එවං රසවිසෙසෙසු  
අනාකුලො. අනඤ්ඤපොසීති පොසෙතබ්බකසද්ධිවිහාරිකාදිවිරහිතො,  
කායසන්ධාරණමත්තෙන සන්තුට්ඨොති වුත්තං හොති. යථා වා පුබ්බෙ  
උය්‍යානෙ රසෙසු ගෙධකරණලොලො හුත්වා අඤ්ඤපොසී ආසිං, එවං  
අහුත්වා යාය තණ්හාය ලොලො හුත්වා රසෙසු ගෙධං කරොති, තං තණ්හං  
හිත්වා ආයනිං තණ්හාමූලකස්ස අඤ්ඤස්ස අත්තභාවස්ස අනිබ්බත්තනෙන  
අනඤ්ඤපොසීති දස්සෙති. අථ වා අත්ථහඤ්ජනකට්ඨොන කිලෙසා  
“අඤ්ඤ”ති වුච්චන්ති, තෙසං අපොසනෙන අනඤ්ඤපොසීති අයමෙත්ථ  
අත්ථො. සපදානචාරීති අවොක්කම්මචාරී අනුපුබ්බචාරී, සරපට්ඨාටිං  
අජඬ්ඨිචෙත්වා අඬ්ඬකුලඤ්ච දලිද්දකුලඤ්ච නිරන්තරං පිණ්ඩාය  
පච්චිකාමොති අත්ථො. කුලෙ කුලෙ අප්පට්ඨිකද්ධවිත්තොති බත්තියකුලාදීසු  
යත්ථ කත්ථවි කිලෙසවසෙන අලග්ගවිත්තො, වන්දුපමො නිච්චනවකො  
හුත්වාති අත්ථො. සෙසං වුත්තනයමෙවාති (සු. නි. අට්ඨ. 1.65; අප. අට්ඨ. 1.1.121).

පට්ඨමං.

**152.** දුතියෙ ආවරණානීති නිවරණානෙව, තානි අත්ථතො උරගසුත්තෙ (සු. නි. 1 ආදයො) වුත්තානි. තානි පන යස්මා අබ්භාදයො විය වන්දං සුරියං වා වෙතො ආවරන්ති, තස්මා “ආවරණානි වෙතසො”ති වුත්තානි. තානි උපවාරෙන වා අප්පනාය වා පහාය. උපක්කිලෙසෙති උපගම්ම චිත්තං විබාධෙන්තෙ අකුසලෙ ධම්මෙ, වත්ථොපමාදීසු (ම. නි. 1.70 ආදයො) වුත්තෙ අභිජ්ඣාදයො වා. බ්‍යපනුජ්ජාති පනුදිත්වා විනාසෙත්වා, විපස්සනාමග්ගෙන පජහිත්වාති අත්ථො. සබ්බෙති අනවසෙසෙ. එවං සමථවිපස්සනාසම්පන්නො පට්ඨමග්ගෙන දිට්ඨිනිස්සයස්ස පහිනත්තා අනිස්සිතො. සෙසමග්ගෙහි ඡෙත්වා තෙධාතුකගතං සිනෙහදොසං, තණ්හාරාගන්ති වුත්තං හොති. සිනෙහො එව හි ගුණපටිපක්ඛතො සිනෙහදොසොති වුත්තො. සෙසං වුත්තනයමෙව (සු. නි. අට්ඨ. 1.66).

දුතියං.

**153.** තතියෙ විපිට්ඨිකත්වානාති පිට්ඨිතො කත්වා, ඡඩ්ඛෙන්වා ඡහිත්වාති අත්ථො. සුඛං දුක්ඛේවාති කායිකං සාතාසාතං. සොමනස්සදොමනස්සන්ති වෙතසිකං සාතාසාතං. උපෙක්ඛන්ති චතුත්ථජ්ඣානුපෙක්ඛං. සමථන්ති චතුත්ථජ්ඣානසමථමෙව. විසුද්ධන්ති පඤ්චනිවරණවිතක්කවිචාරපිතිසුඛසඛ්ඛාතෙහි නවහි පච්චනීකධම්මෙහි විමුත්තත්තා අතිසුද්ධං, නිද්ධන්තසුචණ්ණම්ච විගතූපක්කිලෙසන්ති අත්ථො.

අයං පන යොජනා — විපිට්ඨිකත්වාන සුඛං දුක්ඛඤ්ච පුබ්බෙව, පට්ඨමජ්ඣානුපචාරභූමියංයෙව දුක්ඛං, තතියජ්ඣානුපචාරභූමියඤ්ච සුඛන්ති අධිප්පායො. පුන ආදිතො වුත්තං ව-කාරං පරතො නෙත්වා “සොමනස්සං දොමනස්සඤ්ච විපිට්ඨිකත්වාන පුබ්බෙවා”ති අධිකාරො. තෙන සොමනස්සං චතුත්ථජ්ඣානුපචාරෙ, දොමනස්සඤ්ච දුතියජ්ඣානුපචාරෙයෙවාති දීපෙති. එතානි හි එතෙසං පරියායතො පහානට්ඨානානි. නිජ්පරියායතො පන දුක්ඛස්ස පට්ඨමජ්ඣානං, දොමනස්සස්ස දුතියජ්ඣානං, සුඛස්ස තතියජ්ඣානං, සොමනස්සස්ස චතුත්ථජ්ඣානං පහානට්ඨානං. යථාහ — “පට්ඨමජ්ඣානං උපසම්පජ්ජ විහරති එත්ථුප්පන්නං දුක්ඛින්ද්‍රියං අපරිසෙසං නිරුජ්ඣති”තිආදි (සං. නි. 5.510). තං සබ්බං හෙට්ඨා වුත්තනයෙන ගහෙතබ්බං. පරතො පුබ්බෙවාති තීසු පට්ඨමජ්ඣානදීසු දුක්ඛදොමනස්සසුඛානි විපිට්ඨිකත්වා එත්ථෙව ච චතුත්ථජ්ඣානෙ සොමනස්සං විපිට්ඨිකත්වා ඉමාය පටිපදාය ලද්ධානුපෙක්ඛං සමථං විසුද්ධං එකො වරෙ ඉති. සෙසං වුත්තනයමෙවාති (සු. නි. අට්ඨ. 1.67; අප. අට්ඨ. 1.1.123).

තනියං.

**154.** චතුත්ථෙ ආරද්ධං වීරියං අස්සාති ආරද්ධවීරියො. එතෙන අත්තනො වීරියාරම්භං ආදිවීරියං දස්සෙති. පරමත්ථො වුව්චති නිබ්බානං, තත්ථ පත්තියා පරමත්ථපත්තියා. එතෙන වීරියාරම්භෙන පත්තබ්බඵලං දස්සෙති. අලීනචිත්තොති එතෙන වීරියුපත්ථම්භානං චිත්තවෙනසිකානං අලීනතං දස්සෙති. අකුසිතචුත්තීති එතෙන යානාසනවඩ්ඪකමාදීසු කායස්ස අනවසිද්ධං. දළ්භනික්කමොති එතෙන “කාමං තවො ච න්භාරු වා”ති (ම. නි. 1.184; සං. නි. 2.22; අ. නි. 2.5; මහානි. 196) එවං පචත්තං පදහනවීරියං දස්සෙති. යං තං අනුපුබ්බසික්ඛාදීසු පදහන්තො “කායෙන චෙව පරමත්ථසච්චං සච්ඡිකරොති, පඤ්ඤාය ච නං අතිවිජ්ඣා පස්සති”ති වුව්චති. අථ වා එතෙන මග්ගසම්පයුත්තවීරියං දස්සෙති. තඤ්භි දළ්භඤ්ච භාවනාපාරිපූරිගතත්තා, නික්කමො ච සබ්බසො පටිපක්ඛා නික්ඛන්තත්තා, තස්මා තංසමඬ්ඨිග්ගුග්ගලොපි දළ්භො නික්කමො අස්සාති “දළ්භනික්කමො”ති වුව්චති. ථාමබ්ලූපපන්නොති මග්ගක්ඛණෙ කායථාමෙන ඤාණබලෙන ච උපපන්නො. අථ වා ථාමභූතෙන බලෙන උපපන්නොති ථාමබ්ලූපපන්නො, ථීරඤාණබ්ලූපපන්නොති චුත්තං හොති. එතෙන තස්ස වීරියස්ස විපස්සනාඤාණසම්පයොගං දීපෙන්නො යොනියො පදහනභාවං සාධෙති. පුබ්බභාගමජ්ඣමඋක්කට්ඨවීරියවසෙන වා තයොපි පාදා යොජෙතබ්බා. සෙසං චුත්තනයමෙවාති (සු. නි. අට්ඨ. 1.68).

චතුත්ථං.

**155.** පඤ්චමෙ පටිසල්ලානන්ති තෙහි තෙහි සත්තසඬ්ඛාරෙහි පටිනිවත්තිත්වා සල්ලීනං, එකත්තසෙවිතා එකීභාවො කායවිචෙකොති අත්ථො. කුමානන්ති පච්චනිකකුමාපනතො ආරම්මණලක්ඛණූපනිජ්ඣානතො ච චිත්තවිචෙකො වුව්චති. තත්ථ අට්ඨ සමාපත්තියො නිවරණාදිපච්චනිකකුමාපනතො කසිණාදිආරම්මණූපනිජ්ඣානතො ච “කුමාන”න්ති වුව්චති. විපස්සනාමග්ගඵලානි සත්තසඤ්ඤාදිපච්චනිකකුමාපනතො ලක්ඛණූපනිජ්ඣානතො ච “කුමාන”න්ති වුව්චති. ඉධ පන ආරම්මණූපනිජ්ඣානමෙව අධිජ්ජෙතං. එවමෙතං පටිසල්ලානඤ්ච කුමානඤ්ච අරිඤ්චමානොති අජහමානො අනිස්සජ්ජමානො. ධම්මෙසුති විපස්සනුපගෙසු පඤ්චක්ඛන්ධාදිධම්මෙසු. නිව්චන්ති සත්තං සමිතං අබ්බොකිණ්ණං. අනුධම්මචාරීති තෙ ධම්මෙ ආරබ්භ පචත්තමානෙන අනුගතං විපස්සනාධම්මං චරමානො. අථ වා ධම්මෙසුති එත්ථ ධම්මාති නව ලොකුත්තරධම්මා, තෙසං ධම්මානං අනුලොමො ධම්මොති අනුධම්මො, විපස්සනායෙන අධිවචනං. තත්ථ “ධම්මානං නිව්චං අනුධම්මචාරී”ති චත්තබ්බෙ ගාථාබන්ධසුබන්ධං විහත්තිත්තයෙන “ධම්මෙසු”ති චුත්තං.

සියා. ආදීනවං සම්මසිතා භවෙසුති තාය අනුධම්මවාරිතාසඬ්ඛාතාය විපස්සනාය අනිච්චාකාරාදිදොසං තීසු භවෙසු සමනුපස්සන්තො එවං ඉමාය කායවිචෙකචිත්තවිචෙකං අරිඤ්චමානො සිඛාප්පත්තවිපස්සනාසඬ්ඛාතාය පටිපදාය අධිගතොති චත්තබ්බො එකො චරෙති එවං යොජනා චෙදිතබ්බො (සු. නි. අට්ඨ. 1.69; අප. අට්ඨ. 1.1.125).

පඤ්චමං.

**156.** ඡට්ඨෙ තණ්හක්ඛයන්ති නිබ්බානං, එවං දිට්ඨාදීනවාය තණ්හාය එව අප්පවත්තිං. අප්පමත්තොති සාතච්චකාරී. අනෙළමුගොති අලාලාමුඛො. අථ වා අනෙළො ච අමුගො ච, පණ්ඨිතො ඛ්‍යත්තොති චුත්තං හොති. භික්ෂුඛසම්පාපකං සුතමස්ස අත්ථිති සුතවා, ආගමසම්පන්නොති චුත්තං හොති. සතීමාති විරකතාදීනං අනුස්සරිතා. සඬ්ඛාතධම්මොති ධම්මුපපරික්ඛාය පරිඤ්ඤාතධම්මො. නියතොති අරියමග්ගෙන නියාමං පත්තො. පධානවාති සම්මප්පධානවීරියසම්පන්නො. උප්පට්ඨාටියා එස පාඨො යොජෙතබ්බො. එවමෙතෙහි අප්පමාදාදීහි සමන්තාගතො නියාමසම්පාපකෙන පධානෙන පධානවා, තෙන පධානෙන පත්තනියාමත්තා නියතො, තතො අරහත්තප්පත්තියා සඬ්ඛාතධම්මො. අරහා හි පුන සඬ්ඛාතබ්බාභාවතො “සඬ්ඛාතධම්මො”ති චුච්චති. යථාහ – “යෙ ච සඬ්ඛාතධම්මාසෙ, යෙ ච සෙක්ඛා පුටු ඉධා”ති (සං. නි. 2.31; සු. නි. 1044; වුළුනි. අජිතමාණවපුච්ඡා 63, අජිතමාණවපුච්ඡානිද්දෙස 7; තෙත්ති. 14; පෙට්කො. 45). සෙසං චුත්තනයමෙවාති (සු. නි. අට්ඨ. 1.70).

ඡට්ඨං.

**157.** සත්තමෙ සීහොති චත්තාරො සීහා – තිණසීහො, පණ්ඩුසීහො, කාළසීහො, කෙසරසීහොති. තෙසං කෙසරසීහො අග්ගමක්ඛායති, එසො ඉධ අධිප්පෙතො. වාතො පුරත්ථිමාදිවසෙන අනෙකච්චිධො. පදුමං රත්තසෙතාදිවසෙන. තෙසු යො කොචි වාතො යං කිඤ්චි පදුමං වට්ටතියෙව. තත්ථ යස්මා සන්තාසො අත්තසීනෙහෙන හොති, අත්තසීනෙහො ච තණ්හාලෙපො, සොපි දිට්ඨිසම්පයුත්තෙන වා දිට්ඨිවිප්පයුත්තෙන වා ලොහෙන හොති, සොපි ච තණ්හායෙව. සජ්ජනං පන තත්ථ උපපරික්ඛාවිරහිතස්ස මොහෙන හොති, මොහො ච අවිජ්ජා. තත්ථ සමථෙන තණ්හාය පහානං හොති, විපස්සනාය අවිජ්ජාය. තස්මා සමථෙන අත්තසීනෙහං පහාය සීහො විය සද්දෙසු අනිච්චදුක්ඛාදීසුඅසන්තසන්තො, විපස්සනාය මොහං පහාය වාතොව ජාලම්භී ඛන්ධායතනාදීසු අසජ්ජමානො, සමථෙතෙව ලොහං, ලොහසම්පයුත්තං එව දිට්ඨිඤ්ච පහාය, පදුමංව තොයෙන සබ්බභවහොගලොහෙන අලිප්පමානො.



එත්ථ ච සමථස්ස සීලං පදට්ඨානං, සමථො සමාධි, විපස්සනා පඤ්ඤාති එවං තෙසු ද්විසු ධම්මෙසු සිද්ධෙසු තයොපි ඛන්ධා සිද්ධා භොන්ති. තත්ථ සීලක්ඛන්ධෙන සුරතො භොති, සො සීභොව සද්ධෙසු ආසාතවත්ථුසු අකුජ්ඣිතුකාමතාය න සන්තසති, පඤ්ඤාක්ඛන්ධෙන පටිවිද්ධසභාවො වාතොව ජාලමිහි ඛන්ධාදිධම්මහෙදෙ න සජ්ජති, සමාධික්ඛන්ධෙන චිතරාගො පදුමංව තොයෙන රාගෙන න ලිජ්ජති. එවං සමථවිපස්සනාහි සීලසමාධිපඤ්ඤාක්ඛන්ධෙහි ච යථාසම්භවං අවිජ්ජාතණ්හානං, තිණ්ණඤ්ච අකුසලමූලානං පහානවසෙන අසන්තසන්තො අසජ්ජමානො අලිජ්ජමානො ච වෙදිතබ්බො. සෙසං චුත්තනයමෙවාති (සු. නි. අට්ඨ. 1.71; අප. අට්ඨ. 1.1.127).

සත්තමං.

**158.** අට්ඨමෙ සහනා ච හනනා ච සිසජ්ජන්තා ච සීභො. කෙසරසීභොව ඉධ අධිජ්ජෙතො. දායා බලමස්ස අත්ථිති දායබලී. පසය්හ අභිභුය්සාති උභයං වාරීසද්දෙන සහ යොජෙතබ්බං පසය්හවාරී අභිභුය්සවාරීති. තත්ථ පසය්හ නිග්ගය්හ පවාහෙත්වා වරණෙන පසය්හවාරී. අභිභවිත්වා සන්තාසෙත්වා වසිකත්වා වරණෙන අභිභුය්හවාරී. ස්වායං කායබලෙන පසය්හවාරී, තෙජසා අභිභුය්සවාරී. තත්ථ සචෙ කොචි වදෙය්ස “කිං පසය්හ අභිභුය්සවාරී”ති. තතො මීගානන්ති සාමිච්චනං උපයොගත්ථෙ කත්වා “මීගෙ පසය්හ අභිභුය්සවාරී”ති පටිචන්තබ්බං. පන්තානීති දුරානි. සෙනාසනානීති වසනට්ඨානානි. සෙසං පුබ්බෙ චුත්තනයෙනෙව සක්කා ජානිතුන්ති න විත්ථාරිතං (සු. නි. අට්ඨ. 1.72).

අට්ඨමං.

**159.** නවමෙ “සබ්බෙ සත්තා සුඛිතා භවන්තු”තිආදිනා නයෙන භික්ෂුප්පනයනකාමතා මෙත්තා. “අහො වත ඉමම්හා දුක්ඛා විමුච්චෙය්සු”න්තිආදිනා නයෙන අභිතදුක්ඛාපනයනකාමතා කරුණා. “මොදන්ති වත භොන්තො සත්තා, මොදන්ති සාධු සුට්ඨු”තිආදිනා නයෙන භික්ෂුඛාවිජ්ජයොගකාමතා මුදිතා. “පඤ්ඤායිස්සන්ති සකෙන කම්මෙතො”ති සුබදුක්ඛෙසු අජ්ඣුපෙක්ඛනතා උපෙක්ඛා. ගාථාබන්ධසුඛත්ථං පන උජ්ජට්ඨායා මෙත්තං වත්වා උපෙක්ඛා චුත්තා, මුදිතා ච පච්ඡා. විමුක්තින්ති වතස්සොපි හි විමුක්ති. එතා අත්තනො පච්චනීකධම්මෙහි විමුක්තත්තා විමුක්තියො. තෙන චුත්තං – “මෙත්තං උපෙක්ඛං කරුණං විමුක්තිං, ආසෙවමානො මුදිතඤ්ච කාලෙ”ති.

තත්ථ ආසෙවමානොති තිස්සො තිකචතුක්කජ්ඣානවසෙන භාවයමානො, උපෙක්ඛං චතුත්ථජ්ඣානවසෙන භාවයමානො. කාලෙති මෙත්තං ආසෙවිත්වා තතො චුට්ඨාය කරුණං, තතො චුට්ඨාය මුදිතං, තතො

ඉතරතො වා නිජ්ජිතිකජ්ඣානතො වුට්ඨාය උපෙක්ඛං ආසෙවමානොව “කාලෙ ආසෙවමානො”ති වුච්චති, ආසෙවිතුං ඵාසුකාලෙ වා. සබ්බෙන ලොකෙන අවිරුජ්ඣමානොති දසසු දිසාසු සබ්බෙන සත්තලොකෙන අවිරුජ්ඣමානො. මෙත්තාදීනඤ්ඞි භාවිතත්තා සත්තා අජ්ජට්ඨකුලා භොන්ති, සත්තෙසුපි විරොධභූතො පටිඝො වූපසම්මති. තෙන වුත්තං – “සබ්බෙන ලොකෙන අවිරුජ්ඣමානො”ති. සෙසං වුත්තසදිසමෙවාති (සු. නි. අට්ඨ. 1.73).

නවමං.

**160.** දසමෙ සංයොජනානීති දස සංයොජනානි, තානි ච තෙන තෙන මග්ගෙන සන්දාලයිත්වාන. අසත්තසං ජීවිතසඬ්ඛයම්භීති ජීවිතසඬ්ඛයො වුච්චති වුතිචිත්තස්ස පරිභෙදො, තස්මිඤ්ච ජීවිතසඬ්ඛයෙ ජීවිතනිකන්තියා පභිනත්තා අසත්තසන්ති. එත්තාවතා සඋපාදිසෙසනිබ්බානධාතුං අත්තනො දස්සෙත්වා ගාථාපරියොසානෙ අනුපාදිසෙසාය නිබ්බානධාතුයා පරිනිබ්බායීති (සු. නි. අට්ඨ. 1.74).

දසමං.

**161.** එකාදසමෙ භජන්තීති සරිරෙන අල්ලීයිත්වා පයිරුපාසන්ති. සෙවන්තීති අඤ්ජලිකම්මාදීඞ් කිංකාරපටිස්සාවිතාය ච පරිවරන්ති. කාරණං අත්ථො එතෙසන්ති කාරණත්ථා, භජනාය සෙවනාය ච නාඤ්ඤං කාරණමත්ථී, අත්ථො එව තෙසං කාරණං, අත්ථභෙතු සෙවන්තීති වුත්තං භොති. නික්කාරණා දුල්ලභා අජ්ජ මිත්තාති “ඉතො කිඤ්චි ලච්ඡාමා”ති එවං අත්තපටිලාභකාරණෙන නික්කාරණා, කෙවලං –

“උපකාරො ච යො මිත්තො, සුඛෙ දුක්ඛෙ ච යො සබ්බා;  
අත්ථක්ඛායී ච යො මිත්තො, යො ච මිත්තානුකම්පකො”ති. (සු. නි. අට්ඨ. 1.75; අප. අට්ඨ. 1.1.131; දී. නි. 3.265) –

එවං වුත්තෙන අරියෙන මිත්තභාවෙන සමන්තාගතා දුල්ලභා අජ්ජ මිත්තා. අත්තනි යීතා එතෙසං පඤ්ඤා, අත්තානංයෙව ඔලොකෙන්ති, න අඤ්ඤන්ති අත්තට්ඨපඤ්ඤා. “දිට්ඨත්ථපඤ්ඤා”ති අයම්පි කිර පොරාණපාඨො. සම්පති දිට්ඨෙයෙව අත්ථෙ එතෙසං පඤ්ඤා, ආයතිං න පෙක්ඛන්තීති වුත්තං භොති. අසුචීති අසුචිතා අනරියෙන කායවච්ඡිමනොකම්මෙන සමන්තාගතාති. සෙසං පුබ්බෙ වුත්තනයෙනෙව වෙදිතබ්බං. යං අත්තරත්තරා අතිවිත්ථාරහයෙන න වුත්තං, තං සබ්බං පාඨානුසාරෙනෙව වෙදිතබ්බං (සු. නි. අට්ඨ. 1.75; අප. අට්ඨ. 1.1.131). එකාදසමං.

චතුත්ථවග්ගවණ්ණනා නිට්ඨිතා.

සද්ධම්මප්පජ්ජොතිකාය චූළනිද්දෙස-අට්ඨකථාය

බග්ගවිසාණසුත්තනිද්දෙසවණ්ණනා නිට්ඨිතා.

### නිගමනකථා

යො සො සුගතපුත්තානං, අධිපතිභූතෙන භිතරතිනා;  
ථෙරෙන ථීරගුණවතා, සුවිහත්තො මහානිද්දෙසො.

තස්සත්ථවණ්ණනා යා, පුබ්බට්ඨකථානයං තථා;  
යුත්තිං නිස්සාය මයාරද්ධා, නිට්ඨානමුපගතා එසා.

යං පුරං පුරුත්තමං, අනුරාධපුරව්හයං;  
යො තස්ස දක්ඛිණෙ භාගෙ, මහාවිහාරො පතිට්ඨිතො.

යො තස්ස තිලකො භූතො, මහාථූපො සිලුවිවයො;  
යං තස්ස පච්ඡිමෙ භාගෙ, ලෙඛො කථිකසඤ්ඤිතො.

කිත්තිසෙනොති නාමෙන, සජීවො රාජසම්මතො;  
සුවිචාරිත්තසම්පත්තො, ලෙඛො කුසලකම්මිකො.

සීතවිජායතරුපෙතං, සලිලාසයසම්පදං;  
චාරුපාකාරසඤ්චිතං, පරිවෙණමකාරයි.

උපසෙනො මහාථෙරො, මහාපරිවෙණවාසියො;  
තස්සාදාසි පරිවෙණං, ලෙඛො කුසලකම්මිකො.

වසන්තෙනත්ථ ථෙරෙන, ථීරසිලෙන තාදිනා;  
උපසෙනව්හයෙන සා, කතා සද්ධම්මජොතිකා.

රඤ්ඤො සිරිනිවාසස්ස, සිරිසඬ්ඨස්ස බොධිතො;  
ජබ්බිසතිමහි වස්සමහි, නිට්ඨිතා නිද්දෙසවණ්ණනා.

සමයං අනුලොමෙත්තී, ථෙරානං ථෙරවංසදීපානං;  
නිට්ඨං ගතා යථායං, අට්ඨකථා ලොකහිතජනනී.

සද්ධම්මං අනුලොමෙත්තා, අත්තහිතං පරහිතඤ්ච සාධෙත්තා;  
නිට්ඨං ගච්ඡන්තු තථා, මනොරථා සබ්බසත්තානං.

සද්ධම්මප්පජ්ජොතිකාය, අට්ඨකථායෙත්ථ ගණිතකුසලෙහි;  
ගණිතා තු භාණ්ඩාරා, ඤෙය්‍යාතිරෙකවත්තාරිසා.

ආනුට්ඨුහෙන අස්සා, ඡන්දො බද්ධෙන ගණියමානා තු;

අතිරෙකදසසහස්ස-සඬ්ඛා ගාථාති විඤ්ඤායා.

සාසනවිරට්ඨිතත්ථං, ලොකභිතත්ථඤ්ච සාදරෙන මයා;  
පුඤ්ඤං ඉමං රචයතා, යං පත්තමනප්පකං විපුලං.

පුඤ්ඤෙන තෙන ලොකො, සද්ධම්මරසායනං දසබ්ලස්ස;  
උපභුඤ්ජිත්වා විමලං, පප්පොතු සුඛං සුබ්බෙනෙවාති.

සද්ධම්මප්පජ්ජොතිකා නාම

චූළනිද්දෙස-අට්ඨකථා නිට්ඨිතා.





සබ්බදාතං ධම්ම දාතං ජිනාති,  
සබ්බරසං ධම්ම රසං ජිනාති;  
සබ්බරතීං ධම්ම රතීං ජිනාති  
තණ්හාක්ඛයො සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;  
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,  
තරණීච සංසාර මහණ්ණවස්ස;  
බ්‍රහ්මාසුරාදීනි අමස්සනීයෙතා,  
රසො රසානං පරමො තිලොක්කො.

මහාගඳො මච්චුපරා පහානො,  
සබ්බිනිනාසාය විසෙසමන්තො;  
සබ්බන්ති දානෙත ච කප්පරුක්ඛො,  
චිත්තමණී අද්දසටොච ධම්මො.

ධම්මං විනා තන්ති ජිනාච මානා,  
තමෙව තාණං සරණං පනිට්ඨා;  
තස්මා හි තො කිච්චමඤ්ඤප්පනාය,  
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....